



АКАДЕМИЯ НАУК АРМЯНСКОЙ ССР
ИНСТИТУТ ГЕОЛОГИЧЕСКИХ НАУК

И. Г. МАГАҚЬЯН

УСЛОВИЯ ОБРАЗОВАНИЯ
МЕСТОРОЖДЕНИЙ
ПОЛЕЗНЫХ ИСКОПАЕМЫХ

ИЗДАТЕЛЬСТВО АН АРМЯНСКОЙ ССР
ЕРЕВАН 1981

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ
ԵՐԿՐՈՒԹՅԱՆ ԳԻՏՈՒԹՅՈՒՆՆԵՐԻ ԻՆՍՏԻՏՈՒՏ

A 65873

Հ. Գ. ՄԱՂԱՔՅԱՆ

ՕԳՏԱԿԱՐ ՀԱՆԱԾՈՒԵՐԻ
ՀԱՆՔԱՎԱՅՐԵՐԻ ԱՌԱՋԱՑՄԱՆ
ՊԱՅՄԱՆՆԵՐԸ

3199-80



ՀԱՅԿԱԿԱՆ ՍՍՀ ԳԱ ՀՐԱՏԱՐԱԿՉՈՒԹՅՈՒՆ
ԵՐԵՎԱՆ 1981

Տպագրվում է ՀՍՍՀ ԳԱ Կրկրաբանական գիտությունների
ինստիտուտի գիտական խորհրդի որոշմամբ

Պատասխանատու խմբագիր՝ Կրկրաբանական-հանքարանական
գիտ. դոկտոր է. Ա. ԽԱՉԱՏՐՅԱՆ

Մարգարիտ Հ. Գ.,

Մ 20 Օգտակար հանածոների հանքավայրերի առաջաց-
ման պայմանները /Պատ. խմբ. է. Ա. Խաչատրյան
Եր.: ՀՍՍՀ ԳԱ Հրատ., 1981.—214 էջ.

Աշխատության մեջ քննարկվում են օգտակար հանածոների հան-
քավայրերի (բացառությամբ կառատորիոլիտների) առաջացման
պայմանները, որը կարող է օժանդակել նպատակասլաց որոնողա-
հետախուզական աշխատանքների կազմակերպմանը:

Գիրքը նախատեսվում է երկրաբանահետախուզական աշխատանք-
ների մասնակիցների, ինչպես նաև ուսանողների համար:

1904050000

553

Մ—————79—81

ԳՄԴ 26 . 325

703 (02)—81

© Հայկական ՍՍՀ ԳԱ հրատարակչություն, 1981

ՕԳՏԱԿԱՐ ՀԱՆԱԾՈՒԵՐԻ ՆՇԱՆԱԿՈՒԹՅՈՒՆԸ ԵՐԿՐԻ ԺՈՂՈՎՐԴԱԿԱՆ ՏՆՏԵՍՈՒԹՅԱՆ ՄԵջ

Յուրաքանչյուր երկրի համար ընդերքից օգտակար հանածոների արդյունահանման նշանակությունը հսկայական է։ Օգտակար հանածոները արդյունաբերության՝ մետաղագործության, քիմիական, էներգետիկայի և ուրիշ այլ կարևոր ճյուղերի զարգացման հումքային բազան են, իսկ մի շաբաթակար հանածոներ (ապատիտ, ֆոսֆորիտ, կալիումային և այլ աղեր) անփոխարինելի են գյուղատնտեսության մեջ պարարտանյութերի արտադրության համար։ Առանց շափաղանցնելու կարելի է ասել, որ հանքարդյունաբերական և նրա հետ սերտորեն կապված արտադրության այլ ճյուղերի մակարդակը երկրի ազգային հարստության, հղորության ու անկախության հիմնական շափանիշն է։

Վ. Ի. Լենինի կողմից ղեկավարվող ժողկոմիորհի գործունեության առաջին քայլերն ուղղված էին քայլաված լեռնահանքային ձեռնարկությունների և նրանց հետ կապված մետաղագործական ու մետաղամշակման գործարանների և քարածխային հանքահորերի վերականգնմանը։ Վ. Ի. Լենինը բազմիցս նշել է երկաթի ու գունավոր մետաղների, նավթի ու քարածխի ինտենսիվ արտադրության անհրաժեշտությունը, ծանր արդյունաբերության և էներգետիկայի զարգացման կարևոր դերը։ Նա հատուկ ուշադրություն էր դարձնում մետաղագործության զարգացմանը, պողպատի ձուլմանը, պողպատն ու երկաթը համարելով ժամանակակից քաղաքակրթության հիմքն ու ողնաշարը։ Հայտնի է օրինակ, այն հսկայական ուշադրությունը, որը 1918—1919 թթ. Վ. Ի. Լենինի ղեկավարությամբ Պաշտպանության և աշխատանքի խորհուրդը

(ՊԱԽ) նվիրում էր ընդերքի հանքային հարստությունների ուսումնասիրմանն ու յուրացմանը և, մասնավորապես, Կուրսկի մագնիսական անոմալիայի ուսումնասիրմանն ու հետախուզմանը, որտեղ, հետագայում, իսկապես հայտնաբերվեցին երկաթի հարուստ հանքանյութերի աշխարհում խոշորագույն պաշարները:

Կոմունիստական կուսակցությունը մեր ժողովրդի առջև դրել է հանքահումքային բազայի ընդլայնման, բնական նոր ռեսուրսների յուրացման և մեր ընդարձակ երկրի արդյունաբերության ու գյուղատնտեսության զարգացման վիթխարի խնդիրներ:

Իրոք, հսկայական է երկաթի ու մանգանի հանքանյութերի և քարածխի՝ սև մետաղուրդիայի և ծանր արդյունաբերության հիմքի նշանակությունը: Բարձրորակ պողպատների լեզիրման համար անհրաժեշտ են քրոմի, վանադիումի, նիկելի, կոբալտի, մոլիբդենի, վոլֆրամի հավելույթներ, իսկ մեքենաշինության և էներգետիկայի համար՝ հսկայական քանակություններով պղինձ, կապար ու ցինկ: Ինքնաթիռաշինությունը, նավաշինությունը, քաղաքացիական շինարարությունը, այսպես կոչված, թեթև մետաղների՝ ալյումինի, մագնիումի, տիտանի էլ ավելի մեծ պահանջարկ ունեն:

Ներմիջուկային էներգիայի ստացման կարևոր աղբյուրներ են ուրանի և թորիումի ռեսուրսները, իսկ զերմամիջուկային էներգետիկայի հումք են ծառայում լիթիումի հանքանյութերը: Անընդհատ աճում է ազնիվ մետաղների՝ արծաթի, ոսկու, պլատինի ու նրա խմբի մետաղների դերը և ոչ միայն իրեն ուներշական և վայրուտային արժեքներ. նրանք էլ ավելի լայնորեն կիրառվում են ժամանակակից տեխնիկայում (նուրբ սարքաշինություն, էլեկտրոնիկա և այլն): Վերջին երկու տասնամյակների ընթացքում խիստ աճել է հազվագյուտ ու ցրված տարրերի, հատկապես Ta, Nb, Be, Li, Zr, Hf ինչպես նաև Cd, In, Ge, Re, Se, Te, Cs, Rb դերը, որոնք նույնպես լայն կիրառում են գտել ժամանակակից տեխնիկայում (հատուկ համաձուլվածքներ, ատոմային տեխնիկա, կիսահաղորդիչներ և այլն):

Առանձին օգտակար հանածոների հանույթի շափերի մասին որոշ պատկերացում են տալիս նրանց ամենամյա արդյունահանման և ձուլման թվերը. պողպատի համաշխարհային ձուլումը այժմ կազմում է շուրջ 600 մլն տոննա (դրամեկ քառորդը բաժին է լնկնում Սովետական Միությանը, շուրջ $\frac{1}{4}$ -ը՝ ԱՄՆ-ին, $\frac{1}{6}$ -ը՝ Ճապոնիային, մնացածը՝ Հիմնականում ԳՖՀ-ին, Մեծ Բրիտանիային, Ֆրանսիային, Չինաստանին, Հնդկաստանին և այլ երկրների), ալյումինի ձուլումը՝ շուրջ 11, պղնձինը՝ 5, ցինկինը՝ 4, կապարինը՝ 2 մլն տոննա, իսկ այնպիսի մետաղներինը, ինչպիսիք են Տո, Նի, Տի, Մց՝ մի քանի հարյուր հազարական տոննա: Միայն կապիտալիստական երկրներում ուկու ամենամյա արդյունահանումը կազմում է շուրջ 1000, արծաթինը՝ շուրջ 6000, պլատինի խմբի մետաղներինը՝ 70 տոննա և այլն:

Զարմանալի չէ, որ շահագործումների այդպիսի մեծ մասշտաբների հետևանքով մի շարք օգտակար հանածոների պաշարները սպառվել են, մանավանդ այն երկրներում, որոնք ունեն համեմատաբար փոքր բնատարածք և հումքային աղքատ ռեսուրսներ (Ճապոնիա, ԳՖՀ, Մեծ Բրիտանիա): Այս երկութիւն իր հերթին նոր հանքավայրերի որոնման, միներալային հումքի նոր տեսակների հայտնաբերման (օրինակ, նեֆելինային սիենիտները և ալունիտները իբրև Ալ-ի հումք, ցանավոր կամ սորֆիրային հանքանյութերը՝ Ըս-ի, շենլիտարեր սկառները՝ Վ-ի, կարբոնատիտային հանքանյութերը՝ Նե-ի, Տա-ի, հազվագյուտ հողերի, Զբ-ի ստացման հումք և այլն), պահանջվող որակի համատարած իջեցման անհրաժեշտություն է առաջացնում:

Երկրի մասին գիտությունների առջև կյանքը նոր, կարեվոր խնդիրներ է դնում: Երկրաբանության բնագավառում առավել ակտուալ են հետեւյալ պրոբլեմները. Երկրի կեղեկի խորքային մասերի ու վերին թիկնոցի կառուցվածքի ուսումնասիրությունը, որի նպատակն է հանքայնացման աղբյուրների և մակերեսում ելք շունեցող, այսպես կոչված, «կույր» հանքավայրերի հայտնաբերումը, հանքավայրերի որոնման համար երկրաֆիզիկական, երկրաքիմիական, տիեզերական

և այլ մեթոդների լայն կիրառումը, փորձարարական աշխատանքների զարգացումը և մագմա- ու հանքագոյացման երկրաբանական պրոցեսների մոդելացումը, միներալային հումքի նոր տեսակների հայտնաբերումը և հանքանյութերի հարստացման ու ձուլման տեխնոլոգիայի կատարելագործումը:

**ՀԻՄՆԱԿԱՆ ՀԱՍԿԱՅՈՒԹՅՈՒՆՆԵՐԸ (ՕԳՏԱԿԱՐ
ՀԱՆԱԾՈ, ՕԳՏԱԿԱՐ ՀԱՆԱԾՈՅԻ ՀԱՆՔԱՎԱՅՐ,
ՀԱՆՔԱՆՅՈՒԹ)** ԵՎ. ԴՐԱՆՑ ՀԱՐԱԲԵՐԱԿԱՆՈՒԹՅՈՒՆԸ

Օգտակար հանածու անվանում են միներալային հանքամիացքը, որն անմիջապես հնարավոր է օգտագործել արդյունաբերության կամ կենցաղի մեջ (օրինակ՝ քարաղը), կամ որից կարելի է ստանալ արդյունաբերության մեջ օգտագործվող մետաղներ կամ միներալներ (օրինակ՝ երկաթի, պղնձի հանքանյութեր, ֆլյուորիտի, ասբեստի և ուրիշ հանքատեսակներ):

Օգտակար հանածոյի հանքավայր անվանում են երկրագնդի կեղևում միներալային նյութի կուտակումը, որն առաջացել է այս կամ այն երկրաբանական պրոցեսի հետևանքով: Արդյունաբերական հանքավայրը նույնն է, ըստ որում քանակական և որակական տեսակետներից պիտանի է արդյունաբերության մեջ օգտագործելու համար:

Հանքանյութը միներալային հանքամիացք է, որից տեխնոլոգիապես համախառն եղանակով և շահավետորեն հնարավոր է կորզել մետաղներ կամ նրանց միացությունները: Վերջիրս «Հանքանյութ» հասկացությունը ընդլայնվել ու տարածվել է բարիտի, ֆլյուորիտի, ապատիտի, գրաֆիտի, բնածին ծծմբի, պիրիտի, ասբեստի և ուրիշ հանքամիացքների վրա:

Այդ բոլոր հասկացությունները որոշ իմաստով հարաբերական են և փոփոխվում են տեխնոլոգիայի, էկոնոմիկայի պահանջների և կոնդիցիաների (շահագործման համար ընդունելի նվազագույն պարունակություն) փոփոխման հետ միասին:

Այսպես, բնածին պլատինը մինչև XIX դ. սկիզբն օգտակար հանածո չէր համարվում, իսկ ուրանային հանքանյութերը մինչև XIX դ. վերջը գուրս էին նետվում հանքանյութերի մշակումից գոյացած լցակուտերը։ Ապատիտ-մագնետիտային հանքանյութերով հարուստ կիրունայի հոկայական կուտակները չէին շահագործվում մինչև թումասի կողմից նրանց ձուման եղանակի հայտնագործումը, որի հետևանքով ստացվում է բարձրորակ պողպատ և ֆոսֆորով հարուստ պարարտանյութ՝ թումաս-խարամ (շլակ)։ Երկար տարիներ արդյունաբերական կիրառում չէին գտնում նաև պղինձ-մուլբենային ցանավոր հանքանյութերը, կալիումային աղերը, վերմիկուլիտը, գլաուկոնիտը, սպոդումենը և լիթիումային փայլարները։

«ՕԳՏԱԿԱՐ ՀԱՆԱԾՈՆԵՐԻ ՀԱՆՔԱՎԱՅՐԵՐ» ՈՒՍՄՈՒՔԻ ԶԱՐԳԱՑՄԱՆ ՀԱՄԱՌՈՒՏ ՊԱՏՄՈՒԹՅՈՒՆԸ

Հնագետների վերջին հայտնագործություններն Արևելյան Աֆրիկայի շրջաններում, որտեղ գտնվել են հնագարյան մարդու սոկորներ և նախնադարյան քարե գործիքներ, որոնց հասակը 3 մլն տարի է (սոորին պլեյստոցեն), թույլ են տալիս մարդկային պատմության քարի դարի սկիզբը (պալեոլիթը)՝ 500—800 հազար տարուց տեղափոխել մինչև 3—4 մլն տարի։

«Օգտակար հանածոների հանքավայրեր» ուսմունքի ըստեղծումն ու ձևավորումը սերտորեն կապված է լեռնային գործի և մարդուն անհրաժեշտ օգտակար հանածոների արդյունահանման զարգացման, բազմադարյան որոնումների հետևանքով կուտակված ժողովրդական փորձի հետ։ Արդեն իր ծագման արշալուսին (մ. թ. ա. 3—4 մլն տարուց մինչև 100 հազար տարի) պալեոլիթում (քարի դար), մարդը՝ աշխատանքի ու զենքի պարզունակ գործիքների պատրաստման համար, շինարարական նպատակներով և որպես զարդարանք, լայնորեն օգտագործել է ոչ մետաղական օգտակար հանածոներ, այնպիսի լայն տարածում ունեցող բնական նյութեր, ինչպի-

սիք են քվարցը, խալցեղոնը, կայծքարը, օբսիդիանը, շինարարական քարերն ու կավերը, իսկ ավելի ուշ՝ սաթը, թանկարժեք և կիսաթանկարժեք քարերը (զմրուխտ, փիրուզ, ագատ և այլն): Շատ ավելի ուշ՝ 12—25 հազար տարի մ. թ. ա. մարդը սովորել է ճանաչել և ձուլել մետաղային հանքանյութերը, ընդ որում ստացված առաջին մետաղներն էին սոկին ու պղինձը, իսկ փոքր-ինչ ուշ՝ նաև անագը, ցինկը, կապարը, արծաթը, մնղիկը. սկսեցին օգտագործել պղնձի ու անագի (բրոնզ, բրոնզի դար) և պղնձի ու ցինկի (արուցր) համաձուլվածքները: Բազմաթիվ վկայություններով (լեռնային փորվածքների ու ձուլող վառարանների մնացորդներ, հնագիտական պեղումներ, սեպագրեր և հիերոգլիֆներ և այլն) մետաղների մշակման հնագույն կենտրոններ էին Եգիպտոսը, Ասորեստանը, Բաբելոնը, Հայկական լեռնաշխարհը (բնակեցված խեթերով և ուրարտացիներով), Հնդկաստանը, Չինաստանը, Հունաստանը, Հռոմը, Մերսիկան (արծաթի մշակումը ացտեկների կողմից), Չիլին (պղնձի մշակումը այմարների և ինկերի կողմից): Հնագույն հանքեր հայտնաբերված են նաև Ռուսաստանում և վերագրվում են առասպելական «չուղ» ժողովրդին («Հուդան աշխատանքներ»):

Մայկոպյան բլուրում (մ. թ. ա. III հազարամյակ) պեղումների ժամանակ գտնված են էնեոլիթի ժամանակի սուկե թագ և արծաթե անոթ (մ. թ. ա. IV—III հազարամյակ): Երևանից ոչ հեռու գտնվող Մեծամորի բլուրում գտնված են մ. թ. ա. III—II հազարամյակների հալոցային վառարանների մնացորդներ, որտեղ ձուլում էին բրոնզ: Այստեղ հայտնաբերված է նաև անագաքարի հարստանյութ և ձուլածո կաթիլանման սոկի, իսկ Սևանա լճի ավաղանում՝ լճի մակարդակի իջեցումից հետո կճաշեն գյուղի մոտի մերկացած դամբարաններում գտնվել են մ. թ. ա. III—II հազարամյակներում պատրաստված սոկյա զարդեր, բրոնզից ու օբսիդիանից պատրաստված զենքեր, ագատն ուղունքներ: Զողի և Մեծամորի (Հայկ. ՍՍՀ) հանքավայրերում բացահայտված են սոկի արդյունահանելու նպատակով կատարված, նույն հասակի հնագույն լեռնային աշխատանքների հետքեր:

Մ. թ. ա. IX—VIII դդ. ուրարտական սեպագրերում նըշվում է, որ Ուրարտու պետությունում, սովորական պղնձից բացի, ձուլում էին նաև ավելի բաց գույնի մի համաձայլվածք, որը ստանում էին պղնձին, այսպես կոչված, «սպիտակ հող» ավելացնելով (հավանաբար ցինկի օքսիդացած հանքանյութ, իսկ համաձուլվածքն՝ արուց):

Հույն պատմիչ Ստրաբոնը (մ. թ. ա. I դ.) դեպի Կոլխիդա արգոնավորդների արշավանքը նկարագրելիս, բերում է ոսկեգեղմի մասին առասպելը. «Սառն երկրում հեղեղները բերում են ոսկի, որը բարբարոսները հավաքում են ծակոտկեն՝ ներսից բրդով պատված, հանքաշերեփիներով»: Ոսկու (ոսկու ցըրոն) կորզման նման մեթոդներին գրքիս հեղինակն ականատես է եղել Տաջիկական ՍՍՀ Զերավշան գետում, որտեղ ջըրհեղեղների ժամանակ գետը տիղմի հետ միասին բերում է մանրահատիկ ոսկի (նկ. 1):



Նկ. 1. Զերավշան գետի ավազներից ցրոնային ոսկի լվացող տաշիկների ընտանիք (բառ Վ. Ի. Սորոլեսկու)

Բազմաթիվ տվյալներից ելնելով, արդեն մ. թ. ա. III—II հազարամյակներում սկսվել է երկաթի հանքանյութերի շահագործումը և մարդիկ սովորել էին պողպատ ձուլել: Պողպա-

տից զենք և աշխատանքային գործիքներ էին պատրաստում հնդիկները, ասորիները, ուրարտացիները, սլավոնները և ուրիշներ, և դա հզոր խթան հանդիսացավ հնագույն ժամանակների քաղաքակրթության զարգացման գործում:

Կարթագենցիները, մինչև մեր թվարկությունը, Պիրենեյան թերակղզում մշակում էին արծաթի, ոսկու և սնդիկի հանքանյութեր, իսկ հույները լառուրիում հանքում մշակում էին կապար-արծաթային հանքանյութեր, որոնց հսկայական թափոնները մինչև այժմ էլ պահպանված են: Փյունիկացիները կոռնուելում և կասիտերիդային կղզիներում մշակում էին անագաքար (կասիտերիտ):

Միջին Ասիայում, Կարամազար լեռներում, հնագույն զեռնային աշխատանքները կապարի, ցինկի, պղնձի, արծաթի հանքանյութերի մշակումներով վերագրվում են երկու փուլերի՝ մ. թ. ա. IX—VIII դդ. և ավելի ուշ՝ մ. թ. IX—X դդ. (հին հանքեր կանիգուտ, Անգրեն, Կան-ի-Մանսուլ և այլն):

Օգտակար հանածոների հանքավայրերի մասին գիտությունը ծագում և զարգանում է լեռնային աշխատանքների բաղմաղարյան փորձի և փաստացի նյութերի մշակման հիմքի վրա:

Մ. թ. ա. VI—V դդ. հույն փիլիսոփիա Թալես Միլետացին գտնում էր, որ բոլոր հանքանյութերի, ողջ կենդանի ու անկենդան բնության նախասկիզբը ջուրն է. նրա համերկրացիներ Հերակլիտը (մ. թ. ա. V դ.) և Զենոնը (մ. թ. ա. III դ.) պնդում էին, որ ամեն ինչի հիմքը կրակն է: Արիստոտելը և նրա աշակերտ Թեոփրաստը մ. թ. ա. IV—III դդ. գտնում էին, որ գոյություն ունեն նախասկիզբի չորս հիմնական տարրեր՝ կրակ, ջուր, հող, օդ: Այդ սկզբնաշատարերը երկրի ընդերքում ենթարկվելով տարբեր փոփոխությունների, անշատում էին էքսհալացիաներ՝ հրային, որոնք առաջացնում էին քարեր ու հեղուկ, հանդիսանալով մետաղների աղբյուրներ: Թեոփրաստը «Քարերի մասին» իր առաջին գրքում նկարագրում է իր ժամանակներում հայտնի 16 միներալացին ձևեր, անշատելով նրանց մեջ մետաղներ, քարեր, հողեր:

Պետք է ասել, որ սկզբնատարեր առանձնացվում էին

նակ մ. թ. ա. X դ. շինական և հնդկական փիլիսոփիայության մեջ՝ նրանց դիալեկտիկական միասնությամբ և փոխադարձ անցումներով:

Հետագայում, Եվրոպայի երկրներում գիտական միտքը անկում է ապրում և X—XI դդ. Մերձավոր արևելքում և Միջին Ասիայում արաբների իշխանության ներքո գտնվող երկրներում ինտենսիվորեն շահագործվում էին տարատեսակ հանքանյութեր:

Տաջիկ գիտական Աբու-Ալի-իբն-Սինան (Ավիցենա) միներալները բաժանում էր չորս խմբի՝ քարեր ու հողեր, ծծմբային միներալներ (սուլֆիդներ), մետաղներ, աղեր, իսկ նրա ժամանակակից ուղղեկ Ալ-Բիրունին՝ Խորեզմից, միներալների նկարագրման ժամանակ մտցնում է նրանց տեսակառար կշռի և կարծրության սահմանումները և, որպես ապացուց բերելով բյուրեղների մեջ հեղուկ ներփակումների (բըշտիկների) առկայությունը, Աբու-Ալի-իբն-Սինայի հետ միասին, հիմնավորում է ջրերից միներալների ծագման միտքը:

XVI դ. լեռնային արդյունաբերության կենտրոնը տեղափոխում է Եվրոպայի սիրտը՝ Սաքսոնիա և Բոհեմիա, որտեղ այդ ժամանակ Հանքային լեռներում ինտենսիվորեն շահագործվում էին կապարի, արծաթի և անագի հանքանյութերը: Յախիմովի բուժակ Գեորգ Բաուերը (Ագրիկոլան, 1490—1555 թթ.), հիմք ընդունելով սեփական դիտումները հանքերում, առաջարկեց հանքավայրերի առաջին դասակարգումը ըստ հանքամարմինների ձևերի՝ առանձնացնելով երակներ, երակիկներ, շտոկներ, շերտեր: Նա հանքային երակների ձևվավորման հիմնական պրոցեսն էր համարում «բնական հանքառաջացնող նյութերի քարացումը». մակերեսային ջրերը լեռնային ապարներից տարալվանում էին մետաղները, որոնք նրանց մեջ գտնվում էին ցրված վիճակում և վերանստեցնում ձեղքերում հանքային երակների ձևով:

Ճիշտ հակառակ տեսակետ արտահայտեց հայտնի Փրանսիացի փիլիսոփա Դեկարտը 1644 թ., որի կարծիքով, մետաղները դուրս են բերված երկրի խորքային մետաղաքեր զննա-



Նլ. 2. Խքն-Սիհա

ներից՝ Հալոցքի ներարկման միջոցով և լուծույթների ու էքս-Հալացիաների օգնությամբ:

XV դարից սկսած լեռնային արդյունաբերությունն արագ զարգացում է ապրում Ռուսաստանում՝ շահագործվում են Տուլայի, Լիպեցկի, Խոսկորի և Վիչեգդայի երկաթի հանքավայրերը, քարաղի ու փայլարի հանքավայրերը. մի փոքր ավելի ուշ սկսվում է Օլոնեցկի մարզի՝ անագային, Ռուսակի՝ պղնձի ու երկաթի, Ալթայի՝ կապարի ու արծաթի հանքանյութերի շահագործումը:

Պետրոս I-ի օրոք և ամբողջ XVIII դ. ընթացքում Ռուսաստանը երկաթի, պղնձի և կապարի ձուլումով աշխարհում գրավում էր առաջին տեղը:




Նկ. 3. Գ. Ագրիկոլա

Հանքերը մասնագետներով ապահովելու նպատակով ըստեղծվում են առաջին լեռնային դպրոցները Օլոնեցում (1713 թ.) և Ուրալում (1721 և 1723 թթ.): Պետերուրգում 1773 թ. հիմնվում է կայսրուհի Եկատերինա II-ի անվան բարձրագույն լեռնային դպրոցը (այժմ Գ. Վ. Պլեխանովի անվ. Լենինգրադի լեռնային ինստիտուտ): Ռուսաստանում լեռնային գործի վերելքի այսպիսի պայմաններում գործում էր զուսմեծ գիտնական Մ. Վ. Լոմոնոսովը (1711—1765), որը օգտակար հանածոների հանքավայրերի մասին ժամանակակից գիտության հիմքերը դրեց: Նրա գոշին են պատկանում հետևյալ հայտնի աշխատանքները. «Երկրի շերտերի մասին», «Խոսք երկրագնդի ցնցումներից մետաղների ծագման մասին», «Մետաղագործության կամ հանքագործության առաջին հիմունքները»:

Այս աշխատությունները լույս են տեսել XVIII դ. կես-

րին և հետագայում բազմիցս վերահրատարակվել են, սակայն Ռուսաստանի սահմաններից դուրս նրանք չեն հասկացվել և չեն գնահատվել ըստ արժանվույն:

XVIII դ. վերջում XIX դ. սկզբին սուր պայքար է ծավալվում նեպտունիստների և պլուտոնիստների միջև:



Ակ. 4. Լենինգրադի լեռնային ինստիտուտի շենքի նակատը

1765 թ. Հանքային լեռների կենտրոնում՝ Ֆրայբերգ քաղաքում (Սաքսոնիա), հիմնվում է Լեռնային ակադեմիա, որտեղ մեծ դեր է կատարում պրոֆ. Աբրահամ Գուտլիբ Վեռները՝ նեպտունիստների դպրոցի ղեկավարը, որը 1791 թ. հրատարակում է «Երակների առաջացման նոր տեսություն» գիրքը: Հստ Վեռների, լեռնային բոլոր ապարները, այդ թվում նաև գրանիտներն ու հանքային երակները, առաջացել են Երկրի օվկիանոսի ջրերից՝ նստեցման ճանապարհով:

Մոտավորապես նույն ժամանակ 1788 թ., շոտլանդացի բժիշկ, սիրող երկրաբան Ջեմս Հետտոնը հրատարակեց «Երկրի տեսություն» գիրքը, որտեղ զարդացնելով Դեկարտի տեսակետը, պնդում էր, որ բոլոր լեռնային ապարները և մետադային հանքավայրերն իրենցից ներկայացնում են ձուլված զանգվածների ներարկումներ և առաջացել են պլուտոնիկ ճանապարհով. Ջեմս Հետտոնին համարում են պլուտոնիստների դպրոցի ղեկավար:

Սակայն նեպտունիստների և պլուտոնիստների այդ միակողմանի, ծայրահեղ տեսակետները՝ այժմ չեն ընդունվում երկրաբանների ճնշող մեծամասնության կողմից: Շատ ավելի մեծ արժեք ունեն նրանցից մոտավորապես կես դար առաջ շարադրված կոմոնոսովի մտքերն այն մասին, որ օգտակար հանածոների հանքավայրերի առաջացման պայմանները բաղ-

մաղան են, ուստի առանձնացվում են ինչպես պլուտոնիկը այնպես էլ նեպտունիկ հանքավայրեր (ժամանակակից տերմիններն են, համապատասխանաբար, էնդոգեն կամ նիրծին և էկզոգեն կամ արտածին հանքավայրեր):



Նկ. 5. Մ. Վ. Լոմոնոսով

Հետաղայում օգտակար հանածոների հանքավայրերի առաջացման տեսությունը զարգանում է Ֆրանսիայում (Դոբրե, Էլի-դը Բոմոն), Գերմանիայում (ֆոն-Կոտտա), Ռուսաստանում (Կ. Ի. Բոգդանովիչ, Ա. Պ. Կարպինսկի և ուր.), ԱՄՆ-ում (Վ. Էմմոնս, Վ. Լինդգրեն և ուր.), ընդ որում բոլոր նշված գիտնականներն էլ ընդգծում էին օգտակար հանածոների հանքավայրերի առաջացման պրոցեսների բազմազա-


Նությունը՝ հալոցքներից, գաղերից ու յուվենիլ ծագում ունեցող ջրերից, ինչպես նաև մթնոլորտային ջրերից։ Ճիշտ է, հետագայում նորից փորձեր արվեցին նեպտունիկ (Բիշոֆ՝ 1847 թ., Զանդբերգեր՝ 1882 թ., Վան-Հայս՝ 1901 թ.) և պլոտոնիկ (Բելտ՝ 1861 թ., Սպեր՝ 1923 թ.) «Հանքային մագմաներ» գրքում) տեսությունների վերականգնման ուղղությամբ, սակայն դրանք մեծ հաջողություն չունեցան։

ПЕРВЫЯ ОСНОВАНИЯ

МЕТАЛЛУРГИИ,

ИЛИ

РУДНЫХЪ ДѢЛЬ.



ВЪ САНКТПЕТЕРБУРГѢ
печатаны при Императорской Академии
Наукъ 1763 года.

Խ. 6. Մ. Վ. Լոմոնոսովի աշխատուրյան անվանաբերը

Օգտակար հանածոների հանքավայրերի առաջացման
ժամանակակից տեսությունը, որի հիմքում դրված էն Վ. Մ.
Լոմոնոսովի հանճարեղ հայացքները, ստեղծված և զարգաց-
ված է բազմազգ ականավոր երկրաբանների մի համաստեղու-

թյան կողմից, որոնց շարքում առաջին հերթին հարկ է նշել Կ. Ի. Բոգդանովիչին, Վ. Ա. Օբրուչևին, Ա. Ն. Զավարիցկուն, Ս. Ա. Սմիռնովին, Վ. Էմմոնսին, Վ. Լինդգրենին, Հ. Շնեյդեր-Հենին և ուրիշների:

ՕԳՏԱԿԱՐ ՀԱՆԱԾՈՆԵՐԻ ՀԱՆՔԱՎԱՅՐԵՐԻ ՄԱՍԻՆ
ՏԵՍՈՒԹՅԱՆ ԺԱՄԱՆԱԿԱԿԻՑ ՄԱԿԱՐԴԱԿԻ ՍՍՀՄ-ՈՒՄ

Ռուսաստանում (և ՍՍՀՄ-ում) առանձնացվում են օդագար հանածոների հանքավայրերի առաջացման մասին պատկերացումների զարգացման վեց փուլներ՝ 1) Հնագույն պատմական ժամանակներից մինչև XVII դ. ներառյալ; 2) Պետրոս Մեծի գործունեության փուլ լեռնային արդյունաբերության կազմավորմամբ՝ 1700 մինչև 1730 թթ.; 3) Օգտակար հանածոների մասին տեսության հիմունքների ստեղծման լոմոնոսովյան փուլ՝ 1730 մինչև 1775 թթ.; 4) Առաջին ոռու լեռնային ինժեներների գործունեության փուլ՝ 1775-ից մինչև XIX դ. առաջին կեսը ներառյալ; 5) Ռուսաստանում կապիտալիզմի զարգացման փուլ՝ XIX դ. երկրորդ կեսից մինչև Հռկտեմբերյան մեծ հեղափոխությունը; 6) Սովետական ժամանակաշրջան:

Օգտակար հանածոների հանքավայրերի մասին ժամանակակից գիտության բարձր մակարդակը հիմնվում է այն լավագույնի վրա, որն այդ բնագավառում ձեռք էր բերվել Ռուսաստանում և արտասահմանյան երկրներում:

Դեռևս XVIII դ. կեսերին ոռու ականավոր գիտնական Մ. Վ. Լոմոնոսովը արտահայտեց այն միտքը, որ հանքավայրերն առաջանում են ոլխավորապես երկրաշարժերի և այդ ժամանակ երկրագնդի կեղեկի ներքին մասերի ձուլման (շփման ժամանակ) հետևանքով, մասամբ նաև մագմատիկ ու մակերեսային ջրերի գործունեության շնորհիվ: Լոմոնոսովի խոշոր ծառայություններից էր նաև պլուտոնիկ ու նեպտոնիկ հանքավայրերի առանձնացման առաջին փորձը: Հանքային երակների հիդրոթերմալ տեսությունը նույնպես առաջին անգամ պարզորշ ձեւակերպված էր նրա աշխատություններում:


Մյուս խոշոր ռուս գիտնական-երկրաբան ակադ. Ա. Պ. Կարպինսկին, 1883 թ. ընդդեմ օգտակար հանածոների հանքավայրերի առաջացման բաղմաղանությունը, դրում է. «Հանքային նյութերի նստեցման պայմանները լինում են տարբեր օրինակ, հանքային նյութի մի մասը կարող է փոխառնվել հարկան ապարներից, մյուս մասը՝ ներմուծվել դըրսից»:



Նկ. 7. Պրոֆ. Կ. Ի. Բոգդանովիչ

1902 թ. Պետերբուրգի լեռնային ինստիտուտում Հիմնադրվեց Մետաղային հանքավայրերի ամբիոն, որը գլխավորում էր հայտնի գիտնական Կ. Ի. Բոգդանովիչը: 1912—1913 թթ. լույս տեսավ նրա «Մետաղային հանքավայրեր»

ոռւաերեն լեզվով առաջին դասագիրքը։ Նրա հիմքում ընկած էր հանքավայրերի գենետիկ դասակարգումը, որտեղ առանձնացվում էին 9 խմբեր՝ 1) մագմատիկ անշատումներ, 2) կոնտակտ-մետամորֆիկ հանքավայրեր, 3) էպիդենետիկ հանքային կուտակներ ու ցաներ, 4) մետասոմատիկ հանքավայրեր, 5) երակային հանքավայրեր, 6) նստվածքային հանքավայրեր, 7) էլյուվիալ հանքավայրեր, 8) մետամորֆիկ հանքավայրեր և 9) բեկորային հանքավայրեր կամ ցրոններ։



Նկ. 8. Ակադեմիկոս Վ. Ա. Օբրուչև

Լոմոնոսովի, Կարպինսկու և Բոգդանովիչի այդ աշխատությունները հիմք ծառայեցին XX դ. սկզբին ստեղծված օգտակար հանածոների հանքավայրերի մասին ժամանակակից տեսության համար, որը հետագա զարգացում ստացավ Վ. Ա. Օբրուչևի, Ս. Ս. Սմիռնովի, Ա. Ն. Զավարիցկու, Ն. Մ. Ստրա-

խովի, Վ. Ի. Սմիռնովի, Պ. Մ. Տատարինովի, Վ. Լինդգրենի,
Վ. Էմմոնսի, Հ. Շնեյդերհենի և ուրիշների աշխատություննե-
րում:



Նկ. 9. Ակադեմիկոս Ա. Ն. Զավարիցկի

1928—1929 թթ. ՍՍՀՄ-ում լույս տեսավ Վ. Ա. Օբրուչևի «Մետաղային հանքավայրեր» դասաղիրքը՝ գենետիկական դասակարգումով և բաղմաթիվ հանքավայրերի նկարագրություններով. այս գրքով են ուսանել սովետական երկրաբանների մի քանի սերունդներ: Իր մյուս աշխատանքներում Վ. Ա. Օբրուչևն առաջինը մետաղածնային ընդհանրացումներ առաջարկեց ՍՍՀՄ-ի տարածքի զգալի մասի համար:

Օգտակար հանածոների հանքավայրերի մասին ուսմունքի ժամանակակից տեսության մշակման գործում խոշոր ներդրում կատարեց Ա. Ն. Զավարիցկին: Նրա «Մագնիտնայա լեռ» և նրա երկաթի հանքանյութերի հանքավայրերը» մենա-

գրությունը այժմ էլ կոնտակտային-մետասոմատիկ պրոցեսի և հանքավայրերի տիպերի նկարագրության դժուական օրինակ է։ Հրաքարային հանքանյութերի առաջացման մասին Զավարիցկու հայացքները (հանքանյութերը նա կապում է հին հրաբուխների արմատական մասերի հետ) օժանդակեցին այդ տիպի նոր խոշոր հանքավայրերի հայտնաբերմանը Ուրալում, իսկ նրա յուրօրինակ մտքերը պետքանիտների առաջացման



Նկ. 10. Ակադեմիկոս Ս. Ս. Սմիռնով

մասին (պետքանիտները զիտվում են իբրև մագմատիկ լեռնային ապարների և հանքային երակների միջանկյալ առաջացումներ) մեծ ճանաչում են դտել։ Վերջապես, նա մշակել է բուն մագմատիկ հանքավայրերի լայն ընդունելություն գրած դասակարգումը։

Լայնորեն հայտնի են սովետական երկրաբան-հանքաբանների ղեկավար, ակադ. Ս. Ս. Սմիռնովի աշխատություն-

ները, որոնց մեջ հատուկ տեղ են գրավում մետաղածնության գիտության դարդացման, Խաղաղօվկիանոսյան գոտու նկարագրության, անագի մետաղածնության վերաբերյալ հետազոտությունները, Վ. Էմմոնսի ուղղաձիգ զոնալությանն ու բաթոլիտային կոնցեպցիային, Վ. Լինդգրենի հիգրոթերմալ հանքավայրերի դասակարգմանը վերաբերող քննադատությունները: Ա. Ս. Սմիռնովը շահմանափակվեց միայն այդ հնացած կոնցեպցիաների փայլուն քննադատությամբ, այլև առաջարկեց մի շարք նոր հասկացություններ, Էմմոնսի ուղղաձիգ զոնալության տեսության փոխարեն նա հիմնավորեց նոր բաբախումային (պուլսացիոն) տեսությունը՝ հանքային լուծույթների գործունեությունը ոչ միայն տարածության մեջ, այլ նաև ժամանակի ընթացքում՝ հանքայնացման փուլերի առանձնացումով. բաթոլիտային կոնցեպցիայի փոխարեն՝ հանքաբեր օջախների երեք տիպեր (բաթոլիտ, փոքր ինտրուզիաներ, հրաբխային ապարատներ) հասկացությունը՝ այդ տիպերին հատուկ հանքավայրերի շարերով. Վ. Լինդգրենի հիգրոթերմալ դասակարգման փոխարեն՝ նոր դասակարգման սկզբունքներ, որտեղ հաշվի էր առնվում ոչ միայն զերմաստիճանը, այլև հանքավայրի ձևավորման խորությունը՝ հանքավայրերը ստորաբաժանելով ըստ հանքային ֆորմացիաների:

Հետազում, մետաղածնության վերաբերյալ Ս. Ս. Սմիռնովի մտքերը զարգացրին Յու. Ա. Բիլիբինը և ուրիշներ, իսկ նրա կողմից առաջարկված սկզբունքների հիման վրա մըշակվեց ետմագմատիկ հանքավայրերի դասակարգումը (Լենինգրադի լեռնային խնսախտուտի պրոֆեսորներ Պ. Մ. Տատարինովի և Հ. Գ. Մաղաքյանի կողմից):


Ա. Ե. Ֆերսմանը փայլուն հետազոտություններ է կատարել պեզմատիտային, Վ. Ի. Սմիռնովը՝ հրաբարային, ծարիբանդիկային ու բազմամետաղային, Վ. Ն. Կոտլյարը՝ հրաբխականության հետ կապված հանքավայրերի առաջացման վերաբերյալ: Պ. Մ. Տատարինովը գլխավորեց ոչմետաղային օգտակար հանածոների հանքավայրերի առաջացման տեսության մշակումը:



Նկ. 11. ՍՍՀՄ ԳԱ բղրակից անդամ Պ. Մ. Տատարխնով

Նստվածքային ծագման հանքավայրերի առաջացման պայմանների հարցերը մշակված են Ա. Դ. Արխանդելսկու, Դ. Վ. Նալիվկինի, Շ. Մ. Ստրախովի, Ն. Մ. Շատուկու, Ա. Գ. Բետեխտինի, Ա. Վ. Կազակովի, Պ. Ի. Ստեփանովի և ուր., իսկ մետամորֆոգեն հանքավայրերինը՝ Ն. Պ. Սեմենենկոյի, Յա. Ն. Բելկոցեի, Լ. Ի. Մարտինենկոյի և ուր. աշխատություններում:

Օգտակար հանածոների հանքավայրերի մասին տեսության զարգացմանը զուգընթաց մեծ աշխատանքներ էին տարվում նաև երկրակեղեռում քիմիական տարրերի միդրացիայի



Նկ. 12. Պրոֆ. Անդրեաս Արծրունի


և կոնցենտրացիայի օրինաշափությունների ուսումնասիրման ուղղությամբ:

Ա. Արծրունու, Վ. Ի. Վերնագսկու, Ա. Ե. Ֆերսմանի, Ա. Պ. Վինգրագովի, Դ. Ի. Շլերբակովի, Ա. Ա. Սառւկովի, Վ. Վ. Շլերինայի հետազոտությունների հիման վրա ստեղծվեց երկրագիմիա նոր գիտությունը, որը սերտորեն կապված է օգտակար հանածոների հանքավայրերի ուսումնասիրման հետ:

Առանձնապես պետք է նշել, որ հետախուզական աշխատանքների պահանջներն առաջացրին հանքային դաշտերի կառուցվածքի մանրազնին ուսումնասիրման անհրաժեշտություն՝ հանքայնացման տեղայնացման գործում տեկտոնական

գործոնի վճռական դերի գնահատման համար: Այդ պրոբլեմ-ները հաջողությամբ մշակել են Վ. Ս. Կրեյտերը, Վ. Ի. Սմիռնովը, Ա. Վ. Կորուլյովը, Ա. Վ. Պեկը, Ֆ. Ի. Վոլֆսոնը և ուրիշ:

Մանրադիտակի միջոցով հանքանյութերի մանրազնին ուսումնասիրման անհրաժեշտությունը կյանքի կոչեց օգտակար հանածոների հանքավայրերի մասին գիտության նոր ճյուղին՝ միներագրաֆիային, որը ՍՍՀՄ-ում զարգացրել են պրոֆեսորներ Ի. Ֆ. Գրիգորյանը, Ա. Գ. Բետեխտինը, Ս. Ի. Տալդիկինը և ուրիշներ: Վերջապես, վերջին տարիներին սկսեցին



Նկ. 13. Ակադեմիկոս Վ. Ի. Վերնադսկի

կատարվել փորձարարական աշխատանքներ, որոնք բարձր ջերմաստիճանների և ճնշումների պայմաններում մոդելացնում են հանքավայրերի առաջացման բնական պայմանները (Ն. Ի. Խիտարով, Լ. Ն. Օվլյանիկով, Ի. Ա. Օստրովսկի և ուր.):

Բնութագրելով օդտակար հանածոների հանքավայրերի տեսության արդի վիճակը ՍՍՀՄ-ում և աշխարհում, պետք է խոստովանել, որ այդ բնագավառում դեռևս գոյություն ունեն մի շարք շլուծված կամ վիճելի հարցեր, սակայն, այդ տեսության դասական հասկացությունների վերաբերյալ հաշվի են առնված հնարավոր բոլոր ուղղումներն ու լրացումները։ Այսպես, հանքավայրերի առաջացման ժամանակակից հիդրոթերմալ տեսությունը հաշվի է առնում հանքավայրերի կապը պլուտոնիկ մագմատիզմի, ինչպես նաև պալեոհրաբխականության հետ, հրաբխանստվածքային հանքավայրերի առկայությունը մագմատիկ (յուլենիլ) ջրերի հետ միասին, նաև մետամորֆիկ, ասուպային ու մնացորդային ջրերի, աղալուծույնների ու նրանցում լուծված տարրերի մեծ դերը, մագմատիկ օջախներից հանված տարրերի կողքին՝ լեռնային ապարներից տարալվացվածների դերը։

Առաջարկվող գրքում հեղինակը մեծ նշանակություն է տալիս փորձարարական հետազոտությունների (հանքային պրոցեսների մոդելացման) հետագա զարգացմանը, հանքային նյութի տարբեր աղբյուրների (այդ թվում նաև ներփակող ապարների) ուսումնասիրմանը, տարբեր տիպերի հանքայնացման ձևավորման խորության և ուղղաձիգ սյունի գնահատմանը, որոշակի երկրաբանական միջավայրին բնորոշ հանքային ֆորմացիաների շարքերի (համալիրների) մշակմանը, մետաղածնային հետազոտությունների ընդլայնմանն ու որոնողահետախուզական աշխատանքների ձիգությունը նպաստող կանխատեսումային-մետաղածնական քարտեզների կազմմանը։

ԵՐԿՐԻ ԿԱՌՈՒՅՑՎԱԾՔԸ: ԵՐԿՐՄԳՆԴԻ ԿԵՂԵՎԻ ՄԻԶԻՆ ԿԱԶՄԸ

1943 թ. սովետական գիտնական, ակադ. Օ. Յու. Շմիդտը առաջարկեց մոլորակների, այդ թվում նաև երկրի, առաջացման նոր տեսություն՝ Արևի կողմից կլանված միջաստ-



Նկ. 14. Ակադեմիկոս Օ. Յ. Շմիդտ

Դային փոշուց և ասուպային նյութից: Տեսության հիմքերը՝ այսպիսին են՝ «Արեգակը շարժվելով՝ Գալակտիկայում, այսինքն մասնակցելով՝ գալակտիկական պտույտին, գալակտիկայի կենտրոնական հարթությունը հատելիս երկրային նյութի ամպից կլանում է ասուպային պինդ նյութի, հնարավոր է նաև՝ գաղերի մի մասը: Այսպիսով, Արեգակի շուրջը առաջանում է մասնիկների հույզ, որը Արեգակի ձգողական ուժի ազդեցության տակ էլիպսաձև շարժվում է նրա շուրջը և իր ուղին գալակտիկայում շարունակում է արդեն Արեգակի հետ միասին: Այդ պինդ նյութից, հենց այդ հույզից էլ հետագայում առաջացել են մոլորակները: Այդ նյութի մի մասից կազմված են նաև գիսաստղերը, մյուս մասից՝ այժմ աշքով տեսանելի ասուպները և երկնաքարերը»: Պետք է խոստովանել, որ չնայած մի շարք վիճելի դրույթների, այս տեսությունն աշքի է

ընկնում կուռ կառուցվածքով, համապատասխանում է տիեզերածնության և աստղաֆիզիկայի տվյալներին և Կանտի—Լավլասի, Զինսի և ուրիշների տեսությունների համեմատ ունի այն առավելությունը, որ համաձայնեցվում է շարժման քանակի մոմենտի պահպանման օրենքի հետ:

Ելնելով Երկրագնդի ծագման այս տեսակետից և խորքային սեյսմիկ ալիքների անցման բնույթի մասին եղած տվյալներից, Երկրագնդի ընդերքի հեղուկ վիճակի և կեղևի տակ հըգոր, կայուն ձուլված շերտի գոյության մասին խոսելու հիմքեր չկան:

Ըստ երևույթին, ուղղիուակտիվ տրոհման երևութներն ի վիճակի են ապահովելու Երկրագնդի կեղևի առանձին տեղամասերի տաքացումն ու ձուլում՝ տարբեր կազմություն ունեցող մագմայի տեղական օջախների առաջացումով:

Երկրագիզիկայի տվյալները հաստատում են այն պատկերացումը, որ Երկրագնդը շերտավորված է տարբեր խտության մի քանի համակենտրոն թաղանթներով։ Տիեղերածնության նախկին տեսություններն այդ շերտավորումը բացարձում էին նախաստեղծ հեղուկ Երկրագնդի սառեցման ժամանակ տեղի ունեցող դիֆերենցումով, իսկ 0. 3ու. Շմիդտի տեսության համաձայն՝ դա գրավիտացիոն դիֆերենցման արդյունք է, որը կատարվում է քարային մասնիկների և երկնաքարերի (ասուաների) մածուցիկ միջավայրում։ Քարային մասնիկները բարձրանում են վեր և կազմում Երկրագնդի կեղևը, իսկ երկաթային մասնիկները սուլվում են, կազմելով Երկրագնդի հեղուկ միջուկը։ Այդպիսի շերտավորման ընթացքում ուղղիուակտիվ տարրերի (U, Th, Ra) մեծ մասը կուտակվում է սիլիկատների մեջ և հարստացնում Երկրի կեղևի վերին շերտերը, որտեղ զարգացած են թթու լեռնային ապարները։ Երկրագնդի կեղևի հնագույն տեղամասերի (Բրազիլական, Ինդուստանյան, Աֆրիկական վահաններ) հանքերում ուղղիուակտիվ տարրերի տրոհման հետևանքով առաջացած նյութերի հարաբերակցության հաշվարկը բերում է հանքերի և, հետևաբար, Երկրագնդի կեղևի տարիքի որոշմանը, որը կազմում է 3,5—4 մլրդ տարի։ Երկրագնդը ամբողջությամբ

վերցրած ավելի հին է, քան նրա կեղեց և նրա տարիքը որոշվում է 4,5-ից մինչև 7,6 մլրդ տարի (տարբեր հեղինակների տվյալներով):

Քանի որ ամենախոր հանքերը հասնում են 4 կմ խորության, իսկ ամենախոր հորատանցքերը չեն գերազանցում 9 կմ, ապա Երկրագնդի ընդերքի կառուցվածքը մեզ ստուգդ հայտնի չէ. դրա վերաբերյալ գոյությունը ունեն մի շարք տեսակետներ (Հիպոթեզներ):

Լայնորեն հայտնի են Երկրաքիմիկոս Վ. Մ. Գոլդմիդտի և մետաղագործ Տամմանի տեսակետներն այն մասին, որ 3500 կմ շառավղով և $d=8-10$ խտությամբ Երկրագնդի միջուկը, բաղկացած է Երկաթից՝ նիկելի խառնուրդով. այդ Երկաթային միջուկը շրջափակված է սուլֆիդա-օքսիդային թաղանթով, որի հզորությունը 1700 կմ է, իսկ $d=5-6$, սա էլ իր հերթին շրջափակված է էկլոգիտային (նոնաքար-պիրօքսենային) թաղանթով, որի հզորությունը 1080 կմ է, իսկ $d=3,6-4$. ամենաարտաքին սիլիկատային թաղանթը՝ Երկրի կեղեցը, ունի ընդամենը 120 կմ հզորություն և 2,8 խտություն:

Այդ ենթադրությունները հիմնված են Երկաթային ու քարային Երկնաքարերի ուսումնասիրությունների և Երկրաֆիդիկայի տվյալների վրա: Այդ ենթադրությունների մեջ իր արտահայտությունն է գտել Երկրագնդի կառուցվածքի մասին այն պատկերացումը, թե նա մի ձուլված գունդ է, որի մեջ ձուլման հետևանքով տեղի է ունեցել շերտավորում, որպիսին գոյություն ունի մետաղագործական պրոցեսի ժամանակ (չէ՞ որ Տամմանը մետաղագործ էր)՝ կենտրոնական ձուլահատիկը՝ Երկաթային միջուկով, շտեյն (սուլֆիդա-օքսիդային թաղանթ) և խարամ (էկլոգիտային և սիլիկատային թաղանթ):

Երտավորման առանձին գոտիների սահմանները աղբյուրներ են սկզբանիկ ալիքների անցման արագությունների միջոցով ըստ խորության խտության փոփոխությունների մասին Երկրաֆիդիկական տվյալների հաշվարկումով:

Բ. Գուտենբերգն ու Կ. Բուլենը առաձգական ալիքների ուսումնասիրման հիման վրա Երկրագունդը բաժանում են կե-

դեմ, վերին ու ստորին թիկնոցի ու արտաքին ու ներքին միջուկի:

Կեղևի ու թիկնոցի բաժանման սահմանը անցկացվում է Մոխորովիշիչի մակերեսով, որտեղ երկայնակի ալիքների արագությունը փոխվում է թուշքաձև 6—7 կմ/վրկ մինչև 8 կմ/վրկ:

Բաժանման սահմանները երկրագնդի մեջ կարող են առաջանալ կամ Երկրի ընդերքի քիմիական կազմության փոփոխությունների, կամ տվյալ նյութի ֆազային անցումների հետևանքով՝ պինդ և հեղուկ (ֆազային դրության փոփոխության) կամ երկու տարրեր պինդ ֆազաների միջև:

Նստվածքային հաստվածքի տակ Երկրի կեղևը երկրագիպիկոսների կողմից ստորաբաժանվում է սովորաբար այսպիս կոչված «գրանիտային» ու «բազալտային» կամ «գաբրոյի» շերտերի, ընդ որում գոյություն ունեն 2 կարեռ սահմաններ՝ կոնրագի սահմանը «գրանիտային» ու «բազալտային» շերտերի միջև ու Մոխորովիշիչի սահմանը (սեղմ «Մոխո» կամ «Մ») կեղևի ու թիկնոցի միջև:

Օվկիանոսային շատ մարզերի հատակում Մոխոյի սահմանի խորությունը 10 կմ-ից պակաս է, իսկ մայրցամաքների մեծ մասի համար այն կազմում է 50 կմ-ից ավելի:

Երկրագիպիկոս Գուտենբերգի տվյալներով, ըստ խորության խտությունը Երկրագնդի մակերեսից մինչև 60 կմ խորությունը աճում է՝ 2,7-ից մինչև 3,5, 1200 կմ խորությունում կազմում է մինչև 4,75 և 2900 կմ-ից մինչև միշուկը՝ 11 կմ/վրկ։ Այս փոփոխությունները կատարվում են թուշքաձև՝ տարրեր բազագրություն ունեցող գոտիների սահմաններում կամ նյութի տարրեր ֆիզիկական վիճակներում (վերջին ենթագրությունը պատկանում է Վ. Ն. Լոդոչնիկովին):

Ըստ Վ. Ն. Լոդոչնիկովի (*Գայլոգլյան*)*, ապարների խտության փոփոխությունն ըստ խորության, որը հաստատված է սեյսմոլոգիայի տվյալներով, դեռևս Երկրագնդի պատյանների

* В. Н. Лодочников. Некоторые общие вопросы, связанные с магмой, дающей базальтовые породы. Зап. ВМО, ч. LXVIII, 1939, № 2, стр. 207—223; № 3, стр. 428—442.

նյութական փոփոխության ապացույց չի կարող հանդիսանալ, այլ կարող է բացատրվել վրագիր ապարների բեռնվածության ազդեցության տակ մարմինների խտացմամբ:

Տիեզերական նյութի գլխավոր ազդեցատային վիճակը, ըստ երևույթին, գաղագոլորշային է և նման վիճակ կարող է գիտվել Երկրագնդի կենտրոնական մասերում ~ 3 մլն. մին ձնշման պայմաններում: Նյութի փոփոխությունները կապված են ատոմների միջև ընկած դատարկությունների հետ, սակայն կարելի է ենթազրել նաև իոնների, այսինքն ատոմների էլեկտրոնային թաղանթներից մեկի մեծության փոփոխությունը:

D. S. Kothari-ն (1938) նշում է, որ սպիտակ գաճաճների նյութը պետք է լինի լրիվ խոնացված վիճակում: Որոշ աստղերի միջին խառնթյունները (ըստ J. J. Jeans-ի, 1929. *Astronomy and Cosmogony*) կազմում են. Կրուգեր 60 \times 60 km^2 , 60 (Արեգակինը՝ 1,41), Սիրիոս 8-ինը՝ (արբանյակի)՝ 50000, O₂ էրիդան 8-ինը՝ 98000, Ֆան-Մաանենինը՝ 400000: Chandrasekhar-ը (1933) հրապարակել է 36000000 թիվը A. C. +70°8247 Կոլպերի աստղի համար, որի ջերմաստիճանը մակերսամ կազմում է $25000^{\circ} - 45000^{\circ}\text{C}$:

Երկրի խավերի ֆիզիկական փոփոխությունների վարկածը (ըստ Լեմանդրի-Լապլասի) քիմիական փոփոխությունների օգտին (ըստ Վիխերտի և ուրիշների) ժխտելու հիմք չկա:

Լոգոշնիկովը ժխտում է նաև պատկերացումը Երկրագլուղի երկաթի միջուկի մասին, համարելով, որ ուժեղ ձնշման ենթարկվող զանգվածում պտույտի ընթացքում առաջանում է մազնիսական դաշտ, որը պայմանավորված է Երկրագնդի առանցքի շուրջն անցնող էլեկտրական հոսքերով: Ըստ Լոգոշնիկովի, ասուպներն առաջանում են Երկրի հրաբուխներից:

I. Վ. Միրզոյանը (1978)* նշում է, որ դասական տիեզերագիտության (Կանտ, Լապլաս, Զինս) հիմքում ընկած են վարկածային սխեմաները, այն ժամանակ, երբ ավելի բնա-

* Л. В. Мирзоян. Наблюдательный подход к эволюции звезд и галактик. «Вопросы физики и эволюции космоса». Сб., посвященный акад. В. А. Амбарцумяну в связи с 70-летием со дня рождения. АН АрмССР, Ереван, 1978, стр. 197—220.

կան է տիեզերական առաջացումների զարգացման օբյեկտաշափությունները դուրս բերել «Էմպիրիկ» ձևանալիքարհով, նրանց վերաբերյալ ֆիզիկական տվյալների հիմքի վրա: Տիեզերքում մենք դիտում ենք աստղեր ու գալակտիկաներ, որոնք գտնվում են իրենց զարգացման տարբեր փուլերում:

1947 թ. Վ. Հ. Համբարձումյանը հայտնաբերեց նոր տիպի աստղային սիստեմներ՝ աստղասփյուտներ, որոնք անկայուն են, լայնանում ու քայլայլում են մի քանի տասնյակ մլն. տարիների ընթացքում: Այսպիսով, աստղերը ծնվում են և ներկայումս, այն էլ խմբերով:

Աստղասփյուտների ուսումնասիրությունը լուրջ հիմքեր տվեց ենթադրելու, որ բացի աստղային դիֆուզային (փոշային ու գաղային) ու մոլորակային նյութից, տիեզերքում գոյցություն ունեն անհայտ բնույթի հոծ մարմիններ, որոնց տրոհումից առաջանում են աստղասփյուտներ: Այդ պատկերացումը կազմում է նախաստղերի վարկածի հիմքը (Վ. Համբարձումյան, 1954, 1957), որն այժմ հակազրվում է գիտության մեջ իշխող դասական կոնցենսացիոն (խտացման) վարկածին: Հարկ է նշել, որ ցրված (դիֆուզային) նյութի խտացման ճանապարհով աստղերի առաջացման օգտին չկա ոչ մի ուղղակի ապացուց:

Ինչ վերաբերում է նախաստղերին, ապա նրանք բնութագրվում են փոքր չափերով ու մեծ խտություններով: Նախաստղերի նյութը գտնվում է այնպիսի վիճակում, որը տարբերվում է աստղերում ու միգամածություններում առկա վիճակից, հավանաբար նաև այն վիճակից, որն ուսումնասիրված է մինչ այսօր տեսական ֆիզիկայի կողմից:

Դիտվող աստղային բռնկումներն անուղղակիորեն հաստատում են նախաստղային գերխիտ նյութի վճռական դերը (էներգիան կինորոնացած է նախաստղային նյութի թանձրուկներում):

Գալակտիկաների միջուկներում հավանաբար գոյություն ունեն մեծ խտության հոծ մարմիններ, որոնք նյութի ու էներգիայի աղբյուրներ են (հզոր պայմաններ):

Տիեզերական առաջացումներում պայմանները (բոլն-

կումները), արտանետվածքները, լայնացումներն ու տրոհումը բնութագրում են ցրման ու մասնատման պրոցեսները նյութի անցումներով ավելի խիտ վիճակներից դեպի սակավ խիտ կամ հոսր վիճակը:

Կարելի է ենթադրել (ըստ Վ. Համբարձումյանի, 1962), որ գալակտիկաների միջուկների ակտիվացման տարրեր գըրսեռումներում մենք դործ ունենք նյութի՝ գիտությանն անհայտ ֆունդամենտալ հատկությունների հետ, իսկ հզոր էներգիայի անջատման պրոցեսների դեպքում, հավանաբար, ֆիզիկական հայտնի օրենքների խախտման հետ:

Երկրաբանների անմիջական դիտարկումների համար մատչելի է երկրագնդի կեղևի սիլիկատային թաղանթի միայն մի քանի կիլոմետրը. լեռնային աղարների հազարավոր քիմիական անալիզների տվյալներով երկրագնդի կեղևի միջին կազմը (%-ներով) տասնհինգ առավել տարածված տարրերի համար ներկայացված է ստորև ըստ Ա. Ե. Ֆերսմանի հաշվարկների (առաջին հաշվարկները կատարել են Վաշինգտոնը և Կլարկը, այդ պատճառով էլ Ֆերսմանը միջին պարունակությունները առաջարկում է անվանել տարրերի «կլարկներ»):

O—49,13	F—0,08	Այս տասը տարրերի համար, ոռոնք ըստ տարածման հաջորդում են տասնհինգ տարրերից բաղկացած առաջին խմբին, բաժին է ընկնում երկրի կեղևի կազմի 0,33 %-ը. այսպիսով 25 ամենատարածված տարրերին բաժին է ընկնում երկրագնդի կեղևի կազմի 99,94 %-ը, իսկ մնացած 67 տարրերին՝ միայն 0,06 %-ը:
Si—26,00	Ba—0,05	
Al— 7,45	N—0,04	
Fe— 4,20	Sr—0,035	
Ca— 3,25	Cr—0,03	
Na— 2,40	Zr—0,025	
K— 2,35	V—0,02	
Mg— 2,35	Ni—0,02	
H— 1,00	Zn—0,02	
Ti— 0,61	Cu—0,01	
C— 0,35		
Cl— 0,20		
P— 0,12		
S— 0,10		
Mn— 0,10		
<hr/>		
Σ 99,61 %		

Ընդ որում այդ 0,06%-ի մեջ են մտնում բաղմաթիվ շատ կարևոր մետաղներ՝ Co, Mo, W, Sn, Bi, As, Sb, Hg, Pb, Au, Ag, Pt, Pd, U, Th և այլն, որոնց միջին պարունակությունները երկրագնդի կեղևում (կլարկներ) չափվում են տոկոսների հաղարերորդ, տասհաղարերորդ, հարյուրհաղարերորդ մասերով:

Այսպիսով, արժեքավոր մետաղների մեծ մասը երկրագնդի կեղևում գտնվում է արտակարգ ցրված վիճակում, նրանց կլարկները բաղմակի ցածր են նվազագույն կոնդիցիաներից և, ըստ երևույթին, որպեսզի այդ տարրերը արդյունաբերական հետաքրքրություն ներկայացնեն, նրանց կուտակման համար անհրաժեշտ են բացառիկ պայմաններ:

Ա. Պ. Վինոգրադովը բերում է նոր տվյալներ (1962) լեռնային ապարների գլխավոր տիպերում առանձին քիմիական տարրերի, ինչպես նաև նրանց միջին պարունակությունների վերաբերյալ, կազմությամբ 2 մաս թթու+1 մաս հիմքային ապարների համար։ Այդ թվերը լայն տարածված տարրերի համար բերված են ստորև։ Նրանք քիչ են տարբերվում ֆերոմանի թվերից։

O	—47,0
Na	—2,50
Mg	— 1,87
Al	— 8,05
Si	— 29,5
K	— 2,50
Ca	— 2,96
Ti	— 0,45
Mn	— 0,1
Fe	— 4,65

Ավելի հաղվագյուտ տարրերի միջին պարունակությունները Ա. Պ. Վինոգրադովի կողմից (1962) ներկայացված են հետևյալ աղյուսակում՝

Li	$-3,2 \cdot 10^{-3}$	Rb	$-1,5 \cdot 10^{-2}$	Re	$-7 \cdot 10^{-8}$
Be	$-3,8 \cdot 10^{-4}$	Sr	$-3,4 \cdot 10^{-2}$	Au	$-4,3 \cdot 10^{-7}$
B	$-1,2 \cdot 10^{-3}$	Y	$-2,9 \cdot 10^{-3}$	Hg	$-8,3 \cdot 10^{-6}$
C	$-2,3 \cdot 10^{-3}$	Zr	$-1,7 \cdot 10^{-2}$	Pb	$-1,6 \cdot 10^{-3}$
F	$-6,6 \cdot 10^{-2}$	Nb	$-2 \cdot 10^{-3}$	Th	$-1,3 \cdot 10^{-3}$
P	$-9,3 \cdot 10^{-2}$	Mo	$-1,1 \cdot 10^{-4}$	U	$-2,5 \cdot 10^{-4}$
S	$-4,7 \cdot 10^{-2}$	Ag	$-7 \cdot 10^{-6}$		
Cl	$-1,7 \cdot 10^{-2}$	Cd	$-1,3 \cdot 10^{-5}$		
Sc	$-1 \cdot 10^{-3}$	Jn	$-2,5 \cdot 10^{-5}$		
V	$-9 \cdot 10^{-3}$	Pd	$-1,3 \cdot 10^{-6}$		
Cr	$-8,3 \cdot 10^{-3}$	Sn	$-2,5 \cdot 10^{-4}$		
Co	$-1,8 \cdot 10^{-3}$	Sb	$-5 \cdot 10^{-5}$		
Ni	$-5,8 \cdot 10^{-3}$	Te	$-1 \cdot 10^{-7}$		
Cu	$-4,7 \cdot 10^{-3}$	Cs	$-3,7 \cdot 10^{-4}$		
Zn	$-8,3 \cdot 10^{-3}$	Ba	$-6,5 \cdot 10^{-2}$		
As	$-1,7 \cdot 10^{-4}$	Ce	$-7 \cdot 10^{-3}$		
Se	$-5 \cdot 10^{-6}$	Ta	$-2,5 \cdot 10^{-4}$		
		W	$-1,3 \cdot 10^{-4}$		

ՊԵՏՐՈՎԻՆ (ՔԱՐԱՄԻՆ) ԵՎ ՄԵՏԱՂԱԳԻՆ (ՄԵՏԱՂԱՇԻՆ) ՏԱՐԻԵՐ

Առանձին տարրերի կուտակումներ առաջացնելու ունակությունը սերտորեն կապված է նրանց միգրացիոն հնարավորության հետ (տեղափոխություններով և հանքավայրեր առաջացնելով), որը կախված է տարրի քիմիական հատկություններից. սրանք էլ իրենց հերթին պայմանավորված են ատոմների կառուցվածքով և էներգետիկայով: Տարրի միգրացիայի ժամանակ նրա վարքագծի վրա մեծ ազդեցություն ունի հատկապես ատոմի էլեկտրոնային թաղանթների և, առաջին հերթին, արտաքին թաղանթի կառուցվածքը, որտեղ կա էլեկտրոնների խզում կամ միացում և, հետևաբար, քիմիական ռեակցիաներն ավելի հեշտ են կատարվում: Այս տեսակետից առանձնացվում են տարրերի երկու մեծ խմբեր՝ քարածին և մետաղածին:

Քարածին տարրերը կազմում են 8 էլեկտրոնանոց արտաքին թաղանթով իոններ և ներկայացված են գլխավորապես սիլիկատներով, կարբոնատներով, սուլֆատներով, քլորիդներով,

որոնք կուտակվում են՝ արտածին պրոցեսների ժամանակ (կը-
րաբարերի, դոլոմիտի, գիտակ և այլ հանքավայրեր):

Մետաղածին տարրերը կազմում են 18 էլեկտրոնանոց
արտաքին թաղանթով իոններ. ներկայացված են գլխավորա-
պես սուլֆիդներով, երբեմն օքսիդներով, բնածին տարրերով,
սիլիկատներով և կուտակվում են ներծին պրոցեսների ժամա-
նակ (մետաղների սուլֆիդային կամ օքսիդային հանքանյու-
թերի հանքավայրեր և այլն): Մի շարք տարրեր (Fe, Mn, S,
մասամբ Ni և Co) գրավում են միջանկյալ դիրք և տալիս են
արդյունաբերական կուտակումներ, ինչպես ներծին, այնպես
էլ արտածին պրոցեսների հետևանքով:

Երկրաբան Վաշինգտոնը, որն առաջարկել է տարրերի
ստորաբաժանումը քարածին և մետաղածին խմբերի, Մենդե-
լեևի աղյուսակը բեկյալ գծով բաժանել է երկու մասի, այդ
գծից վեր տեղադրելով քարածին, իսկ վար՝ մետաղածին
տարրերը (նկ. 15). այդ բաժանման գծի սահմանում տարրերի
մի մասը կազմում է միջանկյալ խումբ:

ՔԻՄԻԱԿԱՆ ՏԱՐՐԵՐԻ ԶՈՒԳԱԿՑՈՒԹՅՈՒՆՆԵՐԸ
ԵՎ ՆՐԱՆՑ ԿԱՊԸ ՈՐՈՇԱԿԻ ՏԻՊԻ ԱՊԱՐՆԵՐԻ
ՈՒ ԵՐԿՐՍ.ԲԱՆԱԿԱՆ ՊՐՈՑԵՍՆԵՐԻ ՀԵՏ

Քիմիական տարրերը և նրանցից կազմված միներալները
բնության մեջ հանդիպում են ոչ թե մեկուսացված ձևով, այլ
կազմում են իրար մոտ ու համարյա միաժամանակ և նման
երկրաբանական պայմաններում առաջացած և կուտակված
տարրերի զուգակցություններ ու միներալների պարագենետիկ
խմբեր:

Տարրերի զուգակցություններ հասկացությունը (իզո-
մորֆ շարքերը) առաջին անգամ առաջադրվել է Ա. Արծրունու
կողմից և հետագայում զարգացվել Վ. Ի. Վերնադսկու, Ա. Ե.
Ֆերսմանի, Ա. Ն. Զավարիցու, Ա. Պ. Վինոգրադովի և ուրիշ-
ների աշխատություններում:

Միներալների պարագենետիս (համագոյակցություն) հաս-
կացությունը առաջին անգամ անցյալ դարի սկզբին մտցրել է

	<i>N</i>	<i>H</i>	<i>D</i>	<i>T</i>	<i>P</i>	<i>F</i>	<i>S</i>	<i>Cl</i>	<i>Br</i>	<i>I</i>	<i>At</i>	<i>Pt</i>
1	2 He 4 He	3 Li 6 Li	1 H 1 H	1.0000 4.0000	4 Be 9.02	5 B 11.82	6 C 12.610	7 N 14.008	8 O 16.000	9 F 19.00		
2	10 Ne 20 Ar	11 Na 22 Ne	12 Mg 24.32	13 Al 25.97	14 Si 26.06	15 P 30.95	16 S 32.06	17 Cl 35.457	18 S 32.06	19 Mn 54.93	20 Co 53.85	21 Ni 58.94
3	18 Ar 39 Ar	19 K 39.096	20 Ca 40.08	21 Sc 45.0	22 Ti 47.90	23 V 50.95	24 Cr 52.01					
4	36 Kr 83.7	37 Rb 85.48	38 Sr 87.63	39 Y 88.92	40 Zr 91.22	41 Nb 92.91	42 Mo 95.95	43 Tc 97.96	44 Ru 101.7	45 Rh 102.91	46 Pd 106.7	
5	29 Cu 63.57	30 Zn 69.38	31 Ga 69.72	32 Ge 72.60	33 As 74.91	34 Se 78.96	35 Br 79.916					
6	36 Kr 83.7	37 Rb 85.48	38 Sr 87.63	39 Y 88.92	40 Zr 91.22	41 Nb 92.91	42 Mo 95.95	43 Tc 97.96	44 Ru 101.7	45 Rh 102.91	46 Pd 106.7	
7	47 Ag 107.620	48 Cd 114.76	49 In 114.76	50 Sn 115.70	51 Sb 121.76	52 Te 127.61	53 I 126.92					
8	54 Xe 131.3	55 Cs 132.91	56 Ba 137.36	57 La 138.92	58 Hf 178.5	59 Ta 180.88	60 W 183.92	61 Re 186.31	62 Os 190.2	63 Sb 195.90	64 Po 201.0	
9	79 Au 197.2	80 Hg 200.61	81 Tl 204.39	82 Pb 207.21	83 Bi 209.00	84 Po 210						
10	86 Rn 222	87 Fr 226.05	88 Ra 226.05	89 Ac 227	90 Th 232.12	91 Pa 238.17						

58-71 TR հազվագյուտ հողեր (լանդասիդոներ)

90 Th, g/ Pa, 92U, 93Np, 94Pu, 95Am, 96Cm, 97Bk, 98 Cf

Ապրիլի 15-ին Տաթևի եկեղեցու մատուցած աղյուսակը համապատասխան է Հայոց Առաքելական Եկեղեցու աղյուսակին:

ոռւս ակադ. Վ. Մ. Սևերդինը, որը գրա տակ հասկանում էր միասին և համարյա միաժամանակ առաջացած, որոշակի երկրաբանական պրոցեսների համար բնորոշ միներալների խումբ: Հետագայում միներալների պարագենեղիս հասկացությունը զարգացրել են Ա. Բրեյտհաուպտը (որը այդ տերմինի տակ հասկանում էր «միներալների համատեղ գտնվելը»), Ա. Գ. Բետեխտինը, Ա. Ե. Ֆերսմանը և ուրիշներ: Ֆերսմանը գրում էր՝ «Պարագենեղիս պետք է անվանենք պայմանների այն համալիրը, որը պայմանավորում է մի շաք միներալների համատեղ գտնվելը, իսկ համալիրի միներալները մենք պետք է միավորենք բնական միներալային զուգակցություններ անվան տակ»:

Առաջին անգամ Ա. Արծրունին իզոմորֆ շարքերի ձեռվով առանձնացրեց տարրերի հետևյալ զուգակցությունները՝ H, K, Rb, Cs, Tl, Na, Li, Ag, Cu, Hg, Pb, As, Au, Ta, Nb և այլն:

Հետագայում Վ. Ի. Վերնագսկին և Ա. Ե. Ֆերսմանը նշեցին մակերեսութին (H, C, N, O), թթու մագմաներին (Li, Be, Si, K, Sn, W, Mo, U...), հիմքալին մագմաներին (Mg, P, Mn, Ba, Sr,...), ուլտրահիմքալին մագմաներին (Ti, V, Cr, Fe, Co, Ni, Pt խմբի), երակալին հանքալին առաջացումներին (S, Cu, Zn, Pb, Au, Ag, Hg, Cd, Jn և այլն) բնորոշ տարրերի երկրաքիմիական զուգակցությունները:

Արժանի է հիշատակման Վ. Մ. Գոլդշմիդտի կողմից տարրերի հինգ խմբերի առանձնացումը՝ սիդերոֆիլ (C, Mo, Fe, Ni, Co, Pt խումբ), խալկոֆիլ (Cu, Ag, Zn, Hg, Jn, Pb, Bi, As, Sb, Sn), լիֆտոֆիլ (Li, H, Na, K, Mg, Ca, Si, W, U, Mn), ատմոֆիլ (H, N, Cl և այլն), բիոֆիլ (C, N, P, S, Cl, Ca, Mg), որոնք համապատասխանաբար երեքան են գալիս տարրեր պայմաններում:

Հանքահայտ են տարրերի հետևյալ օրինաչափ տիպական համակցումները՝

Li-Be-B, Mg-Fe-Cr-Ni-Co, Zr-Ti-(Nb, Ta), Mo-W-


(Sn), Ag-Pb-Co, Cd-Jn, K-Rb-Cs-(Li), Sn-W-Li, Te-Au-Ag-Hg, Hg-As-Sb, Th-TR, U-Ra-(V, As, P) և այլն:

Ա. Պ. Վիճովրագովը, առանձնացնելով հազվագյուտ տարրերի տիպական զուգակցություններ, նրանց կապում է տարրեր տիպի լինալին ապարների հետ. ոլտրահիմքային ապարներում Pt-ի խումբը (Pt, Pd, Os, Ir, Rh, Ru), հիմքային ապարներում V, Sc, Sr, Cd, Pt-ի խումբը, գրանիտոփներում Li, Rb, Y, TR, Cs, Be, Ta, Nb, Zr, ալկալի ապարներում Zr, TR, Ga, Hf, Be, Sr, կավածիսային թերթաքարներում U, V, Se, TR, ածոխներում Ge, V, Mo, U, B, Li, Ga, TR, Bi խմբերը:

H																	
He	Li	Be	B	C	N	O	F										
Ne	Na	Mg	Al	Si	P	S	Cl										
Ar	K	Ca	Sc	Ti	V	Cr	Mn	Fe	Co	Ni	Cu	Zn	Ga	Ge	As	Se	Br
Kr	Rb	Sr	Y	Zr	Nb	Mo	Tc	Ru	Rh	Pd	Ag	Cd	In	Sn	Sb	Te	J
Xe	Cs	Ba	TR	Hf	Ta	W	Re	Os	Ir	Pt	Au	Hg	TL	Pb	Bi	Po	At
Rn	Fr	Ra	Ac	Th	Pa	U	-										

Նկ. 16. Տարրերի երկրայիմիական աղյուսակ
(ըստ Ա. Ն. Զավարիցկու)

Ա. Ն. Զավարիցկին տարրերի պարբերական աղյուսակը բաժանում է տասը (չհաշված H) խմբի (Նկ. 16). 1) ազնիվ դագեր (He-ից մինչև Rn,), 2) լինալին ապարների տարրեր (Na, K, Ca, Mg, Al, Si և այլն), 3) մագնատիկ էմանացիաներ (B, F, Cl, P, S և այլն), 4) երկաթի խումբ (Fe, Ti, V, Cr, Mn, Co, Ni), 5) հազվագյուտ տարրեր (Sc, TR, Nb, Ta և այլն), 6) ոսդիուկախիվ տարրեր (Ra, Th, U և այլն), 7) մետաղային (Cu, Zn, Pb, Sn, Hg, Au, Ag և այլն), 8) մետալուդային և մհատածին (As,



Ապրիլի 17. Տարեր կազմի կատարողականությունը հասնակարել է վախճանի սկզբանից

Հեռնային ապարներ	Տարրեր	Օգտակար հանածոներ
1	2	3
I. Ռելտրահիմքային — հիմքային 1. Դունիտաներ, պերիզոտիտներ 2. Պիրոքսենիտներ, դաբըն 3. Գարբո, նորիտ-ներ, դիաբազներ (պլատֆորմներուն)	Cr, Mg, Pt-ի խումբ Fe, Ti, V	Բրոմիտ, մագնեզիտ, սորեստ, տալկ, ալմաստ, պլատին և նրա ախումբը Տիտանոմագնետիտ
II. Ալիկալի ապարներ (սիենիտներ, նեֆելինային սիենիտներ)	Ni, Cu, Fe, Co, Pt, Pd Al, Fe, P, (Zr, Ti, Nb, Th, F)	Պղինձ-նիկելային սուլֆիդներ (Co, Pt, Pd խառնուրդով) Նեֆելինային սիենիտ (Al ₂ O ₃ -ով հարուստ), մագնետիտ-ապատիտային հանքանյութեր, ապատիտ, ֆլորորիտ, ցիրկոն, մոնացիտ, լուպարիտ
III. Ռելտրահիմքային-ալկալի համալիրներ	Nb, Ta, Zr, TR	Կարբոնատիտներ
IV. Թթվու զրանիտո-իդներ (գրանիտներ և նրանց հետ կապված պեզմատիտներ ու զրելզեններ)	Sn, W, Mo, Bi, Be, As, Ta, Nb, U, Th, B, F, Li	Քվարցային երակներ ու զրելզեններ և պեզմատիտներ՝ վոլֆրամիտով, կասիտերիտով, մոլիբդենիտով, բիսմուտի-նով, արսենոպիրիտով, բերիլով, տանտալուկոլումբիտով, ուրանինիտով, մանացիտով, սպոդումենով, ցինվալդիտով տոպազով, ֆլորորիտով
V. Զափալոր թթվության զրանիտիդներ 1. Սկառնային պրոցես	Fe, W, Mo, Cu, Pb— Zn, As, Sn	Մկառնային հանքավայրեր՝ մագնետիտով, շենկելիտով, մոլիբդենիտով, խալկոպիրիտով, սփալերիտով, զալենիտով, արսենոպիրիտով, կասիտերիտով

1	2	3
2. Հիդրոթերմալ պրոցես	w) Fe, As, Au, p) Zn, Pb, Ag, Cu (Au, Cd, Jn, Ge, Ga) q) Ag, Co, Ni, Bi, U q) Cu, Mo, (Re) t) Sb, Hg, F q) Au, Ag, (Te, Se)	Ասկի-արսենոպիրիտա- յին հանքավայրեր Բաղմամետազային հանքավայրեր Հինգտարբանի ֆոր- մացիայի հանքա- վայրեր Պղնձա-մոլիբդենային հանքավայրեր Ծարիբ-սնդիկ-ֆլուո- րիտային հանքա- վայրեր Ասկի-արծաթի հանքա- վայրեր՝ սելլուրիդ- ներով կամ սելինիդ- ներով Երկաթախառն լատե- րիտների հանքավայ- րեր, նիկելի սիլիկա- տային հանք անյութ և կորալտի սարուլանա- յին հանքանյութ Լատերիտների արզնա- հողի հանքավայրեր (բոքսիտներ)
VI. Հողմահարման կե- ղեներ 1. Աւլտրահիմքային և հիմքային աղար- ներ	Fe, Ni, Co, Cr, Mn Al	Երկաթի հանքանյութի հանքավայրերի (ա- վազակավայրեն հստվածքների հետ զուգակցություններ) Մանդանային հանքա- նյութի հանքավայ- րեր (կարծրաբային հստվածքների հետ զուգակցություններ) Բոքսիտներ (կարսո- նատային հաստ- վածքներում) Ֆոսֆորիտներ (պլատ- ֆորմներում և շելֆի զոնայում)
VII. Նստվածքային ծովային առաջա- ցումներ	Fe(Mn, P) Mn(Fe, P)	Երկաթի հանքանյութի հանքավայրեր (ա- վազակավայրեն հստվածքների հետ զուգակցություններ) Մանդանային հանքա- նյութի հանքավայ- րեր (կարծրաբային հստվածքների հետ զուգակցություններ) Բոքսիտներ (կարսո- նատային հաստ- վածքներում)
VIII. Նստվածքային ծովալաղունային ա- ռաջացումներ	Al(Fe) P, Ca, F Na, K, Ca, Mg, Cl, S, C, H Na, Ca, Mg, B	Աղերի, զիտուի, ծծմբի, բիտումի հանքավայ- րեր Բորատների հանքա- վայրեր

ՏԵ, ԱՅ, ՏԵ, ՏԵ), 9) պղատինի խումբ, 10) ժանր հալոփեներ (Հ, ԵՐ):

Բնության մեջ գոյություն ունի նախընտրելի կապ՝ առանձին տարրերի ու նրանց խմբերի և որոշակի կազմության ապարների ու առաջացման պայմանների միջև (նկ. 17): Տարրերի (և, հետեւաբար, միներալների և հանքավայրերի) գուգակցությունների այդ կապերն, իհարկե, անհրաժեշտ է իմանալ ու հաշվի առնել որոնողական աշխատանքներ կատարելիս և այն տեղամասերի հեռանկարների կանխատեսումային գնահատումների ժամանակ, որոնց երկրաբանական կառուցվածքն ու լեռնային ապարների համալիրը հայտնի են:

Որոշակի լեռնային ապարների հետ տարրերի տիպական գուգակցությունների և օգտակար հանածոների կապը ցուցաբերվում է վերը բերված աղյուսակում:

ՀԱՆՔԱՆՅՈՒԹԵՐԻ ՄԻՆԵՐԱԼԱՅԻՆ ԿԱԶՄԸ:

ԿՈՆԴԻՑԻԱՆԵՐԸ

Ստորև բերված են մետաղային և ոչմետաղային օգտակար հանածոների հանքավայրերի հանքային և երակային ամենակարևոր միներալների ցուցակը և այդ հանքանյութերի կոնդիցիաները:

Հանքանյութերի կարևորագույն երակային միներալների թվում հարկ է նշել՝ քվարցը, օպալը, խալցեղոնը, դաշտային սպաթը (միկրոկլին, ալբիտ, աղոլցար և այլն), կարբոնատները (կալցիտ, անկերիտ, գոլոմիտ և այլն), բարիտը, գիհար, անհիդրիտը, ֆլուորիտը, քլորիտը, փայլարը (ավելի հաճախ սերիցիտը), կառլինիտը, ցեղլիտները, ապատիտը, տուրմալինը, տոպազը, սկառների սիլիկատները (նոնաքարեր, պիրոքսեններ, ամֆիբոլներ, էպիդոտ, սկապոլիտ, վոլաստոնիտ և այլն). արժեքավոր մետաղների հանքանյութերում երակային միներալների դերը հաճախ կատարում են պիրիտը, պիրոտիտը, մարկազիտը, ապարների բեկորները:

Ոչմետաղային օգտակար հանածոների հանքավայրերում գլխավոր միներալներ են սիլիկատները, կարբոնատները, քլո-

Մետաղ	Միներալները և նրանց կազմը	Պարունակությունը %-ներով	
		1	2
Fe	Սաղնետիտ Հեմատիտ Լիմոնիտ Սիդերիտ Իլմենիտ Քրոմշղինելիդ-ներ	FeO · Fe ₂ O ₃ (Fe ₃ O ₄) Fe ₂ O ₃ HFeO ₂ · aq(Fe ₂ O ₃ · nH ₂ O) FeCO ₃ FeTiO ₃ (Fe, Mg) (Cr, Al, Fe) ₂ O ₄	Fe 72,4 Fe 70,0 Fe 48-63 Fe 48,3 Fe 36,8 Cr ₂ O ₃ 18-62
Mn	Պիրոլյուզիտ Պարուսելան Ռոգուլբոզիտ Ռոգունիտ	MnO ₂ mMnO · MnO ₂ · nH ₂ O MnCO ₃ MnSiO ₃	Mn 63,2 Mn 35-60 Mn 47,8 Mn մինչև 36.
Ti	Թուատիլ Իլմենիտ	TiO ₂ FeTiO ₃	Ti 60 Ti 31,6
V	Ռուկուէլիտ Վանազինիտ Պատրոնիտ Կառնոնտիտ Պենտալզիտ Նիկելին	KV ₂ [AlSi ₃ · O ₁₀] [OH] ₂ Pb ₅ [VO ₄] ₃ Cl V ₂ S ₅ [կամ VS ₂] K ₂ U ₂ [VO ₄] ₂ O ₄ · 3H ₂ O [Fe, Ni] ₉ S ₈ NiAs	V 4-16 V ₂ O ₅ 19,3 V 28 V ₂ O ₅ 20 Ni 10-42 Ni 44
Ni	Գառնիերիտ Անտարերզիտ Կորալտին Լիննեիտ Սմալտին Սփերոկորալտիտ	Ni ₄ [Si ₄ O ₁₀] [OH] ₄ · 4H ₂ O Ni ₃ [AsO ₄] ₂ · 8H ₂ O Co ₃ S Co ₃ S ₄ CoAs ₂₋₃ CoCO ₃ m(Co, Ni)O · MnO ₂ · nH ₂ O Co ₃ [AsO ₄] ₂ · 8H ₂ O MoS ₂ Fe ⁺⁺⁺ [MoO ₄] ₃ · 7H ₂ O	NiO 15-46 NiO 37,5 Co 35,4 Co 40-53 Co 49 Cao 2-32 Cao 37,5 Mo 60 Mo 60
Co	Կորալտին Լիննեիտ Սմալտին Սփերոկորալտիտ	(Mn, Fe) WO ₄ CaWO ₄	W 60 W 60
Mo	Մոլիբդինիտ Ֆերիմոլիբդիտ	SnO ₂ Cu ₂ FeSnS ₄	W 64 Sn 78,8
W	Վոլֆրամիտ Շերլիտ	Bi ₂ S ₃ FeAsS	Sn 27,5 Bi 81,2
Sn	Կասիտերիտ Մտաննին	FeAs ₂ 3Cu ₂ S · As ₂ S ₃	As 46 As 72,8
Bi	Բիսմուտին	Cu ₃ AsS ₄	As 20-22
As	Արսենոպիրիտ Լյոլինզիտ Տենանտիտ Էնարզիտ Ռեալզար Առերիպիտմենտ Սկորոզիտ	AsS As ₂ S ₃ Fe ⁺⁺⁺ [AsO ₄] · 2H ₂ O	As 19 As 70 As 61 As 27-38

* Միներալների բանաձեռքը և մետաղի (կամ օքսիդի) պարունակությունը բերված են Ա. Պ. Բետեխտինի «Միներալոգիա» դասընթացի համաձայն (1950 թ. Հրատ.):

1	2	3	4
Sb	Անտիմոնիտ (ասլիբնիտ)	Sb_2S_3	Sb 71
Hg	Կինովար	HgS	Hg 86
Cu	Խալկոպիրիտ	CuFeS_2	Cn 34,5
	Բառնիտ	Cu_5FeS_4	Cu 63
Pb	Խալկովին	Cu_2S	Cu~80
	Ցերուսիտ	PbS	Pb 86,6
Zn	Սֆալիբիտ	PbCO_3	Pb 77,5
	Սմիտոնիտ	ZnS	Zn 67
Ag	Արգենտիտ	ZnCO_3	Zn 52
Al	Դիասոլոր	Ag_2S	Ag 87
	Հեղուարդիլիտ	$\text{HAlO}_2 \text{ (կամ } \text{Al}_2\text{O}_3 \cdot \text{H}_2\text{O)}$	Al_2O_3 85
	Ալունիտ	$\text{Al}[\text{OH}]_3 \text{ (կամ } \text{Al}_2\text{O}_3 \cdot 3\text{H}_2\text{O)}$	Al_2O_3 65
	Նեֆելին	$\text{KAl}_3[\text{SO}_4]_2[\text{OH}]_6$	Al_2O_3 37
Mg	Մագնեզիտ	$\text{Na}[\text{AlSiO}_4]$	Al_2O_3 34
	Դոլմարիտ	MgCO_3	Mg 28,7
Au	Բնածին ոսկի	$\text{CaMg}[\text{CO}_3]_2$	Mg 13,1
	Կալավերիտ	Au	Au մինչև 100
Pt	Բնածին պլատին (պոլիքսեն)	AuTe_2	Au 39
	Սպիրիտիտ	Pt	Pt 80-88
U	Ուրանինիտ և ուրանայինին խեժ (նաստուրան)	PtAs_2 $\text{UO}_2(\text{UO}_3 \text{ և } \text{Pb})$ խառն- նուրդող	Pt 52-56 U 50-65
	Տորբենիտ	$\text{CuU}_2[\text{PO}_4]_2\text{O}_4 \cdot 12\text{H}_2\text{O}$	UO_3 52
	Ցեյներիտ	$\text{CuU}_2[\text{AsO}_4]_2\text{O}_4 \cdot 12\text{H}_2\text{O}$	UO_3 52
	Օտունիտ	$\text{CaU}_2[\text{PO}_4]_2\text{O}_4 \cdot 8\text{H}_2\text{O}$	UO_3 62
Th	Կառնոուրիտ	$\text{K}_2\text{U}_2[\text{VO}_4]_2\text{O}_4 \cdot 3\text{H}_2\text{O}$	UO_3 63,4
	Թորիանիտ	ThO_2	ThO_2 մինչև 93
	Թորիտ	ThSiO_4	ThO_2 մինչև 81
	Մոնացիտ	(Ce, La...) PO_4	ThO_2 5-10 մինչև 31
Ta-Nb	Տանտալոկո- լումբիտ	(Fe, Mn) $(\text{Nb}, \text{Ta})_2\text{O}_6$	Ta_2O_5 կամ Nb_2O_5 մինչև 85-86
	Լուղարիտ	(Na, Ce, Ca) $(\text{Nb}, \text{Ti}...)_2\text{O}_6$	Nb_2O_5 մինչև 12
	Կողալիտ	(Na, Ca, Ce) $(\text{Nb}, \text{Ti}...)_2\text{O}_6$ (F, OH)	Ta_2O_5 մինչև 1
Be	Բերիլ	$\text{Be}_3\text{Al}_2[\text{Si}_6\text{O}_{18}]$	Nb_2O_5 մինչև 56
	Հելվին	$\text{Mn}_3[\text{BeSiO}_4]_6\text{S}_2$	BeO 14 (Be~5)
Li	Սպորումին	$\text{LiAl}[\text{Si}_2\text{O}_6]$	BeO ~13,6
	Լեոլիտոլիտ	$\text{KL}_2\text{Al}[\text{Si}_4\text{O}_{10}][\text{F}, \text{OH}]_2$	Li ₂ O 8 Li ₂ O մինչև 5,9

բիդները, քվարցը, բարիտը, ֆլյուորիտը, ասբեստը, տալկը, փայլարը, ծծումբը, գրաֆիտը, ալմաստը:

Հանքային (կամ ընդհանրապես արժեքավոր) և երակացին միներալների քանակական հարաբերակցությունից կախված տարբերում են՝ Հոծ հանքանյութեր, որոնք գլխավորապես կաղմված են հանքային կամ արժեքավոր միներալներից և ցանավոր հանքանյութեր, որտեղ գերակշռում են երակային միներալները՝ նրանց մեջ ցրված արժեքավոր միներալների ցանով։ Ցանավոր հանքանյութերը սովորաբար օգտագործվում են հարստացումից հետո և, հետևաբար, առանձնապես կարևոր է նրանց տեքստուրաների ու ստրուկտուրաների, հանքահատիկների շափերի ու նրանց հարաճման բնույթի ուսումնասիրությունը։

Կաղմությամբ տարբերվում են. պարզ հանքանյութեր, որոնք շահագործվում են մեկ մետաղի կամ միներալի ստացման համար (երկաթ, բրոմ, մանգան, ասբեստ, գրաֆիտ, ծըծումբ), և կոմպլեքսային հանքանյութեր, որոնք մշակվում են մի քանի մետաղների կամ միներալների միաժամանակյա կորզման նպատակով (բազմամետաղային Pb—Zn—Ag, Cu—Ni—Co—Pt հանքանյութեր, Sb—Hg—ֆլյուորիտային հանքանյութեր, պեղմատիտներ՝ մուսկովիտով, դաշտային սպաթով, քվարցով ու հաղվագյուտ մետաղներով և այլն): Պետք է նշել, որ որոշ շատ արժեքավոր, այսպես կոչված, ցըրված մետաղներ կորզվում են զուգընթացաբար և սովորաբար ինքնուրույն հանքավայրեր շեն կաղմում (Cd, Ge, Ga, In, Se, Te, Re և այլն):

Առաջացման պայմաններով միներալները ստորաբաժանվում են՝ Երկրագնդի ներքին էներգիայով պայմանավորված ներծին պրոցեսների հետևանքով առաջացած հիպոգեն և արտածին պրոցեսների (հողմահարում, նստվածքառաջացում) հետևանքով առաջացած հիպերգեն միներալների։ Այս հասկացությունները չեն կարելի շփոթել առաջնային և երկրորդային միներալներ տերմինների հետ, քանի որ, օրինակ, հիպերգեն նստվածքային հեմատիտը իրենից ներկայացնում է առաջնային միներալ։

Առանձին մետաղների և ուժետաղային հումքի որոշ տեսակների համար գոյություն ունեն նրանց շահագործման տեսակետից ընդունելի նվազագույն (մինիմալ) պարունակություններ (կոնդիցիաներ), որոնք բերվում են ստորև՝

Fe—սովորաբար $25-30\%$, երբեմն նվազում է մինչև 15%

Mn—սովորաբար $20-25\%$, երբեմն նվազում է մինչև $10-12\%$

Cr₂O₃— 32% , ցանավոր հանքանյութերի համար՝ 12%

Ni—սիլիկատային հանքանյութերի համար՝ $0,6\%$, սուլֆիդ-ների համար՝ $0,3\%$

Co— $0,05\%$

Mo— $0,04\%$ (նոյնիսկ $0,01\%$ կոմպլեքսային հանքանյութերի համար)

WO₃— $0,2-0,3\%$

Sn— $0,1-0,2\%$

Bi— $0,1-0,2\%$

As— 2%

Sb— $1,5-2\%$

Hg— $0,1\%$

Au } —ցրոնների համար՝ $0,1-0,5$ գր/տոննա, արմատակա-
Pt } նի համար՝ $1-2$ գր/տոննա

Al₂O₃— 30% (նեֆելինային սիենիտների համար՝ $20-22\%$)

Cu— $0,3-0,5\%$

Zn— $2-3\%$

Pb— 1%

U₃O₈— $0,05-0,1\%$

Ասբեստ— 1%

Փալլար— $0,5\%$

Գրաֆիտ— 2%

Ծծումբ— 8%

Վերապահումով պետք է նշել, որ բերված կոնդիցիաները հաստատուն մեծություններ չեն և փոփոխվում են ընդհանուր տնտեսական իրավիճակի (կոնյունկտուրայի), նոր տեխնիկական մշակումների փոփոխման հետ միասին և զգալիորեն

կախված են հանքավայրի մասշտաբից ու տիպից, հանքանյութերի կաղմությունից, նրանց շահագործման, հարստացման և ձուլման հեշտությունից:

ՕԳՏԱԿԱՐ ՀԱՆԱԾՈՒԵՐԻ ՀԱՆՔԱՎԱՅՐԵՐԻ
ԱՌԱՋԱՑՄԱՆ ԵՐԿՐԱԲԱՆԱԿԱՆ ՊՐՈՑԵՍՆԵՐԻ
ՀԱՄԱՌՈՇ ԲՆՈՒԹԱԳԻՐԸ ԵՎ ՀԱՆՔԱՎԱՅՐԵՐԻ
ԴԱՍԱԿԱՐԳՄԱՆ ՍԿԶԲՈՒՆՔՆԵՐԸ

Օգտակար հանածոների կուտակումներ՝ հանքավայրեր առաջանում են ներծին, արտածին և մետամորֆածին պրոցեսների ժամանակ տարրերի միզրացիայի հետևանքով և դասակարգվում են ըստ նրանց առաջացման երկրաբանական պրոցեսների:

Ներծին (մագմածին) հանքավայրերը կապված են Երկրագնդի կեղևի վերին հորիզոններում մագմատիկ ապարների ներդրման և սառեցման հետ, որոնք իրենց հերթին կապված են բաթոլիտների, փոքր ինտրուզիաների ու հրաբուխների արմատական մասերի խորքային օջախների հետ:

Մագման հալոցք է, կաղմված սիլիկատներից, օքսիդներից, սուլֆիդներից ու գաղանման միացություններից, որտեղ հիմնական դերը խաղում են ջրի գոլորշիները:

Մագմայի բյուրեղացման ժամանակ անմիջականորեն հալոցքից կամ նրանից անջատված մնացորդային հանքային հալոցքից առանձնանում են մի շարք արժեքավոր միներալներ, որոնց կուտակումները կաղմում են բուն մագմատիկ հանքավայրեր (քրոմիտ, տիտանոմագնետիտ, նիկելի ու պղնձնական սուլֆիդներ, պլատինի ու պալադիումի միներալներ, ալմաստ, ցիրկոն, մոնացիտ, լոպարիտ և այլն):

Ուլտրահիմքային-ալկալի մագմատիկ բարդ համալիրների զարգացման առանձնահատուկ պայմաններում, իբրև նրանց դիֆերենցման վերջնական արդյունք, առաջանում են կարբոնատիտային հանքավայրեր (նիոբիումի, ցիրկոնիումի, հաղվագյուտ հողերի և այլնի կուտակումներով)՝ մասամբ հալոց-

քից, մասամբ էլ ածխաթթվով հարուստ գազաջրային լուծութերից:

Մազմատիկ, սովորաբար գրանիտոփային կաղմության, ապարների սառեցման ավելի ուշ փուլերում առաջանում են մնացորդային ամենաթթու հալոցքները, որոնք հարստացած են ցնդողներով ու հազվագյուտ մետաղներով և առաջացնում են պեզմատային հանքավայրեր: Մազմայում ջրերի գոլորշիների և մյուս ցնդող միացությունների լուծելիությունը սահմանափակ է, որի հետևանքով էլ, երբ բյուրեղացման ընթացքում մազման հասնում է հագեցման, գազային միացությունների մեծ մասը դուրս է գալիս մազմատիկ օջախից՝ իր հետ բերելով մի շարք ծանր մետաղներ (շարժունակ ցնդող միացությունների ձևով և այն հերթականությամբ, որը համապատասխանում է այդ միացություններով մազմայի հագեցման աստիճանին):

Գաղերի սառեցման ու կոնդենսացման ժամանակ առաջցող գազային միացությունների և գերտաք լուծույթների հետ է կապված ետմազմատիկ՝ էխնալացիոն, սկառնային (կոնտակտ-մետասումատիկ) և հիդրոքերմալ հանքավայրերի մի ընդարձակ շարք:

Լեռնային ապարների ու գենետիկական տարբեր տիպերի օգտակար հանածոնների հանքավայրերի հողմահարման հետ է կապված արտածին պրոցեսների ժամանակ առաջացած արտածին հանքավայրերի ընդարձակ շարքը. այդ շարքում տարբերում են հողմահարման և նստվածքային հանքավայրեր:

Իրենց հերթին հողմահարման հանքավայրերը ստորաբաժանվում են հետևյալ խմբերի՝ էլյուվիալ-դելյուվիալ ցրոններ, մնացորդային (որոնք առաջացել են տեղում դժվարալույծ նյութերի կուտակումից) և ինֆիլտրացիոն (սրանք պահանջում են մակերևությային ջրերից դյուրալույծ հողմահարման նյութերի նստեցումից). նստվածքային հանքավայրեր, որոնք առաջանում են ջրային հոսանքների շարժման ուղղությամբ կամ լճային ու ծովային ավաղաններում մեխանիկական նյութի ու հողմահարման հետևանքով առաջացած լուծված նյութի նստեցման հաշվին և իրենց հերթին ստորաբաժանվում են՝

մեխանիկական նստվածքների (կալեր, ավազներ, գլաքարեր, ալյումինալ ցրոններ), ֆիմիական նստվածքների իրական լուծույթներից (աղեր, գիպս), ֆիմիական նստվածքների կոլորդալ լուծույթներից (Fe, Mn, Al հանքանյութերի հանքավայրեր), կենսաբիմիական նստվածքների (ծծումբ, ֆոսֆորիտներ, դիատոմիտներ, կրաքարեր), կառատորիոլիտների (ածուխ, նալթ). վերջին խումբը մեր գրքում չի քննարկվում:

Լեռնային ապարների և հանքավայրերի (հիմնականում նստվածքային ծագման) մետամորֆիզմի պրոցեսում առաջանում են մետամորֆածին հանքավայրեր, որոնց մեջ տարբերում են մետամորֆացված և մետամորֆիկ հանքավայրեր:

Մետամորֆացված հանքավայրերը բնութագրվում են նրանով, որ թեև նրանց մեջ տեղի են ունենում հումքի սրակի ու հանքանյութերի միներալային կազմի էական փոփոխություններ, այնուամենայնիվ, օգտակար հանածոյի բնույթը ու նրա կիրառման բնագավառները պահպանվում են (օրինակ՝ Կրիվոյ Ռոգի, ԿՄԱ-ի և երկաթի այլ հանքավայրերի հանքանյութերը, Ղաղախական ՍՍՀ-ի, Հնդկաստանի, Բրազիլիայի և այլն Մո-ի հանքավայրերը, Վիտվատերսրանդի Աս-Ա-ի հանքանյութերը):

Մետամորֆիկ հանքավայրերը մասսմբ վերստին առաջանում են մետամորֆիզմի պրոցեսում ի հաշիվ այն լեռնային ապարների, որոնք մինչ այդ արժեք չեին ներկայացնում, կամ էլ նրանց մեջ տեղի են ունենում այնպիսի էական փոփոխություններ, որ փոխվում է օգտակար հանածոյի բնույթը ու նա ստանում է կիրառման այլ բնագավառներ (օրինակ՝ Կուրեյկայի ու Մերձավովյան մարզի գրաֆիտային հանքավայրերը, կիանիտային թերթաքարերը, ծածկող թերթաքարերը, մարմարները, նաֆդակը և այլն):

Հանքավայրերի դասակարգման հիմնական սկզբունք ընդունելով հանքառաջացնող երկրաբանական պրոցեսները, նրանց դասակարգումը ընդհանուր տեսքով կարելի է ներկայացնել Հետևյալ կերպ՝

Ա. Ներծին (մագմածին) հանքավայրեր
Բուն մագմատիկ
Կարբոնատիտային
Պեզմատիտային
Ետմագմատիկ

1. Սկառնային (կոնտակտ-մետասոմատիկ)
2. էքսօալացիոն (և էքսօալացիոն-նստվածքային)
3. Հիդրոթերմալ՝ բարձր, միջին և ցածր ջերմաստիճան-ների

Բ. Արտածին հանքավայրեր
Հողմահարման հանքավայրեր

1. Էլլուպտիալ-դելլուպտիալ ցրոններ
2. Մնացորդային
3. Ինֆիլտրացիոն

Նստվածքային հանքավայրեր

1. Մեխանիկական նստվածքային
2. Քիմիական նստվածքային իրական լուծույթներից
3. Քիմիական նստվածքային կոլորալ լուծույթներից
4. Կենսաքիմիական նստվածքային
5. Կառաստոբիոլիտներ

Գ. Մետամորֆածին հանքավայրեր
Մետամորֆացված
Մետամորֆիկ

Հետագայում, այդ դասակարգման առանձին բաժինները մանրամասն մշակվեցին, ընդ որում շատ վեճեր և ուղղումներ եղան մագմածին և, մանավանդ, ետմագմատիկ հանքավայրերի խմբում:

Երկար տարիներ արտասահմանյան երկրներում և մեղմութ ամենից լայն տարածված էր Վ. Լինդգրենի գենետիկական դասակարգումը (առաջարկված 1911 թ.), երբ ետմագմատիկ հանքավայրերում ըստ ջերմաստիճանի և ճնշման առանձնացվում էին հետևյալ խմբերը՝ սուբլիմացման արդա-

սիքներ, պիրումետասոմատիկ հանքավայրեր և հիգրոթերմալ
(հիպոթերմալ, մեղոթերմալ և էպիթերմալ) հանքավայրեր:

Ետմազմատիկ հանքավայրերի դասակարգման այդ պար-
զությունը ապահովեց նրա լայն տարածումն ու ճանաչումը:



Նկ. 18. Վ. Աբովյան

Սակայն, «հիպո», «մեղո» և «էպիթերմալ» տերմինները
դարձան, համապատասխանաբար, «բարձր», «միջին» և «ցա-
ծըր» շերմաստիճանային տերմինների լրիվ հոմանիշներ, թեև
կինդգրենի մոտ այդ տերմինների տակ հասկացվում էին ոչ
միայն շերմաստիճանը, այլ նաև խորությունը (մեծ, միջին և
փոքր) և նրան համապատասխանող ճնշումը հանքանստեց-
ման ժամանակ:

Դրա հետևանքով, հանքավայրերը որոշակի դասերի ստո-
րաբաժաննելիս, առաջացան մի շարք թյուրիմացություններ՝
էպիթերմալ, մերձմակերեսային ոսկի-արծաթային հանքա-
վայրերի հանքանյութերը շատ ավելի խորքային՝ կապար-

ցինկային ու ծարիրային հանքանյութերի հետ հայտնվեցին միկնույն խմբում. այնպիսի բարձրշերմաստիճանային հանքավայրեր, ինչպիսիք են Չիլիի պղինձ-տուրմալինայինը, ծապոնիայի պղինձ-անագայինը, Հարավային Բոլիվիայի անագվոլֆրամ-բիսմուտայինը հայտնվեցին հիպոթերմալ խմբի մեջ, թեև նրանք առաջացել են փոքր խորություններում: Պըղընձի ու բաղմամիտաղային հրաբարային հանքավայրերը մտցված են մեզոթերմալ խմբի մեջ, թեև նրանք իրենցից ներկայացնում են միջինչերմաստիճանային, սակայն փոքր խորությունների առաջացումներ:

Վ. Լինդգրենի աշակերտներ և Ա. Բաղինգտոնը փորձեցին բարելավել նրա դասակարգումը՝ տելեթերմալ ու լեպտոթերմալ (Գրեյտոն) և քսենոթերմալ (Բաղինգտոն) հանքավայրերի լրացուցիչ խմբեր մտցնելով, սակայն դա բարդացրեց տերմինաբանությունը և համարյա չօգնեց վիճակի բարելավմանը*:

Շատ ավելի ուշ (1941 թ.), համարյա միաժամանակ, առաջարկվեցին ընդհանուր առմամբ իրար շատ նման Պ. Նիդլիի և Հ. Շնեյդերհենի դասակարգումները. նրանց հիմքում ընկած էր ներծին պրոցեսի սովորական բաժանումը հինգ՝ հեղուկ մագմատիկական, պեղմատիտային, պնկմատոլիտային, հիդրոթերմալ և էքսհալացիոն փուլերի (նկ. 19): Այնուհետև, ըստ մագմատիկ օջախի (որը համարվում է ակտիվորեն գործող մայր օջախ) տեղադրման առանձնացվում են հրաբխային, սուբհրաբխային, պլուտոնիկ և խորքային-պլուտոնիկ հանքավայրերի խմբեր:

Հ. Շնեյդերհենը առանձնացնում է պնկմատոլիտային հանքավայրերի մի ընդարձակ խումբ (կոնտակտ-մետասոմատիկ հանքավայրեր՝ S_n, W, Mo-ի հանքավայրերի գերակշռող մասը, Au, Bi, գունավոր մետաղների հանքավայրերի մի մասը), իսկ հիդրոթերմալ հանքավայրերի խմբում՝ ըստ

* Տելեթերմալ հանքավայրերը ցածրշերմաստիճանային միջին խորությունների են, լեպտոթերմալ՝ միջինչերմաստիճանային և փոքր խորությունների, իսկ բանովթերմալը՝ բարձրշերմաստիճանային և փոքր խորությունների:

Հրաբխալին և սուրեղաբիշային
հանքավայրեր

ՊԼՈՒԹՈՆԻԿ հաշվագլածություն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱռավարության հրաման

գլխավոր մետաղների, առանձնացնում են հանքային ֆորմացիաների 8 զուգակցություններ՝ 1) Au և Au-Ag, 2) ծծմբապղնձահրաբարային, 3) Pb-Ag-Zn, 4) Ag-Co-Ni-Bi-U, 5) Sn-Ag-W-Bi, 6) Sb-Hg, 7) Fe-Mn-Mg օրսիդներ, 8) հանքագուրկ։ Սրանցից մի քանիսը ենթարաժանված են պլուտոնիով ու սուբհրաբխային ֆորմացիաների (ընդամենը առանձնացված է 65 հանքային ֆորմացիա, ընդ որում մի ֆորմացիայի մեջ հաճախ ընդգրկված են առաջացման տարբեր պայմաններ ու ջերմաստիճաններ ունեցող կատա-, մեղո-և էպիթերմալ հանքավայրեր)։

Հ. Շնեյդերհենի հիդրոթերմալ ֆորմացիաների բազմազանությունը երևում է թեկուզ նրանից, որ նրա մոտ նույն ֆորմացիայի մեջ ընդգրկված են հանքավայրերի այնպիսի տարբեր տեսակներ, ինչպիսիք են Ուրալի պղնձահրաբարային հանքավայրերը, ԱՄՆ-ի, Չիլիի, ՍՍՀՄ-ի պղնձա-մկնդեղային հանքավայրը, Միջիգանի բնածին պղնձի հանքավայրը (ըստ հատկանիշի՝ գլխավոր մետաղը պղինձն է): Նույն ֆորմացիայում են ընդգրկված այնպիսի տարբեր առաջացումներ, ինչպիսիք են Ֆրայբերգի, Սուլիվանի, Բրոկենհիլի ու Տրիստեյտի հանքավայրերը (ըստ հատկանիշի՝ գլխավոր մետաղներն են կապարն ու ցինկը):

Պարզ է, որ այդպիսի դասակարգումը որոնողահետախուզական պրակտիկ աշխատանքներին ղեկավար ուղղություն տալ չի կարող, և թեև այն հաշվի է առնում հանքավայրերի առաջացման խորությունը (դրանում է նրա առավելությունը վ. կինդգրենի դասակարգման համեմատությամբ), սակայն շատ բարդ է և համարյա անկիրառելի:

Այն սկզբունքները, որոնք պետք է դրվենին ետմագմատիկ հանքավայրերի գենետիկական դասակարգման հիմքում, նըշվել են Ս. Ս. Սմիռնովի կողմից և ենում են հանքավայրի առաջացման խորությունը, պրոցեսի ջերմաստիճանը, ինչպես նաև հանքանյութերի քիմիկա-միներալային առանձնատեսկությունները (հանքային ֆորմացիաները) հաշվի առնելու անհրաժեշտությունից։

Ինչպես նշում էր Ս. Ս. Սմիռնովը, լուծույթների հիմնական բաժինների ձևավորումը ավելի շուտ տեղի է ունենում հանքաբեր մագմատիկ համալիրի խորքային, արմատային մասերում, ընդ որում «հանքային լուծույթները, որոնք ձևավորվում են սկզբնական մագմատիկ «ավաղանի» խորքային մասերում, կարող են բարձրանալ տարբեր զոնաներ և այստեղ ու հիմնականում միայն այստեղ, թողնել իրենց օգտակար բեռի գլխավոր մասը»*:

Ելնելով այդ սկզբունքներից և հաշվի առնելով Վ. Լինդգրենի և Պ. Նիգիլ—Հ. Շնեդերհենի դասակարգումների ուսցիոնալ կորիզը, Լենինգրադի լեռնային ինստիտուտի օգտակար հանածոների հանքավայրերի ամբիոնի պրոֆեսորներ Պ. Մ. Տատարինովը և Հ. Գ. Մաղարյանը 1949 թ. առաջարկեցին ետմագմատիկ հանքավայրերի դասակարգման իրենց տարբերակը, հաշվի առնելով հանքավայրերի առաջացման խորությունն ու ջերմաստիճանը և ստորաբաժանելով նրանց հանքային ֆորմացիաների**: Նրանք առանձնացնում են՝ էքսհալացիոն (մակերեսային և ստորջրյա տիպեր), սկառնային և հիդրոթերմալ հանքավայրեր, վերշինները առաջացման խորությամբ ստորաբաժանվում են շափակոր (մասամբ զգալի) ու փոքր խորությունների հանքավայրերի և նրանցից յուրաքանչյուրում անշատվում են բարձրջերմաստիճանային, միջինչերմաստիճանային ու ցածրջերմաստիճանային տիպեր՝ իրենց առանձին հանքային ֆորմացիաներով. ընդ որում հանքային ֆորմացիաները մեր կողմից առանձնացվում են ոչ թե ըստ գլխավոր մետաղի կամ մետաղների խմբի (ինչպես ու արված է Շնեդերհենի մոտ), այլ առաջացման երկրաբանական և գենետիկական պայմանների ամբողջությամբ, հանքային կազմի ընդհանրությամբ և, վերջապես տնտեսական նման նշանակությամբ:

Իհարկե, մեր կողմից առաջարկված դասակարգման մեջ

* С. С. Смирнов. О современном состоянии теории образования магматогенных рудных месторождений. Зап. ВМО, ч. 76, вып. I, 1947.

** П. М. Татаринов, И. Г. Магакян. Опыт классификации постмагматических месторождений. аЗп. ВМО, ч. 78, № 3, 1949.

կան թույլ կողմեր՝ անքավարար են մշակված խորության շափանիշները, որոշ չափով պայմանական են նաև ջերմաստիճանների սահմանումները, հաշվի շեն առնված հանքային լուծույթների կոնցենտրացիան և կազմը: Այդ բոլոր թերություններով հանդերձ, մեր գասակարգումը պարզ ու հարմար է օգտագործման տեսակետից, իսկ «Օգտակար հանածոներ» դասընթացի դասավանդման փորձն ու հանքավայրերի դաշտային ուսումնասիրությունները ցույց տվեցին այդ դասակարգման ընդունելիությունն ուսանողների ուսուցման և որոնողական-հետախուզական աշխատանքներին ճիշտ ուղղություն տալու գործում:

Վերջերս ակադ. Վ. Ի. Սմիռնովը իր մտքերն արտահայտեց Հիդրոթերմալ հանքավայրերի դասակարգման վերաբերյալ: Իր դրի առաջին հրատարակության մեջ (1965) նա առանձնացրեց հանքավայրերի 5 խումբ՝ 1) գրեյզենային, 2) էնդոթերմալ (քվարցային, սուլֆիդային ու կարբոնատացին ենթախմբերի ստորաբաժանումով), 3) տելեթերմալ, 4) հրաքարային, 5) սուբհրաբխային: Հետագայում (1976 թ., դրի 3-րդ հրատ.), ալբիտ-գրեյզենային և հրաքարային հանքավայրերը ինքնուրուցն խմբերի մեջ առանձնացնելուց հետո, Հիդրոթերմալ խմբում մնացին ընդամենը 3 տիպեր՝ պլուտոնածին, հրաբխածին և ամաղմածին (կամ տելեթերմալ, շերտաձև): Պլուտոնածին հանքավայրերի շարքում առանձնացվում են քվարցային, սուլֆիդային և կարբոնատային պարագենայինների հանքավայրեր: Առաջարկված դասակարգումը պարզ ու հարմար է օգտագործման տեսակետից, հիմնված է երկրաբանական հատկանիշների փաստական հետազոտությունների վրա, սակայն, ինչպես և մյուս դասակարգումները, զուրկ չէ թերություններից:

Մասնավորապես, շատ տարաբնույթ են ստացվում պլուտոնածին հանքավայրերի քվարցային, սուլֆիդային և կարբոնատային պարագենեղինների խմբերը, որոնց մեջ ըստ առաջացման ջերմաստիճանների և խորությունների ընդուրկվում են իրարից խիստ տարբերվող հանքավայրեր: Խալտարդետ են նաև հրաբխածին փորմացիաները, որոնք այդ խմբում

միավորում են առաջացման պայմաններով իրարից տարբերվող այնպիսի հանքավայրեր, ինչպիսիք են Կրիպլ-Կրիկի Աս-Ագ (Կոլորադո նահանգ), Պոտոկիի և Լալազուայի Տո-Վ-Բի-Ագ (Բոլիվիա), Միշիգանի բնածին Ըս (ԱՄՆ, Միշիգանի նահանգ), Բրագենի Ըս-տուրմալինային (Չիլի) հանքավայրերը, և այլն:

Անկախ նրանից, թե որ դասակարգումը մենք կընդունենք, ներփակող ապարների համեմատ ըստ հանքավայրերի ձևավորման ժամանակի տարբերում են սինգենետիկ հանքավայրեր, որոնք առաջացել են ներփակող ապարների հետ միաժամանակ (բոլոր նստվածքային, ինչպես նաև վաղմագմատիկ հանքավայրերը) և էպիգենետիկ հանքավայրեր, որոնք առաջացել են ներփակող ապարներից ուշ (բոլոր հիգրոթերմալ, ուշմագմատիկ, սկառնային, ինֆիլտրացիոն և այլ տիպերի հանքավայրերը):


Նախքան հանքավայրերի գենետիկական տարբեր տիպերի սիստեմատիկ նկարագրմանն անցնելը, անհրաժեշտ է քննարկել ևս երկու հարց, որոնք ընդհանուր են հանքավայրերի գենետիկական բոլոր տիպերի համար՝ հանքամարմինների մորֆոլոգիան և հանքանյութերի տեքստուրաներն ու ստրուկտորաները:

ՀԱՆՔԱՎԱՅՐԵՐԻ ՀԱՆՔԱՅԻՆ ՄԱՐՄԻՆՆԵՐԻ ՄՈՐՖՈԼՈԳԻԱՆ


Հանքավայրերի հանքային մարմինների ձևերի ուսումնասիրությունն առաջին հերթին ունի կարևոր կիրառական նշանակություն, քանի որ այն կանխորոշում է որոնողականախուզական և շահագործման աշխատանքների մեթոդիկան ու ուղղությունը: Դրանից բացի, հանքային մարմինների ձևերի ուսումնասիրությունը հաճախ հեշտացնում է հանքավայրի առաջացման պայմանների (գենետիկական տիպի) բացահայտումը, քանի որ հանքավայրերի որոշակի տեսակների համար տիպական են որոշակի ձևերի հանքային մարմինները: Օրինակ, հիգրոթերմալ հանքավայրերի համար տիպական են

երակային ձևերը, նստվածքայինների համար՝ շերտավոր ձեվերը և այլն: Վերապահումով նշենք, որ միայն հանքային մարմինների ձևերով հանքավայրի ծագումը որոշելն, իհարկե, վտանգավոր է, ուրեմն անհրաժեշտ է հաշվի առնել նաև երկրաբանական պայմանների ողջ համալիրը: Այսպես, հանքային մարմինների երակային ձևերը կարող են պատկանել նաև ուշ մագմատիկ, լիկվացիոն, կարբոնատիտային, ինֆիլտրացիոն տիպի հանքավայրերին, իսկ շերտայինը ու շերտաձևը՝ վաղմագմատիկ, լիկվացիոն, հիդրոթերմալ (որոշակի շերտերի ընտրովի տեղակալման դեպքում), սկառնային, հրաքարային, հրաբխա-նստվածքային, մնացորդային և ուրիշ այլ հանքավայրերին:


Տարածության մեջ երեք շափումներով հանքային մարմիններն ունեն՝ իզոմետրիկ, սյունաձև, սալաձև, ինչպես նաև նրանց միջև անցումային և բարդ ձևեր:



Նկ. 20. Շտոկ (նատակագիծ)




Նկ. 21. Ռսակնյակ և ռսակ (նատակագիծ)




Նկ. 22. Պարկ (կտրվածք)

Երեք ուղղությամբ հավասարաշափի զարգացած իզոմետրիկ մարմիններին են վերագրվում շտոկը և բունը (նկ. 20), որոնք իրարից տարբերվում են շափերով: Շտոկը ունի հարյուրավոր մետր, իսկ բունը՝ մի քանի մետր տրամագիծ. որոշ շափով սեղմված, սալաձև մարմինները, համապատասխանաբար, կոշվում են կուտակ, ռսակնյակ կամ ռսակ (նկ. 21), իզոմետրիկ ձևերին մոտենում են՝ պարկը և գրպանը (նկ. 22):

Այսունաձև մարմինների շարքին դասվում են սլուները, խողովակները, թամբաձև երակները, որոնք ձգված են մի ուղղությամբ, իսկ մյուս երկու ուղղություններով կարճ են (նկ. 23): Սալաձև մարմիններին, որոնք լավ են զարգացած երկու ուղղություններով, դասվում են երակներն ու շերտերը:



Նկ. 23. Ռուկի-Ծվաբցային բամբաձև երակ, բարդացված խզումով
(Բենդիզո, Ավստրալիա)




Նկ. 24. Հանճային երակի սխեմատիկ կտրվածք

Երակը լեռնային ապարների ճեղքը լցնող միներալային դանդալիք է: Շերտը՝ սալաձև, սովորաբար, նստվածքային ծագում ունեցող մարմին է, որը այլ կաղմության ապարներից առանձնացված է շերտավորման հարթություններով:

Երակների մեջ, ուղղաձիգ ուղղությամբ տեղադրվածներից բացի տարրերում են պառկած ու կախված կողեր և զալքանդներ՝ երակը սահմանափակող կողի ապարներ (նկ. 24): Երակների մեջ, սովորականներից բացի, առանձնացնում են սպիանման (նկ. 25, հազվադեպ փոքր փքվածքներով), խցային (նկ. 26, խոշոր փքվածքներով, սովորաբար կրաքարերում), համրիչաձև (փքվածքների և սեղմված տեղամասերի հարթագայությամբ, նկ. 27):


Երակները վերջանում են տարբեր ձևերով՝ աստիճանաբար բարակելով (սեպաձև) կամ ճյուղավորվելով, տրոհվելով մի շարք փոքր երակների կամ անթափանց ապարների էկրանի տակ կուտակ առաջացնելով: Բոլոր հանքամարմինների,

ինչպես և լեռնային ապարների համար, շափկում են նրանց տեղադրման տարրերը՝ տարածումը, անկումը և անկման անկյունը. Հանքային ոսպնյակների ու երակների համար կիրառական (հետախուզական, թեք հանքահորերի զետեղման համար) նշանակություն ունեն նաև հանքային մարմինների հակումը և գլորումը (սուզումը):



Նկ. 25. Սպիանման երակ

Հակում. Հաճախ ոսպնյակածեկան հանքային մարմինները խորբում տեղաշարժվում են անկման հարթությունում՝ անկման ուղղու-




Նկ. 26. Խցային երակ

թյունից այս կամ այն կողմ շեղվելով. Հակման անկյունը կազմվում է անկման հարթությունում հանքային մարմնի առանցքի ամենամեծ երկարաձգվածության ուղղության և նրա տարածման գծի հատման միջոցով (նկ. 28):

Գլորումը (սուզումը) այն անկյունն է, որը կազմված է անկման հարթությունում հանքամարմնի առանցքի և հորիզոնական հարթությունում նրա պրոեկցիայի միջև (նկ. 29):

Բարդ ձևերից կարելի է նշել հետևյալները՝ շտոկվերկ. լեռնային ապարի տեղամաս, ներթափանցված հնարավոր բույր ուղղություններն ունեցող և ցանց կազմող հանքային մանրը երակիկներով. ընդհանուր ձևը իզոմետրիկ է, շտոկաձև (նկ. 30): Թերթավորման զոնա. Հաճախ թերթավորմանը հնաթակա, փոխադարձաբար զուզահեռ բարակ երակիկների սերիա (նկ. 31): Ցանցավոր զոնա. իրար հատող երակիկների մի-


քանի սիստեմ (նկ. 32): Սանդուղքածե երակներ. իրար փոխադարձաբար զուգահեռ երակիկների սիստեմ, որոնք տեղադըրված են մեկը մյուսի վրա՝ սանդուղքի սանդղիկների ձևով (նկ. 33): «Զիու պոշ». ճյուղավորվող վերջավորություններով երակներ, որոնք իսկապես նմանվում են ձիու պոշի (նկ. 34):




Նկ. 27. Համբիշածե երակ (ըստ Վ. Ի. Սմիռնովի)

Երակներում օգտակար հանածոն հաճախ բաշխված է չափաղանց անհավասարաշափ՝ արժեքավոր մետաղները կազմում են փոքր, շատ հարուստ տեղամասեր, որոնց անվանում են հանքային սյուներ (թփեր, բոնանցներ, գրպաններ, բներ): Այդ հարուստ կուտակումների առաջացման պատճառները տարբեր են և առաջմն անբավարար են ուսումնասիրված. հնարավոր պատճառներից մի քանիսը բերված են ստորև՝ 1) ճեղքերի հակադիր պատերի շարժման ժամանակ խոռոշների առաջացում. 2) տարբեր ուղղություններ ունեցող ճեղքերի հատում. 3) էկրանավորող անթափանց ապարների կողմից լուծույթների ամբարտակում. 4) կարբոնատային և բիտումային կողային ապարների աղղեցություն. 5) ճեղքերի տարածման ու անկման տեղերի փոփոխություններ (խոտորում). 6) մակերեսութիւն մոտ բրեկշիացած ապարներում կամ մակերեսույ-

թին մոտ լուծույթների կազմի փոփոխության հետևանքով ջերմաստիճանի և ճնշման արագ անկում. 7) ներհանքային տեղաշարժեր և կրկնվող հանքայնացում:




Նկ. 28. Ոսպնյականման նակում ռւնեցող հանքային մարմնի սխեմատիկ պատկերը




Նկ. 29. Հանքային մարմնի տարածումը, անկումը, նակումը, սուզումը լուսաբանող սխեմա


Հանքային սյուները կիրառական մեծ նշանակություն ունեն առանձնապես ոսկու և արծաթի, երբեմն նաև անագի ու պղնձի, կապարի և ցինկի հանքավայրերի շահագործման ժամանակ. մի շարք դեպքերում մետաղների հիմնական քանակը



Նկ. 30. Աշտենքերգի անազային շտոլվերկներ
1—ցվխեր. 2—գրանիտ-պորֆիր. 3—ներդրված ապարներ.



Նկ. 31. Թերավերված երակ (սխեմա)




Նկ. 32. Վանդակաձև երակ (սխեմա)

ստանում են հենց այդ հանքային սյուներից, այն դեպքում,
երբ երակի մնացած մասերն աղքատ են:


Հարկ է նշել, որ որոշակի հանքավայրի կամ երակների դուգահեռ սերիայի համար հանքային սյուների տեղաբաշխման օրինաչափությունները (սյուների միջև եղած հատվածները, նրանց հակումը) պահպանվում են, որը թույլ է տալիս նախօրոք կանխատեսել նրանց տեղադրման վայրերը և համապատասխան ուղղություն տալ հետախուզական աշխատանքներին:

ՀԱՆՔԱՆՅՈՒԹԵՐԻ ՏԵՇԱՏՈՒՐԱՆԵՐԸ ԵՎ ՍՏՐՈՒԿՏՈՒՐԱՆԵՐԸ

Տերստուրա ասելով հասկանում ենք հանքանյութի կառուցվածքը, որը պայմանավորված է կազմությամբ ու ստրուկտուրայով, շափերով ու ծեկերով տարբերվող հանքանյութ կազմող հանքային ագրեգատների դուգակցման եղանակով. օրինակ, բրեկլիային տերստուրա՝ նոնաքարային



Նկ. 33. Սանդուղքային երակներ



Նկ. 34. «Զին» պոշի «ձեփ երակների սխալնեմ

սկառնի բեկորներ՝ ցեմենտացված կարբոնատներով ու սուլֆիդներով:

Ստրուկտուրա ասելով հասկացվում է հանքային ազրեգատի կառուցվածքը, որը պայմանավորված է տվյալ ազրեգատը կազմող բյուրեղային հատիկների ձևերի, չափերի և միակցությունների եղանակով։ Պետք է նկատի ունենալ, որ անգլերեն լեզվով հրատարակվող գրականության մեջ այդ տերմինների նշանակությունը ուսւերենի հետ համեմատած ճիշտ հակառակն է («texture» նշանակում է ստրուկտուրա, իսկ «structure»՝ տեքստուրա):


Հանքանյութերի տեքստուրաներն ու ստրուկտուրաները ուսումնասիրվում են մակրոսկոպիկ և միկրոսկոպիկ եղանակներով, սակայն տեքստուրաները մեծ մասամբ հետազոտվում են շտուֆներով (ցանկալի է լավ հղկված), իսկ ստրուկտուրաները՝ մանրադիտակի միջոցով։

Հանքանյութի կառուցվածքը (տեքստուրան) պայմանավորված է նրա առաջացման երկրաբանական պայմաններով (սեղրեգացիա, մետասոմատող, ներարկում, ճեղքերում լուծույթների շրջանառություն և այլն):


Այսպես, բուն մագմատիկ հանքավայրերի համար բնորոշ են հոծ, պտավոր, նողուցյար (նկ. 37), զոլավոր ու բրեկ-շիանման, պեղմատիտային հանքավայրերի համար՝ պեղմատիտային ու պեղմատոփիդային, սկառնային հանքավայրերի համար՝ հոծ, պտավոր ու մնացորդային տեքստուրաները: Բազմազան են հիդրոթերմալ հանքավայրերի տեքստուրաները՝ զոլավոր (նկ. 39), սանրածե, կրուստիֆիկացիոն, կոկարդային, դրուզիային (նկ. 35, 36), ժեռդային, բրեկ-շիային, բրեկլիային, կոլոմորֆ, ցանավոր (նկ. 38), հոծ և այլն:

Հողմահարման հանքավայրերի հանքանյութերի համար բնորոշ են ծակոտկեն, խոռոչային, բջջային, կեղեային, օխրային, փոշիածե, իսկ ինֆիլտրացիոն ու հրաքարային որոշ հանքանյութերի համար՝ կոլոմորֆ (նկ. 40), կոնկրեցիոն, դրուզային, ժեռդային տեքստուրաները:

Նստվածքային ծագում ունեցող հանքանյութերի համար բնորոշ են շերտավոր, կոնկրեցիոն, կոնգլոմերատային, օր-




Նկ. 35. Բյուրեղաբույլային (դրուզային) տեխստուրա
(պիրիտի բյուրեղներ, Մեծ ձոր)



Նկ. 36. Բյուրեղաբույլային (դրուզային) տեխստուրա
(էնարզիտի բյուրեղներ, Մեծ ձոր)




Նկ. 37. Նողույսար տեխնոլոգիա (Տրոմիտ, Շորժա)



Նկ. 38. Յանավոր տեխնոլոգիա (Առլինզիտ, Փյանչ-Խոնկ)


գանածին, իսկ մետամորֆածին հանքավայրերի համար՝ թերթավոր, բրեկլիանման, ծալավարդային (նկ. 41) տեքստուրաները:



Նկ. 39. Զոլավոր տեխնուրա
(բազմամետադաշտին հանքավայր)

Քանի որ հանքանյութի տեքստուրայի տվյալ գարդանը-կարը սովորաբար բնորոշ է հանքանյութերի որոշակի գենե-տիկական տիպերին, ապա տեքստուրաների ուսումնասիրությունը հեշտացնում է հանքավայրի դենետիկական տիպի սահմանումը։ Հանքային տարրեր ագրեդատների միջև հասակային փոխարարելությունները օգնում են վերականգնել հանքային պրոցեսի ընթացքը և նշել նրանում հանքայնացման առանձին փուլերն ու ստադիաները. վերջավես, հանքանյութերի փորձանյութարկման մեթոդիկայի և հանքարդուտացման եղանակների որոշման համար (օրինակ, ձևորով կատարվող տեսակավորման համար) նույնպես անհրաժեշտ է տեքստուրաների ուսումնասիրությունը։

Հանքանյութերի ստրուկտուրաների ուսումնասիրությունը որոշում է միներալների առաջացման հերթականությունն ու պայմանները, ինչպես նաև նրանց հարածումների բնույթը,



Նկ. 40. Կոլումորֆ տեխնոլոգիա
(սֆալերիտ ու զիպս, Ալավերդի)

որը կարևոր է հարստացման ռացիոնալ եղանակ ընտրելու գործում:

Ա. Գ. Բետեխտինը հանքանյութերի ստրուկտուրաների մեջ առանձնացնում է հետեւյալ զլիսավոր խմբերը՝

ա) Հալոցքներից կամ լուծույթներից նստած հատիկավոր ստրուկտուրաներ (ալոտրիոմորֆ, պանիդիոմորֆ, հիպիդիոմորֆ, պորֆիրանման, պոյկիլիտացին):


բ) Կուռզիոն ստրուկտուրաներ՝ խածառման (նկ. 42) մերականման, կմախքաձև, խածառման մնացորդների (նկ. 43):

գ) Պինդ լուծույթների տրոհման ստրուկտուրաներ՝ էմուլ-

սիոն, թիթեղաձև (նկ. 44), վանդակաձև, մերականման, հատիկավոր:

դ) Նստվածքային ծագման հանքանյութերի ստրուկտուրաներ՝ բեկորային, օօլիտային (նկ. 45):

ե) Վերաբյուրեղացման ստրուկտուրաներ՝ գրանոբլաստիկ, պորֆիրաբլաստիկ:



Նկ. 41. Սալազարյային տեխնուրա
(Երկարային ժվարցիտ, Կրիվոյ Ռոգ)

Հանքանյութերի տեքստուրաների և ստրուկտուրաների մանրազնին ուսումնասիրությունը միներագրաֆիա առարկայի խնդիրն է:

Ա. ՆԵՐՄԻՆ (ՄԱԳՄԱԾԻՆ) ՀԱՆՔԱՎԱՅՐԵՐ ԲՈԽՆ ՄԱԳՄԱՏԻԿ ՀԱՆՔԱՎԱՅՐԵՐ

Այս տիպի հանքավայրերը առաջանում են մագմատիկ փուլում հալոցքից, կամ որպես մագմայից վաղ բյուրեղ-

ների անշատումներ՝ վաղմագմատիկ հանքավայրեր (սեզրեգացիոն, պրոտոմագմատիկ), կամ որպես ցնդողներով հարուստ մնացորդային հանքային մագմաների անշատումներ՝ ուշմագմատիկ հանքավայրեր (հիստերոմագմատիկ, ֆուլիիլ), կամ էլ, վերջապես, մագմայի տրոհման (լիկվացիայի) հետեւանքով բաժանվելով սիլիկատային ու սուլֆիդային մասերի (լիկվացիոն հանքավայրեր):




Նկ. 42. Խածատման ստրոկառուա
(բոռնիտը խածատված է խալկոպիրիտով, Ազարակ)

Բուն մագմատիկ հանքավայրերն առաջանում են շատ բարձր ջերմաստիճանների՝ $700-1500^{\circ}\text{C}$ պայմաններում և սովորաբար, որոշ բացառությամբ, մեծ խորություններում: Փոքր խորություններում առաջացել են միայն մի քանի հանքավայրեր՝ բնածին երկաթի կուտակումներ Գրենլանդիայի բազալտներում, լիկվացիոն տիպի պղինձ-նիկելային սուլֆիդային որոշ հանքավայրեր (Նորիլսկի խումբ), մագնետիտի ցան և շլիրներ մի շաբթ շրջանների պորֆիրիտներում ու դիաբազներում:

Ակադ. Ա. Ն. Զավարիցկին առաջարկում է բուն մագմա-
տիկ հանքավայրերի հետեւալ դասակարգումը, որն ընդուն-
ված է մեր կողմից՝ ա) սեզրեկացիոն (վաղմագմատիկ)
հանքավայրեր, բ) հիստերոմագմատիկ (ուշմագմատիկ) հան-
քավայրեր և գ) լիկվացիոն հանքավայրեր:

Վաղմագմատիկ հանքավայրերը ներկայացված են արժե-
քալոր միներալների ամենից վաղ անջատումներով, որոնք
ցրված են մայր ապարներում ցանի կամ մանր շլիֆների ձևով.
Վերջիններն աստիճանաբար անցնում են ներփակող ապարի:




Նկ. 43. Խածատումից առաջացած մացորդների ստրոկտուրա
(վոլֆրամիտի մնացորդները խածատված են շենիտով, Կորուտի)

Ուլտրահիմքային-հիմքային ապարների հետ կապված են
քրոմիտի վաղմագմատիկ (սեզրեկացիոն) հանքավայրերը
(Բուշվելդ, Կլյուշևկովե և այլն), պլատինի և օսմիումային
ինդիումի (Ուրալի հանքավայրերի մի մասը), ալմաստի
(ՀԱՀ-ն Քիմքերլեյ, Հնդկաստանի, Բրազիլիայի, ՍՍՀՄ-ի)

Հանքավայրերը. թթու և ալկալի ապարների հետ են կապված լոպարիտի (ՍՍՀՄ) հանքավայրերը, մոնացիտի ու ցիրկոնի կուտակումները (Հնդկաստան, Բրազիլիա, Ավստրալիա, Կորեա և այլն):

Վաղմագմատիկ հանքավայրերի մասշտաբը սովորաբար մեծ չէ, հանքանյութերն աղքատ են (բներ, ցան), ուստի այդ տիպը գլխավորապես արդյունաբերական նշանակություն ունի միայն այնպիսի արժեքավոր օգտակար հանածոների համար, ինչպիսիք են պլատինի խմբի մետաղներն ու ալմաստը: Բայց և այնպես հայտնի են այդ տիպի շատ խոշոր երկու հանքավայրեր, որոնք պայմանավորված են գրավիտացիոն դիֆերենցումով՝ ուլտրահիմքային զանգվածում (Բուշվելդ) քրոմիտի (նկ. 46) և ալկալի զանգվածում (ՍՍՀՄ) լոպարիտի վաղ-




Նկ. 44. Պինդ լուծույքների տրոհման (խալկոպիրիտի բիբեղներ բռնիտի դաշտում) բիբեղային ստրովառության պահպանը

բյուրեղների սուլմամբ և ինտրուզիվի հատակում առաջացնում են առաջին գեպքում՝ քրոմիտային և երկրորդում՝ լոպարիտային հանքանյութերի շերտաձև մարմիններ:

Վաղմագմատիկ հանքավայրերի արդյունաբերական դերը գնահատելիս պետք է հաշվի առնել, որ այդ տիպի արմատա-

կան հանքավայրերի (ցանի, բների) քայլայման հետևանքով արժեքավոր կայուն միներալները կուտակվում են ալյուվիալ և ծովային ցրոններում։ Ալմաստի ու պղատինի արդյունահանման զգալի մասը և թորիումի (մոնացիտից) ու ցիրկոնի համարյա ամբողջ արդյունահանումը կատարվում է այդպիսի ցրոններից։

Ուշմագմատիկ հանքավայրերն առաջանում են մագմայի սառեցման ավելի ուշ փուլերում, ցնդողներով հարստացած մնացորդային հանքային մագմաներից. ցնդողները օժանդակում են հանքային մագմաների բյուրեղացման շերմաստիճանի անկմանը և նպաստում նրանց ներդրմանը արդեն սառած սիլիկատային դանդվածների մեջ։




Նկ. 45. Օօլիտային ստրոկտուրա
(լիմոնիտային հանքանյութ, Կերչ)

Հանքամարմիններն այստեղ դայկածե (նկ. 47), երակածե, ոսպնյակածեն են, ընդ որում, հոծ, հարուստ հանքանյութերը բավականաշափ կտրուկ սահմանազատված են ավելի վաղ սառած ներփակող ապարներից։

Հանքավայրերը կապված են ուղարաջիմքային-հիմքային մագմաների (բրոմիտ, տիտանոմագնետիտ, պլատինի խմբի մետաղներ) և ավելի հազվադեպ՝ թթու և ալկալի մագմաների (մագնետիտ, ապատիտ) հետ։ Հանքամարմինների շափերը երեմն շատ մեծ են (տարածումը մինչև մի քանի կմ, հզորությունը՝ տասնյակներից մինչև հարյուրավոր մետրեր, խորությունը՝ 1—2 կմ):

ՍՍՀՄ-ի քրոմիտի առավել խոշոր (Կեմպիրսայի խումբ, Սարանա և այլն), Թուբքիայի ու Բալկանների նույնատիպ, Խիբրինների ներգելին-ապատիտային, Հյուսիսային Շվեդիայի ապատիտ-մագնետիտային (Կիրունա և այլն), Ուրալի տիտանոմագնետիտային (Կուսինսկյա, Կաչկանար լեռ և այլն), Նիժնի Տագիլի պլատինի հանքավայրերը հիսակերպմաղմատիկ (ուշմագմատիկ) հանքավայրերի տիպիկ օրինակներ են։ Այս տիպը արգյունաբերական մեծ նշանակություն ունի քրոմիտի, տիտանոմագնետիտի, ապատիտի, պլատինի խմբի մետաղների համար։



Ար. 46. Քրոմիտի շերտաձև կուտակներ Հարավային Աֆրիկայի թուշվելիդի համալիրում (ըստ Կուպֆերյուրգերի և ուրիշ.) 1—անորոշված. 2—զարդ. 3—քրոմզիտ. 4—պիրոքսինիտ. 5—քրոմիտ. 6—քրվածք։

Ակրիլացիոն հանքավայրերը առաջանում են սուլֆիդներ պարունակող հիմքային մագմայից լիկվացիայի (տրոհման) հետևանքով երկու՝ սիլիկատային ու սուլֆիդային մասերի բաժանվելով։ Հետագայում սիլիկատային և սուլֆիդային մա-

սերը բյուրեղանում են առանձին-առանձին, սկզբում սիլիկատայինը, իսկ փոքր-ինչ ուշ՝ սուլֆիդայինը։ Լիկվացիան ըսկրսվում է $\sim 1500^{\circ}\text{C}$ (ու մի փոքր ավելի ցածր) ջերմաստիճանների պայմաններում և նրա առաջին փուլում սուլֆիդները առանձնանում են սիլիկատային հալոցքում մանր գնդիկների (կաթիլների) ձևով։


Եթե տրոհումից հետո կատարվի սիլիկատային մագմայի արսուղ սառեցում, ապա կառաջանա սուլֆիդային հանքանյութերի ցանավոր հանքավայր։ Եթե, ընդհակառակը, սիլիկատային մագմայի բյուրեղացումը ուշանում է, ապա սուլֆիդային գնդիկները հասցնում են սուլվել ու կազմել խիտ ցանավոր կամ հոծ հանքանյութերի մերձհատակային կուտակումներ (նկ. 48). Վերջապես, եթե սիլիկատային մագման բյուրեղացել է ու նրա զանգվածներում առաջացել են ճեղքեր, ապա դեռ չսառած սուլֆիդային մագման դուրս է մղվում այդ ճեղքերով, առաջացնելով սուլֆիդային հարուստ հանքանյութերի երակածել մարմիններ։

Այսպիսով, լիկվացիոն հանքավայրերի շարքում հանքամարմինների ձևով կարելի է առանձնացնել երեք տիպ՝ ցանավոր հանքանյութեր, հատակային կուտակումներ և երակածել մարմիններ։

Լիկվացիոն հանքավայրերն իրենց ծագումով կապված են դարբութիրոքսենիտների ու պերիդոտիտների, օլիվինային դիաբազների, նորիտների, քվարցային դիորիտների (իբրև հիմքային մագմայի ամենաթթու ածանցյալների) հետ և սովորաբար տեղադրված են վահանների ու նրանց պլատֆորմների սահմաններում, հաճախ կապված են շերտավորված (տեկտոնապես հանգիստ պայմաններում) հիմքային ապարների լակոլիտների ու սիլլերի հետ։

Հանքանյութերում սուլֆիդներից գլխավոր դերը կատարում են պիրոտինը, պենտանոդիտը և խալկոպիրիտը, որոնց հետ հանգես են գալիս պիրիտը (հաճախ Co-արեր), կոբալտի ու նիկելի արսենիդները, մագնետիտը, պլատինի խմբի մետաղները՝ սպերիլիտը— PtAs_2 , կուպերիտը— PtS , ստիբիո-պալադինիտը— Pd_3Sb , պալադիումային պլատինը (Pt ,


Pd) և այլն: կիկվացիոն հանքավայրերի շարքում կարելի է նը-
շել պղինձ-նիկելային (Pt և Pd խառնուրդով) սուլֆիդային



Նկ. 47. Սարանայի երոմիտի հանքավայրը
1—քերքաքարեր ու բվացիտներ (ստորին
պալեոզոյ). 2—սերպենտինացված պե-
րիդոտիտներ. 3—հանքային մարմիններ.
4—զարդո-դիաբազներ. 5—պորֆիրիտների
ու դիաբազների դայկաներ. 6—զարդ.
7—վարնետվածքների զծեր.

Հանքանյութերի այնպիսի խոշոր կուտակումներ, ինչպիսիք են
Սյոդերին Կանադայում, Ռուսականբուրգը ՀԱՀ-ում, Նորիլսկը,
Պեշենգան ու Մոնշեգորսկը ՍՍՀՄ-ում: Այս տիպը արդյունա-


բերական մեծ նշանակություն ունի նիկելի (համաշխարհացային արդյունահանման $2/3$ մասը), պլատինի ու պալադիումի (արդյունահանման 50% -ից ավելին) և որոշ շափով նաև զուգընթացքար կորզվող Cu, Co, Se-ի և այլնի համար:



Նորիլսկի հանքավայրի երկրաբանական կտրվածքը
1—գարող-դիաբազների ինտրուզիա. 2—ծածկի լավաներ.
3—պերմ-կարբոնի ավազաքար-քերաբարային ածխարեր
շերտահոտմբ. 4—սիլուրի հստվածներ. 5—տիտանային
պիրոխննով դիաբազ. 6—սուլֆիդային հանքանյուրեր.
7—վարենետվածքներ.

Լիկվացիոն հանքավայրերի համար մեծ նշանակությունը ունին FeS-Ni₃S₂, Fe-Cu-S, Fe-Ni-Cu-S (FeS-Ni₃S₂-Cu₂S սիստեմի վկածակի դիաբազմբ), սուլֆիդներ-սիլիկատներ (Դ. Պ. Գրիգորյանի փորձերը), FeS-FeO-SiO₂ (Յա. Օլշանսկի) սիստեմների ուսումնասիրման փորձարարական աշխատանքները: Այդ ուսումնասիրությունները հաստատում են ծծումբ պարունակող հիմքային կազմության մագմայի տրոհումը (լիկվացիան) սիլիկատային ու սուլֆիդային մասերի: Տիտանային ու ապատիտային հանքավայրերում հանքայնացումը մողելացնող փորձերը (Ի. Ֆիշեր) օքսիդներ-սիլիկատներ-ֆոսֆատներ սիստեմների վրա հաստատեցին Fe_xO_y-Ca₅F-(PO₄)₃-Na₂O·2,7SiO₂ սիստեմում հեղուկների անխառնելիությունը, որը սկսվում է «ֆոսֆատ-սիլիկատ» կողմում ու տարածվում է երկաթի ամենաբարձր օքսիդների ուղղությամբ: Փորձերը հաստատեցին նաև, որ իլմենիտն ու քրոմիտը դըրսկորվում են երկաթի ամենաբարձր օքսիդների նման:

Բունմագմատիկ հանքավայրերը սերտորեն զուգակցվում են որոշակի ինտրուզիվ՝ հիպերբազիտային (քրոմիտի, ինչպես նաև տիտանոմագնետիտի ու պլատինի հանքավայրերը), գաբրոանորտոզիտային (տիտանոմագնետիտի հանքավայրերը), բաղալտոփային ու տրապային մագնելիումով հարըստացած ֆացիաներում (պղինձ-նիկելային ու պլատին-պալլադիումային լիկվացիոն հանքավայրերը), գաբրո-պիրոքսենիտ-դունիտային (քրոմիտի, տիտանի, պլատինի հանքավայրերը), ուլտրահիմքային-ալկալային (ապատիտային, լոպարիտային, մասամբ պլատինի հանքավայրերը) ֆորմացիաների հետ:



Նկ. 49. Կարբոնատիտային հանքավայրի կառուցվածքի ընդհանուր սխեման (բառ Վ. Ի. Սմիռնովի).
 1—ալկալային ապարներ. 2—ուլտրահիմքային ապարներ. 3—գենեսիսներ. 4—ֆենիտներ. 5—կարբոնատիտների շտոկ. 6—կարբոնատիտների երակներ.

Այս իմբի հանքավայրերը ուսումնասիրվել, մշակվել և որպես առանձին տիպ առանձնացվել են միայն վերջերս և դա ունի իր բացառությունը. նրանք իրենցից ներկայացնում են բնության արտակարգ և համեմատաբար հաղվադյուտ երեսւթ. այդ տիպի ամենախոշոր հանքավայրերը գտնվում են Աֆրիկայի մայր ցամաքի, Բրազիլիայի ու Սիբիրի դժվարանցանելի շրջաններում, իսկ կարբոնատիտների հիմնական օգտակար համածոները (նիոբիում, ցիրկոնիում, հաղվագյուտ հողեր) ժամանակակից տեխնիկայում լայն կիրառում են դաել միայն վերջին տասնամյակներում:

Կարբոնատիտային հանքավայրերը կապված են ուղարաջիմքային-ալկալի զանգվածների հետ, որոնք առաջացնում են համակենտրոն-զոնալ և օղակավոր ինտրուզիվներ. վերջինները հարում են վահաններում—պլատֆորմներում զարգացած գերխորքային խզումներին, որոնք իրենց հերթին, հավանաբար, հասնում են թիկնոցին, որտեղից և բարձրանում է ուղարաջիմքային-ալկալի կազմության մագման:

Այդ ինտրուզիվ համալիրների զարգացումն ըստ ժամանակի սկսվում է ուղարաջիմքային (գումիտներ, պերիդոտիտներ), ապա ուղարաջիմքային-ալկալի և ալկալի ապարների ներզրամք և ավարտվում կարբոնատիտների առաջացմամբ. տարածականորեն այդ զարգացումը սովորաբար տեղի է ունենում կենտրոնամետ ձևով, այնպես որ ամենաոչ կարբոնատիտները տեղադրվում են համալիրի կենտրոնական մասում (նկ. 49): Ավելի հազվագեպ զարգացումն ընթանում է կենտրոնախույս ձևով և այդ զեպքում կարբոնատիտները գտնվում են համակենտրոն-զոնալ ինտրուզիվ համալիրի եզրում (նկ. 50):

Ձեռվ կարբոնատիտների մարմինները կազմում են շտոկներ (մինչև 8 կմ տրամագծով) ու դայկաներ (մինչև 10 մ հզորությամբ ու մինչև 1—2 կմ տարածմամբ) հաճախ ներփակող ապարների հետ կտրուկ կոնտակտներով:

Շատ դեպքերում ներփակող գրանիտա-գնեյսներում կամ թերթաքարերում տեղի ունի ֆենիտացում (ալկալի մետասո-


մատող, երբ գրանիտային ապարների միներալները տեղակալվում են ալբիտով, կալիում-նատրիումային դաշտային սպաթով, նեֆելինով, ալկալի պիրոքսենով ու ամֆիբոլներով):

Կարբոնատիտային հանքանյութերը 80—99%-ով բաղկացած են ներծին կարբոնատների կուտակումներից (կալցիտ, դոլոմիտ, ավելի հազվագեղ անկերիտ, մանգանաբերսիդերիտ). բացի կարբոնատներից զգալի դեր են խաղում ապատիտը ու ֆլոգոպիտը, իսկ ակցեսոր միներալների ձևով առկա են ավելի հազվագյուտ միներալներ՝ բաղելեիտը ZrO_2 , պիրոքլորը (Na, Ca, Ce)₂(Nb, Ti, Ta)₂O₆ (O, OH, F), պերովսկիտը $CaTiO_3$, կոնոպիտը (Ca, Ce) $(Ti, Fe)O_3$, դիզանալիտը (Ca, Ce, Na) $(Ti, Fe, Nb)O_3$, փարիզիտը $Ca(Ce, La)_2(CO_3)_3F_2$, բաստնեզիտը (Ca, La) $\cdot(CO_3)F$, ֆլուորիտը, բարիտը, Ca , Pb , Zn -ի սուլֆիդները և այլն (ընդամենը ~150 միներալներ):

Կարբոնատիտային հանքավայրերն ունեն նիոբիումի, ցերկոնիումի, հազվագյուտ հողերի հսկայական ռեսուրսներ և տանտալի, երկաթի, տիտանի, ֆլոգոպիտի, ապատիտի, ֆլուորիտի, պղնձի, կապարի ու ցինկի հանքանյութերի զգալի պաշարներ: Կարբոնատիտային տիպի խոշոր հանքավայրերից անհրաժեշտ է նշել Բրազիլիայի (Բարեյրու-դի-Արաշա, Պոկոս-դի-Կալդաս և այլն), Աֆրիկայի (Լուէշա, Պալաբորա), Կանադայի (0կա), ԱՄՆ-ի (Մասաչուսեթս-Փաս), ՍՍՀՄ-ի (Կովդոր, Կոնդեր, Ինազլի և այլն) մի շաբք հանքավայրերը:

Կարբոնատիտների ծագման վերաբերյալ գոյություն ունեն երկու հիմնական տեսակետներ՝ 1) մազմատիկ տեսակետը, որը կարբոնատիտները դիտում է իբրև մազմատիկ հալոցքի բյուրեղացման արդյունք և 2) հիդրոթերմալ տեսակետը, որի համաձայն կարբոնատիտները ձևավորվել են որպես տիպիկ ետմազմատիկ հիդրոթերմալ հանքավայրեր՝ դատարկություններում նյութի նստեցման պրոցեսի լայն դարգացման և մետասումատողի հետևանքով:

Մազմատիկ տեսակետը հիմնվում է կարբոնատիտներում շրջապատի ապարների քսենոլիտների առկայության, կարբո-



Նկ. 50. Կոնդերի խռորությայի սխեմատիկ երկրաբանական քարտեզը (բան Ա. Միլտոնի, Ա. Ելյանովի, Գ. Անդրեևի). 1—շորորդական հստվածքներ. 2—օմենինյան շերտախմբի ալերոլիտներ ու արգիլիտներ (ոփեյան համալիր). 3—կնինյան շերտախմբի ավազակարերի հաջվին առաջացած կոնտակտային գնեյսներ (ոփեյան համալիր). 4—դոնիտներ. 5—պերիդոտիտներ, 6—կոսվիտներ ու բիուխտ-պիրօքսինային ապարներ. 7—զարռ-դիորիտների ու մելանոկրատ մոնցոնիտների տիպի նիրդայային ապարներ. 8—դիորիտներ ու մոնցոնիտներ. 9—կարբոնատիտներ. 10—խոգումային խախտումներ. 11—ապարների թթվաղբում. 12—ապարների հորիզոնական տեղադրում.

նատիտների ապատիտում հրաբխային ապակու հայտնաբերման, կարբոնատիտային լավաների (Աֆրիկայի Օլդոնիո և Նալիանգո ժամանակակից հրաբուխներ) արտավիժման փաստերի, Շվեդիայի Ալնո հանքավայրում մազմատիկ հալոցքից առաջացած կարբոնատիտային դայկաների ներդրման վրա: Կարբոնատիտային մնացորդային մազմատիկ հալոցքը կապվում է խորքային պերիդոտիտային մազմայի դիֆերենցման հետ:

Հիդրոթերմալ տեսակետի համաձայն CO_2 -ով հաղեցված գաղաղրային լուծույթները ուլտրահիմքային ալկալի մազմայի օչախի վերին մասերում անջատվում են մազմայից, աղղում շրջապատի սիլիկատային ապարների վրա, առաջացնելով մետասոմատիկ տեղակալում: Որոշ հանքավայրերի հիդրոթերմալ ծագման օգտին են խոսում կարբոնատիտների պստիճանական անցումը դեպի տեղակալվող ապարները, կարբոնատիտային երակիկներով ներթափանցված շտեղակալված ապարների մնացորդները, մարմինների անկանոն ձևերը, բաղմաստաղիականությունը և ընտրովի տեղակալման բնույթը:

Հավանաբար իրավացի է Վ. Ի. Սմիռնովը, ենթադրելով, որ խորքային կարբոնատիտները ձևավորվել են հիմնականում մազմատիկ հալոցքներից, իսկ վերին հորիզոններում կատարվում է հալոցքի եռում ու նրանից գաղաղրային ֆալի անջատում: Նա նպատակահարմար է դանում հետագայում կարբոնատիտային խմբի հանքավայրերը ստորաբաժանել երեք ենթատիպերի՝ մազմատիկ, հիդրոթերմալ և խառն (վերջինում կարբոնատիտային նյութի առաջին բաժինները, հավանաբար, իրենցից ներկայացնում էին սառած հալոցք, իսկ ավելի ուշ բաժինները, որոնք վրադրված են նրա վրա, առաջացել են հետագա գաղաղրային գործոնների ազդեցության հետևանքով, Վ. Ի. Սմիռնով, 1976):

Սակայն, պետք է նկատի ունենալ, որ կարբոնատիտների առաջացման ժամանակ արտակարգ դեր է խաղում ածխաթթուն. դա էապես տարբերում է կարբոնատիտային հանքավայրերի ձևավորման պայմանները ետմազմատիկ գաղաղրային սովորական հանքառաջացման պրոցեսների պայմաններից:

Կարբոնատիտային հանքավայրերի երկրաբանական հասակը տարբեր է՝ մինչքեմբրից մինչև մեզո-կայնողոյ, թեև նրանք բոլորն էլ տեղադրված են մինչքեմբրյան պլատֆորմ-ների սահմաններում ու հսկվում են խոշոր տեկտոնական խըզումներով, կապված ակտիվացման պրոցեսների հետ։ Կարբոնատիտային հանքավայրերը վերին շերտերում իրենցից ներկայացնում են մերձմակերեսային առաջացումներ, բայց տարածվում են դեպի զգալի խորությունները (նկ. 51). կարբոնատիտների զարգացման ուղղաձիգ ինտերվալը, ելնելով էրողիոն կտրվածքից, 10 կմ-ից ոչ պակաս է և համապատասխանում է նրանց առաջացման ժամանակ իշխող ճնշումներին՝ տատանվելով ցածրից մինչև շատ բարձրը։ Կարբոնատիտների առաջացումը կատարվել է ջերմաստիճանների լայն ինտերվալում, այն ինտրուզիվների համար, որոնց հետ նրանք կապված են՝ $1350-1100^{\circ}\text{C}$ -ից (ուլտրաբազիտներ) մինչև $1100-630^{\circ}\text{C}$ -ն (ալկալի ապարներ) ու $750-620^{\circ}\text{C}$ -ը (նեֆելինային սիենիտներ), իսկ բուն կարբոնատիտների համար, ջերմաշափային ու պինդ լուծույթների տրոհման տվյալների համաձայն, $630-520^{\circ}\text{C}$ -ից մինչև $300-200^{\circ}\text{C}$ ։


Ճնշումների ու ջերմաստիճանների ոեժիմի լայն փոփոխություններով կարբոնատիտներն իրենց առաջացման պայմաններով խիստ տարբերվում են ներծին հանքավայրերի մյուս խմբերից։

ՊԵԳՄԱՏԻՏԱՅԻՆ ՀԱՆՔԱՎԱՅՐԵՐ

Պեգմատիտային հանքավայրերն առաջանում են ցնդող-ներով (միներալիվատորներով) հարուստ մնացորդային սիլիկատային մագմաների առանձնացման հետևանքով։ Նրանք հիմնականում կապված են գրանիտա-գրանոդիորիտային կաղմության մագմաների, երբեմն ալկալի ու նեֆելինային սիենիտների և հապվագեստ հիմքային-ուլտրահիմքային մագմաների հետ։ Մնացորդային սիլիկատային մագման մեկուսանում է ինտրուզիվ զանգվածների գմբեթային մասերում, որոնց սառչելուց հետո, երակածե մարմինների ձևով ներդրվում է ին-

տրուղիվ գմբեթների ճեղքերի մեջ, կամ հեռանում է նրանցից դեպի ներփակող ապարները, տարածվելով մի քանի կմ։

Պեզմատիտներն իրենց կազմով համապատասխանում են մայր մազմային (գրանիտային պեզմատիտները, օրինակ, բաղկացած են ալկալի սպաթից, քվարցից, մուսկովիտից, նեֆելինային սիենիտների պեզմատիտները՝ ալկալի սպաթից, նեֆելինից, ալկալի ամֆիբոլներից կամ պիրոքսեններից և



Նկ. 51. Կարբոնատիտների ուղղաձիգ գոնալուրյան ամֆոփիչ սիեման (ըստ Ա. Մուրի). 1—լանջերի հրաբխածիններ. 2—խառնարանային հրաբխածիններ. 3—կարբոնատիտներ. 4—հիպերազիտներ. 5—իոլիտներ, 6—նեֆելինային սիենիտներ. 7—ֆենիտացման տեղամասեր.

այլն), մայր ապարներից տարբերվելով բյուրեղների մեծ շափերով և հաղվագյուտ միներալների բարձր դերով:

Պեզմատիտներն առաջանում են ջերմաստիճանների 800 — 50°C սահմաններում և, սովորաբար, մեծ խորություններում, ճնշման (P) մեծ արժեքների դեպքում:

Ամենից շատ տարածված ու լավ ուսումնասիրված են և տնտեսական մեծ նշանակություն ունեն գրանիտային պեզմատիտները, որոնք մանրազնին ուսումնասիրված և նկարագրված են ակադ. Ա. Ե. Ֆերսմանի մենագրության մեջ: Գրանիտային պեզմատիտային հալոցքները հարուստ են SiO_2 , Al_2O_3 , K , Na -ով ու ցնդողներով՝ H_2O , Cl , F , B , CO_2 և այլն. նրանց համար բնորոշ է Be , Li , Zr , Ta , Nb , Th , U , TR-ի , ավելի հաղվագեպ՝ Sn , W , Mo , Ti-ի կուտակումը:

Պեզմատիտի ձևավորման սկզբնական փուլը մազմատիկական է (հալոցքից), որից հետո վրա է հասնում գաղաջրային (հոսանուտային) փուլը. այդ տեսակետից պեզմատիտներն իրենցից ներկայացնում են այնպիսի առաջացումներ, որոնք բուն մազմատիկից անցնում են ետմազմատիկի:

Պեզմատիտների առաջացման պրոցեսի վերաբերյալ գոյություն ունեն երեք տեսակետներ.

1. Ակադ. Ա. Ե. Ֆերսմանի էվոլյուցիոն տեսակետը, ըստ որի պեզմատիտը դիտվում է որպես ֆիզիկաքիմիական մի փակ սիստեմ, պայմանավորված մազմայում ջրի գոլորշիների և ուրիշ ցնդողների անսահմանափակ լուծելիությամբ (փորձարարական աշխատանքներով սա Ժխտված է):

Ըստ Ֆերսմանի, պեզմատիտն առաջանում է որպես միասնական էրուպտիվ գործողության արդյունք՝ մնացորդային սիլիկատային մազմայի ներդրմամբ, որը սառեցման և բյուրեղացման ժամանակ հաջորդաբար անցնում է մազմատիկ և գաղաջրային փուլերը հետեւալ սիեմայով՝

Էլիպտիկմատիտային ֆազ B 800 — 700°C —առաջանում է պեզմատիտի մանրահատիկ ապլիտային եղբ՝ նոնաքարի և մազնետիտի ցանով:

Պեզմատիտային ֆազ C $700-600^{\circ}\text{C}$ —կալիումային դաշտային սպաթի (74%) և քվարցի (26%) էվտեկտիկայի բյուրեղացում՝ սեպագիր գրանիտի (Հրեական քար) ձևով. նստում են բիոտիտը, տանտալուկոլումբիտը, մոնացիտը, օրտիտը, սամարակիտը, որանինիտը:

Պեզմատոփային ֆազ $D-E$ $600-500^{\circ}\text{C}$ —հոսանուտից՝ կալիումային դաշտային սպաթի, քվարցի (ինչպես նաև ռանգա-տոպագի և մորիոնի), մուսկովիտի, տուրմալինի (շեոլի), տոպագի, բերիլի խոշոր բյուրեղների գոյացում. 500°C -ից ցածր՝ ռ-քվարցը անցնում է պրիզմատիկ հաբիտուսի Յ-քվարցի:

Գերկրիտիկական ֆազ $F-G$ $500-400^{\circ}\text{C}$ —կալիումային դաշտային սպաթը անցնում է ալբիտի, առաջանում են սպագումին, լեպիդոլիտ, տուրմալին (ոուրելիտ), տոպագ, մոնացիտ, կոլումբիտ: $\sim 400^{\circ}\text{C}$ առաջանում են ֆոսֆոսիդերիտ, տրիտիլիտ, ամբլիգոնիտ, ապատիտ:

Դրանով պեզմատիտի ձևավորումը հիմնականում ավարտվում է:

Հիդրոթերմալ ֆազեր. H $400-300^{\circ}\text{C}$ —առաջանում են ժիլքերտիտ, կրիոլիտ, ֆլուորիտ. V $300-200^{\circ}\text{C}$ —սուլֆիդների նստեցում. W $100-50^{\circ}\text{C}$ —առաջանում են կարբոնատներ և ցեռիտներ:

Զնայած բազմաթիվ թերություններին, Ֆերսմանի տեսակետը լայնորեն տարածված է և ունի շատ կողմնակիցներ:

2. ԱՄԵ-ի մի խումբ երկրաբանների (Շելլիր, Լանգես, Հեսո) տեսակետը, որը ՍՍՀՄ-ում հետազոտմ վարդացրել է այսպ. Դ. Ս. Կորժինսկին:

Այդ տեսակետի համաձայն, պեզմատիտների մեջ պետք է տարբերել պարզ պեզմատիտներ (քվարց-դաշտասպաթային), որոնք առաջանում են ֆիզիկաքիմիական փակ սիստեմի պայմաններում և բարդ պեզմատիտներ (հաղվագյուտ մետադաշտին միներալներով և բարդ կազմությամբ), որոնք առաջանում են բաց սիստեմի պայմաններում. երբ պարզ պեզմատիտի առաջացումից հետո մագմատիկական օջախից բարձրանում են հաղվագյուտ մետադաշտներ դուրս բերող հոսանուստ-

ներ, կատարվում է դաշտային սպաթի վերամշակում, որի հետևանքով առաջանում են մուսկովիտ, տուրմալին, բերիլ և այլ հաղվագյուտ մետաղային միներալներ: Պեզմատիտներում տեղակալման պրոցեսների լայն զարգացումը (որն ընդունում էր նաև Ա. Ե. Ֆերաժանը) և ավելի ուշ առաջացած միներալների հարումը այն հեղքերին (ուղիներին), որոնց երկայնքով խորքային օջախից կատարվում է նյութի ներմուծումը, հաստատում են այդ տեսակետը:

3. 1947 թ. ակադ. Ա. Ն. Զավարիցկու կողմից առաջին անգամ արտահայտված և հետագայում պրոֆ. վ. Դ. Նիկիտինի կողմից գարգացված տեսակետը:

Այս տեսակետի համաձայն պեզմատիտները դիտվում են որպես հրային լեռնային աղաքարների և հանքային երակների միջև միջին դիրք գրավող առաջացումներ: Հատուկ պեզմատիտային մագմայի առկայությունը բացառվում է:

Պեզմատիտն առաջանում է ցնդողներ, դաշտային սպաթների ու բվարցի բաղադրամասեր և մետաղներ պարունակող մնացորդային գագային լուծույթի գործունեության հետևանքով: Առաջին փուլում մնացորդային լուծույթի ազդեցության հետևանքով կատարվում է գրանիտի և ապիլիտային դայկաների մանրահատիկ աղաքարների վերաբրուելացում և անցում խոշորահատիկ պեզմատիտային աղաքարի, երկրորդ փուլում՝ տեղակալում և հաղվագյուտ միներալների առաջացում:

Որպես այդ տեսակետի հիմնավորում բերվում են դրանիւթի կամ ապիլիտի աստիճանական անցումները պեզմատիտային աղաքարի, տեղակալման պրոցեսների լայն զարգացումը, շատ դեպքերում այն ուղիների բացակայությունը, որոնցով կարող էր ներդրվել պեզմատիտային հալոցը:

Ինչպես իրավացիորեն նշում է պրոֆ. Պ. Մ. Տատարինովը, այդ տեսակետը որոշ չափով ընդունելի է գրանիտային զանգվածների մեջ տեղադրված պեզմատիտների համար, սակայն այն շատ դժվար է կիրառել դրանիտային զանգվածներից մի քանի կիլոմետր հեռավորության վրա գտնվող պեզմատիտների համար:

Պեզմատիտային մարմինների ձևերը բաղմաղան են՝ դայլածեկած ու սյունածեկ, շտոկներ, բարակ ներարկումներ (լիտ թագլիտ), անկանոն մարմիններ, որոնք նմանվում են «հրեղեն լեղուների», «ցայտերի» և այլն:

Պեզմատիտային մարմինների շափերը տատանվում են լայն սահմաններում՝ փոքրերից մինչև շատ հզորները (տասնյակ ու հարյուրավոր մետրեր) և տարածված են մինչև միքանի կիլոմետր:

Պեզմատիտների համար բնորոշ են խոռոշներն (դատարկությունները) ու նկուղները՝ նրանց պատերի վրա աճածվարգացած լավ ձևավորված բյուրեղներով։ Պեզմատիտների համար բնորոշ են նաև շատ խոշոր, հաճախ հսկայական շափերի հասնող բյուրեղներ։ Այսպիս, նորվեգիայի պեզմատիտներում հանդիպել են միկրոկլինի ու օրտոկլազի մինչև 100 տոննա քաշ ունեցող բյուրեղներ, իսկ իմենյան լեռներում կամի քարհանք, որը տեղավորված է ամազոնիտի մեկ բյուրեղում։ ԱՄՆ-ի պեզմատիտներում հայտնի են բերիլի մինչև 18 տոննա և սպորտումնի մինչև 100 տոննա քաշով բյուրեղներ։ ՍՍՀՄ-ի պեզմատիտներում հանդիպում են մուսկովիտի ու բիոտիտի (մինչև 5—7 քառ. մ), մորիոնի (վոլինում) մինչև 6—10 տոննա, տոպազի մինչև 60 կգ քաշ ունեցող բյուրեղներ։

Բայտ Ա. Ե. Ֆերսմանի, գրանիտային պեզմատիտների մեջ պետք է տարբերել մաքուր գծի և խաշածեման գծի պեզմատիտներ (վերջինները ենթաբաժանվում են հիբրիդայինի ու սիլիկազերծների):

Մաքուր գծի պեզմատիտները բյուրեղանում են իրենց կազմին մոտ ապարներում, իսկ խաշածեման գծի պեզմատիտները՝ գրանիտային հալոցքից տարբերվող ապարներում։ Հիբրիդային պեզմատիտները սառում են ամֆիբոլիտներում ու կավային թերթաքարերում, իսկ սիլիկազերծները՝ ուլտրահիմքային ու կարբոնատային ապարներում։

Հիբրիդային պեզմատիտները կողի ապարներից յուրացնում են Al_2O_3 , Fe , Mg , որի հետևանքով էլ սկզբում հալոցքից բյուրեղանում են անդալուզիտը, սիլիկատանիտը, ամֆիբոլները

րը, պիրոքսենները, սֆենը, իսկ դրանից հետո միայն առաջանում է սովորական պեղմատիտային ապարը:

Սիլիկազերծ պեղմատիտներում, որոնք սառել են ուլտրահիմքային ապարներում, կատարվում է SiO_2 և $\text{K}-\text{ի}$ զգալի դուրս բերում դեպի կողի ապարները. Տի և $\text{K}-\text{ի}$ պակասության դեպքում հալոցքից միկրոկլինի փոխարեն բյուրեղանում է սկզբում պլագիոկլազը, իսկ առաջացած արդնահողի (Al_2O_3) ավելցուկի հետևանքով բյուրեղանում է կորունդը՝ առաջանում են պլագիոկլազիտներ ու կորունդային պլագիոկլազիտներ:


Հալոցքից SiO_2 և $\text{K}-\text{ի}$ մեծ քանակությունների դուրս բերման դեպքում պլագիոկլազի փոխարեն առաջանում է փիլորուն քլորիտորիդ՝ մարգարիտը, իսկ մարգարիտից ու կորունդից կազմված ապարը անվանել են մարունդիտ:

Պեղմատիտների զալբանդներում ուլտրահիմքային ապարը Si ու $\text{K}-\text{ի}$ դուրս բերման հետևանքով վերամշակվում է բիոտիտի կամ ֆլորոպիտի, որոնք հետագայում փոխվում են, համապատասխանաբար, վերմիկուլիտի ու քլորիտի: Այդ եղբի հզորությունը սովորաբար մի քանի տասնյակ սմ է. Հենց այստեղ էլ ցնդողների դուրս բերման հաշվին առաջանում են բերիլը (զմրուստ), տուրմալինը, ապատիտը, ֆլորուրիտը: Փոքր-ինչ հեռու առաջանում են, սկզբում ակտինոլիտային, հետո նաև տալկային ու սերպենտինիտային զոնաները. վերջինս աստիճանաբար անցնում է թարմ ուլտրահիմքային ապարի: (նկ. 52):

Կարբոնատային ապարներում գրանիտային պեղմատիտի հալոցքը բյուրեղանում է թթու պլագիոկլազիտի կամ սկապոլիտային ապարի ձևով:

Մաքուր գծի գրանիտային պեղմատիտները արդյունաբերական մեծ նշանակություն ունեն: Նրանց հետ են կապված կալիումային դաշտասպաթի ու քվարցի (Ռուբախնական ՍՍՀ, Շվեյցարիա, Նորվեգիա և այլն), մուսկովիտի (Մամա, Կարելիա, Հնդկաստան, Կանադա), լիթիումի (Անդրբայկալ, ԱՄՆ, Կանադա և այլն), տանտալի ու նիոբիումի (Բրավիլիա, ԱՄՆ, Նիգերիա), ուրանի ու թորիումի (Մալգաշյան Հանրապետություն, Նորվեգիա), անագի (Կալբա, Թուրքիստանյան

լեռնաշղթա, Արևելյան Սայաններ), մոլիբդենի (Կանագա), տուբմալինի-բերիլի-տոպազի (Ուրալ, Անդրբայկալ, Բրազիլիա), մոնացիտի (Հնդկաստան, Բրազիլիա), պիկրոքվարցի (Վոլին, Բրազիլիա) և այլ հանքավայրերը:



Նկ. 52. Կորոնդային պլազմակազմիտի երակի սխեմատիկ լայնակի կորվածքը.

1—ապիտ. 2—կարունդային պլազմակազմիտ.

3—շպինել-մազնետիտային ապար. 4—վերմիկալիտային կամ ֆլորիտային ապար. 5—ակտինոլիտային ապար. 6—տալկացած սերպինտինիտ.

7—սերպինտինիտ.

Ալկալի մագմաների պեղմատիտների հետ կապված են նեֆելինի (Հարավային Ուրալ), տանտալա-տիտանա-նիտրատների հանքանյութերի, ուրանի, թորիումի միներալներով ու ցիրկոնով (Նորվեգիա, Հնդկաստան, Բրազիլիա) ոչ մեծ հանքավայրերը:

Միլիկազերծ պեղմատիտների հետ կապված են կորոնդի ու զմրուտիտի, վերմիկուլիտի ու տալկի (Ուրալ) հանքավայրերը:

Հանքավայրերի պեղմատիտային տիպը ունի տնտեսական մեծ նշանակություն՝ որպես փայլար-մուսկովիտի, դաշտասպաթների ու քվարցի, ինչպես նաև կորոնդի ու զմրուտիտի աղբյուրներ:

Ինչ վերաբերում է մետադային (Ta-Nb, U, Th, Sn, Mo), արմատական հանքավայրերի մասշտաբին, ապա հազվագել բացառությամբ, նրանք մեծ չեն, բայց բավականին խոշոր ցրոնների, մանավանդ՝ մոնացիտի, ցիրկոնի, կոլումբիտի և կասիտերիտի սկզբնաղբյուրներ են:

Այս հանքավայրերը առաջանում են բուն մագմատիկ և պեղմատիտային հանքավայրերի ձևավորումից հետո, մագմատիկ օջախների սառեցման ավելի ուշ փուլերում՝ մագմատիկ օջախից անջատվող գաղերից ու գերտաքացած ջրացին (Հիդրոթերմալ) լուծույթներից նյութի նստեցման հանապարհով:

Ետմադմատիկ հանքավայրերի շարքում տարբերում են էքսհալացիոն, սկանավային (կոնտակտ-մետասոմատիկ) և հիդրոթերմալ խմբերը. վերջին խումբը ստորաբաժանվում է բարձր, միջին ու ցածրջերմաստիճանայինների և յուրաքանչյուր խմբի մեջ, ըստ ձևավորման խորության դիտվում են շափակոր ու մասամբ մեծ և փոքր խորությունների հանքավայրեր:

Օգտակար հանածոների հանքավայրերի մասին ուսմունքի մեջ ետմագմատիկ հանքավայրերի ծագման պրոբլեմը առաջնայիններից մեկն է, քանի որ նրանք մեծ գեր են խաղում բազմաթիվ մետադային ու ոչմետադային հանածոնների արդյունահանման գործում:

Պղնձի, կապարի, ցինկի, մոլիբդենի, վոլֆրամի, անագի, կորալատի, մկնդեղի, ծարիբի, սնդիկի, ոսկու, արծաթի, ինչպես նաև ասբեստի, տալկի, մագնիդիտի, բարիտի, ֆլուորիտի, պիեզոքարցի համաշխարհային հանույթի ճնշող մասը բաժին է ընկնում ետմագմատիկ հանքավայրերին:

Այդ հանքավայրերի շարքի առաջացման պայմանների վերաբերյալ գեոկես գոյություն ունեն վիճելի գրույթներ, որոնք ենթակա են ճշգրտման և լրացուցիչ մշակման: Հիմնական խնդիրներն են. ա. Ետմադմատիկ հանքավայրեր առաջնորդ լուծույթների աղբյուրը և մագմատիկ օջախների հետ նրանց կապի բնույթը. բ. Ետմադմատիկ լուծույթների բընույթը և նրանց միջոցով մետադների տեղափոխման եղանակը. գ. Լուծույթների շարժման ուղիները և նրանցից օդտակար հանածոների նստեցման եղանակները:

Քանի որ երկրաբանների մոտ նշված հարցերի վերաբերյալ միասնական կարծիք գոյություն չունի, ապա տարբեր

ձևերով են հասկացվում ետմագմատիկ հանքավայրերի շարքի առաջացման գործում՝ մետամորֆիկ պրոցեսների ընթացքում գոյացող ու յուլենիլ ծագման գաղաքային լուծույթների ու ջրերի, ինչպես նաև մթնոլորտային ջրերի դերը, տարբեր ձևով են գնահատվում հանքայնացման վրա միջավայրի (ներփակող ապարների, ստրուկտորաների) ազդեցությունը, տարբեր տիպերի մագմատիկ օջախների հանքայնացման զոնալության և մետաղածնային մասնագիտացման հարցերը:

Բազմաթիվ հարցերի վիճելիությունն ու ու բավարար մշակված լինելու փաստն անդրադառնում է ետմագմատիկ հանքավայրերի դասակարգման անբարեհաջող վիճակի վրա, որոնց համար առաջարկված են տարբեր սկզբունքներից բըխող տարբերակներ:

ա. ԵՏՄԱԳՄԱՏԻԿ ՀԱՆՔԱՎԱՅՐԵՐ ԱՌԱՋԱՅՆՈՂ ԼՈՒՇՈՒՅԹՆԵՐԻ ԱԴՐԵՑՈՒՐԸ ԵՎ ՄԱԳՄԱՏԻԿ ՕԺԱԽՆԵՐԻ ՀԵՏ ՆՐԱՆՑ ԿԱՊԻ ԲՆԱԿՑԹՅ

Ետմագմատիկ հանքավայրերի հանքառաջացնող լուծույթների սերտ կապը մագմատիկ պրոցեսների հետ առավել ակներև ապացուցվում է գործող հրաբուխների և հանքային տաք ջրերի շրջաններում կատարած դիտարկումներով:

Հրաբուխների վրա կատարված դիտարկումներ: Հայտնի հանքաբան Բրեյտհաուպտի նկարագրության համաձայն, Վեզուվի 1817 թ. արտավիժման ժամանակ, այն ճեղքում, որով բարձրանում էին ջրի գոլորշիներն ու երկաթի քլորիդները, 10 օրվա ընթացքում առաջացել է հեմատիտի 1 մետր հզորության մի երակ: Ռեխակցիան ընթանում էր այսպես՝ $2\text{FeCl}_3 + 3\text{H}_2\text{O} \rightarrow \text{Fe}_2\text{O}_3 + 6\text{HCl}$: Վեզուվի 1850 թ. արտավիժման ժամանակ սուբլիմատներում պարունակվում էին Fe_2O_3 , $\text{Cu}-\text{Fe}_2\text{O}_3$ քլորիդներ, ինչպես նաև $\text{Pb}-\text{Fe}_2\text{O}_3$ քլորիդ (PbCl_2) ու հեմատիտ, որոնք ցրված էին լավաների մեջ: 1906 թ. Լակրուան նույն հրաբխի լանջերի լավաներում հայտնաբերեց գալենիտ, տենորիտ, կուպրիտ, սֆալերիտ, կովելին, ռեալգար, մագնետիտ, պիրոտին, պիրիտ, որոնք նստել էին ֆումարոլների գործունեության ընթացքում:

Ստրոմբոլի հրաբխի ծակոտկեն լավաներում հաստատված է հեմատիտի ու մագնոֆերիտի՝ (Fe_3O_4 , Fe_2O_3)₃O₄, ինչպես նաև ռեալգարի ցան և Te, As, Zn, Sn, Bi, Pb միացություններ, իսկ 1865 թ. էտնայի արտավիժման ժամանակ դուրս են բերվել $NaCl$, $FeCl_3$, NH_4Cl -ի գաղային միացությունների հսկայական քանակություններ. ֆումարոլները դուրս էին բերում Cu , Mn , Co , Pb -ի միացություններ: Ալյասկայի տասը հազար ծխերի հովտում, ըստ Ցիեսի հաշվարկների, ֆումարոլները տարեկան դուրս են բերում 1250000 տոննա HCl ու 200000 տոննա HF և նստեցնում են մագնետիտ, հեմատիտ, մոլիբդենիտ, գալենիտ, սֆալերիտ, կովելին և ուրիշ միներալներ:

1919 թ. նույն հեղինակի տվյալներով, ֆումարոլի ելքի ($t=239^{\circ}C$) մոտ առաջացել է մագնետիտի մի քանի տոննա քաշ ունեցող օկտաէդրային բյուրեղների կուտակում. մագնետիտի մեջ հաստատվել է Pb , Cu , Mo , Zn , Ni խառնուրդ: 1923 թ. այդ տեղամասն այցելել են նորից, ընդ որում պարզվել է, որ ֆումարոլի շերմաստիճանը նվազել է, իսկ մագնետիտը ծածկվել է գալենիտի բարակ թաղանթով: Այդ տեղամասի մոտակայքում այլ ֆումարոլների շուրջը, որոնց շերմաստիճանը տատանվում էր $232-327^{\circ}C$ սահմաններում (Sn -ը հալվում էր, իսկ Pb ոչ), հայտնաբերվել են սփալերիտի, կոտունիտի, կովելինի և հեմատիտի կուտակումներ: Դուրս բերված մետաղների քանակը զգալի էր, սակայն նրանց հիմնական մասը ցրվել էր տուֆերում:

Հատկապես մեծ էր հեմատիտի ու մագնետիտի քանակը, իսկ ավելի ուշ՝ ֆումարոլների գործունեության նվազման, շերմաստիճանի անկման ու դուրս բերվող գաղերի բաղադրությունների փոփոխության հետևանքով, նստել էին Pb , Zn ու Cu միացությունների զգալի քանակություններ. մեծ էր նաև պիրիտի, բնածին ծծմբի, բորատների ու ֆտորիդների քանակը:

Ա. Ի. Նաբոկոն, որը ուսումնասիրել է Կամչատկայի հըրաբուխները, բերում է տվյալներ հալորդային գաղերի հետ SiF_4 , Cu , Li , B , Sc , Zn , As , Mo , Ag , Sn , Pb , Cd , Tl

արտածման մասին. Նրա տվյալներով ծծմբային գաղերի հետ դուրս են գալիս նաև Na, K, V և ուրիշ մետաղներ: Ջրի գերատաքացած գոլորշիներով տեղափոխվում են Sr, ինչպես նաև As, Pb, Cu, Ag, Co, Ni, Mo, Bi, Tl, Li, Sc:

Ե. Դեգենսի ու Դ. Խոսի տվյալներով, Կարմիր ծովի կենտրոնական գրաբենում, մոտավորապես Մեքքայի լայնության վրա «Ատլանտիս», «Չեյն» ու «Դիսկավերի» խորքային իշվածքներում մինչև 300 մ հզորության մերձհատակային ջրի շերտը դուրկ է թթվածնից, ունի 44°C մինչև 56°C ջերմաստիճան ու պարունակում է լուծույթում Fe, Mn, Zn, Pb, Cu, Ag, Au-ի ծովի ջրի համեմատ 50000 անգամ ավելի բարձր քանակություններ:

«Չեյն» և ուրիշ իշվածքների նստվածքները 10 մ հզորության շերտում պարունակում են թվարկած մետաղների օքսիդներ ու սուլֆիդներ. նստվածքների ընդհանուր հզորությունը 100 մ է և նրանք պարունակում են 1,5 մլրդ. գոլլար գումարի Cu, Zn, Ag, Au-ի 130 մլն. տ. պաշարներ: Դաժամանակակից խոշորագույն բազմամետաղային հրաբխանստվածքային հանքավայր է, կապված թթու հիդրոթերմալ աղաջրերի բարձրացման հետ խղումների երկայնքով, որոնք սահմանափակում են Կարմիր ծովի կենտրոնական գրաբենը: Գործող, կամ վերջերս հանգած հրաբուխները տեղադրված են այդ խղումների վրա $750-1000$ կմ դեպի հարավ (Չոծենիձե, 1969):

Չելեկեն թերակղղում հայտնաբերված են գերհանքայնացված քլորիդ-նատրիում-կալցիումային ջրեր, որոնք պարունակում են $0,09$ մինչև 15 մգ/լ պղինձ, $0,2$ մինչև $5,4$ մգ/լ ցինկ, $3,6$ մինչև 77 մգ/լ կապար:

Հրաբուխների և ֆումարոլների գործունեության վրա կատարված դիտարկումները անկասկած ապացուցում են, որ գաղերն ի վիճակի են տեղափոխելու մետաղների զգալի քանակություններ և ստեղծելու նրանց կուտակումներ (հանքավայրեր):

Հանքային տաք աղբյուրների վրա կատարված դիտարկումներ: Ցուվենիլ ծագում ունեցող հանքային ջրերի շար-

քում սովորաբար առանձնացնում են երկու խմբեր՝ Na—կարբոնատային (Կառլովի Վարի և այլն) և Na—քլորիդ-սիլիկատային, որոնք նստեցնում են գելզերիտ (SiO_2):

Կառլովի Վարի (ՉՍՍՀ) աղբյուրների ջրերը պարունակում են՝ As, Sb, Cu, Au, Zn, Sn, B, Br, Li, Ni և այլ տարրեր, Յելլոուստոնյան արգելավայրի (ԱՄՆ) աղբյուրները՝ SiO_2 CO_2 SO_2 , ինչպես նաև F, Cl, B, As և որիշ տարրերի միացաթյուններ: Նոր Զելանդիայի գելզերացին ջրերում հաստատված են Au, Ag, Hg, Նեոդա, նահանգի (ԱՄՆ) Ստիմբուա աղբյուրը, որի ջրերի ջերմաստիճանը 84°C է, ելքի մոտ նստեցնում է Au ու Ag պարունակող խալցետոն, քվարց, կարբոնատներ, գունավոր մետաղների սուլֆիդներ, Sb, Hg, As. ջրում առկա է H_2S և SO_2 , իսկ խորքում, աղբյուրի մոտ, բացված է կինովար պարունակող քվարցի մի երակ: Սուլֆոր Բինկ աղբյուրը (Կալիֆոռնիա նահանգ), որի ջրերը 80°C են, նստեցնում են կինովար ու պիրիտ պարունակող օպալ. ջուղը պարունակում է H_2S , CO_2 , CH_4 . այն ավազաքարերում ու բազմալուներում, որոնց միշտ բարձրանում է հանքացին ջուրը, գիտվում է կինովարի ցան:

Մոնտե-Ամիատայի (Տուկանա մարզ, Իտալիա) և Խուանկավելիկայի (Պերու) հանքացին տաք աղբյուրների ելքերի մոտ հայտնի են կինովարի ու անտիմոնիտի խոշոր հանքացիրեր. աղբյուրներից այդ միներալների նստեցումը մինչև այժմ էլ շարունակում է:

Հայկական ՍՍՀ-ի հանքացին տաք աղբյուրների ջրերը, որոնց ջերմաստիճանը 30°C -ից մինչև 66°C է, նստեցնում են տուփեր ու արագոնիտներ, որոնք պարունակում են Cu, Zn, Mo, W (հաստատված է սպեկտրալ անալիզներով):

Դարի-դաղի (Նախիջևանի ԻՍՍՀ) աղբյուրները պարունակում են ջրի մեջ լուծված As ու As-ի գաղեր և նստեցնում են ունակարի, առորիակիզմենտի, անտիմոնիտի կուտակումներ:

Թերմալ ջրերի ելքեր հաճախ են գիտվում հանքացին երակների խորքացին հորիզոններում, օրինակ, Պլոմբիերի

Рв-ի հանքը ֆրանսիայում, Կոմշտոկի (Նեադա նահանգ) Աս-Աց և այլ հանքերը. Աս-Աց-ով հարուստ Կոմշտոկի հանքում սովորաբար տաք ջրերը ($\pm 77^{\circ}\text{C}$), որոնք կապված են, հավանաբար, ոչ մեծ խորությունում գտնվող մագմատիկ օջախի հետ և պարունակում են ոսկու ու արծաթի զգալի քանակներ, հեղեղել են հանքը, որի հետևանքով աշխատանքները այստեղ ժամանակավորապես դադարեցվել են:

Բերված տվյալները վկայում են, որ մագմատիկ գործունեության հետ կապված հանքային աղբյուրների ջրերը ընդունակ են տեղափոխելու մետաղներ և կուտակելու նրանց հանքավայրերի ձևով:

Վերը բերված փաստացի նյութը հաստատում է ետմագմատիկ հանքավայրերի կապը հանքային տաք ջրային լուծույթների ու գազերի հետ, որոնց աղբյուրը մագման է:

Ըստ Վ. Լինդգրենի և Վ. Էմմոնսի (ամերիկյան երկրաբան-հանքաբանների դպրոց) ետմագմատիկ հանքային լուծույթների միակ աղբյուրը բաթոլիտներն են, որոնց դիմերենցման և սառեցման հետևանքով առաջանում է հանքավայրերի անընդհատ էվոլյուցիոն մի շարք, հետևյալ հաջորդականությամբ՝ բուն մագմատիկ, պեղմատիտային, սկառնային (կոնտակտ-մետասոմատիկ) և հիդրոթերմալ:

Իրականում, բնույթյան մեջ, այդպիսի անընդհատ շարքեր սովորաբար չեն դիտվում, իսկ պեղմատիտային և սկառնային հանքավայրերը նույնիսկ բացառում են մեկը մյուսին, քանի որ բնորոշ են տարբեր խորությունների համար՝ պեղմատիտները մեծ խորությունների, իսկ սկառները՝ շափակորու փոքր խորությունների առաջացումներ են:

Սովետական երկրաբանների (ակադեմիկոսներ Ս. Ս. Սմիռնովը, Ա. Ն. Զավարիցկին, նրանց աշակերտները) ժամանակակից պատկերացումներով պետք է տարբերել հանքաբեր մագմատիկ օջախների առնվազն երեք տարբեր տիպեր. 1) բաթոլիտներ, սովորաբար գրանիտային, որոնք սառում են մեծ խորություններում, 2) փոքր ինտրուզիաներ՝ շափակոր թթու կազմության և շափակոր խորություններում ձեղվավորված, որոնք կապված են խոշոր, ավելի խոր մագմա-

տիկ (ոչ բաթոլիտային տիպի), դիտարկումների համար անմատչելի օջախների հետ, 3) հրաբխային ապարատների արմատային մասեր:

Քանի որ տարբեր են այդ տիպերի օջախների ձևավորման պայմանները, հանքաբեր լուծույթների բնույթն ու կազմը, հետևաբար պետք է տարբերվեն նաև հանքավայրերը, Սովորաբար գրանիտային և խորքային բաթոլիտների հետ կապված են հաղվագյուտ մետաղներով հանքայնացած պեղմատիտներն ու նրանց հետ սերտորեն զուգակցվող քվարց-հանքային երակները կասիտերիտով, վոլֆրամիտով, մոլիբդենիտով կամ բնածին ոսկով ու արսենոպիրիտով:

Բաթոլիտների ու պեղմատիտների հեռու ընկած եզրերում կուտակվում են կապար ու ցինկ, իսկ ավելի հեռու՝ ծարիր ու սնդիկ: Հանքավայրերի այդ շարքի համար կարելի է ասել, որ նրանք անմիջական գենետիկական սերա կապի մեջ են բաթոլիտների հետ, որոնց շուրջն ու նրանցից վերև, սովորաբար զոնալորեն, տեղադրված են՝ զանգվածի ներսում ու նրա էկզոկոնտակտում՝ Sn, W, Mo, Au, ավելի հեռու՝ Pb ու Zn, էլ ավելի հեռու՝ Sb ու Hg:

Այս շարքի հանքավայրերը լավ են ներկայացված, օրինակ, Անդրբայկալում, Հարավարևելյան Զինաստանում, Պիրենեյան թերակղզու հյուսիս-արևմուտքում և այլուր:

Փոքր ինտրուզիաների հետ, որոնք սովորաբար շափավոր թթու և հիպարհիսալ են, տարածականորեն (պարագենետիկորեն) կապված են որոշ շրջաններում սովորիդ-կասիտերիտային, մյուս շրջաններում՝ պղնձի ու պղինձ-մոլիբդենային հանքավայրերը. թե՛ մեկը և թե՛ մյուսը ուղեկցվում են բազմամետաղային, ոսկի-սովորիդային ու ծարիր-սնդիկային հանքավայրերով. հենց այստեղ էլ բնորոշ են երկաթի հանքանյութերի, վոլֆրամի (շենկիտի), պղնձի, կապարի ու ցինկի, երբեմն նաև անագի, մկնդեղի և այլն սկառնային հանքավայրերը:

Այստեղ ետմագմատիկ հանքավայրերի կապը ինտրուզիաների հետ այնքան էլ ուղղակի չէ, ինչպես բաթոլիտների հետ, այլ ավելի բարդ է. հանքատար լուծույթների համար մայրական էին խորքային օջախները, որոնց ածանցյալները

և փոքր ինտրուզիաներն են, և հանքավայրերը։ Հանքավայրերի այս շարքը բնորոշ է Բալկանների, Կովկաս—Անդրկովկասի, ԱՄՆ-ի արևմտյան նահանգների, Ասիայի Հյուսիսարևելյան և այլ շրջանների համար։

Վերջապես, հրաբուխների արմատական մասերի հետ սերտորեն կապված են փոքր խորություններում ձևավորված պղինձ ու բազմամետաղային հրաքարային, ոսկի-արծաթաթյին (Տե՛ ու Տե-ի խառնուրդով), որոշ պղինձ-տուրմալինային, պղինձ-անագային, սնդիկ-ծարիբային, ուելգար-առուրիպիգմենտային և այլ հանքավայրեր։ Ետմագմատիկ գաղացրային լուծույթներն այստեղ, հավանաբար, կապված են հրաբխականությանն ուղեկցող ֆումարոլա-սոլֆատարային գործունեության հետ։ Հանքավայրերի այսպիսի շարքը լայնորեն տարածված է հին (Ուրալ, Ալթայ, Սկանդինավիա) և երիտասարդ (Տուրքիա, Բալկաններ, Կարպատներ, Թուրքիա, Կովկաս, Ճապոնիա, Նոր-Զելանդիա, Ֆիլիպիններ, ԱՄՆ-ի արևմտյան նահանգներ, Չիլի, Պերու և այլն) հրաբըխային մարզերում։

Մետաղաբեր օջախների ու հանքայնացման նշված երեք տիպերը բնորոշ են երկրաբանական տարրեր միջավայրերի համար, մեկուսանում են տարածականորեն և համապատասխանում խոշոր ստրուկտուրաների դարդացման տարրեր փուլերին։ Օջախների և մետաղաբեր լուծույթների բնույթի ու կազմի, ինչպես նաև մագմատիկ օջախների հետ հանքավայրերի կապերի բնույթի միջև եղած տարրերություններն այնքան էական են, որ հանքայնացման այդ տարրեր տիպերի նկատմամբ միօրինակ մոտեցումն անթույլատրելի է ու չի արդարացվում ոչ տեսականորեն, և ոչ էլ գործնականորեն։

բ. ԵՏՄԱԳՄԱՏԻԿ ԼՈՒՇՈՒՅԹՆԵՐԻ ԲՆՈՒՅԹՆ ՈՒ ՆՐԱՆՑՈՎ
ՄԵՏԱՂՆԵՐԻ ՏԵՂԱՓՈԽՄԱՆ ԵՂԱՆԱԿԸ

Վ. Լինդգրենի տեսակետով, ետմագմատիկ հանքավայրերն առաջացել են ալկալի իրական այն լուծույթներից, որոնք գոյացել են մագմատիկ օջախից դուրս բերված ծանր մետաղների գաղային միացությունների և ջրի գոլորշիների

խտացման հետևանքով: Ֆենները և Բոռենը, ընդհակառակը, ընդունում են մետաղների տեղափոխությունը թթու գաղերի միջոցով, գաղերի բշտիկների ֆլուտացիա ծանր մետաղների հետ միասին և թթու գաղի հետագա անցում նորից թթու լուծույթի (հեղուկի):

Լինդգրենի, Գրեյտոնի և մյոււների ենթադրությունը՝ կրկնակի ալկալի սուլֆիդների՝ $\text{Na}_2\text{S}\cdot\text{HgS}$, $\text{Na}_2\text{S}\cdot\text{Sb}_2\text{S}_3$ և այլ տիպի միացությունների ձևով նոսրացած ջրային ալկալի լուծույթների միջոցով մետաղների տեղափոխության մասին, հիմնված է գլխավորապես հանքային տաք ջրերի վրա կատարված դիտարկումների և կողի ապարների մերձհանքային փոփոխությունների բնույթի վրա:

Այս ենթադրության դեմ այժմ բերվում են հետևյալ առարկությունները՝ ա) նոսրացած թույլ ալկալի կամ թույլ թթու լուծույթները ի վիճակի են իրենց մեջ լուծել և տեղափոխել մետաղների միայն չնշին քանակություններ, բ) նոսրացած լուծույթներից հանքավայրերի առաջացման համար անհրաժեշտ են ջրի հսկայական քանակություններ, իսկ մագմայի մեջ ջրի գուրուշինների ու գաղերի լուծելիությունը սահմանափակ է, գ) հանքային երակներում կողի ապարների «աննեցուկ» ներփակումները, ճեղքերի պատերին հանքանյութի «եռալով կպչելը», կոլոմորֆ ստրուկտորանների զարգացումը վկայում են լուծույթների մածուցիկ, խտացված բնույթի մասին:

Վերջին ժամանակներս իշխող տեսակետներից մեկն է դարձել իոնային-մոլեկուլար լուծույթների դյուրալուց կոմպլեքսային միացությունների միջոցով միներալային նյութերի տեղափոխության վարկածը: Միացություններում լուծված նյութի՝ էլեկտրոլիտիկ տարրաբաժանումը (դիսոցումը) կատարվում է հետևյալ հաջորդական փուլերով՝ պոլիմերային մոլեկուլներ՝ կոմպլեքսային իոններ՝ պարզ իոնների ձևով. կոմպլեքսները համեմատաբար

Մետաղների կոմպլեքսային միացությունների լուծելիությունը մի քանի անգամ գերազանցում է նրանց լուծելիությանը պարզ իոնների ձևով. կոմպլեքսները համեմատաբար

հեշտ են տրոհվում պարզ իոնների, կազմում են դժվարացույթ միացություններ, որոնք էլ առաջացնում են նստվածք: Որպես օրինակներ, կարելի է բերել Վ. Բարսովկովի կողմից նկարագրված $\text{Na}[\text{Sn}(\text{F}, \text{OH})_6]$ տիպի հեքսաթթուների կոմպլեքսային աղերը, $2\text{Na}_3\text{SbS}_3$ ու Na_2MoS_4 (Շլերբինայի կողմից նկարագրված), կամ $\text{Na}_8[\text{Si}(\text{Mo}_2\text{O}_7)_6]$ (ըստ Խիտարովի), $\text{KWO}_3\text{F} \cdot 0,8\text{H}_2\text{O}$ (ըստ Իվանովայի) և այլ տիպերի միացությունները:

Ա. Գ. Բետեխտինը առաջարկեց ու հիմնավորեց հիդրոթերմալ լուծույթներով միներալային նյութերի քլորիդների ձևով տեղափոխման վարկածը: Կերչերս իշխում է կոմպլեքսային իոնա-մոլեկուլար՝ հիդրոսուլֆիդ իոնների (AgHS), տիոսուլֆատ իոնների ($\text{Me}[\text{S}_2\text{O}_3]_2^{3-}$ և որիշ ծծմբա-թթվածնալին կոմպլեքսների, $\text{Na}_4\text{UO}_2(\text{CO}_3)_3$ տիպի տրանսակարբոնատային կոմպլեքսների, $\text{Na}[\text{Sn}(\text{F}, \text{OH})_6]$ տիպի կոմպլեքսային հեքսաթթուների լուծույթների ձևով տեղափոխման վարկածը, որոնք ֆիզիկա-քիմիական միջավայրի փոփոխության պայմաններում հեշտությամբ տրոհվում են պարզ իոնների և կազմում են նստվածք առաջացնող դժվարալույթ միացությունների:

Սկզբում Կրատտը (Ռուսաստանում), Հետագայում Բոյելը, Գարելսը և Վ. Լինդգրենը (իր կյանքի վերջին տարիներին) առաջ քաշեցին տարբեր կոնցենտրացիայի կոլոիդալ լուծույթների միջոցով մետաղների տեղափոխության տեսակետը, ընդ որում, Ֆ. Վ. Չուխրովը, զարգացնելով այդ տեսակետը, հանքաբեր լուծույթների ծագման սկզբնական փուլերում մետաղների տեղափոխման գործում աէրոզոլերի կարևոր դերը համարում է հնարավոր:

Ս. Ս. Սմիռնովը և Վ. Ա. Նիկոլաևը արտահայտեցին ավելի ընդունելի մի տեսակետ, ըստ որի, հանքաբեր լուծույթների բնույթն ու կազմը փոխվում են ժամանակի ընթացքում և կախված են հանքառաջացման որոշակի երկրաբանական պայմաններից: Քանի որ մագմայում ջրային գոլորշիների ու գաղերի լուծելիությունը սահմանափակ է, ապա նրանք անխուսափելիորեն անջատվում են հալոցքից և իրենց հետ

տանելով ծանր մետաղներ, դուրս են մղվում օջախից։ Մետաղների գաղային միացությունները ունենում են թթու ռեակցիաներ (շատ մեծ է HCl , HF , HB' ուժեղ թթուների դերը)։ Հետազայում, թթու գաղերը խտանալով, պուազացնում են թթու հեղուկ, որը շրջանառելով լեռնային ապարներում և նրանցից յուրացնելով ալկալիներ և ալկալի հողեր, դառնում է չեղոք կամ թուզ ալկալի։

Կոլոիդների մեծ դերը ընդունվում է նաև Ս. Ս. Սմիռնովի և Վ. Ա. Նիկոլաևի կողմից, որոնք գտնում են, որ հանքաբեր լուծույթները հաճախ կոլոիդալ են, բայց ոչ թե մագմատիկ օջախից նրանց անջատման պահին, այլ գաղային միացությունների խտացման (կոնդենսացման) կամ թթու հեղուկի չեղոքացման ժամանակամիջոցում։ Սպերը, ընդգծելով Վ. Լինդգրենի տեսակետի թուզ կողմերը, առաջ քաշեց «հանքային մագմաների» մասին իր վարկածը, որի համաձայն հանքային երակներն առաջանում են հանքային հալոցքների ներարկման (ոհյուեկուր) ճանապարհով։ Սակայն այդ տեսակետը բավարար հիմնավորում չի տալիս լայնորեն զարգացած տեղակալման (մետասոմատոզի), հոծ հանքավայրերից ցանայինների անցման երևույթներին և, հետևաբար, ճանաչում չի գտել։

Ներկայումս առավել ճանաչում է գտել Ս. Ս. Սմիռնովի և Վ. Ա. Նիկոլաևի ետմագմատիկ լուծույթի էվոլյուցիայի մասին հետեւյալ տեսակետը՝ թթու գաղ→թթու հեղուկ→չեղոք կամ թուզ ալկալի, հաճախ կոլոիդալ բնույթի հեղուկ։

Այսպիսին է զարգացման ընդհանուր տեսքինցը, սակայն այն կախված է երկրաբանական միջավայրից, որի հետեւանքով տարբեր են և նույնիսկ խախտվում են առանձին փուլերի դերն ու լուծույթի բնույթի փոփոխման արագությունները։

Այսպես, փոքր խորությունների ու հրաբխային օջախների հետ սերտորեն կապված հանքավայրերում բավականին նշանակալից է թթու գաղերի ու լուծույթների դերը, որը մինչև վերջ պահպանվում է լուծույթի արագ բարձրացման դեպքում։ Դա հաստատվում է հանքանյութերի կազմով ու կողե-

ապարների փոփոխությունների բնույթով (տուրմալինացում, սկապոլիտացում, ալունիտացում, հանքանյութերում տոպազի, ֆլուորիտի, սուլֆատների, այսինքն այն միներալների, որոնց կազմի մեջ մտնում են ուժեղ թթուների բաղադրամասեր՝ Cl, F, B, SO₃ առատություն):

Ետմագմատիկ լուծույթների էվոլյուցիայում Դ. Ս. Կորժինսկին առանձնացնում է հիդրօթերմալ լուծույթների վաղ ալկալային փուլը, հետագա թթու վիճակի և լուծույթների ալկալային վիճակի եղանակի ուշ փուլերը։ Վաղ ալկալային փուլի հետ կապված են նատրիումային տեղակալման պրոցեսները (ալբիտացում, ալկալային ամֆիբոլներ ու պիրոքսեններ), թթվային փուլի հետ կապված է գրեյզենացումը, իսկ ուշ ալկալային փուլի հետ՝ կարբոնատային երակների նյութի նստեցումը։

Դ. Կորժինսկին համարում է, որ թթվային ֆիլտրացիոն երեսույթի շնորհիվ առաջանում է թթվային կոմպոնենտների առաջընթաց ալիք, որն ընթանում է հոսքի ընդհանուր շարժումից ավելի արագ։ Ուստի հոսքի յուրաքանչյուր կտրվածքում թթվային ալիքի անցման ժամանակ լուծույթի թթվայնությունը սկզբում աճում է, իսկ հետո՝ նվազում։

Հստ Վ. Ի. Սմիռնովի (1976), հիդրօթերմալ լուծույթների քիմիական էվոլյուցիայի այդ սխեմայում վաղ ալկալային փուլի նշանակությունը և հետագայում թթվային փուլին նրա անցման պատճառը մնում են չպարզված։ Սակայն, քանի որ այդ սխեմայի հեղինակը (Դ. Կորժինսկին) ընդունում է, որ հանքառաջացնող հիդրօթերմալ լուծույթներն սկսվում են թթվային փուլից, ապա կարելի է համարել, որ մագմայից անջատվող հանքառաջացնող լուծույթները սկզբում ունեն թթու ոեակցիա, իսկ հետագայում փոխվում են ալկալայինի։

Գ. ԼՈՒՇՈՒՅԹՆԵՐԻ ՇԱՐԺՄԱՆ ՈՒՂԻՆԵՐԸ ԵՎ ՆՐԱՆՑԻՑ
ՕԳՏԱԿԱՐ ԲԱՂԱԴՐԱՄԱՍԵՐԻ ՆԱՏԵՑՄԱՆ ԵՂԱՆԱԿԸ

Միներալային նյութի նստեցումը տեղի է ունենում կամ աղատ տարածության մեջ (ճեղքերում, խոռոչներում, ծակոտիներում) կամ տեղակալման հանապարհով։

Տեղակալումն (մետասոմատով) իրենից ներկայացնում է մաղանոթային լուծման ու նստեցման միաժամանակյա մի պրոցես, որի հետևանքով նոր միներալը տեղակալում է մեկ կամ ավելի, արդեն առաջացած միներալներին:

Տեղակալումը ղեկավարվում է հավասար ծավալների օրենքով. փոքր խտության նյութը ավելի մեծ խտություն ունեցող նյութով տեղակալվելու ժամանակ ծավալի փոքրացում տեղի չի ունենում (օրինակ, սֆալերիտը՝ կովելինով), քանի որ կովելինը նստում է հավելուրդով՝ $ZnS + CuSO_4 \rightarrow CuS + ZnSO_4$:

Մետասոմատիկ հանապարհով միներալային նյութի նստեցման հատկանիշները հետևյալներն են՝ 1) բյուրեղներն աճում են հավասարաշափ և բոլոր կողմերից նիստավորված են միանման (մետաբյուրեղներ), 2) լայնորեն տարածված են միներալների պսեղոմորֆոզները տեղակալված միներալների հաշվին, 3) պահպանվում են տեղակալված ապարի տեքստուրաների մնացուկները (ռելիկտները), 4) հանքանյութի մեջ պահպանվում են շտեղակալված ներփակող ապարներ, 5) բնորոշ են հանքամարմինների անկանոն ձևեր՝ ուրագտույտ, ատամնավոր, թաթաձև ուրվագծերով:

Լուծույթների շարժման ուղիների մեջ առանձնացվում են. ա) առաջնային դատարկություններ (ծակոտիներ) և բ) երկրորդային դատարկություններ՝ ներկինետիկ (առաջանում են հրաբխային ապարների սառեցման ու նստվածքացին ապարների շորացման ժամանակ, անհիդրիտից գիպսին անցնելիս ծավալի մեծացման դեպքում և այլն) և արտակինետիկ (տեկտոնիկ) ձեղքեր:

Հանք պարունակող ձեղքերի բացման և մեծացման պրոցեսը բացատրվում է տարբեր պատճառներով՝ տեկտոնական շարժումների հետևանքով (մեծամասնության տեսակետը), լուծույթների ձնշման աղղեցության տակ (ըստ Վանդկեի), ձեղքերի պատերի վրա աճող բյուրեղների բյուրեղացման ուժի շնորհիվ (ըստ Տաքերի):

Հանք պարունակող ձեղքերը բացվում են մի քանի է-

տապներով՝ «ապրում են», աճում են հաջորդաբար և երկարությամբ, և հզորությամբ:

Այդ բացվող ճեղքերի մեջ, որոնք, ըստ Ա. Գ. Բետեխտինի, կատարում են յուրահատուկ վակուումի գեր, ներծծվում են հանքային լուծույթները, որոնցից է և ը անկման պայմաններում նստում են նրանց մեջ լուծված միացությունները:

Վ. Ա. Նիկոլաևը ցույց տվեց, որ օջախից մետաղներ դրվում բերող գազային ֆազի անջատումը տեղի է ունենում լինդհատումներով՝ մետաղները անջատվում են մագմայից ոչ թե միաժամանակ, այլ երբ մագմայում տվյալ կազմության գազը հասնում է իր հագեցման սահմանին (հագեցումը կատարվում է այնքան արագ, որքան բարձր է տվյալ գազի կոնցենտրացիան և պարզիալ ճնշումը):

Տարբեր կազմության հանքաբեր լուծույթների առանձին քածինների բարձրացումն ու ճեղքառաջացման բռնկումները հետևում են միմյանց և վրադրվում են մեկը մյուսին. հետեւաբար, տեղի է ունենում տարբեր կազմության միներալային զուգակցությունների տարածական մեկուսացում՝ աստիճանաբար բացվող ճեղքերի տարբեր մասերում կամ տարբեր հասակի ճեղքերի սիստեմներում:

Այդ գաղափարն ընկած է ակադ. Ս. Ս. Սմիռնովի միասնական հանքային պրոցեսի ընդհատության և տարածության մեջ տարբեր արժեք ունեցող հանքայնացման առանձին փուլերի մեկուսացման մասին պրոցեսիվ բարախումային տեսության հիմքում. որոնումներն ու հետախուզումը տեսք է ուղղվեն առավել արժեքավոր փուլերի միներալային ագրեգատների հայտնաբերմանը:

Ինչ վերաբերում է հանքային լուծույթներից միներալային ագրեգատների նստեցման եղանակներին, ապա բերենք երկու օրինակ.

Երկու լուծույթների՝ Ba-ի քլորիդի ($BaCl_2$) ու Na-ի սուլֆատի (Na_2SO_4) խառնման գեղքում՝ $BaCl_2 + Na_2SO_4 \rightarrow BaSO_4 + 2NaCl$ ռեակցիայով նստում է բարիտ միներալը:

Na_2WO_4 -ի և CaO -ի, որը փոխառնված է կարբոնատային ապարներից կամ գրանիտոիդների պլագիոկլազներից,

ոեակցիայի ժամանակ գոյանում է շեելիտ՝ $\text{Na}_2\text{WO}_4 + \text{CaO} \rightarrow \text{CaWO}_4 + \text{Na}_2\text{O}$, ընդ որում Na_2O -ն ծախսվում է միջին կաղմության պլագիոկլազի (անդեզինի) ալբիտացման վրա, որի հետևանքով տեղի է ունենում շեելիտի և ալբիտացված անդեզինի զուգակցում՝ քվարցային դիորիտի ինտրուզիվի սկառացած էնդոկոնտակտում (Տաղիկական ՍՍՀ-ի Սարիմատ հանքավայր):

Ետմագմատիկ հանքավայրերի դասակարգման փորձ է արված Պ. Մ. Տատարինովի և գրքիս հեղինակի կողմից (1949), որոնք հաշվի առնելով լուծույթների բնույթը, առաջացման շերմաստիճանն ու ձևավորման խորությունները, առանձնացնում են ետմագմատիկ հանքավայրերի հետևյալ տիպերը՝

1) Սկառանային (կոնտակտ-մետասոմատիկ) հանքավայրեր

2) Էքսհալացիոն հանքավայրեր

3) Հիդրոթերմալ:

ա) բարձրջերմաստիճանային՝ շափավոր (ու մեծ) և փոքր խորությունների,

բ) միջինջերմաստիճանային՝ շափավոր ու փոքր խորությունների, հանքավայրեր:

գ) ցածրջերմաստիճանային՝ շափավոր ու փոքր խորությունների հանքավայրեր:

Առաջարկվող դասակարգումը մենք շենք համարում կատարյալ և թերություններից զուրկ, այնուամենայնիվ, այն ունի մի շարք առավելություններ Վ. Լինդգրենի, որը ձևավորման խորությունը հաշվի չի առնում, և Հ. Շնեյդերհենի ու Պ. Նիգլիի շափազանց բարդ դասակարգումների համեմատ:

1. Սկառանային (կոնտակտ-մետասոմատիկ)

ՀԱՆՔԱՎԱՅՐԵՐ

Իրենց առաջացման պայմաններով այդ հանքավայրերը միջանկյալ դիրք են գրավում պնևմատոլիտային (գաղերից նստած) և հիդրոթերմալների միջև, քանի որ նրանց ձևավորման սկզբնական փուլերում (սիլիկատներ, մասամբ մագնե-

տիտ, հեմատիտ, շեհլիտ) գլխավոր դեր են կատարում գազանման միացությունները, ինկ ավելի ուշ փուլերում՝ հիդրոթերմալ լուծույթները:

Հանքայնացումն ընթանում է ջերմաստիճանների լայն ինտերվալում՝ $800-300^{\circ}\text{C}$, իսկ հանքանյութերի նստեցումը տեղի է ունենում գլխավորապես $500-300^{\circ}\text{C}$ պայմաններում. առաջանում են սովորաբար միջին, հազվագեպ, փոքր խորություններում:

Այդ տիպի հանքավայրերի առաջացման համար մեծ դեր է խաղում՝ ինտրուզիանների, ներփակող ապարների ու գազազրային լուծույթների կազմությունը. սկառնային հանքավայրերը սովորաբար կապված են թթու և չափավոր թթու գրանիտոփների (ամենից հաճախ գրանոդիորիտների), քըլարցային դիորիտների և մոնցոնիտների), ավելի հազվագեպ, ալկալի ու հիմքային ապարների հետ և առաջանում են նրանց կոնտակտներում:



Սկառնացման համար ամենանպաստավորը կարբոնատային ապարներն են (կրաքարեր, դոլոմիտներ), ապա տուֆա-նստվածքային ու էֆուզիվ ապարները, ինտրուզիվ զանգվածները. անբարենպաստ են ավազաքարերը ու կավային թերթաքարերը:

Մագմայից անջատված ցնդողների կազմում մեծ դեր են խաղում H_2O , SiO_2 , Al_2O_3 , ալկալիները, H_2S , SO_2 , CO_2 , Cl , F , B , C , որոնց հետ մեկտեղ գուրու են գալիս հետեւալ մետաղները՝ Fe , Cu , Zn , Pb , As , W , Mo , Sn , Be , Nb և այլն:

Սկառները գլխավորապես նոնաքարերից ու պիրոքսեններից՝ էստիդոտի, սկապոլիտների, վոլաստոնիտի և հանքային միներալների խառնուրդից բաղկացած ալյումոսիլիկատային ապարներ են, որոնք դոյանում են ամենից հաճախ ինտրուզիվ զանգվածների ու ներփակող ապարների կոնտակտային զոնաներում (այստեղից էլ կոնտակտ-մետասոմատիկ հանքավայրեր տերմինը), ավելի հազվագեպ՝ բուն ինտրուզիվ զանգվածների հաշվին կամ կարբոնատային ապարներում:

Սկառների մեջ տարբերում են երկու տիպեր՝ նոնաքար-պիրոքսենային ու հիդրոքսիլային:

Նոնաքար-պիրոքսենային սկառները առաջանում են ներքին մերձկոնտակտային զոնայում, ջերմաստիճանների 800—500°C պայմաններում և հանքային միներալներից պարունակում են մագնետիտ, հեմատիտ, երբեմն փոքր քանակությամբ շեղիտ: Հանքառաջացումը ընթանում է գազային ֆազում. երկաթը դուրս է բերվում կամ FeCl_2 , FeCl_3 կամ FeO -ի ձևով հետեւալ ռեակցիաներով՝



Էպիդոտից, բլորիտից, ամֆիբոլներից բաղկացած հիդրոքսիլային սկառները առաջանում են 500—300°C ջերմաստիճաններում, տեղադրված են կոնտակտի արտաքին զոնայում և պարունակում են շեղիտ, մոլիբդենիտ, կասիտերիտ, գունավոր մետաղների սուլֆիդներ, արսենոպիրիտ, լյուինգիտ, երբեմն ֆրանկլինիտ, ցինկիտ, հազվագեպ՝ ոսկու և պլատինի միներալներ, որոնք գլխավորապես առաջանում են հիդրոթերմալ պայմաններում:

Ջերմաստիճանի անկման պայմաններում հիդրոքսիլային սկառների զոնաները կարող են վրադրվել ավելի վաղ նոնաքար-պիրոքսենային առաջացումների վրա, վերջինի վերամշակումով ու այդ երկու զոնաների տարածական համընկնումով:

Սկառնային հանքավայրերի մորֆոլոգիայի համար ամենից բնորոշ են շերտաձև կուտակումները, շտոկները, բները, երբեմն երակածք մարմինները: ՍՍՀՄ-ում սկառնային հանքավայրերի ուսումնասիրությամբ մանրաղնին զբաղվել են Ա. Ն. Զավարիցկին, Վ. Ա. Նիկոլաևը, Պ. Պ. Պիլիպենկոն, Դ. Ա. Կորժինսկին, որոնց կողմից մշակվել են սկառների առաջացման տեսությունները:

Պ. Պ. Պիլիպենկոյի ստադիալ տեսության համաձայն սկառների առաջացման մեջ պետք է տարբերել վեց հաջորդական փուլեր՝ 1) սիլիկացողային մետասոմատող՝ պիրոք-

սենների (գլխավորապես դիոպսիդի) առաջացումով, 2) ալյումոսիլիկատային մետասոմատող՝ նոնաքարերի առաջացմամբ, 3) հալոիդային տեղակալում սկապոլիտների՝ մարիալիտի $\text{Na}_4[\text{AlSi}_3\text{O}_8]_3 \cdot \text{Cl}$ ու մեյոնիտի $\text{Ca}_4[\text{Al}_2\text{Si}_2\text{O}_8]_3$ $[\text{SO}_4, \text{CO}_3]$ առաջացմամբ, 4) երկաթային տեղակալման փուլ՝ հեմատիտի, մագնետիտի, երկաթ պարունակող նոնաքարի (անդրադիտ), հեղենբերգիտի նստեցմամբ, 5) տեղակալում ցնդողներով՝ էպիդոտի, ամֆիբոլի, կալցիտի, շենլիտի, երկրորդ գեներացիայի մագնետիտի նստեցմամբ, 6) սուլֆիդային տեղակալման փուլ՝ երեք ենթափուլերով՝ $\text{As}-\text{S}$ (արսենոպիրիտ), $\text{Fe}-\text{Cu}$ (խալկոպիրիտ) և $\text{Pb}-\text{Zn}$ (գալենիտ ու սֆալերիտ):

Շատ ավելի ուշ Դ. Ս. Կորժինսկու կողմից մշակվեց սկառնային տիպի հանքավայրերի առաջացման ռեակցիոն-մետասոմատիկ տեսությունը՝ սկզբում նրա բիմետասոմատիկ տարրերակը, իսկ հետագայում, հաշվի առնելով քննադատական դիտողությունները, ավելի կատարելագործված կոնտակտ-ինֆիլտրացիոն տարրերակը:

Դ. Ս. Կորժինսկու բիմետասոմատիկ հիպոթեզի համաձայն, սկառներն առաջանում են կարբոնատային և նրանց կից սիլիկատային ապարների միջև ընթացող ռեակցիայի հետևանքով, երբ սիլիկատային ապարի սիլիկացողը և արդնահողը աստիճանաբար թափանցում են կրաքարի մեջ, իսկ կարբոնատային ապարների կիրը, ընդհակառակը, թափանցում է սիլիկատային ապարի մեջ:

Այս ռեակցիան կատարվում է ինտրուզիաների կոնտակտային եղբասսակներում, բարձր ջերմաստիճանների պայմաններում և միայն ապարների ծակոտիները լցնող ետմագմատիկ լուծույթների շրջանառության գոնաներում:

Այսպիսով, փոխներգործության մեջ են երեք միջավայրեր՝ մերձկոնտակտային զոնայում ռեակցիայի մեջ մտնող երկու ապարները և լուծույթը:

Բիմետասոմատողը հետին պլան է մղվում այնտեղ, որտեղ խոշոր տեկտոնական ճեղքերի երկայնքով տեղի է ունենում ետմագմատիկ լուծույթների ինտենսիվ ազդեցություն.

այս գեղքում կատարվում է կոնտակտ-ինֆիլտրացիոն սկառ-նացում, որն ընթանում է գրանիտոփիդային կամ կարբոնա-տային ապարներում եղած ճեղքերի երկայնությամբ՝ նրանց կոնտակտից հեռու. այսպիսով, սկառնացումն այստեղ կա-տարվում է երկու միջավայրերի՝ ապարի և լուծույթի փոխ-ներգործության պայմաններում:

Ինտրուզիվների դանդաղածների ճեղքերի երկայնքով, կոնտակտից հեռու սկառնային հանքավայրերի առաջացման օրինակներ են Չորուս-Դայրոնի շեելիտի հանքավայրը Տա-չիկական ՍՍՀ-ում, Տելբես, Թեմիրտառ և ուրիշ. երկաթի հանքավայրերը Կուզնեցկի Ալատառում. ինտրուզիվների կոնտակտից հեռու կրաքարերի մեջ տեղադրված են շեելիտի մի շարք սկառնային հանքավայրեր Միջին Ասիայում: Սկառ-ների ճնշող մեծամասնությունը զարդանում է բիմետասովա-տիկ ճանապարհով, սակայն հանքայնացած սկառների շար-քում, սովորաբար, ամենաարժեքավորներն են կոնտակտ-ինֆիլտրացիոն հանքավայրերը, որոնց առաջացումը կախ-ված է ճեղքային դոնաների երկայնքով ետմագմատիկ լու-ծույթների ազդեցությունից:


Սկառնային գոնաներում ամենից լայն տարածված մի-ներալներից են դիոպսիդի $\text{CaMg}[\text{Si}_2\text{O}_6]$ ու հեղենբերդիտի $\text{CaFe}^{\prime}[\text{Si}_2\text{O}_6]$ տիպի պիրոքսեները և գրոսուլարի ($\text{Ca}_3\text{Al}_2\text{Si}_3\text{O}_{12}$) ու անգրագիտի ($\text{Ca}_3\text{Fe}_2\text{Si}_3\text{O}_{12}$) տիպի նոնաքա-րերը:

Բացի լայն տարածված կրաքարային սկառներից, այժմ առանձնացնում են նաև (Վ. Ա. Ժարիկով և ուրիշներ) մագ-նելիումային սկառներ, որոնք առաջանում են դոլոմիտների կոնտակտում և կազմված են ֆորստերիտից, հիպերստենից, շպինելից, ֆլոգոպիտից, սկապոլիտից և այլն:

Սկառնային պրոցեսի և նրա հետ կապված հանքայնաց-ման հարաբերակցության տեսակետից Հ. Մ. Աբգուլաևը ա-ռանձնացնում է հանքայնացված սկառնային դոնաների երեք խմբեր՝ 1) սկառների հետ միաժամանակյա հանքայնացու-մով, 2) սկառներին ուղեկցող հանքայնացումով, 3) սկառ-ների վրա վրադրված հանքայնացումով:

Սկառնային գոնաների հետ կապված հանքավայրերի մեջ առանձնացվում են հետևյալ տիպերը՝

1. Երկաթի հանքավայրեր՝ մագնետիտային, ավելի հազվադեպ, հեմատիտային հանքանյութերով, որոնք հանդես են գալիս նոնաքար-պիրոքսենային, էպիդոտային, սկապոլիտային և ուրիշ սկառներում շերտաձև կուտակումների, ոսպնյակների, բների, ցանի ձևով։ Օրինակ, Մագնիտնայա (նկ. 53), Բլագոդատ, Վիսոկայա լեռները, Սոկոլովսկո-Սարբայսկի խումբը Ուրալում, Դաշքեսանը Աղրբեջանական ՍՍՀ-ում, Բանատը Ռումինիայում և այլն. Հայկական ՍՍՀ-ում այդ տիպը ներկայացված է Հրազդանի (Սուդաղյան), Բագումի, Կողըի խմբի հանքավայրերով։



Նկ. 53. Մագնիտնայա լեռնան

հանքարեր սկառների շերտաձև կուտակը (ըստ Ա. Ն. Զավարիցկու). 1—ղելովի հանքային զլաքարերով. 2—սկառներ. 3—սկառնի հանքային տեղամասեր. 4—դիորիտի ու պորֆիրի երակներ. 5—պորֆիրիտներ. 6—կրնակումետամորֆացած տուֆեր. 7—կրաքարեր.


Երկաթի սկառնային հանքավայրերը նկատելի դեր են խանքարերի հերկաթի հանքանյութերի հանույթում, բայց, այնուամենայնիվ, այդ տիպի նշանակությունը Fe-ի համաշխարհային արդյունահանման մեջ երկրորդական է։

2. Վոլֆրամարեր (շենիտաբեր, երբեմն մոլիբդենիտի, կասիտերիտի, արսենոպիրիտի, բիսմուտի միներալների երկրորդական դերով) սկառնային հանքավայրերը բավական լայն տարածված են միջինասիական հանրապետություններում (Չորուխ-Դաշտոն, Մայխուրա Տաջիկական ՍՍՀ-ում),

ԱՄՆ-ի արևմտյան նահանգներում, Կորեայում և ուրիշ երկրներում:

Այս տիպին բաժին է ընկնում աշխարհում ստացվող վոլֆրամային (շենիտային) հարստանյութերի շուրջ $\frac{1}{4}$ մասը:

3. Մոլիբդենաբեր (սովորաբար կոմպլեքսային շենիտմոլիբդենիտային) սկառնային հանքավայրեր, որտեղ շենիտը ցրված է սկառներում, իսկ մոլիբդենիտը բարակ քվարցանքային երակիկների ձևով կազմում է շենիտաբեր սկառների վրա վրագրված շտոկվերկ: Այս տիպին են պատկանում Տանիառուղը՝ Հյուսիսային Կովկասում ու Աղեգուրը՝ Մարոկկոյում: Այս տիպի նշանակությունը մոլիբդենի համար երկրորդական է:



Նկ. 54. Մայլուրա հանքավայրի սկառնային կուտակի կտրվածքը
№ 2 բոլանցի մոտ

1—գրանոդիոքիտ. 2—մարմարացված կրաքար. 3—նաեւային միներալներով ներափանցված նոճաքարային սկառն. 4—պիրոքսենային սկառն. 5—սովորական շենիտի խառնուրդն. 6—փլածք.

4. Անագաբեր սկառներ. Հաղվագյուտ տիպ է և մեծ նըշանակություն չունի. Արանց թվին են պատկանում Պիտկյարանտան Լադոգա լճի հյուսիսարևելյան ափին ու Տակֆոնը Տաշիկական ՍՍՀ-ում:

5. Բաղմամետաղային սկառներ, որտեղ արծաթ պարու-

Նակող կապար-ցինկային հանքայնացումը ներկայացված է քներով, երակաձև մարմիններով ու ցանով՝ էլեկտրոտային կամ հեղենքերգիտային սկառներում։ Այս տիպին են պատկանում Սիխոտե-Ալին լեռնաշղթայի Տետյուխե, Տաջիկական ՍՍՀ Ալթին-Տոպկան, Կանսայ, Դարբազա և ուրիշ հանքավայրերը։ Կապարի, ցինկի ու արծաթի համար երկրորդական տիպ է։

6. Պղնձաբեր սկառներ՝ պիրիտ-կամ պիրոտին-խալկոպիրիտային հանքանյութերով, երբեմն մոլիբդենիտի խառնուրդով. սրանց շարքին են դասվում Տուրինսկի հանքերը Ուրալում, Բիսրի և Մորենսի բավականին խոշոր հանքերը ԱՄՆ-ում։ Պղնձի համաշխարհային հանույթի մեջ այս տիպը խաղում է երկրորդական դեր։

7. Ոսկի-մկնդեղային (ոսկի-արսենոպիրիտային) հանքավայրեր սկառներում հայտնի են Սիլեզիայում (Ռայխեն-Չտայն), Կանադայում, ԱՄՆ-ում և Միջին Ասիայում։ Նրանց դերը մեծ չէ։

8. Սկառնային տիպի մանգանային ու մանգան-ցինկային հանքավայրերը հայտնի են Ուրալում, Շվեդիայում ու ԱՄՆ-ում։ Նրանց դերը ցինկի ու մանգանի հանույթում մեծ չէ։

9. Բերիլիումաբեր սկառներ՝ հելվինով $Mn_8[BeSiO_4]_6 \cdot S_2$. Հանքավայրերի օրինակներ են Այրոն-Մառենթինը ԱՄՆ-ում և ՍՍՀՄ-ի մի շարք հանքավայրեր։

10. Նիոբիումաբեր սկառներ՝ կոպալիտով ($Na, Ca, Ce)_2(Tl, Nb...)_2O_6$ (F, OH). Հանքավայրերի օրինակներ կան ԳՖՀ-ում։

Սկառնային դոնաներում ոչմետաղային օգտակար հանածոներից հետաքրքրություն են ներկայացնում գրաֆիտի (Կանադայի Օնտարիո մարզում), խրիզոտիլ-ասբեստի ու տալկի՝ Սիրիում ու Կանադայում, բոր պարունակող միներալների (ՍՍՀՄ), վոլաստոնիտի (Միջին Ասիա, ԱՄՆ, Ճապոնիա), անդալուզիտի ու կորունդի (Ղաղախական ՍՍՀ) կուտակումները։ Սկառնային հանքավայրերի շարքում ամենամեծ նշանակությունն ունեն երկաթի հանքանյութերի ու

վոլֆրամի (շեելիտի), իսկ ոչմետաղային հումքից՝ անդալուզիտի ու կորունդի հանքավայրերը:

2. ԷՔՍՀԱԼԱՑԻՈՆ (ՀՐԱԲԽԱԾԻՆ) ԵՎ ԷՔՍՀԱԼԱՑԻՈՆ-ՆՍՏՎԱԾՔԱՅԻՆ ՀԱՆՔԱՎԱՅՐԵՐ

Էքսհալացիոն հանքավայրերն իրենցից ներկայացնում են պնկմատոլիտային առաջացումներ, որոնք կապված են հրաբխային արտավիճումների ու ֆումարոլների և սոլֆատարների գործունեության հետ։ Միներալներն առաջանում են հասարակ սուբլիմացման կամ գազերի միմյանց հետ կամ ապարների մեջ ճեղքերի պատերի հետ փոխներգործության ձանապարհով։ Նրանք առաջանում են ջերմաստիճանների լայն ինտերվալում՝ $600-100^{\circ}\text{C}$, ցածր ճնշման (մերձմակերեսային) պայմաններում։

Այս տիպին են պատկանում բնածին ծծմբի (Ճապոնիա, Չիլի, Խտալիա, Կուրիլյան կղզիներ և այլն), սասոլինի՝ $\text{B}(\text{OH})_3$ (Խտալիա, ԱՄՆ-ի արևմտյան նահանգներ, Չիլի, Տիբեթ) բաղմաթիվ ու հաճախ բավականին խոշոր հանքավայրերը, ինչպես նաև ոեալգարի, առորիպիդմենտի, կինովրի ու ֆլյուորիտի մի շարք դրակորումները։

Այդ խմբում ամենահեծ տնտեսական նշանակությունն ունեն բնածին ծծմբի հանքավայրերը։ Խոշոր հանքավայրեր հայտնի են Ճապոնիայում, առանձնապես հետաքրքիր՝ Հոկայդո թերակղզում, որտեղ 1936 թ. Սիրետոկո Խոցան հրաբխի ժայթքման ժամանակ, մարդկանց աշխարհի առջև, մի քանի ամսվա ընթացքում անջատվում էին ծծմբային գազեր, որից հետո տեղի ունեցավ ճեղուկ ծծմբի հոսքի արտավիժում, որն առաջացրեց ծծմբի 99% պարունակությամբ հանքանյութի 200 հազար տոննա պաշարներով մի հանքավայր։

Խոշոր հանքավայրեր հայտնի են նաև Չիլիում՝ Կոպիապո հրաբխի խառնարանի մոտակայքում 6000 մ բարձրության վրա (ծծմբի հանքանյութի պաշարը ~ 10 մլն. տ) և Խտալիայում՝ Հոռմի մոտերքում, Մոնտե-Սոլֆորսոս լեռան վրա։

ԷքսՀալացիոն-նստվածքային հանքավայրերն իրենցով
նշանավորում են ներծին տիպից արտածինի անցումը, քանի
որ այստեղ օգտակար հանածոների աղբյուրը մազմատիկ է
բառիս լայն իմաստով (ստորջրյա հրաբուխների էքսՀալա-
ցիաներ, որոնք ծովի ավաղաներ են ներբերում մետաղների
միացություններ գաղային հոսքերի ձևով), իսկ օգտակար
հանածոների նստեցման եղանակը արտածին է, նստվածքա-
յին (ավաղանների հատակում):

Հ. Շնեյդերհենի կողմից առաջին անգամ առանձնացված
այս տիպին են պատկանում ԳՖՀ-ի կան և Դիլ կերատոֆիրա-
յին մուլդաների բավականին խոշոր հեմատիտային, Շվեյ-
ցարիայի Գոնցեն երկաթամանգանային հանքանյութերի
հանքավայրերը, ինչպես նաև բյուրեղային պիրոլուղիտ-
պսիլոմելանային ու մանգանիտ-բրաունիտային հանքանյու-
թերի բաղմաթիվ, սակայն, սովորաբար, ոչ մեծ հանքավայ-
րերը. նրանք գտնվում են Միջերկրածովային (Անդրկովկաս-
յան հանքապետություններ, Բուլղարիա, Հարավսլավիա և
այլն) ու Խաղաղօվկիանոսյան (Կամչատկա, Ճապոնիա, Ֆի-
լիպիններ, Ինդոնեզիա, Մեքսիկա, Կուբա և այլն) ալպիական
գոտիների սահմաններում և տեղադրված են վերին կավճի ու
երրորդական հասակի հրաբխանստվածքային հաստվածք-
ներում:

Այս տիպին ենք դասում նաև Չատախիի (Վրացական
ՍՍՀ) երկաթի (հեմատիտի) և Չայքենդի (Հայկական ՍՍՀ)
երկաթմանգանային (յակոբսիտ-մագնետիտային) ոչ մեծ
հանքավայրերը:

Արտասահմանյան երկրների (ԳՖՀ, Նորվեգիա և այլն)
և ՍՍՀՄ-ի (Վ. Ի. Սմիռնով և ուրիշ.) մի շարք երկրա-
բաններ էքսՀալացիոն-նստվածքային տիպին են վերագրում
հրաբարային տիպի սուլֆիդային հանքանյութերի շատ հան-
քավայրեր: Այսպես, այդ տիպին են դասում Մեգանի (ԳՖՀ)
պիրիտ-սֆալերիտ-բարիտային շերտաձև մարմինը, Ռամմ-
ելսբերգի պղինձ-կապար-ցինկային հանքանյութերը, Նորվե-
գիայի կալեղոնիդներում տեղադրված մի շարք հրաբարա-
յին հանքավայրերը: Վ. Ի. Սմիռնովը այդ տիպին է վերա-

գրում Ուրուակ հանքավայրի (Հյուսիսային Կովկաս) պղինձցինկային հրաքարային հոծ հանքանյութերի շերտաձև կուտակը, ինչպես նաև Ֆիլիդայ (Աղբքաջանական ՍՍՀ) ու Կըզլդերի (Դաղստան) պիրոտին-բազմամետաղային խոշոր հանքավայրերը։ Նա համարում է, որ այդ հանքավայրերը «ձևավորվել են ծովի հատակում ստորջրյա էֆուզիվ գործունեությամբ պայմանավորված հրաբխային էքսհալացիաների միջոցով հանք կազմող տարրերի դուրս բերման հետևանքով։ Ստորջրյա հրաբխային սուբլիմատների արգասիքները, ընկնելով ծովի մերձհատակային մասում խիստ փոփոխված ֆիզիկաքիմիական միջավայր, անջատվում էին նստվածքի ձեւով, տեսակավորվում ու կազմում շերտաձև հանքային կուտակումներ։ Ծծմբի ու թթվածնի ռեժիմից կախված հանքային տարրերը կապվում էին կամ սուլֆիդային միացությունների ձևով, կազմելով հրաքարային հանքավայրեր, կամ օքսիդային միացությունների ձևով, որոնք կազմում էին կայծքարահեմատիտային կուտակումներ։ Սովորաբար, սկզբնական շրջանում գերիշխող էին սուլֆիդների կուտակման պրոցեսները, որոնք հետո փոխվում էին կայծքարահեմատիտային կազմի, իսկ ավելի ուշ՝ կայծքարային առաջացումների նըստվածքների, որոնք հաճախ ծածկում են հրաքարային էքսհալացիոն-նստվածքային հանքավայրերի կուտակումները։

Վերջին տարիների ընթացքում արտասահմանում հրատարակվել են մի շարք աշխատություններ, որոնցում էքսհալացիոն-նստվածքային հանքավայրերի շրջանակը ավելի է ընդլայնվել. այդ տիպին են վերագրում նախկինում հիդրոթերմալ միջին-բարձրջերմաստիճանային համարվող հրաքարային բազմամետաղային հանքանյութերի՝ Սուլիվան (Կանադա), Բրոկեն-Հիլլ ու Մառնթ-Այզա (Ավստրալիա) խոշորագույն հանքավայրերը և նույնիսկ մինչև այժմ հիմտերումագմատիկ համարվող Կիրունա (Հյուսիսային Շվեդիա) ապատիտ-մագնետիտային հսկա հանքավայրը։

Էքսհալացիոն-նստվածքային ծագում են վերագրում նաև բորատների խոշոր հանքավայրերին, որոնք առաջացել են ժամանակակից ու երրորդական (բրածո) լճերի անջրթող իշ-

վածքներում ու կապված են հրաբխային առաջացումների հետ:

Բորատների մի շարք հանքավայրեր առաջացել են գործող կամ վերջերս հանգած հրաբուխներին մոտ գտնվող ժամանակակից լճերում, որոնց հետ կապված ֆումարոլները բորի սկզբնաղբյուրներ էին (Պերուի Սալինաս, Չիլիի Ասկուտան հանքավայրերը):

Բորատների հանքավայրերի մյուս խումբը առաջացել է հրաբխային ծագում ունեցող բոր պարունակող ջրերից, որոնք շփվելով լճային ավազանների կրաքարային նստվածքների հետ, նստեցնում էին կալցիումային ու նատրիումային բորատներ՝ կավերի, ավազների և ուրիշ ապարների մեջ առաջացնելով ոսպնյակներ, բներ, շերտիկներ, ելունդներ. այդ տիպին են պատկանում Բորատ (ԱՄՆ, Կալիֆորնիա նահանգ), Կրամեր (ԱՄՆ, Նևադա նահանգ) և Սուլթան-Զայիր (Թուրքիա) հանքավայրերը:

3. ՀԻԴՐՈԹԵՐՄԱԼ ՀԱՆՔԱՎԱՅՐԵՐ

Ետմագմատիկ հանքավայրերի շարքում հիդրոթերմալ հանքավայրերը ամենից լայն տարածվածներն ու տնտեսապես կարևորներն են:

Առաջացման ջերմաստիճանով նրանք ստորաբաժանվում են երեք ենթախմբերի՝ բարձրջերմաստիճանային (t 400— 300°C), միջինջերմաստիճանային (t 300— 200°C) ու ցածր-ջերմաստիճանային (t 200— 50°C), իսկ առաջացման խորությամբ, նրանցից յուրաքանչյուրն իր հերթին բաժանվում է երկու կարգի՝ 1) միջին և մասամբ մեծ խորությունների և 2) փոքր խորությունների ու մերձմակերեսային հանքավայրերի:

ԲԱՐՁՐՋԵՐՄԱՍՏԻՃԱՆԱՅԻՆ ՀԱՆՔԱՎԱՅՐԵՐ

Դեռևս Վ. Ա. Օբրուչևը, իսկ ավելի ուշ Հ. Շնեյդերհենը և Պ. Նիգլին ետմագմատիկ հանքավայրերի շարքում առանձնացնում էին պնևմատոլիտային խումբը՝ գազերից անջատված հանքանստեցման մեծ դերով և այդ խմբի մեջ ընդգրկում

էին անագի, վոլֆրամի, մոլիբդենի, բերիլիումի հանքավայրերի մեծ մասը, ինչպես նաև պղնձի և ոսկու հանքավայրերի մի մասը:

Պ.Մ. Տատարինովը իր ձեռնարկում այդ խումբը դասում է Հիդրոթերմալ բարձրջերմաստիճանային առաջացումների շարքին, իրավացիորեն նշելով, որ գազերից առաջացած հանքայնացումը ջրային լուծույթներից նստած հանքայնացումից տարբերելու հատկանիշները բացակայում են:

Վ. Ի. Սմիռնովը իր մենագրության երրորդ հրատարակությունում (1976) պարզորոշ առանձնացնում է ալբիտիտային ու գրեյզենային հանքավայրերի խումբը, կապելով նրանց թթու և ալկալային հիպարիսալ հրային ապարների զանգվածների ապիկալ ելուստների հետ, որոնք ենթարկվել են ետմագմատիկ ալկալային տեղակալման: Նատրիումային տեղակալումը բերում է գրանիտային գմբեթների ապիկալ մասերի ալբիտացմանը, իսկ կալիումի հավելուրդը դուրս է բերվում և ալբիտացված գրանիտների ու ներփակող ապարների սահմանում և վերջիններիս մեջ ինտրուզիվների ծածկի մոտ առաջացնում է գրեյզենացում:

Ալբիտացման ու գրեյզենացման պրոցեսների ժամանակ տեղի է ունենում ապարներից մետաղային տարրերի դուրսբերում: Նրանց մի մասի վերանստեցում ալբիտիտների մեջ (Zr, Nb, Th), իսկ մյուս մասինը՝ գրեյզեններում (Be, Li, Sn, W):

Վ. Բարսուկովի տվյալներով անագի պարունակությունը չփոփոխված գրանիտներում 26 գ/տ նվազում է մինչև 4—5 գ/տ դուրսբերման դոնայում: Եթե անագի պարունակությունը բիոտիտում կազմում է 200—300 գ/տ, ապա նրան տեղակալող մուսկովիտում (գրեյզենում) այն նվազում է մինչև 20—30 գ/տ:

Ալբիտիտ-գրեյզենային հանքավայրերը ձևավորվել են բյուրեղային ինտրուզիվ ապարների վրա տաք, քիմիապես ակտիվ գազաջրային լուծույթների ազդեցության հետևանքով:

Հանքավայրերի առաջացման շերմաստիճանային ռեժիմն ըստ Ի. Գովորովի, Գ. Շերբայի և այլոց հետևյալն է

եղել ($^{\circ}\text{C}-\text{ով}$)՝ միկրոկլինացում $650-550^{\circ}$, ալբիտացում $550-400^{\circ}$, սիլիկատային ապարների գրեյզենացում $450-300^{\circ}$, ուղեկցող քվարցային երակներ $450-250^{\circ}$, կարբոնատային ապարների գրեյզենացում $400-250^{\circ}$, ուղեկցող ֆլյուրիտային և այլ երակներ $250-220^{\circ}$:

Ալբիտիտների առաջացման օպտիմալ խորությունը $1,5-2$ մինչև $3-4$ կմ է: Ալբիտիտները գոյանում են գրեյզեններից առաջ, ընդ որում առաջինները հավանաբար գերկրիտիկական բարձրշերմաստիճանային ալկալային լուծույթներից, իսկ երկրորդները՝ համեմատաբար նվազ բարձրշերմաստիճանային թթու լուծույթներից:

Ալբիտիտ-գրեյզենային հանքավայրերն իրենց առաջացման սկզբնական փուլում կապված են պեզմատիտների, երբեմն էլ սկառների հետ, իսկ առաջացման պրոցեսի վերջում կապված են նույն մետաղների հանքաբեր քվարցային երակների հետ, ինչպես գրեյզեններում:

Ալբիտիտային հանքավայրերում գործնական նշանակություն ունեն՝ Nb, Zr, Th, Li, Be, TR, իսկ գրեյզենային հանքավայրերում՝ Sn, W, Mo, Li, Be: Ալբիտիտային հանքավայրերի տիպիկ օրինակներ նկարագրված են Անդրբայկալում, Կանադայում և Հյուսիսային Նիգերիայում, իսկ գրեյզենային հանքավայրերի օրինակներ՝ Ղազախստանում, Սիբիրում, Հանքային լեռներում՝ ԳԴՀ և ՉՍՍՀ (Յինովկա-Յինվալդ հանքադաշտը):


Հանքավայրերի այս խումբն առաջացել է գաղաքրային գերտաքացած լուծույթներից՝ չերմաստիճանների, հիմնականում, $400-300^{\circ}\text{C}$ ինտերվալում, գլխավորապես միջին (շափակոր) կամ մեծ, ավելի հազվադեպ՝ փոքր խորություններում:

Հանքանյութեր կազմող բնորոշ միներալներն են՝ մագնետիտը, հեմատիտը, կասիտերիտը, վոլֆրամիտը, շենկլիտը, բիսմուտինը, արսենոպիրիտը, լուլինգիտը, կոբալտինը, բընածին ոսկին (բարձր հարգի), բերիլը, իսկ երակային միներալներից՝ քվարցը, տոպազը, տուրմալինը, մուսկովիտը, եր-

բեմն նունաքարը ու սկառնային ապարներ կազմող ուրիշ սի-
լիկատներ:

Մերձհանքային փոփոխություններն ամենից հաճախ ներկայացված են գրելղենացումով ու տուրմալինացումով, իսկ կարբոնատային ապարներում՝ սկառնացումով:

ա. Միջին և մասամբ մեծ խորովյունների հանքավայրերը (մակերեսից մի քանի կմ խորովյուններում առաջացած) ներկայացված են հետևյալ տիպերով.



Նկ. 55. Ցինվալդի գրանիտային շտոկի
զառիկող անապարեր Երակները

1) Քվարց-կասիտերիտային երակներ ու շտոկվերկներ՝ գրեյզենացված, ավելի հաղվագեպ տուրմալինացված ապարներում։ Գլխավոր միներալներից բացի (քվարց ու կասիտերիտ), հանքանյութերում հաճախ առկա են վոլֆրամիտ, բիսմուտին, մոլիբդենիտ, արսենոպիրիտ, բերիլ, տոռապ, տուրմային, ֆլուորիտ և այլն։

Այս տիպի օրինակներից են՝ Սաքսոնիայի ու Գերմանի-վագիայի Հանքային լեռներում Յինվաղ-Յինովեց (նկ. 55), ՍՍՀՄ-ի Օնոն ու Իուլտին, Մալայայի, Ինդոնեզիայի, Պիրե-նեյան թերակղզու, Ֆրանսիայի Կենտրոնական զանգվածի, Հյուսիսային Բոլիվիայի և բազմաթիվ այլ հանքավայրերը:

Այս տիպին, հաշվի առնելով նաև նրանց քայլայմանը հետեանքով առաջացած ցրոնները, բաժին է ընկնում անագային հարստանյութերի համաշխարհային արդյունահանման մոտ 3/4-ը:

2) Քվարց-վոլֆրամիտային, քվարց-հյուրներիտային երակներ ու շտոկվերկներ՝ գրեյզենացված գրանիտոփային զանգվածներում: Բացի քվարցից ու վոլֆրամիտից (կամ հյուներիտից), հանքանյութերում առկա են մոլիբդենիտ, բիոմուտին, արսենոպիրիտ, ավելի հազվադեպ՝ բերիլ, տոպազ, կասիտերիտ, տուրմալին և ուրիշ միներալներ:

Հանքավայրերի օրինակներ են՝ Մերձբայկալի ու Անդըրբայկալի (Զիդա, Շերլովայ լեռ, Բուկովա և այլն), Կենտրոնական Ղազախստանի (Ակչատառ, Կարաոբա և այլն), Պիրենեյան թերակղզու, Հարավարևելյան Զինաստանի, Բիրմայի, Կորեայի, Բոլիվիայի և այլ երկրների բաղմաթիվ հանքավայրերը:

Այս տիպին, հաշվի առնելով նաև նրանց քայլայման հետևանքով առաջացած ցրոնները, բաժին է ընկնում վոլֆրամային հարստանյութերի համաշխարհային արդյունահանման համարյա թե 3/4-ը:

3) Քվարց-մոլիբդենիտային երակներ և շտոկվերկներ՝ հաճախ սերտորեն կապված նախորդ (վոլֆրամիտային) տիպի հետ:

Այդ տիպի հանքավայրեր հայտնի են Հարավարևելյան Զինաստանում և Կենտրոնական Ղազախստանում. Նրանց բաժին է ընկնում մոլիբդենի համաշխարհային արդյունահանման մոտ 20%-ը:

4) Քվարց-ոսկեբեր երակներ՝ բարձրահարգ ոսկով, որը հաճախ ուղեկցվում է արսենոպիրիտով:

Այս տիպի հանքավայրեր հայտնի են Հարավային Ուրալում (Կոչկար), Ենիսեյան տայգայում (Սովետական հանքը), Հնդկաստանում (Կոլար), ԱՄՆ-ում (Հոմստեյդ), Կանադայում, Բրազիլիայում և այլն: Ոսկու համար սա բավականին արդյունավետ տիպ է:

5) Արսենոպիրիտային կամ արսենոպիրիտ-լոլինգիտային երակներ և անկանոն ձևերի մետասովատիկ մարմիններ կարբոնատային ապարներում ու թերթաքարերում. հանքանյութերը հաճախ սպիրեր են:

Այսպիսի հանքավայրերի օրինակներ են՝ Բոլիդենը (Հյուսիսային Շվեդիայում), Մոսրիֆը (Տաջիկական ՍՍՀ-ում) և այլն. Մկնդեղի արդյունահանման համար այս տիպը մեծ նշանակություն ունի:

6) Կոբալտինային հանքավայրեր, որոնք ներկայացված են դայկաների երկայնքով տեղադրված երակներով կամ ցանավոր զոնաներով: Հանքավայրերի օրինակներ են՝ Բու-Աղերը Մարոկկոյում, Դաշքեսանը Աղրբեջանական ՍՍՀ-ում և այլն: Կոբալտի համար այս տիպն ունի երկրորդական նըշանակություն:

7) Բերիլ-տոպազ-տուլմալինային հանքավայրեր՝ որպես թանկարժեք քարերի հանույթի օբյեկտ: Օրինակներ՝ Բորչչունի բլրաշարքը, Շերլովայա լեռը, ինչպես նաև Կոլումբիայի ու Հնդկաստանի հանքավայրերը:


8) Խոշորթեփուկավոր գրաֆիտի հանքավայրեր: Օրինակներից են՝ Ցելյոն կղզու (Շրի-Լանկա հանրապետություն)՝ հանքավայրերը:

9) Ֆլորոպիտի հանքավայրեր: Օրինակ՝ Սլովակիանկան Արևելյան Անդրբայկալում:

Բ. Փռքը խորությունների ու մերձմակերեսային հանքավայրեր: Այս կարգի բարձրշերմաստիճանային հանքավայրերը բազմաթիվ չեն ու ներկայացված են հետևյալ տիպերով.

1) Պղինձ-անագային հանքավայրեր, որտեղ սովորաբար այդ երկու հակամետ մետաղները կազմում են համատեղ կուտակումներ: Օրինակ՝ Միտատա հանքավայրը Ճապոնիայում:

2) Պղինձ-տուլմալինային հանքավայրեր, որտեղ պղինձի միներալներից սովորական են խալկոպիրիտը, բոռնիտը, որոնք երբեմն ուղեկցվում են մոլիբդենիտով, ավելի հազվադեպ, անագի միներալներով կամ ոսկով:



Նկ. 56. Զիլիի թրադեն խառնարանի կտրվածքը
(ըստ Վ. Լինդգրենի ու Յաստինի)

1—անդեզիտ-պորֆիր. 2—անդեզիտ-պոր-
ֆիրի բրեկչիա. 3—Տենիենտո բրեկչիա.
4—գրանիտ-պորֆիրի բրեկչիա.

Այդ տիպի խոշոր հանքավայրերից հարկ է նշել Բրա-
դենը (նկ. 56) կամ Էլ-Տենիենտոն (նույնանուն հանգած հը-
րաբիսի խառնարանում) Զիլիում, ոչ մեծ հանքավայր հայտ-
նի է նաև Հայկական ՍՍՀ-ում (Մեծ ձոր):

3) Անագ-վոլֆրամ-բիսմուտ-մկնդեղային հանքավայրեր,
որոնց հանքանյութերում գերակշռում են կասիտերիտն ու
վոլֆրամիտը, երբեմն բիսմուտինն ու արսենոպղիրիտը: Այս
տիպը ներկայացված է Բոլիվիայի մի շարք խոշոր հանքա-
վայրերով:

Ավելի պարզ կազմության, համարյա բուն անագային
հանքանյութեր՝ փայտանման կասիտերիտով, հայտնի են
Սիխոտե-Ալին լեռնաշղթայում և Փոքր Խինդանում: Անագի
և բիսմուտի համաշխարհային արդյունահանման մեջ այս
տիպը զգալի դեր է խաղում:

4) մագնետիտային երակներ և շտոկներ, որոնք իրենց
ծագումով կապված են Սիխոտե-Ալին պլատֆորմի տրապների
(կճաքարերի) հետ: Օրինակ՝ Անգարա-Իլիմյան խմբի հան-
քավայրերը:

Բարձրջերմաստիճանային հիդրոթերմալ հանքավայրերն ամբողջությամբ վերցրած արդյունաբերական մեծ նշանակություն ունեն անագի, մկնղեղի, ոսկու և երկրորդական նըշանակություն՝ մոլիբդենի, կոբալտի, բիսմուտի, երկաթի, գրաֆիտի ու ֆլոգոպիտի համար:

ՄԻԶԻՆ ԶԵՐՄԱՍՏԻՃԱՆՅԻՆ ՀԱՆՔԱՎԱՅՐԵՐ

Հանքավայրերի այս խումբն առաջացել է գերտաքացած ջրային լուծույթներից ջերմաստիճանների, հիմնականում, $300-200^{\circ}\text{C}$ ինտերվալում, մեծ մասամբ շափակոր խորություններում (մակերեսից՝ 2-3 կմ), բայց հաճախ նաև փոքր խորություններում (հարյուրավոր մետրերից մինչև 1 կմ):

Հանքանյութերը կազմող բնորոշ միներալներից են՝ պիրիտը, խալկոպիրիտը, մոլիբդենիտը, սֆալերիտը, գալենիտը, խունացած հանքանյութերը (տեննանտիտ ու տետրաէդրիտ), բնածին ոսկին (միջին հարգի), սիդերիտը, ուրանացին խեժը, կոբալտի ու նիկելի արտենիդները, ավելի հաղվագեպ կասիտերիտը, բիսմուտային սոլֆուրերը, իսկ երակային միներալներից՝ սովորական են քվարցը, բարիտը, ֆլուորիտը, կաբոնատները, քլորիտը, սերիցիտը, կառինը:


Մերձհանքային փոփոխություններն արտահայտվում են քվարցացումով (երկրորդային քվարցիտներ), սերիցիտացումով, բերեղիտացումով, քլորիտացումով, կառինացումով, դոլոմիտացումով, սերպենտինացումով:

ա. Գափավոր խորությունների հանքավայրեր: Ներկայացված են հետևյալ տիպերով.

1) Երակիկացանավոր շտոկվերկային, հաղվագեպ երակային պղինձ-մոլիբդենային հանքանյութեր գրանիտոփիդացին զանգվածներում, երբեմն ծածկի քվարցացած ու սերիցիտացված ապարներում:

Հանքանյութերի գլխավոր միներալներն են խալկոպիրիտը ու մոլիբդենիտը, որոնց հետ խառնվում են բոռնիտ, խունացած հանքանյութեր, էնարգիտ ու լցուցոնիտ, գալենիտ, սֆալերիտ, բիսմուտի ու արծաթի միներալներ:

Հանքավայրերի օրինակներ են՝ ՍՍՀՄ-ում՝ Կոռնրադը (Ղազախական ՍՍՀ-ում), Քաջարանը (նկ. 57), Ագարակը և ուրիշ. (Հայկական ՍՍՀ-ում); Արտասահմանյան հանքավայրերից կարելի է նշել Բինգչեմը (ԱՄՆ-ում), Կանանեան (Մեքսիկայում), Մեդետը և ուրիշ. (Բուլղարիայում) և այլն:



1 2 3 4 5 6 7 8 9 10

Նկ. 57. Քաջարանի պղինձ-մոլիբդենային հանքավայրի շրջանի
սխեմատիկ երկրաբանական քարտեզը

- 1—պորֆիրանման գրանիտներ, գրանոլիորխաներ ու գրանոսիենիտներ.
 - 2—բանատիտներ (գրանոլիորխաներ). 3—մոնցոնիտներ, սիենիտներ, դիորիտներ. 4—գրանիտ-պորֆիրի, գրանոլիորխան-պորֆիրի, սիենիտ-պորֆիրի դայկաներ. 5—էղքենի հրաբխանստվածքային շերտախումբ. 6—կոնտակտային եղբայրներ. 7—խիստ հանքայինացած զննաներ. 8—ժարցային երակներ. 9—տեկտոնական խախտումներ. 10—ճշլած մետադիերալ խիստ հարստացած տեղամասեր.

Այս տիպը արդյունաբերական մեծ նշանակություն ունի պղնձի (համաշխարհային արդյունահանման 50%-ը),

ինչպես նաև մոլիբդենի (Mo-ի հարստանյութերի արդյունա-հանման 20—25% -ը) համար:

2) Ուկի-սուլֆիդային երակներ, որտեղ բնածին ոսկին (միջին հարգի) զուգակցվում է խալկոպիրիտի, պիրիտի, սֆալերիտի, գալենիտի, խունացած հանքանյութերի, երբեմն արսենոպիրիտի, կապարի ու ծարիրի, բիսմուտի սուլֆո-դերի ու ուրիշ. Հետ:

Հանքավայրերի օրինակներ են, ՍՍՀՄ-ում՝ Բերյոզովսկոյեն Միջին Ուրալում, Ստեպնյակը Ղազախստանում, Դարասունը Անդրբայկալում, իսկ օտարերկրյա հանքավայրերից՝ Մայր երակը Կալիֆոռնիայում, Բենգիդոն և Բալլարատը Ավստրալիայում և շատ ուրիշ.։ Ուկու համար այս տիպը կարևոր նշանակություն ունի:

3) Բազմամետաղային երակներ, ավելի հազվադեպ՝ մետասոմատիկ մարմիններ կարբոնատային ապարներում, որոնք կազմված են գալենիտից, սֆալերիտից, խունացած հանքանյութերից, խալկոպիրիտից, էնարդիտից, կապարի ու ծարիրի սուլֆոաղերից, բիսմուտի ու արծաթի միներալներից, քվարցից, կարբոնատներից, բարիտից ու ֆլյուորիտից։ Այս տիպին են պատկանում Սադոն (Հյուսիսային Կովկաս), Ներչինսկի խումբ (Արեկլյան Անդրբայկալ), Ֆրայբերգ (Սաքսոնիա), Պրշիբրամ (Չեխոսլովակիա) և այլ հանքավայրերը։ Կապարի ու ցինկի համար սա զլիսավոր գենետիկական տիպերից մեկն է։

4) Անագ-սուլֆիդային երակներ, որոնցում զգալի դեր է խաղում, սովորաբար պիրոտինի ու արսենոպիրիտի հետ զուգակցված կասիտերիտը։

Այս տիպին են պատկանում ՍՍՀՄ-ի հանքավայրերը երկրի Հյուսիս-արեկլյում (Էդե-Խայա), Անդրբայկալում (Խապչերանգա) և այլն։ Այս տիպի դերը անագի համար երկրորդական է։

5) Սիդերիտային հանքանյութեր, որոնք ներկայացված են մետասոմատիկ մարմիններով (կարբոնատային ապարներում) և, ավելի հազվադեպ՝ երակներով։ Օրինակներ են Հարավային Ուրալի Բակալ, Խոպանիայի Բիլբաո, Գվադր-

Աանդ (սա երակալին է) հանքավայրերը: Երկաթի համար այս տիպի նշանակությունը երկրորդական է:

6) Ֆլյուորիտային հանքանյութեր, որոնք ներկայացված են ֆլյուորիտի երակներով կամ մետասոմատիկ մարմիններով, երբեմն գալենիտի և ուրիշ սովորությունների զուգակցմամբ:

Այս տիպին են պատկանում Տակոր (Տաշիկական ՍՍՀ), Առւրախմատ (Միջին Ասիա) և ուրիշ հանքավայրեր: Ֆլյուորիտի համար սա բավականին կարևոր տիպ է:

7) Ոսկի-ուրանային հանքանյութեր, որոնք ներկայացված են բնածին ոսկի և ուրանային խեժ պարունակող քվարցկարբոնատային երակներով: Ոսկու և ուրանի համար դերը մեծ չէ, տիպը հազվադեպ է:

8) Խրիզոտիլ-ասբեստային հանքանյութեր՝ տեղադրյալած սերպենտինացված ուլտրահիմքային զանգվածներում: Այս տիպի խոշոր հանքավայրեր հայտնի են Միջին Ռուսական (Բաժենով), Կանադայում, ՀԱՀ-ում և ուրիշ երկրներում: Խրիզոտիլ-ասբեստի հանույթի գործում դերը շատ մեծ է:

9) Մագնեզիտային հանքանյութեր՝ սովորաբար մագնեզիտով տեղակալված կարբոնատային ապարներում: Խոշոր հանքավայրեր հայտնի են Հարավային Ռուսական (Սատկա), Հարավային Մանջուրիայում, Ավստրիայում, Կորիայում:

10) Տալկի հանքանյութեր՝ Ուրալի հանքավայրերում (Միաս, Շաբրի և այլն):

11) Պիեզոքվարցի հանքանյութեր՝ Ուրալի, Պամիրի, Բրազիլիայի բյուրեղապակերեր երակներում:


Բ. Փոքր խորությաւնների հանքավայրեր: Ներկայացված են հետևյալ տիպերով:

1) Հրաքարային տիպի պղնձի ու բազմամետագային հանքանյութեր, որոնք տեղակրված են շտոկների, ոսպնյակների, ավելի հազվադեպ՝ երակների ձևով հրաբխա-նստվածքային տարբեր հասակի ապարներում:

Պղնձի հանքանյութերը ներկայացված են պիրիտով ու խալկոպիրիտով՝ սփալերիտի, խունացած հանքանյութերի,

էնարդիտի, բոռնիտի, գալենիտի խառնուրդով, իսկ բազմամետաղացինները՝ սֆալերիտով ու գալենիտով՝ ուրիշ սուլֆիդների ու սուլֆոաղերի, երբեմն նաև տելլուրիդների խառնուրդով:

Այս տիպին են պատկանում Ուրալի պղնձահրաքարային (Կիրովոգրադսկոյե, Կարպուչիխա, Գեգայարկա՝ Միջին Ուրալում, Սիբայ, Բլյավա, Ուշալի, Գայ և այլն՝ Հարավային Ուրալում), Հյուսիսային Կովկասի (Ուրուս և ուր.), Անդրկովկասի (Ալավերդի, Շամլուղ, Ղափան և ուրիշ.), Թուրքիայի (Էրդանի-Մաղեն, Զանսուլ, Քվարցխանա և ուրիշ.), Բուլղարիայի, Հարավսլավիայի, Իսպանիայի, Ճապոնիայի, ԱՄՆ-ի և ուրիշ հանքավայրերը. սրանց են դասվում նաև Ալթայի ու Սալահիրի, Անդրկովկասի և մի շաբք ուրիշ շրջանների բազմամետաղացին հանքավայրերը: Պղնձի, ինչպես նաև կապարի ու ցինկի համար այս տիպը ունի բավականին կարևոր նշանակություն:



Նկ. 58. Շամլուղի համբավայրի միջօրեական կտրվածքը (բար Վ. Ն. Բագմոլովի ու այլ տվյալների). 1—պորֆիրիտի տուփորեկչիա. 2—զիպսացած հաստվածք. 3—հանքային հաստվածք (բրու ապար). 4—ալբիտնիրներ ու բվարցային ալբիտնիրներ, 5—ավազաբարեր. 6—դիաբազային դայլա. 7—հանքային մարմիններ.

2) Հինգտարրանոց (Co-Ni-Bi-Ag-U) ֆորմացիայի հանքանյութեր, որոնք ներկայացված են Co ու Ni արսենիդներով, բիսմուտինով ու բիսմուտի սուլֆոաղերով, արգենտիտով և ուրանային խեժի հետ զուգակցված բնածին արծաթով:

Այս տիպի հանքավայրեր հայտնի են Սաքսոնիայի Հանքային լեռներում (ԳԴՀ՝ Շնեերերգ, Աննաբերգ և ուրիշ.),

ԶԱՄՀ-ում (Յախիմով կամ Իոաքիմստալ), Կանադայի հյուսիսարևմտյան մարզերում՝ մանավանդ Մեծ Արքի լճի շրջանում և մի շարք ուրիշ երկրներում:

Իր ժամանակին նրանք բավականին կարևոր դեր են խաղացել Աց, Սօ, Ս-ի հանուցիւմ, սակայն, այժմ այդ հանրավայրերից շատերն սպառված են և նրանց նշանակությունը այդ մետաղների համար երկրորդական է:

3) Անգ-բազմամետաղային հանքանյութեր, որտեղ կասկտերիտը սերտորեն զուգակցվում է գալենիտի ու սֆալերիտի հետ: Այս տիպի հանքավայրեր հայտնի են Սիխոտե-Ալին լեռնաշղթայում, Անդրբայկալում և Բոլիվիայում: Նըրանց նշանակությունը անագի ու բաղմամետաղների համար մեծ չէ:

4) Կորալտ-արծաթային հանքանյութեր, որոնք ներկայացված են կորալտի ու նիկելի արտենիտներով՝ մի փոքր տվելի ուշ առաջացած արգենտիտի ու բնածին արծաթի հետ զուգակցված: Օրինակ՝ Կանադայի Կորալտ հանքավայրը:

5) Բնածին ոսկու հանքանյութեր. օրինակ՝ Կանադայի Յելլոունայֆ հանքավայրը:

6) Բարիտային հանքանյութեր: Օրինակ՝ Մեդկեսկույն Ուրալում:

Միջինշերմաստիճանային հանքավայրերի համար, ընդհանուր առմամբ, պետք է նշել նրանց կարևոր դերը հետևյալ հանքանյութերի արդյունահանման մեջ՝ պղինձ, մոլիբդեն, կապար, ցինկ, ոսկի, ուրան, խրիզոտիլ-ասբեստ, մազնեղիտ, տալկ, ֆլուորիտ, բարիտ, պիեզոբվարց և երկրորդական գերը՝ երկաթի, կորալտի, անագի, արծաթի արդյունահանման մեջ:

ՑԱՌՉԵՐՄԱՍՏԻՃԱՆԱՅԻՆ ՀԱՆՔԱՎԱՅՐԵՐ

Հանքավայրերի այս խումբն առաջացել է տաք ջրային լուծույթներից, շերմաստիճանների $200-50^{\circ}\text{C}$ ինտերվալում, մասամբ շափակոր, բայց հիմնականում փոքր խորություններում:

Բնորոշ հանքային միներալներն են՝ կինովարը, անտի-
մոնիտը, ռեալգարը, առորիպիզմենտը, էլեկտրոմը, արգեն-
տիտը, բնածին արծաթը, ավելի հաղվադեպ՝ խալկոպիրիտը,
բոռնիտը, խալկոզինը, գալենիտը, սֆալերիտը, բնածին պը-
ղինձը, ֆերբերիտը, պիրոպուզիտը, պսիլոմելանը, մանգա-
նիտը, իսկ երակային միներալներից սովորական են ցածր-
ջերմաստիճանային քվարցը ու խալցեղոնը, բարիտը, ֆլու-
որիտը, ալունիտը, գիպսը, ագատը, կարբոնատները:

Մերձհանքային փոփոխությունները ներկայացված են
ալունիտացումով ու պրոպիլիտացումով, նաև թուզը արտա-
հայտված քվարցացումով, կառլինացումով, սերիցիտացու-
մով:

ա. Զափավոր խորությունների հանքավայրեր: Հստ
դրեյտոնի տելեթերմալ հանքավայրերը, կապված շմերկա-
ցած ինտրուզիվ զանդվածների հետ, ներկայացված են հե-
տեւյալ տիպերով.

1) Սնդիկի (կինովարի) հանքավայրեր, երբեմն անտի-
մոնիտի ու ֆլյուորիտի հետ զուգակցված:

Այդ տիպին են վերագրվում աշխարհի սնդիկի համար-
յա բոլոր ամենախոշոր հանքավայրերը՝ Նիկիտովկան (նկ.
59), Խայդարկանը և ուր. ՍՍՀՄ-ում, Ալմադենը Խսպանիա-
յում, Իդրիտան Խտալիայում և այլն, որոնք միասին տալիս
են սնդիկի համաշխարհային արդյունահանման շուրջ $\frac{3}{4}$ -ը:


2) Սարիրային (անտիմոնիտային) հանքավայրեր, ո-
րոնց հանքանյութերում զգալի դեր են խաղում ֆլյուորիտը,
երբեմն կինովարը, ռեալգարը ու առորիպիզմենտը:

Այս տիպին են պատկանում Կադամջայ ու Ռազդոլինին-
սկոյն հանքավայրերը ՍՍՀՄ-ում, Հարավսլավիայի, Բոլի-
վիայի, Մեքսիկայի խոշոր հանքավայրերը, որոնք միասին
տալիս են ծարիրի համաշխարհային հանութի $\frac{3}{4}$ -ից ավելին:

3) Պղնձի հանքավայրեր, որոնց մեջ առանձնացվում են
երկու ենթատիպեր՝ պղնձարեր ավաղաքարեր բոռնիտ-խալ-
կոպիրիտային հանքանյութերով (Զեղկաղգան Ղաղախական

ՍՍՀ-ում, Զակրի ու Հյուսիսային Ռոդեզիայի խոշոր հանքավայրերը) և բնածին պղնձի հանքանյութեր ցեղլիտներով՝ մելաֆիրներում ու կոնգլոմերատներում (Միջիգան հանքավայրը ԱՄՆ-ում): Պղնձաբեր ավաղաբարերի ենթատիպը կարեսր գերէ է խաղում պղնձի արդյունահանման համար:

4) Կապար-ցինկային հանքավայրեր հանքանյութերի պարզ կազմով՝ տեղադրված կարբոնատային հաստվածքներում:



Նկ. 59. Նիկիտովկա հանքավայրի ավազաքարերի հորիզոններում կինովարի շերտային կուտակները (ըստ Ա. Դորյանսկու). 1—«հատող» խախտման բեկլիացման զննա. 2—հանքայինացում ավազաքարում. 3—հանքազուրկ բերբաքարեր. 4—ստորեկրյա հանքատեղեր.

Այս տիպին են պատկանում Կարատառ լեռնաշղթայի (Ղաղախական ՍՍՀ), Օլկուշ շրջանի (Լեհաստան) խոշոր, ինչպես նաև Հարավարևելյան Միսուրի ու Տրիստեյտ շրջանների (ԱՄՆ) հակայական հանքավայրերը և շատ ուրիշներ: Կապարի ու ցինկի համար այս տիպի նշանակությունը բավականին մեծ է:

5) Ֆլյուորիտային հանքանյութեր (օրինակ՝ Կիրգիզական ՍՍՀ-ում Խայդարկանի կոմպլեքսային Sb-Hg-ֆլյուորիտային հանքանյութերի հանքավայրը):

Բ. Փոքր խորությունների հանքավայրեր: Այս խմբում զարգացած ու ներկայացված են հետեւյալ տիպերը:

1) Ոսկի-արծաթային հանքանյութեր քվարց-կարբոնատային երակներով, շտոկներով, շտոկվերկներով՝ էլեկտրոսմի, արծաթի միներալների, անտիմոնիտի, տելլուրիդների, աղուլյարի, խալցիդոնի պարունակությամբ: ՍՍՀՄ-ում այս տիպին են պատկանում Բալեյ-Տասեկո հանքային դաշտը Արևելյան Անդրբայկալում, Բելայա լեռը Ամուրի մարզում, հավանաբար նաև Զողը Հայկական ՍՍՀ-ում, իսկ օտարերկրյա հանքավայրերից կարելի է նշել Տրանսիլվանիայի, Ինդոնեզիայի, ԱՄՆ-ի արևմտյան նահանգների, Ֆիլիպինների, Նոր Զելանդիայի և ուրիշ հանքավայրեր: Ոսկու հանույթի մեջ այս տիպը զգալի դեր է խաղում:

2) Արծաթի հանքանյութեր, որոնք ներկայացված են քվարց-կարբոնատային երակներով՝ բնածին արծաթով, արգենտինով, պրոտիտ-պիրարգիրիտով և արծաթի այլ միներալներով: ՍՍՀՄ-ում հայտնի են այդ տիպի ոչ մեծ երևակումներ հյուսիս-արևելքում ու Աղրբեզանական ՍՍՀ-ում. խոշոր հանքավայրեր հնուց մշակվում են Մեքսիկայում, հայտնի են նաև Կոլումբիայում, Պերուում, Չիլիում: Այս տիպի դերը արծաթի հանույթում շատ մեծ է (համաշխարհային արդյունահանուման մինչև 50%-ը):

3) Սնդիկ-ծարիբային հանքանյութեր, որոնք ներկայացված են կինովարի ու անտիմոնիտի մանրաբյուրեղ կամ կոլոմբիտ ազդեղատներով:

Այս տիպի խոշոր հանքադաշտ հայտնի է Մոնտե-Ամիատա հանգած հրաբխի լանջերում (Խտալիա), որտեղ շահագործվում են երկու խոշոր՝ Մոնտե-Ամիատա սնդիկի և Պերետտա ծարիրի հանքավայրեր:

4) Ինեալգար-առւրիպիկմենտային կոլոմորֆ, երբեմն բյուրեղային հանքանյութեր: Այս տիպի հանքավայրեր հայտնի են Անդրկովկասում (Լուխումի ու Կողիսձիրի՝ Վրացական ՍՍՀ-ում, Թարի-դաղ՝ Աղբքեջանական ՍՍՀ-ում, Սալվարդ՝ Հայկական ՍՍՀ-ում), Թուրքիայում (Կաղզվան), Բալկաններում: Այս տիպի գերը մկնդեղի հանույթում երկրորդական է:

5) Ֆերբերիտ-անտիմոնիտային ու շեելիտ-անտիմոնիտային հանքանյութեր: Այս տիպի հանքավայրեր հայտնի են Վրացական ՍՍՀ-ում, Անդրբայկալում, իսկ բավականին խոշոր հանքավայրեր շահագործվում են ԱՄՆ-ում ու Պերուում (Լա-Լիբերտադ): Դերը W ու Sb-ի հանույթի մեջ երկրորդական է:

6) Պիրոլյուզիտ-պսիլոմելանային, ալելի հազվադեպ՝ մանգանիտ-բրաունիտային հանքավայրեր հրաբխանստվածքային ապարներում՝ երակների, բների, ոսպնյակների ձևով:

Այս տիպին պատկանում են որոշ հանքավայրեր Անդրկովկասում (Թեթրի Ծղարո՝ Վրացական ՍՍՀ-ում, Իջևանի խումբը՝ Հայկական ՍՍՀ-ում, Մոլլաջալի՝ Աղբքեջանական ՍՍՀ-ում և ուրիշ.), Թուրքիայում (Էրեզի, Քարթլա, Կևու), Բուլղարիայում (Պոժարև), ինչպես նաև մի շարք հանքավայրեր Մեքսիկայում, Ճապոնիայում, Կուբայում և այլ երկրներում:

Շատ գեպքերում նրանք սերտորեն կապված են ու անցնում են նույն կազմության էքսհալացիոն-նստվածքային տիպի հանքանյութերին: Այս տիպի տնտեսական նշանակությունը մեծ չէ:

7) Իսլանդական սպաթի հանքավայրեր էֆուզիվներում (Վիլյուի, Նիժնե-Տունգուսկայի, Իսլանդիայի հանքավայրեր):


8) Ագատի հանքավայրեր էֆուզիվներում (Ախլցխա, Վրացական ՍՍՀ-ում, Սարիգյուղ՝ Հայկական ՍՍՀ-ում):

9) Ալունիտի հանքավայրեր (Զագլիկ՝ Աղբբեշանական ՍՍՀ-ում, Ղաղախական ՍՍՀ-ի և Զինաստանի հանքավայրերը):

10) Օպտիկական ֆլյուորիտի ու օպտիկական բարիտի հանքավայրեր կարբոնատային ապարներում բների ձևով (Կուլի-կալոն, Պարվին՝ Տաջիկական ՍՍՀ-ում):

11) Գիպսի հանքավայրեր՝ Ալավերդի (Հայկական ՍՍՀ), Կակտուս-մայն (ԱՄՆ):

12) Բարիտի հանքավայրեր, որոնք ներկայացված են երակների կամ ոսպնյակների ձևով էֆուզիվ ու հրաբխանըստվածքային ապարներում: Այդ տիպին են պատկանում բարիտի բավականին խոշոր հանքավայրերը Վրացական ՍՍՀ-ում (Քութափիսի խումբը, Աբխազիայի հանքավայրերը), ինչպես նաև Հայկական, Աղբբեշանական և Թուրքմենական ՍՍՀ-ի հանքավայրերը:



Նկ. 60. Սեռո-Ռիկո դե Պոտոգիի կտրվածքը

Հավանաբար, ցածրջերմաստիճանային փոքր խորությունների հանքավայրերի շարքին պետք է դասել նաև անագ-արծաթաթային տիպի յուրահատուկ ու հազվագյուտ հանքավայրերը, որոնք շահագործվում են Բոլիվիայի Պոտոգի

Հանքավայրում (նկ. 60) և Հյուսիսային Արգենտինայում
(Պիրկիտաս):

Ամբողջովին վերցրած, գնահատելով ցածրջերմաստիճանային հիդրոթերմալ հանքավայրերի տնտեսական նշանակությունը, պետք է ընդգծել նրանց մեծ նշանակությունը սնդիկի, ծարիրի, արծաթի, ոսկու, պղնձի, կապարի, ցինկի, խալանդական սպաթի, օպտիկական ֆլյուորիտի, ալումիտի, բարիտի, ազատի արդյունահանման մեջ և երկրորդական դեր մկնդեղի, վոլֆրամի, անագի, մանգանի ու գիպսի համար:

ՀԻԴՐՈԹԵՐՄԱԼ ՀԱՆՔԱՎԱՅՐԵՐԻ ԱՌԱՋԱՑՄԱՆ
ԶԵՐՄԱՍՏԻՃԱՆՆԵՐԻ ԵՎ ԽՈՐՈՒԹՅԱՆ ԶԱՓԱՆԻՇՆԵՐԸ

Այսպիսով, հիդրոթերմալ հանքավայրերի ընդարձակ շարքում մենք, ըստ նրանց առաջացման ջերմաստիճանի և խորության պայմանների, առանձնացնում ենք ենթատիպեր. բարձրջերմաստիճանային՝ ա) միջին և մասամբ մեծ խորությունների և բ) փոքր խորությունների, միջինջերմաստիճանային՝ ա) միջին և բ) փոքր խորությունների, ցածրջերմաստիճանային՝ ա) միջին և բ) փոքր խորությունների:

Մեր առջև կարևոր խնդիր է դրված՝ մշակել ուսումնասիրվող հանքավայրերի առաջացման ջերմաստիճանների և խորությունների (մակերեսից հաշված) կազմավորման շափանիշները, որոնք թույլ կտան տվյալ հանքավայրը անսխալդասել նշանակած վեց ենթախմբերից որևէ մեկին:

Հանքավայրերի առաջացման ջերմաստիճանների
շափանիշները

Այդ շափանիշները պետք է հիմնվեն այնպիսի հատկանիշների վրա, որոնք անմիջականորեն դիտվում են հանքավայրի ուսումնասիրման ժամանակի:

Առաջին հերթին դա հանքանյութերի կազմությունն է. Հանքանյութերում այնպիսի բարձրջերմաստիճանային միներալների լայն տարածումը, ինչպիսիք են կասիտերիտը, վոլֆրամիտը, մագնետիտը, հեմատիտը, բիսմուտինը, բնա-

ծին ոսկին (բարձր հարգի), արսենոպիրիտը, կոբալտինը, ինչպես նաև տուրմալինը, տոպազը, մուսկովիտը, սկապոլիտը, նոնաքարը հիմք են տալիս հանքավայրը բարձրքերմաստիճանային տիպին դասելու համար։ Հանքանյութերում խալկոպիրիտի, պիրիտի, մոլիբդենիտի, գալենիտի, սֆալերիտի, խոնացած հանքանյութերի, բնածին ոսկու (միջին հարգի), ինչպես նաև սիդերիտի, ֆլուորիտի, լեռնային բյուրեղապակու լայն տարածումը վկայում է առաջացման միջինշերմաստիճանային պայմանների մասին։ Վերջապես, հանքանյութերում կինովարի, անտիմոնիտի, ռեալգարի, առորիպիգմենտի, էլեկտրումի, բնածին արծաթի, արծաթի սուլֆոաղերի, ինչպես նաև կարբոնատների, բարիտի, ադուցյարի, ցեռլիտների լայն տարածումը վկայում է նրանց առաջացման ցածրքերմաստիճանային պայմանների մասին։

Երկրորդը, ապարների մերձհանքային փոփոխությունների բնույթն է։ Նրանց ուժեղ տուրմալինացումը կամ գրեյզենացումը, սկապնացումը խոսում են լուծույթների բարձր շերմաստիճանների մասին, որոնք առաջացրել են այդ փոփոխությունները և հանքանյութերի նստեցումը։ Աերիցիտացումը, բերեղիտացումը, քվարցացումը (Երկրորդային քվարցիտներ), քլորիտացումը, կառլինացումը, դոլոմիտացումը, սերպենտինացումը, վկայում են առաջացման միջին շերմաստիճանային, իսկ ալունիտացումն ու պրոպիլիտացումը, կամ թույլ արտահայտված քվարցացումն ու կառլինացումը՝ առաջացման ցածրքերմաստիճանային պայմանների մասին։

Գոյություն ունեն հանքանյութերի առաջացման շերմաստիճանների որոշման ավելի ճշգրիտ եղանակներ՝ երկրաբանական շերմաշափերի գեր կատարող միներալների միջոցով։ Հայտնի է, որ մի շարք միներալներ առաջանում են ամենատարբեր երկրաբանական պայմաններում, շերմաստիճանների լայն ինտերվալում։ Նրանց թվին են պատկանում միներալ-կոսմոպոլիտները, օրինակ՝ պիրիտը, քվարցը, բընածին ոսկին և այլն, բայց նույնիսկ դրանք օգնում են հանքանյութերի առաջացման շերմաստիճանների որոշմանը, քանի որ նրանց զուգակցությունները, բյուրեղների հարի-

տուաը (ձեկը) և այլ հատկանիշները փոփոխվում են չերմաստիճանի փոփոխման հետ միասին:

Այսպես, բարձրշերմաստիճանային պայմաններում պիրիտը կազմում է օկտաէդրիտ և հաճախ գուգակցվում է տուրմալինի ու տոպազի հետ. միջինշերմաստիճանային պայմաններում պիրիտը ներկայացված է պենտագոն դոդեկաէդրիտով ու հեքսաէդրերով և այլն. քվարցը բարձրշերմաստիճանային պայմաններում կազմում է ղիպիրամիդային կամ կարճ պրիզմատիկ բյուրեղներ (α -քվարց), իսկ միջին ու ցածրշերմաստիճանային պայմաններում՝ երկար պրիզմատիկ բյուրեղներ (β -քվարց). Բնածին ուկին՝ բարձրշերմաստիճանային հանքավայրերում բարձր հարգի է (Հարգը մինչև 920—960), միջինշերմաստիճանային հանքավայրերում՝ միջին հարգի է (750—850), ցածրշերմաստիճանային հանքավայրերում՝ ցածր հարգի (550—650):

Երկրաբանական շերմաշափերի շարքում պետք է նշել հետևյալ միներալները՝ նոնաքարերը, որոնք 800°C և ավելի բարձր շերմաստիճանների դեպքում իզոտրոպ են, իսկ ավելի ցածր է-երի դեպքում՝ անոմալ անիզոտրոպ (սկառներում): Դիպիրամիդալ α -քվարցը 575°C է-երի պայմաններում անցնում է ավելի ցածրշերմաստիճանային պրիզմատիկ β -քվարցի:

Բոռնիտ-խալկոպիրիտ և պիրոտին-պենտլանդիտ դուզգերի պինդ լուծույթները $t=450-475^{\circ}\text{C}$ պայմաններում տրոհվում են առաջացնելով պինդ լուծույթների տրոհման ստրուկտուրաներ:

Սիդերիտը $350-400^{\circ}\text{C}$ -ից բարձր շերմաստիճանների պայմաններում անցնում է հեմատիտի:

Ռեալգարը և առորիպիզմենտը հալվում են և անկայուն են $310-320^{\circ}$ է-երի դեպքում: Բնածին բիսմուտը հալվում է 271°C -ում: Բոռնիտ-խալկոպին դուզգը կազմում է պինդ լուծույթների տրոհման ստրուկտուրաներ $175-225^{\circ}\text{C}$ -ում:

Բնածին ծծումբը հալվում է 119°C -ում, ցեռլիտները անկայուն են 100°C -ից բարձր շերմաստիճաններում, իսկ աղուցարը կայուն է մինչև 100°C -ը (բայց ոչ բարձր): Բոռ-

բուժդրիկ խալկողինը անցնում է խորանարդայինի՝ 93—
105°C-ից բարձր ջերմաստիճաններում, խալկողին-կովելին
զույգը կազմում է պինդ լուծույթների տրոհման ստրովկտու-
րաներ՝ 70—75°C-ում:

Միներալների և, հետևաբար, նրանցով կազմված հան-
քավայրերի ջերմաստիճանների առաջացման որոշման ամե-
նաճշգրիտ եղանակներից մեկը բյուրեղներում գտնվող հե-
ղուկ ներփակումների (բշտիկների) ուսումնասիրությունն է:

Այս եղանակը լայնորեն կիրառվում է ԱՄՆ-ում (Նյու-
Հառլեյ և ուրիշ.), ՍՍՀՄ-ում (Ն. Պ. Երմակով, Ա. Ի. Զախար-
չենկո և ուրիշ.) և մի շարք այլ երկրներում:

Ուսումնասիրվում է հեղուկ ներփակումների (բշտիկնե-
րի) վարքը թափանցիկ ու կիսաթափանցիկ միներալների՝
քվարցի, ֆլյուորիտի, սֆալերիտի և ուրիշ. մեջ: Բյուրեղի
առաջացման ժամանակ նրա մեջ ամփոփված հեղուկի բըշ-
տիկները լիովին լցնում էին դատարկությունները, սակայն
սառեցման ժամանակ վերջինների ծավալը փոքրանում է և
բշտիկի մի մասը մնում է դատարկ: Բյուրեղի արհեստական
շիկացման ժամանակ (որին հետևում են մանրադիտակի
տակ), հեղուկը լայնանալով նորից գրավում է բշտիկի ողջ
ծավալը և այդ մոմենտը նշվում է, քանի որ այն համապա-
տասխանում է միներալի առաջացման ջերմաստիճանին:

Այս եղանակով ՆյուՀառլեյը որոշեց խոշոր հանքավայր
Տրիստեյտի սֆալերիտի առաջացման ջերմաստիճանը (այն
հավասար է 115—135°C-ի, այսինքն հանքավայրը ցածրջեր-
մաստիճանային է, տելեթերմալ), իսկ Ն. Պ. Երմակովը ո-
րոշեց բաղմաթիվ հանքավայրերի պիեզոքվարցի առաջաց-
ման ջերմաստիճանը (այն հավասար է 270°C, այսինքն այդ
հանքավայրերը միշտնչերմաստիճանային են, մեղոթերմալ):

Հանքավայրերի առաջացման խորոյցունների շափանիշները

Դրանք հանքանյութերի առաջացման ջերմաստիճաննե-
րի շափանիշների համեմատ ավելի անորոշ են, ուստի հան-

քավայրի ձևավորման խորությունը հնարավոր է որոշել
միայն հատկանիշների համալիրի միջոցով, որոնց թվում նը-
շենք հետևյալները՝

Զափավոր (մասամբ զգալի) խորությունների համար
խորությունների հանքավայ-
րերի համար

Փոքր խորությունների և
մերձմակերեսային հանքա-
վայրերի համար

1. Հանքավայրերի տարա-
ծական սերտ կազմ շափա-
վոր և մեծ խորությունների
ինտրուզիվ զանգվածների
հետ:

2. Հանքայնացման կայու-
նությունը մինչև մի քանի
կմ խորությունը:

3. Լավ է արտահայտված
հանքային լուծույթների
դատվողականությունը (մի-
ներալացման փուլերը),
հանքանյութերի կազմը
պարզ է:

4. Ուղղաձիգ զոնալությու-
նը լավ է արտահայտված:

5. Հանքայնացումը ըստ
անկման և տարածման տե-
ղաբաշխված է հավասարա-
շափ:

6. Հանքանյութերը բյուրե-
ղային են, հաճախ հանդի-
պում են պինդ լուծույթների
տրոհման ստրուկտորաներ:

1. Հանքավայրերի սերտ
կազմ առվարբխային էք-
ստրուզիվաների և էֆուզիվ
հաստվածքների հետ:

2. Սովորաբար հանքայնա-
ցումը մարում է մինչև 500
մ, հազվադեպ՝ 1000 մ և մի-
քիլ ավելի մեծ խորություն-
ներում:

3. Հանքային լուծույթների
դատվողականությունը վաստ
է արտահայտված, հանքա-
նյութերի կազմը բարդ է,
սովորական են կոմպլեքսա-
յին կազմության սուլֆոա-
ղերը:

4. Առանձին զոնաներ վը-
րադրված են մեկը մյուսի
վրա:

5. Բնորոշ է հանքայնաց-
ման բնածե (բոնանցային)՝
տեղաբաշխումը:

6. Սովորական են կոլո-
մորֆ. ստրուկտորաներ,
իսկ ճեղքերում՝ բյուրեղա-
բուլլերը:

Մի շաբթ լավ ուսումնասիրված հանքային շրջաններում և
խոր հանքերում հանքավայրի ձևավորման խոռությունը հնա-

բավոր է անմիջականորեն որոշել, ելնելով հանքավայրի առաջացման ժամանակ հանքայնացումը ծածկող ապարների շերտախմբի հղորությունից (դրա համար պետք է ունենալ այդ ապարների ու հանքայնացման հասակի տվյալները), ինչպես նաև հանքային սյունի՝ մակերեսից մինչև հանքախորշն ընկած տարածությունը (օրինակ, Հնդկաստանի Կոլար ուկու հանքավայրի համար հանքախորշի խորությունը հասնում է 4200 մ):

Պետք է ընդգծել, որ հանքավայրի առաջացման խորությունը հնարավոր չէ որոշել ինչ-որ մեկ կամ երկու հատկանիշների հիման վրա, այլ պետք է հաշվի առնել հատկանիշների ամբողջ համալիրը և մանավանդ, երկրաբանական պայմանները՝ հիշելով Ս. Ս. Սմիռնովի այն տեղին դիտողությունը, որ մազմատիկ ապարների և նրանց հետ կապված (տարածականորեն և ծագմամբ) հանքավայրերի խորության ֆացիաները համընկնում են: Ս. Ս. Սմիռնովը միշտ ընդգծում էր հանքավայրի առաջացման խորության կարևոր նշանակությունը, որն անպայման պետք է հաշվի առնել նրա առաջացման ջերմաստիճանի հետ մեկտեղ:

Բանն այն է, որ հանքավայրի առաջացման խորությունը ոչ միայն տվյալ խորությունում գոյություն ունեցող ճնշման (թ) ցուցանիշն է, այլ որոշում է նաև ջերմաստիճանի ոհմիմը, նրա անկման արագությունը և, հետևաբար, հանքային լուծույթների վարքը:

Իրոք, շափավոր, առավել ևս մեծ խորություններում սկզբնական բարձր և միջին ջերմաստիճանները նվազում են դանդաղ, աստիճանաբար, զգալի ինտերվալում ապահովելով հանքայնացման կայունությունը, լուծույթների զատումը և ուղղաձիգ զոնալությունը, բյուրեղային հանքանյութերով ներկայացված հանքայնացման հավասարաշափ տեղաբաշխումը:

Ընդհակառակը, փոքր խորություններում կամ մերձմակերեսային պայմաններում կատարվում է լուծույթների՝ սկզբնական շրջանում նույնիսկ բարձր կամ միջին ջերմաստիճանների արագ անկում, նրանց գերհաղեցվածություն՝ բազմաթիվ բաղադրամասերի միաժամանակյա նստեցմամբ.

բարդ սովորակերի մեծ նշանակությամբ, կոլոմորֆ հանքա-
նյութերով ներկայացված առանձին զոնաների մեկը մյուսի
վրադրմամբ (մետաղները նույնիսկ չեն հասցնում առանձ-
նանալ ինքնուրույն միներալների ձևով), հանքանյութերի
փնջացին տեղաբաշխմամբ և ըստ խորության սեպաձև արագ
մարումով։ Այստեղից էլ այդ երկու խմբերի՝ շափակոր ու
փոքր խորությունների հանքավայրերի էական տարբերու-
թյունները, որոնք մեզ թելադրում են նրանց որոնման ու հե-
տախուզման, կանխատեսման գնահատման ու շահագործման
գործում տարբեր մոտեցում ունենալու անհրաժեշտությունը։

Զափավոր խորությունների հանքավայրերը տարածականորեն (և ծագմամբ) սերտորեն կապված են ինտրուզիվ զանգվածների նույն խորության ֆացիաների հետ, ուստի այդ հանքավայրերի որոնումը պետք է կատարվի այդ զանգվածների ներսում և նրանց շուրջը. այդ խմբի հանքավայրերի հետախուզման ժամանակ կարելի է սպասել հանքայնացման կայունություն մինչև մի քանի կմ խորություններում և համարձակորեն հորատանցքեր հորատել մինչև այդ խորությունները, սպասելով հանքայնացման հավասարաշափ բաշխում և հարըստացման հեշտ ենթարկվող հանքանյութերի պարզ կազմ: Այդ բոլորը հանգեցնում է նրան, որ շափավոր խորությունների հանքավայրերը ներկայացնում են բազմամյա (հարյուրավոր տարիներ) հավասարաշափ շահագործման հուսալի բազա:

Մյուս կողմից, փոքր խորությունների հանքավայրերը տարածականորեն (և ծագմամբ՝ մայր օջախի ընդհանրության իմաստով) սերուորեն կապված են սուբՀրաբիսային ու էքստրուզիվ փոքր մարմինների և էֆուզիվ հաստվածքների (հրաբխային ապարների, նրանց արմատների) հետ և, հետևաբար, նրանց պետք է որոնել այդ երկրաբանական միջավայրում։ Այդ խմբի հանքավայրերի հետախուզման ժամանակ կարելի է սպասել հանքայնացման տարածում մինչև 500—1000 մ խորությունները (հաղվադեպ ավելի), սակայն հանքային դաշտերի թերթի մեջ հեռանկարներով. այդ հանքավայրերում հանքայնացումը բաշխված է անհավասարաշափ, հաճախ

Հանդիպում են բներ ու բոնանցներ՝ բարդ կազմության արտակարգ հարուստ հանքանյութերով, որոնք հերթափոխվում են աղքատ տեղամասերով. հանքանյութերը կոլումորֆ են կամ մանրահատիկ, դժվար հարստացվող:

Այդ խմբի հանքավայրերի ինտենսիվ շահագործումը համեմատաբար կարճատեկ է, սակայն այդ ժամանակամիջոցում, շահագործման աշխատանքների ծաղկուն շրջանում, այն տալիս է մետաղների հսկայական քանակություն, որից հետո կատարվում է հանքավայրի աղքատացում՝ հանքայնացման սեպածե մարման և ըստ խորության պարունակությունների անկման հետևանքով. նոր ծաղկման շրջանը այստեղ կապվում է հարեւան տեղամասերում (թերում) նույնատիպ հանքայնացման հայտնաբերման հնարավորության հետ:

Տարբեր խորության ֆացիաների հանքավայրերի վերը նշված է ական տարբերությունների հետևանքով, հանքավայրի այս կամ այն խմբին պատկանելության ճիշտ որոշումն ունի ոչ միայն տեսական, այլ նաև հսկայական կիրառական նշանակություն:

Վ. ԷՄՄՈՆՍԻ ԶՈՆԱԼ ՏԵՍՈՒԹՅՈՒՆՆԵՐ ԵՎ ՆՐԱ ՔՆՆԱԴԱՏՈՒԹՅՈՒՆՆԵՐ

Շատ վաղուց և բազմաթիվ հետազոտողների կողմից նըշվել է գրանիտոիդային հանքաբեր զանգվածների շուրջը հիդրոթերմալ հանքավայրերի զոնալ տեղադրման փաստը: Այդ դիտարկումներն առավել ներդաշնակ ամփոփված են Վ. Էմմոնսի կողմից մշակված հայտնի զոնալ տեսության մեջ:

Վ. Էմմոնսը հանքավայր առաջացնող հանքային լուծույթների միակ աղբյուր է համարում գրանիտոիդային բաթոլիտները, որոնց շափերն ու ձեզ կանխորոշում են նրանց հետ կապված հիդրոթերմալ հանքավայրերի զոնալ տեղադրումը նրանց շուրջն ու նրանցից վեր. Վ. Էմմոնսը առանձնացնում է 16 ուղղաձիգ զոնաներ, որոնք տեղադրված են բաթոլիտներից վեր և համարում է, որ այդ զոնաների հորիզոնական տեղադրումը մոտավորապես նույնն է: Վ. Էմմոնսի զոնալ ուղղաձիգ շարքն ունի հետևյալ տեսքը (վարից վեր):

16. Հանքազուրկ ղոնա (խալցեղոն, բարիտ, ֆլյուորիտ),
15. Hg, 14. Sb, 13. Au—Ag (Տեռոլ), 12. Հանքազուրկ ղոնա (քվարց, կարբոնատներ), 11. Ag, 10. Pb (գալինիտ),
9. Zn (սֆալերիտ), 8. Cu (էնարդիտ ու խունացած հանքա-
նյութեր), 7. Cu (խալկոպիրիտ), երբեմն U, Ni, Co, 6. Au,
5. As (արտենոպիրիտ), 4. Bi և Mo, 3. W, 2. Sn, 1. Հանքա-
զուրկ ղոնա (քվարց, դաշտային սպաթ, պիրիտ):

Մետաղային հանքավայրերի խոշոր մասնագետի կողմից մշակված և երկրաբանական նուրբ դիտարկումների վրա հիմնված ղոնալ տեսությունը ունեցավ իր դրական դերը. այն ընդգրկում է մի շարք կարևոր դրույթներ. սակայն այժմ այդ տեսությունը չի կարելի ընդունել անվերապահորեն. դրա վերաբերյալ արված են էական դիտողություններ և ճշգրտում-ներ:

Նախ և առաջ, բաթոլիտը, իրոք, բազմաթիվ հանքավայրերի սկզբնաղբյուրն է, սակայն հանքաբեր օջախների միակ տիպը չէ. բաթոլիտներից բացի, պետք է հաշվի առնել ևս երկու ուրիշ տիպեր՝ փոքր ինարուղիաներ և հրաբխային ապա-
րաների: արմատական մասեր, որոնց նկատմամբ առա-
ջարկված ղոնալ տեսությունը ընդունելի չէ:

Երկրորդ, էմմոնսի հանքաբեր բաթոլիտը նրա կողմից օժ-
տված է մետաղների հավաքածուի համընդհանուր և ստան-
դարտ հանքայնացմամբ, առանց հաշվի առնելու բաթոլիտնե-
րի մասնագիտացումը. իրականում, բնական պայմաններում
որոշ գրանիտոիդային բաթոլիտներ մասնագիտացված են Sn
և W-ով, մյուսները՝ Cu-ով և Mo-ով, երրորդները՝ Au-ով,
իսկ էմմոնսի կողմից բերված 16 ղոնաների շարքը նրանց
լրիվ զարգացմամբ ոչ մի տեղ և ոչ ոք չի դիտել Մասնավո-
րապես, Sn-ի և Cu-ի՝ այդ երկու հակամետ մետաղների հա-
մատեղությունը ավելի շուտ բացառություն է, քան օրինաչա-
փություն. Bi-ի և Mo-ի զուգակցությունը բնորոշ չէ, բանի որ
Mo-ը մեծ մասամբ սերտորեն կապված է Cu-ի (խալկոպի-
րիտային) ղոնայի և մասամբ W-ի ղոնայի հետ. Cu-ի ղոնա-
յի տակ ոչ մի տեղ չի դիտվել Au-ի ղոնա և այլն: Մյուս կող-
մից, կասկածից վեր է, որ մետաղների ղոնալ տեղադրումը

ուղղաձիգ շարքում իրոք գոյություն ունի և այդ շարքի առանձին հատվածները օրինաշափորեն դիտվում են բազմաթիվ հանքային շրջաններում. այսպես, բազմամետաղային հանքավայրերում (զոնաներ 11—7) սովորական է Ag, Pb, Zn, Cu-ի կամ անագ-վոլֆրամարեր շրջաններում՝ Sn, W և W, Mo-ի (զոնաներ 2—3, 3—4), ծարիր-սնդիկային հանքային շրջաններում՝ Sb-ի, Hg-ի և հանքաղուրկ (զոնաներ 14—16) զոնաների հերթափոխությունը և այլն:

Վ. Ի. Սմիռնովի տվյալներով կարելի է առանձնացնել երեք կարգի ներծին հանքային զոնալություն՝ 1) ծալքավոր մարզերի ոեղիոնալ զոնալություն կամ հանքային գոտիների զոնալություն, 2) միջանկյալ զոնալություն հանքային դաշտերի ու հանքավայրերի տարածություններում կամ հանքային հանգույցների զոնալություն, 3) լոկալ զոնալություն առանձին կուտակների սահմաններում կամ հանքամարմինների զոնալություն։

Առանձնացվում են հիգրոթերմալ հանքային մարմինների առաջնային զոնալության երկու շարքեր։ Առաջին շարքի կամ ստաղիական զոնալությունը ստորաբաժանվում է երեք տիպերի՝ 1) կրկնվող տեկտոնական խզումների զոնալություն, 2) տեկտոնական ճեղքաբացման զոնալություն, 3) ներհանքային տեղակալման զոնալություն։

Երկրորդ շարքի կամ ֆացիալ զոնալությունը նույնպես ստորաբաժանվում է երեք տիպերի՝ 1) ապարների կազմության զոնալություն, 2) ֆիլտրացիայի զոնալություն, 3) հանքանստեցման զոնալություն։

Վ. Էմմոնսի սխալը ուղղաձիգ զոնալ շարքի առանձին հատվածների մի ընդհանուր շարքում էկլեկտիկ միավորման մեջ էր, առանց հաշվի առնելու երկրաբանական միջավայրը, հանքաբեր օջախների տիպերի առանձնահատկությունները և զոնաների ստուկտուրա-մետաղածնային յուրահատկությունները։

Հայկական ՍՍՀ-ի տարածքում նույնպես դիտվում է հանքանյութերի զոնալ տեղաբաշխում (և ուղղաձիգ, և հորիզոնա-

կան), բայց այն հեռու է էմմոնսի սխեմայից: Այսպես, Ալավերդի-Ղափանի զառիկող ծալքավոր հրաքարային գոտում լավ արտահայտված է ուղղաձիգ զոնալությունը հետևյալ զոնաներով (վերից վար)՝ հիպոգեն գիպս ու բարիտ, բազմամետաղային, պղնձահրաքարային, ծծմբահրաքարային հանքանյութեր, որոնք համապատասխանում են միասնական հրաքարային ֆորմացիայի հանքանյութերի առաջացման առանձին փուլերին. Փամբակ—Զանգեզուրի խիստ ծալքավորված պղինձ-մոլիբդենային հանքայնացման (ոսկի-բազմամետաղային հանքանյութերի երկրորդական դերով)* գոտու համար պարզորոշ առանձնանում են երկու զոնաներ՝ վերին, ոսկի-բազմամետաղային և ստորին, պղինձ-մոլիբդենային, որոնք նույնպես համապատասխանում են միասնական պղինձ-մոլիբդեն-ոսկի-բազմամետաղային հանքային ֆորմացիայի ստագիաների զարգացման հաջորդականությանը: Ոսկու հանքայնացումով բնորոշվող Սևան—Ամասիայի հանքային գոտում (որը հարում է խորքային բեկվածքի) հանքային դաշտերի ուղղաձիգ կտրվածքում առանձնանում են երկու զոնաներ՝ վերին, ոսկի-արծաթ-տելլուրիդային և ստորին, ոսկի-սուլֆիդ-արսենոպիրիտային:

Մի շարք հանքային դաշտերում բավականին պարզորոշ արտահայտված է նաև հորիզոնական զոնալությունը, որի շնորհիվ առավել վաղ ստրոկտուրաների երկայնքով, սովորաբար հանքադաշտերի կենտրոնական մասում կամ զլխավոր հանքաբեր ստրոկտուրային կից, կենտրոնանում են հանքայնացման վաղ ստագիաների միներալային ագրեգատները (պղինձ-մոլիբդենային կամ ծծմբա- և պղնձահրաքարային), որոնք նույն հանքադաշտերի եղբերում կամ ավելի ուշ տեկտոնական ստրոկտուրաների երկայնքով, հորիզոնական ուղղությամբ, հերթափոխվում են ավելի ուշ ստագիաների միներալացման ագրեգատներով (ոսկի-բազմամետաղային, բարիտ-բազմամետաղային և այլն): Սակայն ոչ մի տեղ չեն դիտվել դեպքեր, երբ ըստ խորության պղնձահրաքարային զոնան անցնի պղնձամոլիբդենայինի, կամ առավել ևս այդ դաշտերի խորքային հորիզոններում զարդանա անագի և վոլֆրամի

Հանքայնացում՝ մետաղներ, որոնք բոլորովին բնորոշ չեն նկարագրված մարզի մետաղածնության համար:

Վ. էմմոնսը իր զոնալ տեսության մշակման ժամանակ ելնում էր միասնական հանքային լուծուցից, որը փոխում է իր կազմը միայն տարածության մեջ, առանց հաշվի առնելու պրոցեսի ստադիականությունը և լուծույթների կազմի փոփոխությունը ժամանակի ընթացքում:

Հայաստանի տարածքում, ինչպես և շատ այլ շրջաններում, հանքային պրոցեսները, սովորաբար, զարգանում են բազմատաղիալ, հաստատելով Ս. Ս. Ամիոնովի հայտնի բարախումային տեսության հիմնական դրույթներն այն մասին, որ տարբեր կազմություն ունեցող հանքային լուծույթները, որոնք համապատասխանում են հանքայնացման առանձին փուկերի, դուրս են բերվում մագմատիկ օջախից պարբերական ընդիշումներով՝ լուծույթների առանձին բաժինների ձևով: Միասնական հանքային պրոցեսի հանքայնացման առանձին փուկերի միներալային ագրեգատները առանձնանում են տարածականորեն կամ վրաղրվում են մեկը մյուսին՝ համընկնելով կամ հատումներ տալով տարբեր ժամանակներում բացվող հանքատար ճեղքերում:

Գոյություն ունի մագմատիկ օջախից տարբերի դուրս բերման որոշակի կարգ, որը պայմանավորված է մի շարք գործոններով՝ օջախում տարրի կոնցենտրացիայով, նրա ցընդող միացությունների մասնակի ճնշումով, հանքաբեր զանգվածի ձևավորման ոեժիմով և այլն: Մեր կողմից բերված օրինակներում, սովորաբար, հրաքարային հանքայնացման զարգացման շրջաններում հաստատվում է տարբերի դուրս բերման հետևյալ հաջորդականություն՝ S, Cu, Pb—Zn (արծաթով և ոսկով), Ba. պղինձ-մոլիբդենային հանքայնացման զարգացման շրջաններում՝ S, Cu, Mo, Pb—Zn (արծաթով և ոսկով). ոսկու հանքայնացման շրջաններում՝ S, As, Pb—Zn, Au—Ag—Te—Bi, Sb, Hg: Հանքայնացման պրոցեսի այդ ստադիալ զարգացումը պայմանավորում է հանքային դաշտերի սահմաններում մետաղների զոնալ տեղաբաշխման բնույթը, որը տարբերվում է էմմոնսի սխեմայից և օգնում է որո-

նողա-հետախուզական աշխատանքներին ճիշտ ուղղություն տալուն:

Ծծմբի վաղ անջատումը առաջացնում է պիրիտացման գոնաների լայն դարձացում (երկաթը փոխառնվում է ներփակող ապարների մուգ միներալներից), որոնց լայն շրջանակներում զոնալ ձևով տեղաբաշխվում են հանքայնացման արժեքավոր ստաղիաները, դրանք ըստ Ս. Ա. Սմիռնովի, կապված են հանքաբեր լուծույթների փոփոխությունների հետ ոչ միայն տարածության մեջ, այլ նաև ժամանակի ընթացքում. այդ պրոցեսը պայմանավորված է օջախից ընդհատումներով տարբեր կազմության լուծույթների բաժինների դուրսերումով և ճեղքառաջացման պարբերական բռնկումներով:

Բ. ԱՐՏԱՇԻՆ ՀԱՆՔԱՎԱՅՐԵՐ

Հանքավայրերի այս մեծ խմբի առաջացումը կապված է լեռնային ապարների և արդեն գոյություն ունեցող օգտակար հանածոնների տարբեր գեներատիվական տիպերի հանքավայրերի վրա արտաքին գործոնների՝ մթնոլորտի, ջրի, կենդանիների կենսագործունեության ազդեցության հետ: Այդ գործոնների ազդեցության հետևանքով երկրի կեղևի վերին մասում կատարվում են լեռնային ապարների ու հանքանյութերի մասնատում և քիմիական վերամշակման պրոցեսներ՝ հողմահարում:

Հողմահարման ամենաակտիվ գործոններից են մթնոլորտային ջրերը, որոնք իրենց շարժման և ազդեցության տեսակետից ստորաբաժանվում են հողաջրերի ու գետնաջրերի:

Հողաջրերը շրջանառում են երկրի կեղևի ամենավերին հորիզոններում, ունեն ուղղաձիգ շարժում, հագեցված են թըթվածնով և խիստ քայլքայում են լեռնային ապարներն ու հանքանյութերը, պայմանավորելով նրանց տարալվացումը (օքսիդացումը): Հողաջրերի գործունեության զոնան կոչվում է տարալվացման (օքսիդացման) զոնա: Հողաջրերից վար՝ անջրանցիկ հորիզոնից վեր, տեղադրված են գետնաջրերը, որոնք ունեն դանդաղ, համարյա հորիզոնական շարժում դեպի իրենց արտահոսման կետերը: Այդ ջրերն այնքան էլ ակտիվ չեն, հա-

մարյա զուրկ են թթվածնից ու նրանց դերը սահմանափակվում է վերեկց հողաջրերով բերված լուծված տարրերի տեղափոխմամբ ու վերանստեցմամբ, տեղական կուտակումների ստեղծմամբ. գետնաջրերի գործունեության զոնան այդ պատճառով էլ անվանում են կուտակման (ցեմենտացման) զոնա: Հողաջրերի և գետնաջրերի գործունեությունը հանգեցնում է հողմահարման հանքավայրերի առաջացմանը:

Էեռնային ապարների ու հանքանյութերի դժվարալույծ բաղադրամասերը մնում են իրենց տեղում և սկիզբ են տալիս կուտակումների, որոնք հայտնի են Ելյուլիալ-դելյուլիալ ցըրոններ և մնացորդային հանքավայրեր անվան տակ. դյուրալույծ նյութերը մթնոլորտային (գետնային) ջրերով տեղափոխվում են գեղի խորքերը կամ ենթարկվում են կողային շրջանառության, որտեղ, նստեցման տեսակետից բարենպաստ լեռնային ապարների հանդիպելով, անջատվում են լուծույթից՝ առաջացնելով կուտակումներ, որոնք հայտնի են ինֆիլտրացիոն հանքավայրեր անվան տակ:

Հողմահարման նյութերի զգալի մասը կախված մասնիկների ձևով կամ լուծված վիճակում տեղափոխվում է մակերեսային հոսող ջրերով և հետագայում ջրային հոսքի ուղղությամբ կամ լճային ու ծովային ավազաններում նստում է նստվածքի ձևով, առաջացնելով շատ կարևոր՝ նստվածքային հանքավայրերի խումբը:

ՀՈՂՄԱՀԱՐՄԱՆ ՀԱՆՔԱՎԱՅՐԵՐ

1. ԷԼՅՈՒԿԻՍԼ-ԴԵԼՅՈՒԿԻԱԼ ՑՐՈՆՆԵՐ

Առաջանում են գլխավորապես մեխանիկական հողմահարման հետևանքով, որն ընթանում է ջերմաստիճանների տառանումների, սառուցյի կամ աղերի բյուրեղացման աղդեցության ներքո, ինչպես նաև օրգանական աշխարհի կենսագործության հետևանքով կատարվում է լեռնային ապարների ու հանքանյութերի մասնատում (քայլայում), մըթնոլորտային ջրերով նրանց թեթև կամ անկայուն մասերի դուրս բերում և միաժամանակ ծանր կամ քիմիապես կայուն

նյութերի կուտակում։ Այսպես, լեռնային ապարների ու հանքավայրերի քայլայման տեղում առաջանում են էլյուվիալ-դելյուվիալ ցրոնային հանքավայրեր։ դրանց օրինակներից են՝ ավաղաբարերի, քվարցիտների, դրանիտների քայլայման հաշվին առաջացած քվարցային ավաղների (կաղաքետսկոյե՝ Ուրալում), բնածին պլատինի և նրա խմբի մետաղների (Նիժնի Տագիլ), ոսկու (Կալիֆոռնիա, ՍՍՀՄ-ի մի շարք շրջաններ), կասիտերիտի (Սիբիր, Մալայա, Ինդոնեզիա), վոլֆրամիտի (Անդրբայկալ, Մալայա, Չինաստան), շեելիտի (Միջին Ասիա), կոլումբիտի (Նիգերիա), քրոմիտի (Սարանա, Ալապակոյե՝ Վարչական պլատինայի լեռը, Բլագոդատ լեռը), կորոնդի (Սեմիզ-Բուգու), բարիտի (Մեղմեկնակոյե՝ Ուրալում), մագնետիտի (Մագնիտնայա լեռը, Բլագոդատ լեռը), պիեզոքվարցի (Վոլին, Ուրալ) և ուրիշ հանքավայրեր։ Հայտնի են կինովարի ու մեծ էլյուվիալ-դելյուվիալ ցրոններ (Սևանա լճի հյուսիսարևելյան ափ)։


Սովորաբար էլյուվիալ-դելյուվիալ ցրոնները փոքր մասշտաբի են և արդյունաբերական զգալի նշանակություն հաղվագեալ են ունենում։ սակայն նրանք ծառայում են իբրև հուսալի որոնողական նշան, որի օգնությամբ հայտնաբերվել են շատ ու շատ արմատական հանքավայրեր (պլատինի՝ Նիժնի Տագիլի շրջանում, ոսկու՝ Կալիֆոռնիայում, անդալուզիտի՝ Յակուտիայում, բարիտի՝ Մեղմեկնակոյե և ուրիշ.), որոնք գտնվում էին անմիջապես էլյուվիալ-դելյուվիալ ցրոնների մոտ։

Մեխանիկականի հետ համեմատած շատ ավելի մեծ նըշանակություն ունի լեռնային ապարների ու հանքավայրերի քիմիական հողմահարումը, որն ընթանում է թթվածին, ածխաթթու գազ ու լուծված աղեր պարունակող մթնոլորտային ջրերի աղղեցության տակ։

Քիմիական հողմահարման հետևանքով առաջանում են դժվար ու հեշտ լուծվող միացություններ, որոնց կուտակման ժամանակ ձևավորվում են, համապատասխանաբար, մնացորդային ու ինֆիլտրացիոն հանքավայրեր։

Հ. ՄՆԱՅՈՐԴԱՅԻՆ ՀԱՆՔԱՎԱՅՐԵՐ

Լեռնային ապարների քիմիական հողմահարման պրոցեսների ժամանակ, որոնց շնորհիվ ձևավորվում են մնացորդային հանքավայրերը, մեծ նշանակություն է ձեռք բերում զրի էլեկտրոլիտիկ տարաբաժանումը H^- կատիոնի ու OH^- անիոնի: Ապարի դյուրալույծ բաղադրամասերը՝ ալկալիներն ու ալկալի հողերը (K , Na , Ca , Mg) OH^- անիոնի խմբի հետ կազմում են հիմքեր, իսկ CO_3^{2-} -ի առկայության դեպքում՝ կարբոնատներ, որոնք շարժունակ են ու դուրս են բերվում. տեղում մնում են ու կուտակվում դժվարալույծ Al_2O_3 , SiO_2 , Fe_2O_3 -ը: Սիլիկատային ապարներում առավել տարածված միներալներից մեկի՝ օրտոկլազի քայլայումը ընթանում է հետևյալ կերպ՝



Հիմնականում, կլիմայական պայմաններից կախված, առաջանում են կառլինիտի խմբի զրային ալյումոսիլիկատներ (բարեխառն կլիմայի կավային հողմահարում), կամ ազատ արգնահողի հիդրատներ՝ $Al_2O_3 \cdot H_2O$ բյոմիտ կամ դիասպոր և $Al_2O_3 \cdot 3H_2O$ գիբսիտ կամ հիդրարգիլիտ (տրոպիկական կլիմայի լատերիտային հողմահարում):

Կավային հողմահարում: Մոլեկուլյար ձևով լուծված Al_2O_3 -ն ու SiO_2 -ը արդեն հողմահարման սկզբնական փուլերում առաջացնում են զրային ալյումոսիլիկատներ (կառլինիտ և ուրիշ.): Հետագայում Al_2O_3 , SiO_2 , Fe_2O_3 -ը անցնում են կոլորդալ վիճակի և կազմում են տարեեր նշանով լիցքավորված չորս միացություններ՝ $Al_2O_3 \cdot mH_2O^+$, $SiO_2 \cdot nH_2O^-$, $Fe_2O_3 \cdot pH_2O$, $+ Al_2O_3 \cdot SiO_2 \cdot xH_2O^-$ (կոլորդալ կավ):

Այս միացությունները կատարում են փոխադարձ մակարդում (կոագուլացում), առաջացնելով կառլինիտ, ալյոֆան և ուրիշ.: Ընդ որում Fe_2O_3 -ը և որոշ շափով Al_2O_3 -ը դուրս են

բերվում հումուսային թթուների պաշտպանական ներդորձությամբ ու տեղանքի կտրտված ռելիքֆի պայմաններում:


Այսպես են առաջանում կավերի մնացորդային հանքավայրերը, որոնք աստիճանաբար ստորին մասում անցնում են մայր ապարներին. կավերը ցածր որակի են (շատ են մեխանիկական խառնուրդները), սակայն նրանք սկզբնական նյութ են լճային ու ծովային վերանստեցված բարձրորակ կավերի հանքավայրերի համար:

Լատերիտային հողմանաբանը կատարվում է տրոպիկական կլիմայի իրար հաջորդող անձրևային ու չոր եղանակների և համեմատաբար հարթ (սեղանաձև) ռելիքֆի պայմաններում: Այս գեպքում օրգանական մնացորդների քայլայումը ընթանում է արագ և մինչև վերջ, առանց հումուսային թթուների առաջացման, որի հետևանքով Al_2O_3 -ը ու Fe_2O_3 -ը դուրս չեն բերվում և մնում են տեղում: Մյուս կողմից, քանի որ ռելիքֆը սեղանաձև է, ալկալիները դանդաղ են դուրս բերվում ու պայմանավորում են մակերեսային ջրերի ալկալի ռեակցիան: Հողմահարման հենց սկզբում առաջանում են Al_2O_3 , SiO_2 ու Fe_2O_3 հիդրատների աղատ կոլոիդալ միացություններ. SiO_2 -ը ջրերի ալկալի ռեակցիայի հետևանքով դուրս է տարվում ավելի խոր հորիզոններ, իսկ տեղում մնում են, կուազուացվում և կուտակվում $\text{Al}_2\text{O}_3 \cdot \text{nH}_2\text{O}$ և $\text{Fe}_2\text{O}_3 \cdot \text{pH}_2\text{O}$ դոլեր:

Առաջանում է յուրահատուկ լատերիտային կտրվածք, որը, ըստ կակրուայի ու Գարասովիչի, վերից վար ունի հետևյալ տեսքը՝ ա) երկաթային կեղև երկաթի հիդրօքսիդներով, հզորությունը 0,3—2,5 մ, բ) բծավոր զոնա (հարստացած Al_2O_3 ու Fe_2O_3 -ով, որոնք տարվա չոր եղանակներին մաղանոթների միջոցով ներմուծվում են ներքեւց), հզորությունը 2—10 մ, գ) քայլայման զոնա, հզորությունը 4—15 մ, դ) թարմ ապար:

Երկաթային կեղևի առաջացումը բացատրվում է Al_2O_3 -ի հետ համեմատած Fe_2O_3 -ի ավելի մեծ շարժունակությամբ, ընդ որում այդ կեղևի հզորությունն այնքանով ավելի մեծ է, որքանով սկզբնական ապարը հարուստ է երկաթով: Թթու և ալկալի ապարների հաշվին առաջանում են արզնահողային

լատերիտներ (Գվիանա, Հնդկաստան, Արկանզաս՝ ԱՄՆ-ում, Կալգուրլի՝ Ավստրալիայում և այլն), որոնք մեծ հետաքրքրություն են ներկայացնում որպես ալյումինի (բոքսիտի) հանքավայրեր. ուշադիմքային ապարների հաշվին առաջանում են



Նկ. 61. Արկանզասի բոքսիտային կոտակների լայնակի կտրվածքը (բատ թեների). 1—պախոզյի նստվածքներ. 2—վերին կալին նստվածքներ. 3—Միդլի ֆորմացիա (Tr). 4—Վիլկոկս ֆորմացիա (Tr). 5—ճեֆելինային սիենիտներ. 6—հողմանարման կեղևի բոքսիտի կոտակներ. 7—երրորդական հասակի ապարներում վերանստեցված բոքսիտներ.

երկաթային լատերիտներ ($O_{\text{rs}}\text{L}$ ու Ակտյուբինսկի շրջաններ, Ելիզավետինսկոյե, Կուբա, Գվինեա, Նոր Կալեդոնիա, Ֆիլիպիններ և այլն)՝ բնականից լեգիրված երկաթային հանքանյութերի ($\text{Ni}, \text{Co}, \text{Cr}, \text{Mn}$ խառնորդով), նիկելի սիլիկատային ու կորալտի ասբոլանային հանքանյութերի խոշոր հանքավայրերով:

Կառլինային հողմանարումը կատարվում է տրոպիկական կլիմայի և խիստ կտրտված ուղիեփի պայմաններում: Ալկալիներն այս դեպքում դուրս են բերվում արագորեն և SiO_2 -ը կուտակվում է Al_2O_3 -ի հետ միասին, առաջացնելով կառլինիտի տիպի՝ $\text{Al}_2\text{O}_3 \cdot 2\text{SiO}_2 \cdot 2\text{H}_2\text{O}$ ջրային ալյումոսիլիկատներ. ինչ վերաբերում է Fe_2O_3 -ին, ապա հումուսային թթուների բացակայության պայմաններում, այնուամենայնիվ կտրտված ուղիեփի շնորհիվ նա մասամբ դուրս է բերվում: Կառլինը կարող է առաջանալ տարբեր կազմ ունեցող ապարների հաշվին, սակայն նրա արդյունաբերական հանքավայրերը (որտեղ Fe_2O_3 -ը



0,7—1% -ից բարձր չէ) առաջանում են միմիայն ի սկզբանե երկաթից աղքատ թթու ապարների (պեղմատիտների, գրանիտների) հաշվին:

Բարձրորակ կառլինի խոշորագույն հանքավայրեր հայտնի են Ուկրաինական ՍՍՀ-ում, Ուրալում, ինչպես նաև Չինաստանում, Չեխոսլովակիայում, Անգլիայում:

Ուլտրահիմքային ապարների կավային նորմանարում: Առաջանում են կավեր, սակայն այստեղ ևս, ինչպես և այդ կազմության ապարների լատերիտային հողմահարման ժամանակ, երկաթի հետ միասին աղատվում են Առ, Ni ու Co-էլյուսիալ շերտում այդ մետաղները տեղափոխվում են մակերեսային ջրերով ու կավային մասնիկների կողմից ենթարկվում են աղսորբցիայի. այդ մասնիկները կատալիտիկ կերպով ազդող կրաքարերի հետ կոնտակտի մեջ մտնելով ենթարկվում են կոագուլացման, առաջացնելով նիկելարեր կավերի հանքանյութերի կուտակումներ. դրանք հաճախ լցնում են ուլտրահիմքային ապարների հետ կոնտակտի մեջ գտնվող կրաքարեր: Կարստային խոռոչները (կոնտակտ-կարստային հանքավայրեր): Բացի դրանից, նիկելը անմիջականորեն նստում է սիլիկահող պարունակող կոլորդալ լուծույթներից՝ գելերի ձևվով, որոնք տալիս են նիկելի ջրային սիլիկատներ (գառնիերիտ, ուկտինսկիտ և ուրիշ), կամ էլ Ni ու Fe-պարունակող լուծույթներն աղդում են կրաքարի վրա, նրանց մեջ առաջացնելով նիկել պարունակող սիղերիտային հանքանյութերի (բուխտա) մետասոմատիկ բներ, կամ Ni-ը նստեցվում է ածխային նյութով, տալով Ni-պարունակող լիգնիտ (կերպինիտ): Co-ը նստում է ասբոլանի (Co պարունակող պսիլոմելան-վաղ) ձևով: Այս տիպի Ni-ի հանքանյութերի արդյունաբերական կուտակումներ հայտնի են Վերխնե-Ռիֆալեյի շրջանում (Միջին Ուրալ):

Յոսֆորիտի մեացորդային հանքավայրերը առաջանում են մթնոլորտային սառը ջրերով Ca₃P₂O₈ պարունակող կրաքարերի տարալվացման հետևանքով: Սառը ջրերով CaO դուրս է բերվում ավելի ինտենսիվ կերպով, քան ֆոսֆորը, որը մնում է տեղում, գոյացնելով կուտակումներ, որտեղ P₂O₅-ի

պարունակությունը հասնում է մինչև 30—33%-ի (կրաքարերում P_2O_5 -ի 3—12% սկզբնական պարունակության փոխարեն): Այսպես են առաջացել ֆոսֆորիտի մնացորդային հանքավայրերը Բելգիայում (Լիեժ քաղաքի շրջան) ու Թէննեսի նահանգում (ԱՄՆ): Այստեղ նրանք կաղմում են «օղակային կուտակումներ»։ Վերջինները շրջապատում են բլուրները՝ հորիզոնական տեղադրված կրաքարերի շերտերով, որոնք լանջերում ենթարկվում էին հողմահարման, իսկ կենտրոնական մասում մնում թարմ վիճակում (նկ. 62):



Նկ. 62. Թէննեսի նահանգի (ԱՄՆ) ֆոսֆորիտի մնացորդային հանքավայրի առաջացման սխեման. ֆոսֆորիտի օղակային կուտակներ բլրակների լանջերում (հատակագիծ):

1—ֆոսֆորիտի կուտակներ բլրակների լանջերում.

2—շիռփոխված կրաքարեր բլրակների կենտրոնում.

Երկարի ու մանգանի գլխարկներ առաջանում են երկաթի կարբոնատների և սիլիկատների (իսկ երկաթի գլխարկները նաև սուլֆիդային հանքանյութերի) քայլայման հաշվին և առանձին դեպքերում ներկայացնում են արդյունաբերական հետաքրքրություն (Բակալ և Աբախ հանքավայրերի երկաթի գլխարկները, Մալուկակոյե հանքավայրի մանգանի գլխարկները, Հնդկաստանի, Բրազիլիայի, Գանայի և այլ երկրների բազմաթիվ հանքավայրերի երկաթի և մանգանի գլխարկները):

Շիբի ու գիպսի գլխարկներ: Շիբի գլխարկները երբեմն առաջանում են բնածին ծծմբի հանքավայրերի հողմահարման հաշվին (Շորսու՝ Ռուբեկական ՍՍՀ-ում), իսկ գիպսի գլխարկ-

ները աղերի հանքավայրերի հողմահարման հաշվին (ինդեռ-սկոյն՝ Ղաղախական ՍՍՀ-ում):

Մնացորդային հանքավայրերի համար բնորոշ են թիկ-նոցածե կուտակումները, որոնցում օգտակար հանածոն ըստ խորության աստիճանաբար անցնում է իր կազմավորման սկզբնական մայր ապարին, ավելի հաղվադեպ հանդիպում են բներ, պարկեր, գրպաններ, օղակածե կուտակումներ:

Մնացորդային հանքավայրերը արդյունաբերական կարե-վոր նշանակություն ունեն երկաթի (երկաթային լատերիտ-ներ), ալյումինի (արդնահողային լատերիտներ), նիկելի (սի-լիկատային հանքանյութեր), կառլինի, ինչպես նաև մանգանի (մանգանի գլխարկներ) համար:

3. ԻՆՖԻԼՏՐԱՑԻՈՆ ՀԱՆՔԱՎԱՅՐԵՐ

Առաջանում են լուծված նյութեր պարունակող մթնոլոր-տային ջրերի աղղեցության հետևանքով, որոնք տեղակալման համար բարենպատ ապարներում նստեցնում են նրանցում լուծված նյութերը: Գետնաջրերի միջոցով տեղափոխում են ու նստեցվում Fe, Mn, Cu, V, U, Ba, ինչպես նաև ֆոսֆատ-ներ, գիպս, մագնիցիտ, բորատներ:

Մետաղների տեղափոխումը կատարվում է սուլֆատնե-րի, բիկարբոնատների ու կոլոխալ միացությունների ձևով, իսկ նստեցումը ընթանում է գլխավորապես կարբոնատային ու բիտումային ապարներում: Առանձնացնում են ինֆիլտրա-ցիոն հանքավայրերի հետևյալ տիպերը՝

1) Երկաթի (լիմոնիտային ու սֆերոսիդերիտային) հան-քանյութեր՝ Ալապաևսկոյե (Հյուսիսային Ուրալ) հանքավայ-րը և ուրիշ:

2) Մանգանի (պիրոլյուզիտ-պսիլոմելանային) հանքա-նյութեր՝ Հռենոսյան գավառներում (ԳՅՀ):

3) Պղնձի հանքանյութեր ավաղաբարերում, որտեղ պղ-ղնձի միներալները (մալախիտ, աղուրիտ, խալկողին, բոռ-նիտ, կուպրիտ, բնածին պղինձ) տեղակալում են ավաղաբա-րերի կարբոնատային ցեմենտը, ծառերի քարացած բները,

բուսական մնացորդներն ու բիտումային նյութերը: Պղնձի միներալները ուղեկցվում են պիրիտով, բարիտով, կալցիտով՝ գիպսով, երբեմն ոռսկոելիտով. պղինձը տեղափոխվում է CaSO_4 միացության ձևով, իսկ նրա սկզբնաղբյուրը էֆուզիվ ապարներում պղնձի միներալների ցանը և տարբեր ծագում ունեցող պղնձի հանքավայրերն են: Օրինակ՝ Նառուկատը (Միջին Ասիա) ու Արևմտյան Մերձուրալի հանքավայրերը:

4) Վահագիումային և ուրանային հանքանյութեր, երբեմն բարիտով: Հանքանյութերի կազմությունն է՝ ոռսկոելիտ, կառնոտիտ, պատրոնիտ, տյուամոնիտ և ուրանի ուրիշ միներալներ, որոնք կուտակված են կարբոնատային ավազաքարերում, կարբոնատային ու բիտումային ապարներում. հանքավայրերի օրինակներ են՝ Ամբրողիա-Լեյկ և Յուատ ու Կոլորադո նահանգների, Մինաս-Ռագրա (Պերու) հանքավայրերը և այլն:

5) Ֆոսֆորիտի հանքանյութեր, որոնք գոյանում են տաք ջրերով (տրոպիկական կլիմայի պայմաններում) $\text{Ca}_3\text{P}_2\text{O}_8$ -պարունակող կրաքարերի տարալվացման հետևանքով. P_2O_5 -ը լուծվում է ավելի ինտենսիվ կերպով, քան CaO , գուրս է բերվում ու վերանստեցվում ստորին հորիզոններում, որտեղ չհրմաստիճան ավելի ցածր է և ֆոսֆատների լուծելիությունը սառը ջրերի մեջ նվազում է: Հանքավայրերի օրինակներ են Ֆլորիդա և Թեննեսի նահանգների հանքավայրերի մի մասը:

6) Գիպսի կուտակումները գոյանում են կրաքարերում պիրիտի ցանի քայքայման և այդ ժամանակ առաջացած H_2SO_4 -ի և CaCO_3 -ի փոխազդեցության պայմաններում մետասումատիկ հանապարհով. օրինակ՝ Հարավարեմտյան Իրանի հանքավայրերը:

7) Բորատների հանքանյութեր, առաջացած աղերի հանքավայրերի հողմահարման ժամանակ: Բորի աղերը, որոնք խառնուրդի ձևով գտնվում են աղի կուտակներում, տարալվացման ընթացքում մնում են գիպսի գլխարկում, շրջանառություն են կատարում նրա սահմաններում և փոխազդեցության մեջ մտնելով ապարների հետ, առաջացնում են բորատներէ (հիդրոբորացիտ, ուլեկսիտ, աշարիտ և այլն) կուտա-

կումներ. օրինակ՝ Ինդերի հանքավայրը (Ղաղախական ՍՍՀ):

8) Մագնեղիտի հանքանյութեր, որոնք առաջանում են ուլտրահիմքային ապարների հողմահարման ընթացքում: Մագնիումը գետնազրերով տեղափոխվում է ստորին հորիզոններ, որտեղ սովորաբար սերպենտինիտներում նստում է, կոլոմորֆ $MgCO_3$ -ի ձևով, կազմելով բներ, ոսպնյակներ, շտոկվերկներ: Հանքավայրերի օրինակներ են՝ Հարավային Ուրալի, Հունաստանի, Սևանա լճի հյուսիսարևելյան ափի հանքավայրերը:

Ինֆիլտրացիոն հանքավայրերի ձևերը բազմազան են՝ շերտաձև կուտակներ, բներ, գրանիտներ, ոսպնյակներ, շտոկվերկներ, ցանավոր տեղամասեր: Ինֆիլտրացիոն տիպը արդյունաբերական մեծ նշանակություն ունի ուրանի և վանադիումի, ինչպես նաև բորատների համար և համեմատաբար ոչ մեծ նշանակություն՝ երկաթի, պղնձի, գիպսի, մագնեղիտի, ֆոսֆատների համար:

4. ՍՈՒԼՅԻԴԱՅԻՆ ՀԱՆՔԱՎԱՅՐԵՐԻ ՕՔՍԻԴԱՑՄԱՆ ԶՈՒԱ

Սուլֆիդները և նրանց նման միացությունները, հաղվագեպ բացառությամբ (կինովար, սպերիլիտ), մակերեսային պայմաններում անկայուն են, օքսիդանում են և սուլֆիդային հանքանյութերի ելքերում առաջացնում են այս կամ այն հըդորության օքսիդացված հանքանյութերի զոնա:


Այդ պրոցեսներն ուղեկցվում են որոշ տարրերի զուրսքերմամբ, մյուսների կուտակմամբ, երրորդների՝ կողային ապարներից ներմուծմամբ, որի հետևանքով տեղի է ունենում մետաղների վերաբաշխում ու կուտակում:

Որոշ դեպքերում (մանավանդ Ըս-ի ու Աց-ի համար) արդյունաբերական նշանակություն շունչցող կամ քիչ արժեքավոր առաջնային հանքանյութերի հաշվին, նրանց օքսիդացման հետևանքով, գոյանում են երկրորդային սուլֆիդների հարուստ հանքանյութերի զոնաներ, որոնք շահագործվում են. այս տեսակետից օքսիդացման զոնաները ներկայացնում են մեծ հետաքրքրություն:

Երկրաբան-որոնողի ու հետախույզի ուշադրությունը առաջին հերթին գրավում էն հանքանյութերի օքսիդացման զոնաները, որոնք տեղադրվում են Երկրի կեղևի վերին հորիզոններում։ Երկրաբանը օքսիդացված հանքանյութերի կազմով պետք է որոշի առաջնային սուլֆիդային հանքանյութերի կազմությունը և ճիշտ գնահատի խորքի հետանկարները։ Այստեղից մեկ անգամ ևս հետևում է օքսիդացման զոնաների ուսումնասիրության անհրաժեշտության մեջ նշանակությունը։

Սուլֆիդային հանքանյութերի օքսիդացման գլխավոր գործոններն են մակերեսային ջրերը և թթվածինը, որը պարունակվում է ինչպես ջրերում, այնպես էլ մթնոլորտում։

Մակերեսային (մթնոլորտային) ջրերի շրջանառության գոտին վերից վար ստորաբաժանվում է երեք զոնաների՝ թափանցման, արտահոսման ու կանգային (նկ. 63):



Նկ. 63. Մակոտկեն ապարներում ջրերի շրջանառության սխեմա
(բատ Ֆինչի)։

Թափանցման զոնայում ստորերկրյա ջրերը հագեցված են թթվածնով, ունեն ուղղաձիգ շարժում, օքսիդացնում են սուլֆիդները՝ դա օքսիդացած հանքանյութերի զոնան է։

Արտահոսման զոնայում գետնաջրերը զուրկ են թթվածնից, ունեն համարյա հորիզոնական շարժում դեպի արտահոսման կետերը. այդ ջրերը ակտիվ չեն ու նրանց դերը սահմանափակվում է այն տարրերի տեղափոխմամբ ու վերանըստեցմամբ, որոնք բերվել են վերևից հողաջրերով. սա երկրորդային սուլֆիդների առաջացման (Երկրորդային սուլֆիդային

հարստացման) զոնան է. արտահոսման զոնայից վար տեղադրված է կանգային (անշարժ) ջրերի զոնան, ջրեր, որոնք լըցնում են ծակոտիները ու ճեղքիկները և հանքանյութերի փոփոխություններ չեն առաջացնում. սա առաջնային սովորակային հանքանյութերի զոնան է:

Առաջին երկու զոնաների (օքսիդացված հանքանյութերի ու երկրորդային սովորակային բնդհանուր) ընդհանուր հզորությունը, սովորաբար, կազմում է տասնյակ մետրեր, երբեմն հասնում է հարյուրավոր մետրերի ծակոտկեն ու ճեղքածքային կարբոնատային տապարներում կամ այն ճեղքերի երկայնքով, որոնցով թափանցում են մթնոլորտային ջրերը:

Օքսիդացման պրոցեսների ինտենսիվությունը և նրա ներթափանցման խորությունը պայմանավորված են մի շարք ռեգիոնալ ու լոկալ (տեղական) գործոններով:

Ռեգիոնալ գործոններից գլխավոր նշանակություն ունեն կլիմայականը ու մորֆոլոգա-տեկտոնականը. առավել նպաստավոր են տրոպիկական և բարեխառն շափակվոր չոր կլիմայի պայմանները (լուծույթների խտությունը բարձր է), որոնց գեպքում ղարգանում են օքսիդացման ու երկրորդային սովորակային հարստացման բավականին հզոր զոնաներ: Խոնավ տրոպիկական ու բարեխառն կլիմայական պայմաններում օքսիդացման զոնան բավական լավ է արտահայտված, սակայն լուծույթների արագ նոսրացման հետեանքով մետաղները դուրս են բերվում, այդ պատճառով ել սովորակային հարըստացման զոնան թույլ է զարգացած: Ցուրտ և թեռուային կլիման օքսիդացման պրոցեսների զարգացմանը շի նպաստում: Մորֆոլոգա-տեկտոնական գործոնը նույնպես մեծ նշանակություն ունի. օքսիդացման հզոր զոնաներ զարգանում են ու պահպանվում հարթ սեղանաձև կամ ոչ ուժեղ կտրտված ռելիեֆի պայմաններում, այն գեպքերում, երբ լեռնային մարզերում էռողիան հաճախ կանխում է օքսիդացման արագությունը և մակերեսում անմիջապես մերկանում են սովորակային հանքանյութերը: Տեկտոնական շարժումները, օրինակ բարձրացումները, առաջ բերելով գետնաջրերի մակարդակի և օքսիդացման ռեժիմի փոփոխություններ, կարող են հանքա-

Նյութերի օքսիդացման մարզերը ներբերել երկրորդային սուլֆիդային հարստացման զոնաների հանքանյութեր և առաջնային հանքանյութերի նոր բաժիններ, առաջացնելով երկրորդային օքսիդային հարստացման ու տարալվացման ենթազոնաներ:

Լոկալ (տեղական) գործոններին են դասվում՝ հանքանյութերի ու նրանց ներփակող ապարների միներալոգիական կազմությունը, դրունտային ջրերի քիմիզմը; Հանքանյութերի տեքստորային առանձնահատկությունները և հանքամարմինների տեղադրման պայմանները: Պիրոտինը, օրինակ, օքսիդանում է պիրիտից և մյուս սուլֆիդներից ավելի արագ, սակայն հանքանյութում պիրիտի առատության դեպքում նրա օքսիդացման հետևանքով առաջանում է մեծ քանակությամբ ազատ H_2SO_4 , որն ամբողջությամբ վերցրած ուժեղացնում է հանքանյութի օքսիդացումը. կարբոնատային ապարներում օքսիդացումն ընթանում է ավելի արագ, քան քվարցացած ապարներում, ծակոտկեն ու ճեղքավորված ապարներում (ավազաքարեր, կրաքարեր) և զոլավոր հանքանյութերում ավելի արագ՝ քան անթափանց ապարներում (եղջրաքարերում) և հոծ հանքանյութերում:

Ակադ. Ս. Ս. Միռնովը*, որն օքսիդացման պրոցեսների ուսումնասիրությանը նվիրել է հատուկ մենագրություն, տարբերում է օքսիդացման զոնաների դարգացման երնջ հաջորդական փուլեր՝

1. Սուլֆատային փուլ՝ ամենավաղ փուլն է. օքսիդացման նյութերում գերակշռում են սուլֆատները (գլխավորապես յարողիտը՝ (K, Na)₂O·3Fe₂O₃·4SO₃·6H₂O), հիդրօքսիդները և շատ տրից դեռ չփոփոխված սուլֆիդների մնացորդներ:

2. Միջին փուլ, երբ սուլֆիդների մեծ մասն արդեն օքսիդացված է, դեռևս շատ են սուլֆատները, բայց գերակշռում են հիդրօքսիդները, օքսիդները, կարբոնատները, ֆոսֆատները. Կատարվում է սուլֆատների դուրս բերում:

* С. С. Смирнов. Зона окисления сульфидных месторождений. Изд-во АН СССР, изд. 3, 1955.

3. Վերջնական փուլ, երբ սուլֆիդներ համարյա շկան, սուլֆատները քիչ են. գերակշռում են կարբոնատները, սիլիկատները, օքսիդներն ու հիդրօքսիդները. կատարվում է մետաղների դանդաղ դուրս բերում, իսկ տեղում մնում են SiO_2 -ը, Fe և Mn -ի օքսիդները, հիդրօքսիդները, ալյումոսիլիկատները:

Սահմանվում է սուլֆիդային հանքանյութերի օքսիդացման պրոցեսի հետեւյալ ընդհանուր հերթականություն՝ սուլֆիդ-սուլֆատ-կարբոնատ (կամ հիդրօքսիդներ):

Սուլֆիդային հանքավայրերի օքսիդացման զոնային նըլիրված Ս. Ս. Մմիոնովի դասական գրքից հետո երեան եկան սուլֆիդային հանքավայրերի հիպերգենեզի զոնայի էլեկտրաքիմիային նվիրված աշխատությունները: Էլեկտրաքիմիական գործոնի դերի արտահայտման հնարավորությունը հանքավայրերի հիպերգենեզի զոնայի գարգացման մեջ բխում է մետաղների սիստեմներում էլեկտրոդային պրոցեսների ու դալվանական երեսությունների տեսությունից:

Հանքանյութերի բնական օքսիդացման զարգացումն ըստ էլեկտրոդային պրոցեսների կարելի է պատկերացնել, եթե ելնենք հանքային միներալների էլեկտրոնային հաղորդականությունից և այդ պրոցեսում բնական էլեկտրոլիտների (շրերի) մասնակցությունից:

Մասնավորապես հաստատված է, որ բարձրպոտենցիալային միներալը ավելի թույլ է օքսիդանում, քան ցածրպոտենցիալայինը (իհարկե, նույն պայմաններում). ընդ որում ընդունվում է բնական էլեկտրական հոսանքների դերը հիպերգեն հանքառաջացման մեջ՝ շնորհիվ բնական միկրոգալվանական էլեմենտների աշխատանքի, որտեղ որոշ միներալներ կատարում են անողի, իսկ մյուսները՝ կատողի դեր:

Երկրորդային սուլֆիդային հարստացման ենթազոնան կապվում է բնական էլեկտրական դաշտի աշխատանքի հետ նրա կատողային մասում:


Օքսիդացման ենթազոնայում հանքանյութ-էլեկտրոդը օքսիդացնող միջավայրի ազդեցության տակ ենթարկվում է անողային լուծման. միներալների կոնտակտում առաջանում է

պոտենցիալ, որը պայմանավորում է էլեկտրական հոսանքի (էլեկտրոնների հոսքի) ուղղությունը. դա իր հերթին ուժեղացնում է միներալներից մեկի օքսիդացումն ու կանխում մյուսի օքսիդացումը: Բայտ Ֆ. Վ. Չուխրովի հանքանյութերի հիպերգենեզի զոնայում անկասկած է միկրոօրդանիզմների դերը իբրև օքսիդացման պրոցեսների ուժեղ կատալիզատորի: Մասնավորապես, հիպերգեն սուլֆիդների առաջացումը դիտվում է որպես հանքանստեցում մետաղների լուծույթների ու ծըծմբաշրածնի փոխաղղեցության պայմաններում, որտեղ ծըծմբաշրածինը արտադրվում է սուլֆատապահող մանրէների կողմից (հաստատված է հիպերգեն սուլֆիդների ծծմբի իզոտոպային կազմով):

Նոր տվյալները թույլ են տալիս ընդունել, որ երկաթի մանրէները հիպերգենեզի զոնայում երկաթի օքսիդացման գործում կատարում են հսկայական դեր, առաջացնելով ֆերի-հիդրօքսիդի փաթիլներ, որոնք առուների ու գետերի միջոցով տեղափոխվում են այնպիսի տեղամասեր, որտեղ հնարավոր է նրանց կուտակումը: Բայտ երևույթին, նման պատկերացումը կիրառելի է ոչ միայն ֆաներոզոյի, այլև մինչքեմբրյան հասակի երկաթի նստվածքային հանքավայրերի առաջացման պայմանների բացատրման համար:

Սուլֆիդային հանքանյութերի օքսիդացման ժամանակ կատարվում է մետաղների առանձնացում (զատում), որը կախված է նրանց միացությունների տարրեր հատկություններից ու վարքից՝

Fe. Երկաթի ամենատարածված սուլֆիդը՝ պիրիտը օքսիդանում է հետեւյալ սխեմայով՝



Պիրիտի հանքանյութերի ելքերում առաջանում է երկաթի հիդրօքսիդների (լիմոնիտային) գլխարկ ու գոյանում է ծըծմբաթթու՝ H_2SO_4 :


Երկաթի գլխարկները հիանալի նշան են սուլֆիդային

(ծծմբաւ- ու պղնձահրաբարային) հանքանյութերի որոնման համար. երբեմն նրանք առաջանում են սիդերիտային հանքանյութերի հաշվին:

Մո. մանգանի սուլֆիդ ալաբանդինը (ՄՊՏ) հազվագյուտ միներալ է, սակայն ՄՊ-ը իղոմորֆ խառնուրդի ձևով մտնում է սփալերիտի և որոշ սուլֆիդների կազմի մեջ, պարունակվում է նաև բազմաթիվ կարբոնատներում (կալցիտ, անկերիտ, սիդերիտ, ռոդոխրոոլիտ), որոնք շատ սուլփական են որպես բազմամետաղային հանքավայրերի երակային միներալներ:

Մո պարունակող միներալների օքսիդացման ժամանակ կազմավորվում են մանգանի օքսիդներ ու հիդրօքսիդներ, որոնք կազմում են մանգանի գլխարկներ և լավ որոնողական նշան են բազմամետաղային հանքանյութերի համար (օրինակ՝ Փողահանքը Հայկական ՍՍՀ-ում). այլ գետքերում մանգանի գլխարկներն առաջանում են մանգանի կարբոնատային կամ սիլիկատային հանքանյութերի հաշվին:

Си. պղնձի լայն տարածված սուլֆիդը՝ խալկոպիրիտը օքսիդանում է այսպես՝



FeSO_4 -ը անցնում է մեղ արդեն հայտնի փուլերը մինչև երկաթի հիդրօքսիդները և խալկոպիրիտային հանքանյութերի հաշվին առաջանում է երկաթի գլխարկ, իսկ CuSO_4 -ը, որպես շաբթունակ միացություն դուրս է բերվում արտահոսման զոնա, որտեղ այդ զոնայի առաջնային սուլֆիդների վրա աղղելով, առաջացնում է երկրորդային սուլֆիդային հարստացման գոնա:

CuSO_4 -ի մի մասը հանքանյութերի կամ ներփակող ապարների կարբոնատների հետ, կամ էլ գրունտային ջրերի CO_2 ու SiO_2 -ի հետ մտնում է ռեակցիայի մեջ, առաջացնելով պղնձի ջրային կարբոնատներ (մալախիտ, ազուրիտ) կամ սիլիկատներ (խրիզոկոլա), որոնք մնում են երկաթի գլխարկում ու երբեմն կազմում են այդ հանքանյութերի հարուստ

կուտակումներ (Տուրինսկի հանքերը, Գումեշևսկի հանքը, Բլյավան, Չուկվիկամատան և այլն):

Pb. գալինիտը օքսիդանում է հետեւյալ սխեմայով՝
 $PbS + 2O_2 = PbSO_4$ (դժվարալույծ միացություն՝ անգլեղիտ միներալ). անգլեղիտը CO_2 -ի ազդեցության տակ հետագայում անցնում է էլ ավելի կայուն $PbCO_3$ -ի (ցերուսիտ). օքսիդացման զոնայում, այսպիսով, Pb կուտակվում է, առաջանում է անգլեղիտ-ցերուսիտային հանքանյութերի գլխարկ, կապարի արտածում համարյա տեղի չի ունենում:

Երբեմն այդ գլխարկում զգալի քանակություններով կուտակվում են վուլֆենիտը ($PbMoO_4$) ու վանադինիտը ($Pb_5(VO_3)_3Cl$), ընդ որում Mo ու V ներմուծվում են գրունտավին ջրերով, հիմնականում ներփակող ուղարներից ու կազմելով կապարի հետ դժվարալույծ միացություններ, մնում են օքսիդացման զոնայում:

Zn. սֆալերիտը օքսիդանում է հետեւյալ սխեմայով՝
 $ZnS + 2O_2 = ZnSO_4$. ցինկի սուլֆատը դյուրալույծ միացություն է ու տեղափոխվում է մասամբ ստորին՝ արտահոսման զոնան (այստեղ առաջանում է ցինկի երկրորդային խաբուսակ՝ վյուրացիտ), իսկ գլխավորապես անցնում է կողային շրջանառության: Այսպիսով, օքսիդացման ժամանակ կատարվում է ցինկի ինտենսիվ արտածում և նրա մեկուսացումը կապարից, որը մնում է տեղուած: Երբեմն ցինկը դուրս է բերվում հանքամարմնի սահմաններից բավականին հեռու և նստում է կրաքարերի մեջ՝ առաջացնելով սմիտոնիտային ($ZnCO_3$) հանքանյութերի կուտակումներ: Ս. Ս. Սմիտոնիլը դրանց դիպուկ անվանել է՝ «գլխարկ առանց գլխի», քանի որ նրանց տակ առաջնային հանքանյութերը բացակայում են ու այդպիսի գլխարկների հորդի հետախուզումը անհեռանկարային է:

Ag. արգենտիտը օքսիդանում է հետեւյալ սխեմայով՝
 $Ag_2S + 2O_2 = Ag_2SO_4$. արծաթի սուլֆատը շարժունակ միացություն է և արտածվում է ստորին՝ երկրորդային սուլֆիդային հարստացման զոնան: Արծաթի մի մասը, որը ներկայացված է բնածին արծաթով, մնում է օքսիդացած անգլեղիտ-ցերուսիտային հանքանյութերում կամ հողաջրերում

Cl' աղատ անիոնի առկայության դեպքում և նրա հետ կազմում է կայուն միացություն՝ AgCl (եղբային արծաթ կամ կերարգիրիտ), որը նույնպես կուտակվում է օքսիդացման դունայում:

Աս. ոսկու խոշոր մասնիկները կայուն են ու կուտակվում են օքսիդացման դոնայում (լիմոնիտային ու անգլեզիտ-ցերուտային գլխարկներում). սուլֆիդների օքսիդացման ժամանակ նրանց մեջ պարունակվող ոսկու ցրված մասնիկները ենթարկվում են տեղափոխման (միգրացիայի): Ոսկու տեղափոխմանը նպաստում է հողաչըներում Cl' աղատ անիոնի, մանգանի ու երկաթի սուլֆատների առկայությունը, որոնց շնորհիվ ոսկին, անցնելով լուծույթի մեջ, հեշտությամբ տեղափոխվում է երկրորդային սուլֆիդային հարստացման դոնա:

Շատ դեպքերում ոսկին կուտակվում է երկաթի գլխարկներում (Ուրալ, Բոր Հանքը Հարավսլավիայում) կամ երկրորդային սուլֆիդային հարստացման դոնայում:



Սրանոպակիրիտային հանքանյութերի օքսիդացման ժամանակ առաջանում է սկորոդիտաային (սկորոդիտ FeAsO₄·2H₂O) գլխարկ: Ծարիրային հանքանյութերի օքսիդացման հետեւանքով գոյանում են ծարիրային օխրաներ (սերվանտիտ Sb₂O₄ ու ստիբիկոնիտ Sb₂O₄·nH₂O), իսկ բիսմուտային հանքանյութերի հաշվին՝ բիսմուտ (Bi₂O₃·H₂O) ու բիսմուտիտ (Bi₂O₃·CO₂·nH₂O): Խնձորի կանաչ գույնի սկորոդիտը և կանաչգեղնավուն ու գեղին գույնի ծարիրային ու բիսմուտային օխրաները որոնողական նշաններ են, համապատասխանաբար, As, Sb, Bi-ի համար:

Մոլիբդենային հանքանյութերի օքսիդացման ժամանակ առաջանում են դեղանիկի դեղին ֆերմոլիբդիտը Fe₂(MoO₄)₃·7H₂O ու ծծմբագեղին պովելիտը CaMoO₄·nH₂O ու կոբալտի արսինիդների օքսիդացման դեպքում զարգանում են կանաչ գույնի աննաբերգիտը՝ Ni₃(AsO₄)₂·8H₂O ու զարդագույն էրիտրինը՝ Co₃[AsO₄]₂·8H₂O:

Ուրանային հանքանյութերի (ուրանի խեժի) օքսի-



գացման հետևանքով գարդանում են վառ երանգավորված տրանսիլին փաղարիկներ՝ գեղին զուլինի օտունիտը՝ $\text{CaU}_2[\text{PO}_4]_2\text{O}_4 \cdot 8\text{H}_2\text{O}$, կառնոախտը՝ $\text{K}_2\text{U}_2[\text{VO}_4]_2\text{O}_4 \cdot 3\text{H}_2\text{O}$ և կանաչ զուլինի տորբեռնիտը՝ $\text{CuU}_2[\text{PO}_4]_2\text{O}_4 \cdot 12\text{H}_2\text{O}$ ու ցելյներիտը՝ $\text{CuU}_2[\text{AsO}_4]_2\text{O}_4 \cdot 12\text{H}_2\text{O}$. Երկրորդային սուլֆիդային հարսացման զոնայում նստում են ուրանի փոշենման սևուկներ (U_3O_8):

Առաջնային սուլֆիդային հանքանյութերի օքսիդացման հետևանքով, այսպիսով, դուրս են բերվում Cu ու Zn , տեղում մնում են Fe ու Pb , իսկ մյուս մետաղները (Ag , Au , As , U և ուրիշ.) մասամբ դուրս են բերվում դեպի երկրորդային սուլֆիդային հարսացման զոնա, մասամբ էլ մնում են օքսիդացման զոնայում: Երկրորդային սուլֆիդային հարսացման զոնա դուրս բերված մետաղները (զլիավորապես Cu ու Ag) նստում են երկրորդային սուլֆիդների ձեռվ հետեւյալ ոեակցիաներով՝



Պղնձի երկրորդային սուլֆիդների ու երկրորդային արգենտիտի նստեցման հաշվին առաջանում են երկրորդային սուլֆիդային հարսացման զոնաներ՝ պղնձի համար կոռուրադի, թինգհեմի և ուրիշ., արծաթի համար՝ Ալթայի, Անդրբայկալի, Մեքսիկայի հանքավայրերում:

Հատուկ պայմաններում (տեղանքի բարձրացում, գոռնտային ջրերի մակերեսութիւնիցում) երկրորդային սուլֆիդային հարսացման զոնաները ենթարկվում են օքսիդացման հետեւյալ ոեակցիաներով՝



Առաջանում է երկրորդային օքսիդային հարսացման ենթազոնա, որտեղ կուպրիտը ու բնածին պղինձը զուգակցվում են խալկոզինի ու պղնձի այլ երկրորդային սուլֆիդների մնացորդների հետ:

Երբեմն խալկոպիթիտային գոնայի առակ տեղադրված առաջնային սուլֆիդային հանքանյութերի օքսիդացման հետեւ վանքով առաջնային հանքանյութերից պղինձը և ուրիշ մետաղները տարալվացվում և տեղափոխվում են ներքեւ, առաջացնելով խալկոպիհնային նոր գոնա, իսկ առաջնային հանքանյութերի տեղում զարգանում է մետաղներից զուրկ տարալվացման գոնա (ենթազոնա). այս գեպքում դիտվում է զոնաների հետևյալ կտրվածքը (վերից վար):

1. Օքսիդացած հարուստ հանքանյութերի (երկրորդային օքսիդացման հարստացման) գոնա: 2. Տարալվացման գոնա: 3. Խալկոպիհնային հանքանյութերի (երկրորդային սուլֆիդային հարստացման) գոնա: 4. Առաջնային հանքանյութերի գոնա:

ՆՍՏՎԱԾՔԱՅԻՆ ՀԱՆՔԱՎԱՅՐԵՐ

Մակերեսային ջրերը իրենց հոսքի ուժով մասամբ կախված, մասամբ լուծված վիճակում տեղափոխում են հողմահարման նյութերը և նստեցնում նրանց կամ իրենց ընթացքի ճանապարհին, կամ էլ ծովային ու լճային ավաղաններում, առաջացնելով նստվածքային հանքավայրեր:

Տեղափոխվող նյութի նստեցումը ենթարկվում է մեխանիկական ու քիմիական դիֆերենցման օրենքներին:

Նյութի մեխանիկական նստվածքային դիֆերենցումը համաձայն Վ. Պ. Բատուրինի կայանում է նրա տեսակավորման մեջ՝ ըստ մասնիկների մեծության, ձևի ու տեսակարար կշռի:

Այսպես, քայլքայվող զանգվածների շուրջը քայլքայման տեղից աստիճանաբար հեռանալով տեղադրվում են գետաքարեր, որոնք վերածվում են ավազների ու կավերի. փայլարի թիթեղիկները ֆլոտացիան հեշտացնող իրենց ձևի շնորհիվ, հաճախ հանդիպում են կավերի մեջ, իսկ ծանր բնածին ոսկու, պլատինի և ուրիշ միներալների մանր մասնիկները՝ խոշորացատիկ ավազներում ու մանրախճերում:

Նյութի քիմիական նստվածքային դիֆերենցումը կա-

տարվում է Ն. Մ. Ստրախովի և Լ. Վ. Պուստավալովի կողմից
մշակված օրենքներով:

Սահմանվում է ծովային ավաղաններում նյութերի նըս-
տեցման հետևյալ հաջորդականությունը՝ սկզբում Բե-ի ու
Մո-ի օքսիդներ և SiO_2 (նստեցումը կատարվում է մերձափ-
նյա զոնայում, ընդ որում SiO_2 -ը նստում է երկաթի ու ման-
գանի օքսիդներից փոքր-ինչ հեռու). SiO_2 -ի մի մասը ջրե-
րի ալկալի ու եակցիայի դեպքում մնում է լուծույթում և երկա-
թի թերօքսիդի ու օքսիդի հետ կազմելով երկաթի սիլիկատներ
(քլորիտներ, գլաուկոնիտ), նստում է ավելի ուշ: Հետագայում
նստում են Բե-ի թերօքսիդային միացությունները (սիդերիտ,
երբեմն Բե-ի սուլֆիդներ):

Բե-ի օքսիդներն ու սիլիկատները սովորաբար զուգակց-
վում են ալկրիտների, իսկ Բե-ի թերօքսիդի միներալները՝
կավային նստվածքների հետ, այն ժամանակ, երբ Մո-ի օք-
սիդները՝ կայծքարային առաջացումների հետ:

Բե-ի սիլիկատներից փոքր-ինչ շուտ առաջանում է
ֆոսֆորիտը ($\text{Ca}_3\text{P}_2\text{O}_8$), իսկ Բե-ի սիլիկատների ու Բե-ի
թերօքսիդային՝ միացությունների նստեցումների միջև ընկած
ժամանակաշրջանում կատարվում է բոքսիտների նստեցում:
Սիդերիտի նստեցումից հետո տեղի է ունենում կրաքարի ա-
ռաջացում և այդ պահը համընկնում է մեխանիկական
նստվածքային դիֆերենցման ավարտի հետ:

Կրաքարից հետո, Հալդինդերի սեակցիալի համաձայն,
նստում է դոլոմիտը՝ $2\text{CaCO}_3 + \text{MgSO}_4 \rightarrow \text{CaSO}_4 + \text{CaCO}_3 \cdot \text{MgCO}_3$:

Երբ ջրերի աղիությունը նորմալի համեմատ աճում է
5 անգամ, նստում է CaSO_4 , իսկ CaSO_4 -ի ու դոլոմիտի նըս-
տեցման միջև՝ SrSO_4 : Համարյա դոլոմիտի հետ միաժամա-
նակ նստում է նստվածքային ֆլուորիտը (ռատովկիտը), որը
մանր ցանի ձևով տարածված է դոլոմիտի շերտերում:

Երբ աղերի կոնցենտրացիան նորմալ չափից աճում է 11
անգամ, նստում է NaCl ու, վերջապես, մայր լուծույթից՝ KCl ,
այնուհետև MgCl_2 ու MgSO_4 : Քիմիական դիֆերենցման ողջ

ցիկլը աղյուսակի ձևով ներկայացված է ստորև. լրիվ տեսքով այն ներկայացվում է ոչ միշտ, քանի որ ավագանների (լուծույթների) երիտասարդացման պրոցեսով պայմանավորված ցիկլի ընդունակության հետևանքով այդ աղյուսակը ընդունում է բավականին բարդ տեսք:

Քիմիական դիֆերենցման լրիվ ցիկլը

Fe-ի օքսիդներ	}	զուգակցվում են ալերիտալին նստվածքների հետ
Mn-ի օքսիդներ		
SiO_2		
ֆոսֆատներ		
Fe-ի սիլիկատներ		
Բոքսիտներ	}	զուգակցվում են կավա- լին նստվածքների հետ
Fe-ի թերոքսիդալին		
$\text{միացություններ} \left(\text{սիդե-}\right.$		
$\text{րիտ, Fe-ի երբեմն նաև}$		
$\text{Cu-ի սուլֆիդներ})$		
CaCO_3 — միխանիկական դիֆերենցման ավարտ, $(\text{CaMg})\text{C}_2\text{O}_6$		
$\text{ու CaF}_2, \text{SrSO}_4, \text{CaSO}_4, \text{NaCl}, \text{KCl}, \text{MgCl}_2, \text{MgSO}_4$		

Ակադեմիկոս Ա. Ե. Ֆերսմանի ու Վ. Մ. Գոլդշմիդտի կարծիքով քիմիական դիֆերենցման ամենակարևոր պատճառները պետք է փնտրել ավագանների ջրերում ջրածնի իոնների տարրեր կոնցենտրացիայում ու ջրերում օքսիդացման տարրեր պոտենցիալում:

Ավագանների ջրերը կարող են ունենալ շեղոք, թթու կամ ալկալի ռեակցիաներ, ռեակցիան չեղոք է, երբ H^+ ու OH^- իոնների քանակությունը հավասար է և համապատասխանում է H^+ իոնների 10^{-7} կոնցենտրացիային՝ արտահայտված գրամեքվալենտներով ($\text{PH}=7$ նշանակում է ջրածնային (H^-) իոններով հագեցման (P) աստիճանը, արտահայտված է 10^{-7} մեծության լոգարիթմներով). թթու ռեակցիայի դեպքում $\text{PH}-ը$ 7-ից փոքր է (մինչև 1), ալկալի ռեակցիայի դեպքում՝ 7-ից բարձր (մինչև 13):

$\text{Fe}^{++-\text{ը}}$ լուծույթներից նստառում է $\text{PH}=2,3$ դեպքում, ալ-
ախընքն թթու միջավայրից, $\text{Fe}^{+-\text{ը}}$ $\text{PH}=7$ դեպքում, ալսինքն

չեղոք միջավայրից. Մո^{***}-ը նստում է PH=2-4 գեպքում (թթու միջավայր), իսկ Մո^{**}-ը՝ PH=8,7 (ալկալի միջավայր). Al₂O₃·H₂O-ը նստում է PH=4,1 (թթու միջավայր) գեպքում:

Նյութի քիմիական դիֆերենցման ժամանակ մեծ նշանակություն ունի նաև օքսիդացման պոտենցիալի մեծությունը (ազատ թթվածնի քանակությունը) ջրերում: Թթվածնի միջին պարունակությունը նվազում է կոնտինենտալ ջրերից մերձհատակայինին անցնելիս, այսինքն նվազում է PH-ի արժեքի աճի ուղղությամբ:

Ափից հեռանալու և խորության աճի ուղղությամբ Լ. Վ. Պուստովալովը տարբերում է հետևյալ ֆացիաները՝ օքսիդային, շամովիտային, սիդերիտային, ծծմբաջրածնային, համապատասխանաբար՝ օքսիդների, սիլիկատների, կարբոնատների, սուլֆիդների նոտեցումով:

Նստվածքային հանքավայրերի շարքում, նյութի նստեցման եղանակից կախված տարբերում են՝

1. Մեխանիկական նստվածքային հանքավայրեր,

2. Քիմիական նստվածքային հանքավայրեր՝ իրական լուծույթներից.

3. Քիմիական նստվածքային հանքավայրեր՝ կոլոիդալ լուծույթներից.

4. Կենսաքիմիական նստվածքային հանքավայրեր:

1. ՄԵԽԱՆԻԿԱԿԱՆ ՆՍՏՎԱԾՔԱՅԻՆ ՀԱՆՔԱՎԱՅՐԵՐ

Այս խմբում տարբերում են հետևյալ տիպերը՝

ա) Մանրախճերի, ավազների, կավերի գետային հանքավայրեր, որոնց մեջ նյութը տեսակավորված չէ և նրանց արժեքը փոքր է.

բ) Գլաքարերի, ավազների, կավերի ծովային ու լճային հանքավայրեր, սրանց շարքում հատկապես արժեքավոր են կավերի լճային հանքավայրերը (նյութը լավ է տեսակավորված, քանի որ կավային մասնիկները նստում են դանդաղ).

գ) Կառլինի, բոքսիտի, ֆոսֆորիտների մեխանիկորեն վերանստեցված հանքավայրեր.

դ) Ոսկու, պլատինի, վոլֆրամիտի, կասիտերիտի, ալմաստի և ուրիշ արժեքավոր օգտակար հանածոների ալյումինալ ցրոններ. նրանք արդյունաբերական մեծ նշանակություն ունեն անագի (համաշխարհային արդյունահանման կեսից ավելին), պլատինի (արդյունահանման 50%-ը), ալմաստի (50%-ից ավելին), ոսկու (արդյունահանման 20—25%-ը) համար:

Բնորոշ օրինակներ են Կոլիմայի, Ալղանի, Կալիֆոռնիայի, Ալյասկայի ոսկու, Ուրալի ու Ալյասկայի պլատինի, Կոլիմայի, Ինդոնեզիայի կասիտերիտային, Անդրբայկալի, Բիրմայի, Հարավային Չինաստանի վոլֆրամիտային, Զափրի ու Սիբիրի ալմաստաբեր ցրոնները և այլն:

Ալյումինալ ցրոնի տիպիկ կտրվածքը ունի հետեւյալ տեսքը (վերից վար): Հողային շերտ, տորֆեր (ավաղակավեր ու կավեր), գլաքարեր, շերտ (գլաքարեր կավային քսուկով ու արժեքավոր միներալներով, գլխավորապես նրա ստորին մասերում), արմատական ապարներ (պլոտիկ):

Ե) Ծովային մերձափնյա ցրոններն արդյունաբերական մեծ նշանակություն ունեն ցիրկոնի ու ոռտիլի (Ավստրալիա), մոնացիտի (Հնդկաստան, Բրազիլիա), ինչպես նաև ոսկու (Ալյասկա, Արկելյան Սիբիր), կասիտերիտի (Ինդոնեզիա) համար և ոչ մեծ նշանակություն՝ մազնետիտի ու տիտանոմազնետիտի (Ճապոնիա, Բնալիա, Կովկասի սեծովյան ափ), ալմաստի (Նամիբիա) համար:

Ցրոնային հանքավայրերին է նվիրված Յու. Ա. Բիլիբինի կապիտալ աշխատությունը: Յու. Ա. Բիլիբինի աշխատությունից (1955) հետո, որը նվիրված էր գլխավորապես ոսկերեր ցրոններին, հրատարակվեցին Ա. Ա. Կովսարենկոյի (1961), Ի. Ս. Ռոժկովի, Վ. Ա. Տրոֆիմովի, Ն. Ա. Շիլոյի (բոլորը 1970) ու Գ. Վ. Նեստերենկոյի (1977) մենագրությունները, որտեղ նկարագրված են ոչ միայն թանկարժեք մետաղների ցրոնների, այլև ալմաստի, ոռտիլի, իլմենիտի, ցիրկոնի, կասիտերիտի, տանտալոնիտոբատների ցրոնային հանքավայրերի առաջացման պայմանները և արդյունաբերական նշանակությունը:

Այդ բոլոր աշխատություններում մեծ ուշադրություն է

Նվիրված ցրոնները սնող աղբյուրներին և նկարագրված են էլյուվիալ-դելյուվիալ, ալյուվիալ ու մերձափնյա ցրոնների տարբեր տիպերը:

2. ՔԻՄԻԱԿԱՆ ՆՍՏՎԱԾՔԱՅԻՆ ՀԱՆՔԱՎԱՅՐԵՐ ԻՐԱԿԱՆ ԼՈՒԾՈՒՅԹՆԵՐԻՑ

Ծովային ավազանների ջրերի իրական (մոլեկուլյար) լուծութներից նստում են ու կուտակվում հետեւյալ աղերը՝ անհիդրիտը, գիպսը, K, Na, Mg-ի աղերը, մասամբ կրաքարերը: Ծովի ջրի մեջ աղերի միջին պարունակությունը կազմում է 3,5% (35գ/լ), որոնք տեղաբաշխված են հետեւյալ ձևով (հաշված գ/լ-երով):

NaCl	27,2	Այս միջին արժեքներից որոշ շեղում-ներ տեղի են ունենում փակ կամ այնպիսի ավազաններում, դեպի ուր կատարվում է քաղցրահամ (գետի) ջրի զգալի ներհոսք:
MgCl ₂	3,8	Այսպես, Միջերկրական ծովում անդամները 35 դերի ընդհանուր պարունակությունը 3,9% է, իսկ կարմիր ծովում՝ 4,3%: Կասպից ծովում՝ 1,5%, իսկ Ֆիննական ծովածոցում, Լենինգրադի մոտ՝ նույնիսկ 0,35% (կապված նեա գետի քաղցրահամ ջրերի զգալի ներհոսքի հետ):
MgSO ₄	1,7	
CaSO ₄	1,2	
K ₂ SO ₄	0,9	
CaCO ₃	0,1	
MgBr ₂ և որի 2	0,1	
Հնդկամենը	35	

1849 թ. իտալացի քիմիկոս Ուզիլիոն փորձի միջոցով (գուրշիացնելով ծովի ջուրը) հաստատեց աղերի նստեցման հետեւյալ հաջորդականությունը՝ CaCO₃ ու CaSO₄, NaCl, K ու Mg-ի աղեր: Մեկ մետր բարձրություն ունեցող ջրի սյան գուրշիացումը տալիս է աղի 14 մմ հզորությամբ նստվածք: Հետևաբար, եթե ենթադրենք ամենախոր ավազանների (8—9 կմ) գոլորշիացում, ապա կարելի է սպասել 100 մ հզորության աղերի հաստվածքի նստեցում: Բայց, բնության մեջ, հայտնի են խոշոր հանքավայրեր (Սոլիկամսկ, Ստասֆուրտ և այլն),

որտեղ աղաբեր հաստվածքի հղորությունը գերազանցում է 1000 մ. ուրեմն, ուղղակի գոլորշիացման միջոցով այդպիսի հղոր հաստվածքներ չեն կարող առաջանալ նույնիսկ պահանջման դրավագաններում և, հետեւաբար, կասկածից վեր է, որ նրանց առաջացումն ընթացել է ինչ-որ արտակարգ, հատուկ պայմաններում:

1877 թ. գերմանացի գիտնական Օբսենիուսը, հիմնվելով Ուղիլիոյի փորձերի և սեփական դիտարկումների վրա (Կարա-Բողադ-Գյոլ ծովածոցում, որտեղ այժմ էլ կատարվում է աղերի նստեցում), առաջարկեց աղերի հանքավայրերի առաջացման մի տեսություն, որը հայտնի է Օբսենիուսի կամ բարրերի տեսություն անվան տակ: Օբսենիուսը աղերի հանքավայրերի առաջացման համար անհրաժեշտ է համարում երկու պայման՝ 1. Ծովից աղային ծովածոցի անջատում. վերջինս ծովի ավազանից բաժանվում է ավազային թմբով՝ բարրով, որի միջոցով ծովածոցը կապվում է ծովի հետ. 2. Ծովածոցի շրջանում չոր և տաք կլիմայի առկայություն, որի դեպքում ծովածոց լցվող ծովի ամբողջ ջուրը ենթարկվում է գոլորշիացման և դրա հետևանքով էլ ծովածոցում աղերի կոնցենտրացիան անընդհատ աճում է:

Օբսենիուսը աղերի հանքավայրերի ձևավորման մեջ տարբերում է չորս ֆազեր (փուլեր):


Առաջին ֆազ. աղերի կոնցենտրացիան ծովածոցում աճում է 5 անգամ, տեղի է ունենում կրաքարի ու գիպսի նստեցում, առաջանում է աղային կուտակի դիպսային փռոցը.

Երկրորդ ֆազ. աղերի կոնցենտրացիան աճում է 11 անգամ, նստում է քարաղը (NaCl), որի շերտից վեր մնում է K^- -ի ու Mg^{+2} աղերի այսպես կոչված մայր լուծույթը.

Երրորդ ֆազ. մայր լուծույթը սկսում է դուրս հոսել դեպի ծով, իսկ նրա վրայով՝ բարրի միջոցով, ներհոսում է ծովի ջուր, սակայն ավելի նվազ քանակով: Մայր լուծույթի ու ծովի շրի շփման զոնայում վերջինս հարստանում է MgSO_4 -ով, որի հետևանքով (ըստ Ներնստի օրենքի) նրանից սկսում հն նստել գիպսի բյուրեղիկներ, որոնք մայր լուծույթի միջով

սուլվելով և կորցնելով ջուրը, նստում են քարաղի շերտի վրա, անհիդրիտի շերտիկի ձևով:

Քանի որ բարրի վրայով ծովի ջրի նոր բաժինների մուտքը դեպի ծովածոց կատարվում է պարբերաբար (ջուրը քշվում է քամիներով), ապա տեղի է ունենում NaCl -ի ու անհիդրիտի շերտիկների իրար բազմիցս հաջորդող նստեցումներ, որը դիտվում է բնության մեջ աղաքեր հաստվածքներում:



Նկ. 64. Աղային կոտակի առաջացման սխեմա ս ս ս
(ըստ Օխենիոսի տեսության)

1—ժարադ. 2—գիպս. 3—անհիդրիտ. 4—սոռուաղիր ապարներ.

Չորրորդ ֆազ. սկսվում է միայն այն դեպքում, եթե NaCl -ի նստեցումից հետո, բարրի բարձրացման հետևանքով ծովածոցի կապը ծովի հետ խզվում է և ծովից կորված փակ ծովածոցում ընթանում է մայր լուծույթի գոլորշիացում՝ կալիումի ու մագնիումի աղերի նստեցմամբ:

Եթե պրոցեսն ավարտվում է երրորդ ֆազով, առաջ-

նում է գիպսի ու քարաղի հանքավայր, իսկ եթե տեղի է ունենում նաև շորորդ ֆազը՝ գոյանում են քարաղի և Կ-ի ու Մց-ի աղերի կոմպլեքսային հանքավայրեր:

Երկար ժամանակ Օքսենիուսի տեսության թույլ կողմն էր համարվում աղաբեր հաստվածքներում բրածո ֆառնայի բացակայությունը, սակայն հետագայում, Դոնբասի, Լեհաստանի (Վելիչկա), ԱՄՆ-ի և ուրիշ տեղերում հայտնաբերվեց ֆառնա և այդ առարկությունը վերացավ, ընդ որում ֆառնան յուրահատուկ է՝ տեսակների քանակով աղքատ, բայց աննորմալ աղիության պայմաններին հարմարված տեսակների անհատներով հարուստ:

Պարզ չէր նաև, թե ինչպես են ծանծաղ ծովածոցերում առաջանում հզոր աղաբեր հաստվածքներ. դրա բացատրությունն առաջարկեցին տեկտոնիստները, որոնց կարծիքով, ծովածոցի հատակը աստիճանաբար սուզվում է՝ ստեղծելով հզոր նստվածքների կուտակման հնարավորություն: Օքսենիուսի տեսության մեջ էական լրացումներ են մտցված ն. Ս. Կուրնակովի և Ա. Ա. Խվանովի աշխատություններով, ըստ որոնց, աղերի հանքավայրերի ձևավորման պայմանների ու աղերի նստեցման հերթականության վրա (որը հաճախ տարբերվում է Օքսենիուսի սխեմայից) մեծ աղղեցություն են ունենում ժամանակը, ջերմաստիճանը, տարբեր աղերի կոնցենտրացիան և նրանց փոխաղղեցությունը:

Ամենից ճանաչված Օքսենիուսի տեսությունից բացի, գոյություն ունեն ևս երկու՝ Վալտերի ցամաքային (կոնտինենտալ) ու Պոշեպնու էոլային տեսությունները:

Վալտերի կարծիքով աղերի հանքավայրերն առաջանում են անապատային մարդերում, ջրերի հոսքից զուրկ իջվածքներում (Սահարայի Զադ լճի օրինակով) մայր ցամաքի ապարներից աղերի տարալվացման հետևանքով, որոնք տեղափոխվում ու նստում են այդ անջրթող ավազաններում:

Վալտերի ցամաքային տեսությունը կիրառելի է միայն փոքր մոնումիններալային (Անդրբայկալի ու Անդրկովկասի սողայալճերը) աղերի հանքավայրերի համար, սակայն այն ի վիճակի չէ բացատրելու մեկը մյուսին հաջորդող, տարբեր

կազմություն ունեցող աղային հղոր հաստվածքների առաջցումը, այդ պատճառով էլ այն մեծ ճանաչում չի ստացել:

Պոշեպնու էոլային տեսության համաձայն, աղերի հանքավայրերը առաջանում են քամիների օգնությամբ ծովի ջրի ցայտերի տեղափոխման հետևանքով: Այդ ցայտերը հագեցնում են մթնոլորտն ու անձրևային ջրերը և ներծծվում մակերեսային շերտի (հողածածկի) մեջ, իսկ հետագայում աղերը տարալվացվում են ու նստում իջվածքներում: Պոշեպնու դիտարկումներով Հյուսիսային ֆրանսիայի մերձծովյան շրջաններում 1 խոր. մ անձրևային ջուրը պարունակում է 24,5 դ աղեր, այդ թվում 14 դ NaCl:

Հնարավոր է, որ աղային փոքր հանքավայրերի մի մասը (Հնդկաստանում, ԱՄՆ-ի արևմտյան նահանգներում և այլն) կարող էր առաջանալ նշված ճանապարհով, սակայն միանգամայն ակնհայտ է, որ այս տեսությունն անզոր է հղոր աղաբեր հաստվածքների առաջացման բացատրության գործում ու ավելի քիչ ընդունելի, քան Վալտերի ցամաքային տեսությունը:

Կրաքարերի ու դոլոմիտային նստվածքային (ֆիմիական) հանքավայրեր: Կրաքարերի որոշ հղոր, բրածո ֆառւնայից գուրկ և հասակով հին հաստվածքներ (մինչքեմբրյան), հավանաբար, կարող էին առաջանալ որպես ծովի տաք ջրերից անջատված քիմիական նստվածքներ:

Քիմիական ճանապարհով են առաջացել նաև աղաղերծված ու դառնաղի ավաղանների դոլոմիտի հանքավայրերը:

Աղաղերծված ավաղաններում են առաջացել վերին սիլուրի հասակի դոլոմիտները՝ ԱՄՆ-ի, Էստոնիայի, Սատկայի հանքավայրերում. պերմի ժամանակաշրջանի դառնաղի ավաղաններում առաջացել են Մերձուրալյան, Պովոլժիեի, Դոնբասի և ուրիշ դոլոմիտները, որտեղ նրանց շերտերը գուգակցվում են գիպսի ու քարաղի հետ:

Դոլոմիտը առաջանում է ըստ հալդինգերի ռեակցիայի՝
$$2\text{CaCO}_3 + \text{MgSO}_4 \rightarrow \text{CaSO}_4 + \text{MgCO}_3 \cdot \text{CaCO}_3$$
 կամ, երբ ողջ MgSO_4 -ը ժախաված է, ավաղանի հատակի կրաքարային տիպ-

մի և ծովի ջրի $MgCl_2$ -ի փոխազդեցության հետեանքով, ըստ Մարինիակի սեակցիալի՝ $2CaCO_3 + MgCl_2 \rightarrow CaCl_2 + MgCO_3 \cdot CaCO_3$:

3. ՔԻՄԻԱԿԱՆ ՆՍՏՎԱԾՔԱՅԻՆ ՀԱՆՔԱՎԱՅՐԵՐ ԿՈԼՈՒԴԱԼ ԼՈՒՇՈՒՅԹՆԵՐԻՑ

Կոլուդալ լուծույթների ձեռվ տեղափոխվամ ու նըստում են գլխավորապես Fe, Mn, Al ու, հավանաբար, որոշակի մետաղներ (Cu, Zn, Pb, Ba, V, U, Mo, Ag*...):

Այդ մետաղների կոլուդալ միացությունների նստեցումը (կոագուլացումը) տեղի է ունենում ծովային ավաղանների մերձափնյա տեղամասերում ծովի մեջ լուծված աղերի էլեկտրոլիտների ազդեցության տակ. լճային ավաղաններում մետաղների նստեցումը պայմանավորվում է հումուսային թթուների հավելուրդով կամ մանրէների ու ջրիմուների կենսագործունեությամբ:

Առանձնացվում են հանքավայրերի հետեւյալ տիպերը՝

1. Երկաթի հանքանյութեր. երկաթի տեղափոխումը կատարվում է $Fe(OH)_3$ կաղմության զոլերի ձեռվ հումուսային թթուների պաշտպանողական ազդեցության տակ, մասամբ $FeSO_4$ ու $FeCO_3$ -ի ձեռվ:

Երկաթի նստվածքային կուտակումների առաջացման հիմնական աղբյուր են, հավանաբար, լատերիտային ծածկոցներն ու Fe պարունակող զետնաշրերը: Երկաթի տեղափոխման մասշտաբների մասին կարելի է դատել, օրինակ, հետեւյալ փաստով. Ամազոն գետը, որի ջուրը պարունակում է ընդամենը 0,003 գ/լ Fe , 176000 տարվա ընթացքում կարող է ստեղծել 2 մլրդ տ երկաթի հանքանյութի դանդաղած, այսինքն երկաթի հանքանյութերի շատ խոշոր հանքավայր:

Երկաթի մյուս կարևոր աղբյուրը հրաբխային էքսհալացիաներն են. կարելի է բերել ցայտուն օրինակ՝ Ցուրիկա լեռնային գետը, որը սկիզբ է առնում էրեկո հրաբխից (Պարա-

* Փակագծի մեջ բերվածները մասամբ տեղափոխվում են նաև իրական լուծույթներով:

մուշիր կղզի, Կուրիլան բլրաշար) սկսվում է ժամանակակից թերմերով, որոնք դուրս են բերում Բ. գետաբերանային մասում ջուրը պարունակում է 0,220 գ/լ Բ. և 1,8 խոր. մ/վրկ դեբիտի գեպքում ամեն օր դուրս է բերում 35 տ լուծված Բ. Դժվար չէ հաշվել, որ նստեցման բարենպաստ պայմանների գեպքում ընդամենը 10 հազար տարվա ընթացքում կարող է կուտակվել 126 մլն տ մետաղի պաշարով երկաթի զանգված:

Ավագանում նստեցման պայմաններից կախված (РН-ի մեծությունը, հանքանյութերի օքսիդացման պոտենցիալը) նստում են կամ օքսիդային (Խոպեր, Կլինտոն և այլն), սիլիկատային (Թյուրինգիա, Բոհեմիա, մասամբ Լոթարինգիա), սիդերիտային (Անգլիա, ԱՄՆ, մասամբ Լոթարինգիա) կամ սուլֆիդային (Բորովիչի, Մյոգեն և այլն) հանքանյութեր:

Երկաթի հանքանյութերի նստվածքային հանքավայրերը արդյունաբերական մեծ նշանակություն ունեն. այս տիպին բաժին է ընկնում երկաթի համաշխարհային արդյունահանման շուրջ 30%-ը:

2. Մանգանի հանքանյութեր. մանգանի օքսիդների (պիրոլյուզիտ, պսիլոմելան) նստեցումը կատարվում է ծովային ավագանների մերձափնյա տեղամասերում կայծքարային (օպալ) նստվածքների սերտ զուգակցմամբ. ափից քիչ հեռու նստում են մանգանի կարբոնատներն ու սիլիկատները: Այս տիպի խոշոր հանքավայրերից են՝ Ճիաթուրան, Նիկոպոլը, Պոլունովյան, Ռոմ-Բոգման: Մանգանի համար այս տիպը ունի առաջնային նշանակություն և տալիս է համաշխարհային արդյունահանման $\frac{2}{3}$ -րդ մասը (գլխավորապես ՍՍՀՄ-ում):

3. Ալյումինի (բոքսիտային) հանքանյութեր: Ակադ. Ա. Դ. Արխանգելսկու լավ հիմնավորված տեսակետի համաձայն, բոքսիտի բաղմաթիվ հանքավայրերը կոլորիտալ լուծույթներից շամովիտ-դիասպորային նյութի նստեցման արդյունք են: Այդ տիպին նա դասում է Հյուսիսային Ուրալի (Կրասնայա Շապոչկա և այլն), ինչպես նաև Հարավային Ֆրանսիայի, Իտալիայի, Հունգարիայի, Ռումինիայի, Հարավսլավիայի ու Միջերկրածովային զոնայի այլ երկրների հանքավայրեր:

բը. այս տիպին բաժին է ընկնում բոքսիտային հանքանյութերի համաշխարհային արդյունահանման շուրջ կեսը:

4. Վանագիումային հանքանյութեր (*երբեմն U, Mo-ի խառնուրդով*). Վանագիումի նստեցումը կոլոիդալ SiO_2 -ի հետ համատեղ առաջացնում է վանագիումի խոշոր կուտակումներ, որոնք ներկայացված են վանագիումաբեր կայծքարային թերթաքարերի ձևով (Կարատառ, ԱՄՆ-ի Այդահո նահանգի, Շվեդիայի, Ֆրանսիայի և այլ հանքավայրեր). Վանագիումի հետ մետեղ երբեմն նստում են Ս-ի ու Մօ-ի փոքր քանակություններ:

Մետաղներ պարունակվում են կայծքարային, սև գույնի (օրգանական նյութերով հարուստ) *Ct-S*, ավելի հազվադեպ *P* հասակի թերթաքարերում, որոնցում օրգանական նյութով ու մետաղներով հարուստ սև գույնի ենթաշերտերը հերթափոխվում են բաց գույնի, մետաղներից աղքատ, ենթաշերտերով: Սև ենթաշերտերում *V*-ի պարունակությունը կազմում է $0,2-1\%$ և ավելի, իսկ *U*-ինն ու *Mo*-ինը՝ համապատասխանաբար, տոկոսի հաղարերորդական կամ հարյուրորդական մասեր:

Մետաղների վերաբաշխման հետևանքով տեղ-տեղ նրանց կոնցենտրացիան խստ բարձրանում է, որը արդյունաբերական հետաքրքրություն է ներկայացնում, քանի որ այդ մետաղների ընդհանուր պաշարները հսկայական են, իսկ նրանց կորզման տեխնոլոգիան մշակված է:

Ապագայում այս տիպն, անկասկած, ձեռք կրերի կարելուր նշանակություն ու միայն *V*-ի, այլև *U*-ի ու *Mo*-ի համար:

5. Պղնձի հանքանյութեր (*Zn, Pb, Ag, Mo, Re* և ուրիշ մետաղների խառնուրդով): ԳԴՀ-ում Մանսֆելդի պղնձի հանքանյութերի խոշոր հանքավայրն ուսումնասիրող երկրաբանների կարծիքով այն առաջացել է ծծմբաջրածնային պայմաններում՝ մանրէների մասնակցությամբ: Հանքային շերտի վերին հորիզոնները ներկայացված են ցինկի, տեղ-տեղ կապարցինկի հանքանյութերով: Հավանաբար, իրենց առաջացման պայմաններով նման հանքավայրեր ուսումնասիր-

վլում են նաև ՍՍՀՄ-ում, ԱՄՆ-ում, Լեհաստանում և այլ երկրներում:

6. Բարիտային (*ցինկով, պիրիտով*) հանքանյութեր: Մյուգեն հանքավայրը (ԳՖՀ) ներկայացված է սֆալերիտի ու պիրիտի խառնուրդ պարունակող բարիտի շերտով և, ինչպես համարում են, առաջացել է զրային ավաղանում Բա, Բե ու Շո-ի նստեցման հետևանքով: 6 մ հզորության շերտը զբաղեցնում է $2,5 \times 1,5$ կմ տարածություն ու շահագործվում է որպես սֆալերիտի ու պիրիտի առանձին բներով ներկայացված բարիտի հանքավայր:

Կոլոիդալ լուծույթներից առաջացած նստվածքային հանքավայրերն ունեն շատ մեծ նշանակություն երկաթի (համաշխարհային արդյունահանման 30%), մանգանի (արդյունահանման $2\frac{1}{3}$ -րդ մասը), բոքսիտների (արդյունահանման շուրջ 50%), իսկ ապագայում կմշակվեն նաև V, Cu, U, Mo:

Հետաքրքիր ու հեռանկարային ժամանակակից նըստվածքային հանքավայրերի տիպ են երկաթ-մանգանային կոնկրեցիաների կուտակումները օվկիանոսների հատակում: Կոնկրեցիաներն ամենից ավելի տարածված են խորջրյանստվածքներում՝ կարմիր կավերում, ռադիոլարիտային և կարբոնատային տիղմերում:

Հանքային կոնկրեցիաների տարածման մարզերը բավականին լավ համընկնում են օվկիանոսի հատակի այն տեղամասերի հետ, որտեղ կան բազմաթիվ հրաբխային կղզիներ ու գործող հրաբուխներ: Օվկիանոսի հատակի մակերեսը $20-50\%$ -ով ծածկված է կոնկրեցիաներով, որոնց մեջ Մո-ի պարունակությունը կազմում է 20% և ավելի. կոնկրեցիաների մաքսիմալ կուտակումներն առաջանում են կարմիր կավերում և կարբոնատային նստվածքներում Մո-ի խիստ բարձր պարունակությունների ֆոնի վրա:

Բացի մանգանից, կոնկրեցիաները հաճախ պարունակում են մինչև 15% Fe, զգալի քանակություններով Co, Ni, Cu և ուրիշ մետաղներ:

9. Ա. Չոծենիձեի կարծիքով, կոնկրեցիաներում մանգանի և ուրիշ հանքային տարրերի աղբյուրը կարող է լինել

միայն ստորջրյա հրաբխականությունը. ընդ որում, հրաբխային էքսհալացիաների հետ մեկտեղ, նրա կողմից ընդունվում է հիգրոթերմերի ու հրաբխային նյութի քայլայման պրոցեսների զգալի դերը:

4. ԿԵՆՍԱՔԻՄԻԱԿԱՆ ՆՍՏՎԱԾՔԱՅԻՆ ՀԱՆՔԱՎԱՃՐԵՐ

Երկաթի, մանգանի, բոքսիտների նստվածքային հանքավայրերի, ինչպես նաև V, Cu, Pb-Zn-ի ու բարիտի նըստվածքային հանքանյութերի համար որոշակի դեր են խաղում, հավանաբար, միկրոօրդանիզմները, որոնք նպաստում են այդ մետաղների նստեցմանը կամ կուտակում են մետաղներն իրենց օրդանիզմներում: Բայց կա հանքավայրերի մի խումբ, որոնց համար մակրո- ու միկրոօրդանիզմների կենսագործունեությունը անկասկած խաղում է վճռական դեր և որոնք գոյանում են որպես այդ գործունեության արդյունք՝ կազմելով կենսաքիմիական հանքավայրերի խումբը, որոնց շարքին են դասվում օրդանածին կրաքարերի, դիատոմիտների, ֆոսֆորիտների ու բնածին ծծմբի հանքավայրերը:

Օրգանածին կրաքարերի հանքավայրերը կապված են կըրաքարային կմախք կամ խեցիներ ունեցող օրդանիզմների կենսագործունեության հետ: Տարբերում են կորալային, ուստանիների, մամուակերպերի, փափկամորթների խեցիներից կազմված կրաքարեր:

Դիատոմիտների հանքավայրերն առաջանում են ջրիմուռների՝ դիատոմների կենսագործունեության հետ կապված, որոնք ունեն կայծքարային խեցիներ: Այդ խեցիների համար անհրաժեշտ SiO_2 -ը նրանք կորզում են կավերի ալյումոսիլիկատների կամ տուֆային նյութի քայլայումից, որն ընկնում է ավազանները հրաբխային ժայթքումների ժամանակ: Գոյություն ունի այն կարծիքը, որ դիատոմիտների հղոր հաստվածքները առաջանում են հրաբխային ինտենսիվ գործունեության հետ համընկնող կամ անմիջականորեն նրանց հաջորդող ժամանակաշրջաններում:

Դիատոմիտների խոշոր հանքավայրեր հայտնի են Ան-

դըրկովկասում, Կալիֆոռնիայում, Ալժիրում և այլն: Գետնա-
ջրերով վերամշակված դիատոմիտներին, որոնցում SiO_2 -ի
մի մասի վերանստեցումը հանգեցնում է նրանց առաջնային
ստրուկտուրայի կորստին, անվանում են տրեպելներ:

Ենթաղրում են, որ Ուրալում լայն տարածված պալեո-
զոյան հասակի հասպիսների առնվազն մի մասն առաջացել
է դիատոմիտների մետամորֆիզմի հաշվին:

Յոսֆորիտների հանքավայրեր. սրանց առաջացման հար-
ցում գոյություն ունեն երկու տեսություն՝ բիոլիտային ու քի-
միական (ավելի ճիշտ՝ կենսաքիմիական):


Բիոլիտային տեսությունը հիմնվում է հետեւյալ տըվ-
յալների վրա՝ ողնաշարավիրների կմախքների ոսկորները
պարունակում են մինչև 58% $\text{Ca}_3\text{P}_2\text{O}_8$, *Obolus* տսոտանի-
ների խեցիները՝ 36,5% P_2O_5 ու 2,78% F, իսկ *Lingula*-ի
խեցիները՝ 41% P_2O_5 ու 1,52% F:

Որոշ պայմաններում (օրինակ, ծովի տաք ու սառը հո-
սանքների հանդիպում, ծովային ավազանի հավասարակշռու-
թյան խախտում և այլն) տեղի էր ունենում օրդանիզմների
մասսայական ոչնչացում, որոնց քայլայման հաշվին ծովի
ջուրը հարստանում էր CO_2 -ով ու NH_3 -ով (կազմում են ած-
խաթթվային ամոնիում): Զրի մեջ CO_2 -ի, ածխաթթվային
ամոնիումի ու NaCl -ի առկայությունը բարձրացնում էր ոս-
կորների, խեցիների, մկանային հյուսվածքների ֆոսֆորա-
թթվային կիրը լուծելու նրա ընդունակությունը:

Յոսֆորաթթվային կալցիումը, մտնելով լուծույթի մեջ,
միանում էր ածխաթթվային ամոնիումի հետ և կազմում
ֆոսֆորաթթվային ամոնիում. վերջինս, հատակային նըստ-
վածքի պինդ մասնիկների ու օրդանիզմների խեցիների հետ
շփվելով, նստեցնում էր նրանց վրա կամ նստվածքում ար-
դեն կոնկրեցիոն բնույթի ֆոսֆորաթթվային կալցիում, որը
բնորոշ է ֆոսֆորիտային կոնկրեցիաներին: Որպես այդ տե-
սության ապացույց բերվում է որոշ հանքավայրերի ֆոսֆո-
րիտներում բրածո ֆառնայի մնացորդների առատությունը:
Այսպես, կստոնիայում, Մաարտու ավանի (*Saxlīn* քաղաքի
մոտ) ֆոսֆորիտի երեք շերտեր համարյա ամբողջությամբ

կազմված են Obolus Apollinis խեցիներից. Փառնան առատ
է նաև ՍՍՀՄ-ի ֆուֆորիտի պլատֆորմային հանքավայրե-
րում և այս:

Սակայն, հաճախ ֆառնան բացակայում է կամ քիչ է, իսկ ֆուֆորի հզոր շերտերը կազմված են օօլիտային ֆուֆորիտներից (Կարատառ, Ժայռոտ լեռներ և այլն), որոնց համար բիոլիտային տեսությունը քիչ ընդունելի է:



Նկ. 65. Յուֆորիտառաջացման սխեմա (բառ Ա. Կազակովի)

1—մերձափնյա զլաքարերի ու ավագների ֆացիա. 2—ֆոսֆորիտային ֆացիա. 3—կրաքարային նստվածքների ֆացիա. 4—պլանկտոնի մնացորդների սուզում. 5—հոսանքների սղղությունը.

Այդ դեպքերին ավելի է համապատասխանում պրոֆ-
Ա. Վ. Կազակովի կենսաքիմիական տեսությունը (նկ. 65), ո-
րը հիմնված է ծովի ջրի մեջ ֆոսֆորի բաշխման վերաբերյալ
օվկիանոսագետների ու Հիդրոքիմիկոսների հետազոտություն-
ների վրա։ Այդ տվյալների համաձայն ծովի ջրի վերին շեր-
տերը, մինչև 60 մետր խորությունը, որոնք բնակեցված են
ֆոսֆորը եռանդուն կերպով կլանող ֆիտոպլանկտոնով, հա-
մարյա զուրկ են P_2O_5 -ից (2—5 մինչև 50 մլգ/խոր. մ), իսկ
 CO_2 -ի պարցիալ ճնշումը այստեղ բարձր չէ $3 \cdot 10^{-4}$ մթն-ից»

Մահանալով և սուզվելով, ֆիտոպլանկտոնը իր հետ վերին շերտերից դեպի խորքն է տանում Բ-ն, որտեղ CO_2 -ի պարունակությունը օրգանիկայի օքսիդացման հաշվին ավելի բարձր է. CO_2 -ի այդպիսի բարձր պարունակությունը, առավել խոր հորիզոններում, նպաստում է ոչնչացվող օրգանիզմների ֆուֆատի անցմանը լուծույթի մեջ:

Մահացող միկրոօրգանիզմների դգալի մասը քայքայվում է շհասնելով մինչև $500-1500$ մ. խորությունները, այդ պատճառով էլ այդ շերտերը CO_2 -ով ու Բ-ով ամենահարուստն են. $300-800$ մ խորություններում P_2O_5 -ի պարունակությունը հասնում է $300-1000$ մլգ/մ³, իսկ CO_2 -ի պարցիալ ճնշումը բարձրանում է մինչև $12 \cdot 10^{-4}$ մթն.:

Բարձրացող հոսանքները կարող են Բ-ով ու CO_2 -ով հարուստ խորքային ջրերը հասցնել շելֆային դոնա՝ նրանցից աղքատ վերին շերտերի ջրերին, որտեղ CO_2 -ի պարցիալ ճնշումը նվազում է CO_2 -ի ավելցուկի դիֆուզիայի պատճառով, ինչպես նաև ճնշման նվազման ու ջրերի տաքացման հետևանքով:

CO_2 -ից աղքատ ջուրը դառնում է ֆուֆատով գերհագեցված և վերջինս 100 ± 50 մ. խորություններում, շելֆի զոնայում, առաջացնում է նստվածք կոլորիդալ ֆոտո-ապատիտի ու ֆուֆորիտային օօլիտների ձևով:

Հստ Ա. Վ. Կազակովի ֆուֆորիտի հանքավայրերի առաջացման համար անհրաժեշտ պայմաններ են՝ 1) շելֆի անմիջական կապը ծովային բաց ավազանների խորքային մասերի հետ. 2) դեպի շելֆ վերընթաց հատակային այն հոսանքների առկայությունը, որոնք ֆուֆորով հարստացած խորքային ջրերը հասցնում են շելֆի զոնա:

Հավանաբար, կենսաքիմիական ճանապարհով են առաջացել ֆուֆորիտի խոշոր հանքավայրերից շատերը՝ Կարատառու լեռնաշղթայի միջին քեմբրի հասակի, Բաշկիրիայի ու Ժայռոտ լեռների՝ վերին կարբոնի, Ալֆիրի, Թունիսի, Մարոկկոյի երրորդական հասակի հանքավայրերը:

Բնածին ծծմբի հանքավայրեր. Սրանց առաջացման մեջ դեր է հատկացվում մանրէներին, գլխավորապես անա-

երոբայիններին, որոնք զարգանում են ծծմբաջրածնային խըմորման պայմաններում: Անաերոբային մանրէների ածխածնի էներգիայի հաշվին կատարվում է ծովի ջրի սուլֆատների քայլայում ըստ հետևյալ ռեակցիայի՝ $\text{CaSO}_4 + 2\text{C} = \text{CaS} + 2\text{CO}_2$, հետագալում՝ $\text{CaS} + \text{CO}_2 + \text{H}_2\text{O} = \text{CaCO}_3 + \text{H}_2\text{S}$:

H_2S բարձրանում է վերին հորիզոնները, որտեղ հանդիպում է O_2 -ի՝ $2\text{H}_2\text{S} + \text{O}_2 = 2\text{H}_2\text{O} + \text{S}_2 \downarrow$. ծծումբը նստում է հատակում: Դրանից բացի, վերին հորիզոններում H_2S -ը հանդիպում է աերոբային մանրէների գաղութներին, որոնք շնչառության ժամանակ կլանում են H_2S -ը և կուտակում են ծծումբն իրենց օրգանիզմում՝ $2\text{H}_2\text{S} + \text{O}_2 = 2\text{H}_2\text{O} + \text{S}_2 + 122 \text{ kJ}$.: Ծծումբը գլխավորապես կուտակվում է մանրէների թելիկներում (*Beggiaatoa*-ի թելիկները պարունակում են 95% S), որոնց ոչնչացման ընթացքում ծծումբը նստում է հատակում՝ կուտակվելով տիղմի շերտում: Ծծմբի շարժունակության հետևանքով հետագայում տեղի է ունենում տարրի միզրացիա ու վերաբյուրեղացում և բնածին ծծմբի էպիզենետիկ հանքավայրերի առաջացում:

Ծծումբը նստում է լազունային ավաղաններում գոլոմիտի հետ միաժամանակ, դիպսից մի փոքր առաջ (*Պովոլժիեի*, Գառուրդակի, *Սիցիլիայի* հանքավայրերը), կաղմելով սինդենետիկ հանքավայրեր, որտեղ ծծումբը զուղակցվում է դիպսի, անհիդրիտի, աղերի, ասֆալտի, նավթի հետ: Բնածին ծծմբի հանքավայրերի մի մասը էպիզենետիկ է (*Շորսու, Տեխնաս և Լուիզիանա նահանգներ*). օրինակ, *Շորսու* ծծումբացումը դիտվում է տարբեր հասակի ապարների մեջ, ծծումբը կապված է նաև մի հանքավայրերի հետ և զուղակցվում է բարիտի, ցելեստինի, օպալի, խալցեղոնի, պիրիտի ու սֆալերիտի հետ:

Բիշոֆը և *Ռեկլոնսկին* այդտեղ ծծմբի կուտակումը բացատրում են գետնաջրերի SO_4 իոնի ու բիտումների (նավթի) ածխաջրածինների միջև կատարվող ռեակցիայով՝ $\text{CaSO}_4 + \text{CH}_4 = \text{CaS} + (\text{O}_2 + 2\text{H}_2\text{O})$, $\text{CaS} + \text{CO}_2 + \text{H}_2\text{O} = = \text{CaCO}_3 + \text{H}_2\text{S} \uparrow$:

H_2S -ը ճեղքիկներով տեղափոխվում է վերև, մինչև թըթ-

վածին պարունակող ջրերի հետ հանդիպելը՝ $2\text{H}_2\text{S} + \text{O}_2 = 2\text{H}_2\text{O} + \text{S}_2 \downarrow$ (ծծումբը նստում է էպիգենետիկ ձևով):

Ծծմբի առաջացման անօրգանական վարկածը դժվար է ընդունել, քանի որ CaSO_4 -ի ու CH_4 -ի փոխազդեցության ռեակցիան էնդոթերմիկ է և կարող է ընթանալ միայն 700°C . ու ավելի բարձր ջերմաստիճանների պայմաններում (Ուկրնսկու կարծիքով բարձր ջերմաստիճանին իրավական կատարելու համար է մասնակցության դեպքում, այդ ռեակցիան կարող է կատարվել 50°C ջերմաստիճանների պայմաններում):

Ամբողջությամբ վերցրած, նստվածքային հանքավայրերի համար բնորոշ է հանքամարմինների շերտային ձևը, սովորական են նաև ոսպնյակները. նստվածքային տիպն իր մասշտաբով առաջացնում է ինչպես փոքր ու միջակ, այնպես էլ շատ խոշոր հանքավայրեր:

Նստվածքային հանքավայրերի տիպը արդյունաբերական մեծ նշանակություն ունի աղերի ($\text{Na}, \text{K}, \text{Mg}$), դոլոմիտի, գիպսի, երկաթի, մանգանի, ալյումինի (բորսիտի), ծրծմբի, ֆոսֆորիտների, կրաքարերի, դիատոմիտների համար. վերջնականապես հաստատված չէ, սակայն ապագայի տեսակետից հեռանկարային է վանադիումի, ուրանի, մոլիբդենի, ինչպես նաև պղնձի, կապար-ցինկի, ծծմբային հրաքարի նստվածքային հանքավայրերի գերը: Հաշվի առնելով մեխանիկական նստվածքային (ցրոնները ներառյալ) հանքավայրերը, այս տիպը մեծ նշանակություն ունի նաև կավերի, ավաղների ու գետաքարերի, ոսկու, պլատինի, անգի, վոլֆրամի, տիտանի (ռուտիլի), մոնացիտի, ցիրկոնի, ալմաստի համար:

Գ. ՄԵՏԱ.ՄՈՐՖԱ.ԾԻՆ ՀԱՆՔԱՎԱՅՐԵՐ

Լեռնային ապարներն ու տարբեր գենետիկական տիպերի (գլխավորապես նստվածքային) հանքավայրերը բարձր ջերմաստիճանների և ձնշումների աղեցցության տակ ենթարկվում են էական փոփոխությունների՝ մետամորֆիզմի: Լիմոնիտուր ջրագրկվելով անցնում է հեմատիտի ու մագնետիտի,

ածխային նյութը՝ գրաֆիտի, զրային ալյումոսիլիկատները՝ փայլարների, անդալուզիտի, սիլիմանիտի, կիանիտի (գիստինի), նոնաքարի և այլն: Մետամորֆիզմի ժամանակ մեծ դեր են կատարում այդ պրոցեսների ընթացքում գոյացող H_2O -ն ու CO_2 -ը, որոնք հեշտացնում են տարրերի միգրացիան ու վերախմբավորումը: Մետամորֆիզմի պրոցեսները հաճախ ուղեկցվում են հանքամարմինների ձևերի ու հանքանյութերի տեքստուրաների փոփոխություններով (Ուրալի հրաբարային կուտակումներում ճղմված ոսպնյակներ ու զոլավոր հանքանյութեր): Խորքային մետամորֆիզմի պայմաններում հաճախ կատարվում է նոր նյութերի ներբերում, ավելի վաղ առաջացածների լուծում ու թե՛ մեկի, և թե՛ մյուսի վերանստեցում:

Մետամորֆիզմի պրոցեսի ընթացքում առաջանում են հանքավայրերի երկու խմբեր՝

1. Մետամորֆացված, որոնցում գոյություն ունեցող հանքավայրերը փոփոխված են օգտակար հանածոյի ֆիզիկաքիմիական և արդյունաբերական հատկությունների պահպանմամբ.

2. Մետամորֆիկ, որոնք վերստին առաջացել են մետամորֆիզմի պրոցեսում մինչ այդ մեծ արժեք չներկայացնող լեռնային ապարների հաշվին, կամ էլ այնքան խիստ են փոփոխված, որ էապես փոխվում են հանքանյութերի ֆիզիկաքիմիական հատկությունները և գոյանում են նոր՝ կիրառման բոլորովին այլ բնագավառներ ունեցող օգտակար հանածոներ: Վ. Դոմարել առանձնացնում է մետամորֆածին հանքավայրերի երեք հիմնական խմբեր՝

1. Հանքավայրեր, առաջացած կամ վերափոխված մադմատիկ ինտրուզիվայի անմիջական ազդեցության ներքո, նրա կոնտակտային պսակում:

2. Հանքավայրեր, առաջացած կամ վերափոխված ոեգինալ մետամորֆիզմի պրոցեսների ժամանակ:

3. Հանքավայրեր, առաջացած կամ վերափոխված ուլտրամետամորֆիզմի երեսությների ժամանակ:

Յա. Ն. Բելենցել և ուրիշներ Կրիվոյ Ռոգի, ԿՄԱ-ի, ԶԺՀ

ու Հնդկաստանի երկաթի հանքավայրերի օրինակով առանձնացնում են մետամորֆածին հանքավայրերի երեք գենետիկ խմբեր՝ մետամորֆացված, մետամորֆիկ և ուլտրամետա-մորֆիկ:

Ն. Գ. Սուզովիկովը իր մի շարք աշխատություններում քննարկում է մետամորֆածին հանքայնացման ամենակարեվոր հարցեր՝ հանքային տարրերի մորիլիզացումը, միգրացիան, հանքային նյութի տեղափոխումն ու նստեցումը, ինտրուզիաների դերը մետամորֆածին հանքայնացման մեջ ու ռեգիոնալ մետամորֆիզմի մասշտաբները համեմատած կոնտակտայինի հետ:

Մետամորֆածին հանքայնացման պայմանների պարզաբանման համար պետք է հաշվի առնել հանքային պրոցեսի հետևյալ ուղղությունները.

Առաջին, հանքային տարրերով հարուստ ապարի բաղադրամասերի վերաբյուրեղացում, առանց նրանց զգալի տեղափոխման և մետամորֆացված հանքավայրերի առաջացում.

Երրորդ, վերաբյուրեղացում զգալի վերաբաշխումով՝ առաջնային նյութի մետամորֆային դիֆերենցումով մետամորֆիզմի ենթարկվող հաստվածքի ներսում և մետամորֆիկ հանքավայրերի առաջացում.

Երրորդ, մասնակի կամ լրիվ վերաբյուրեղացում մետամորֆիզմի ենթարկվող ապարի հալմամբ ուլտրամետամորֆիզմի զոնաներում, մետամորֆային հանքային լուծույթների ներբերում ավելի ցածր աստիճանի մետամորֆիզմի ենթարկված ապարների մեջ, որոնք առաջանում են հտգրանիտացման կամ ուլտրամետամորֆիկ հանքավայրերը. վերջիններս, ի տարբերություն մետամորֆացված ու մետամորֆիկ հանքավայրերի, առաջանում են մետամորֆիկ հիդրօքսիրմալ լուծույթներով ներբերված հանքային կոմպոնենտների հաշվին:

Մետամորֆածին հանքայնացումը ներկայացնում է ապարների մետամորֆիզմի և ուլտրամետամորֆիզմի պրոցեսների մի մասը և տեղի է ունենում նույն ֆիզիկաքիմիական հաշվին:

կան պայմաններում՝ ջերմաստիճանի, ձնշման ու քիմիալես ակտիվ լուծույթների (ածխաթթու գաղ, ալկալիներ, թթվածին պարունակող ջրեր) ազդեցության տակ: Ուշամետամորֆիզմի ժամանակ ալկալիներն իրենցից ներկայացնում են գլխավոր շարժունակ կոմպոնենտները և որոշում պրոցեսի ընթացքը:

Երկրի կեղևի ճկում զոնաներ բարձրացող ջերմային հոսքերը հավանաբար հանդիսացել են նստվածքային ու հրաբխածին ապարների ռեզիստալ մետամորֆիզմի, ինչպես նաև մետամորֆածին հանքայնացման գլխավոր գործոնը (ըստ Յ. Բելկոցեի):

Մետամորֆիզմը կատարվում է $200-300^{\circ}\text{C}$ -ից մինչև 1000°C -ի պայմաններում, իսկ հանքառաջացումը կատարվում է տաք ջրային ու գաղաջրային հիդրոթերմալ լուծույթներից. վերջինների աղբյուր են նստվածքային ապարների ծակոտկեն տարածություններում պարունակվող ջուրը (աղատու հիգրոսկոպիկ), միներալների մեջ (հիդրատներում) կապված ջուրը, ենթակեղևային խորություններից բարձրացող յուրենիլ ջրերը, խորքային շրջնառության մթնոլորտային ջրերը և այլն:

Հանքային նյութերի աղբյուր ծառայում է նրանց առաջնային կուտակումը նստվածքային, հրաբխային և ինտրուզիվ ապարներում ու նրանց տեղափոխումը և արտածումը մետամորֆիզմի և ուլտրամետամորֆիզմի ժամանակ, որոնք ուղեկցվում են հանքառաջացնող լուծույթների գոյացումով:

1. ՄԵՏԱՄՈՐՖԱՅՎԱԾ ՀԱՆՔԱՎԱՅՐԵՐ

Սրանց շարքին դասվում են սկզբնական շրջանում նըստվածքային ծագում ունեցող, իսկ հետագայում մետամորֆիզմի ենթարկված երկաթի, մանգանի, ոսկու և ուրանի, ֆոսֆորիտի հանքավայրերը:

ա) Երկաթի հանքավայրեր. առաջանում են երկաթի հիդրօքսիդների ու կոլոիդալ սիլիկացողի իրար հաջորդող շերտիկներով ներկայացված հզոր նստվածքային հաստվածք-

ների մետամորֆիզմի ժամանակ. նրանց հաշվին գոյանում են երկաթախառն եղջրաքարեր ու երկաթախառն քվարցիտներ (ջեսպիլիտներ): Հանքանյութերը բարակ զոլավոր են (1—2 մմ-ից մինչև 1—2 սմ), մագնետիտ-հեմատիտային շերտիկները հերթագայվում են քվարցայինների հետ, երկաթի միջին պարունակությունը ցածր է, սովորաբար 20—30%: Մետամորֆիկ, թերմալ (հիդրօթերմալ) կամ մթնոլորտային ջրերի ազդեցության հետևանքով, որոնք ուղեկցում են մետամորֆիզմին, կատարվում է շերտիկների նյութի վերաբաշխում սիլիկահողի գուրսերերումով ու նրա փոխարեն երկաթի միներալների՝ մագնետիտի, հեմատիտի, սիդերիտի, հիդրօհեմատիտի նստեցմամբ. որպես արդյունք առաջանում են երկաթի հարուստ հոծ հանքանյութեր (երկաթային քվարցիտների զոլավոր տեքստորուրայի մնացուկներով) երկաթի բարձր, մինչև 50—65% ու վնասակար խառնուրդների (Տ, Բ) ցածր պարունակությամբ:

Հանքավայրերը տեղադրված են վահանների մինչքեմբըրյան հաստվածքներում. նրանց են դասվում Կրիվոյ Ռոգը, ԿՄԱ-ն և այլն (ՍՍՀՄ-ում), Վերին լճի (ԱՄՆ-ում), Հնդկաստանի, Բրազիլիայի, Հարավային Աֆրիկայի, Ավստրալիայի, Չինաստանի, Նորվեգիայի և այլ երկրների շատ խոշոր հանքավայրերը. այս տիպին բաժին է ընկնում երկաթի հանքանյութերի համաշխարհային պաշարների 90%-ից ավելին և արդյունահանման շուրջ 60%-ը:

Ամենահզոր արդյունաբերական երկրների՝ ՍՍՀՄ-ի, ԱՄՆ-ի, Ճապոնիայի մետալուրգիան հիմնվում է գլխավորապես այս տիպի հանքանյութերի վրա:

բ) Մանգանի հանքավայրերը առաջանում են մանգանի նստվածքային հանքավայրերի կամ մանգանով հարուստ լեռնային ապարների (սովորաբար թերթաքարերի) մետամորֆիզմի ժամանակ:

Մանգանի հիդրօքսիդները վերածվում են բրաունիտի կամ հառասմանիտի, առաջանում են մանգանի սիլիկատներ՝ ոռղոնիտ, մանգանային նոնաքարեր, պիրոքսեններ, էպիդոտ և այլն (մանգանով հարուստ լեռնային ապարների հաշվին).

Երբեմն՝ կատարվում են մանգանի միներալների վերանստեցման պրոցեսներ, երբ առաջանում են արտաքուստ հիդրոթերմալներին նման երակածն հանքային մարմիններ։ Այս տիպին են դասվում ՍՍՀՄ-ի համեմատաբար ոչ մեծ հանքավայրերը (Հարավային Ռուսակի Մերձագնիտոգորսկի խումբը, Ղաղախական ՍՍՀ-ի Ջեղին և այլն), ինչպես նաև Հնդկաստանի, Բրազիլիայի, Հարավային Աֆրիկայի, Գանայի խոշոր հանքավայրերը, որտեղ շահագործվում են գլխավորապես մանգանի մետամորֆացված սիլիկատային հանքանյութերի հողմահարման հաշվին առաջացած մանգանի գլխարկները։

Այս տիպին, գլխավորապես մանգանի գլխարկների շագագործմանը, բաժին է ընկնում համաշխարհային արդյունահանման շուրջ $\frac{1}{3}$ մասը (հիմնականում արտասահմանյան երկրներում):

գ) Ուսկի-ուրանային հանքանյութերի հանքավայրեր, այս տիպի հանքավայրերի դասական օրինակ են Վիտվատերստանդի (ՀԱՀ-ում) ոսկի և ուրանաբեր գետաքարերը (կոնգլոմերատները), որոնք իրենցից ներկայացնում են հին մինչքեմբրյան հասակի մետամորֆացված ցրոններ։ Այս տիպին են պատկանում նաև Բրազիլիայի Ժակոբինա ու Կանադայի Բլայնդ-Ռիվեր, երկուսն էլ մինչքեմբրյան հասակի, հանքավայրերը։

Այս տիպի հանքանյութերում ԱԱ-ի պարունակությունը տատանվում է $1-10$ գ/տ, իսկ ուրանի պարունակությունը՝ $0,01-0,1\%$ -ի սահմաններում։

դ) Ապատիտի հանքավայրեր, որոնք առաջանում են ֆոսֆորիտների ու նրանց հատող ինտրուզիվ ապարների կոնտակտում։ այս տիպին են դասվում Կարատառ լեռնաշղթայի հանքավայրի որոշ տեղամասեր, որտեղ գրանիտոիդային ինտրուզիայի կոնտակտում միջինքեմբրյան հասակի ֆոսֆորիտների շերտը վերափոխվում է ապատիտային ապարի։

2. ՄԵՏԱՄՈՐՖԻԿ ՀԱՆՔԱՎԱՅՐԵՐ

Սրանց շարքին են դասվում հետևյալ տիպերը՝

ա) «Ամորֆ» (մանրադիտակի տակ՝ մանրաբյուրեղ) գրա-

Քիտի հանքավայրերը, որոնք առաջացել են քարածխի հզոր շերտերի և տրապների ու հրաբխային ուրիշ ապարների կոնտակտում թերմալ մետամորֆիզմի հետևանքով։ Օրինակ՝ Տունգուսկայի ավաղանի Կուրեյկա, Բախտա, ինչպես նաև Ուրալի արևելյան լանջի, Կորեայի, Չեխոսլովակիայի և այլ խոշոր հանքավայրերը։

բ) Թեփուկավոր գրաֆիտի հանքավայրեր պարագնելուն երրում. առաջացել են պարագնելյաների վերածված նստվածքային ապարների կարբոնատային ու օրդանական նյութի մետամորֆիզմի հաշվին։ Հանքավայրերի տիպիկ օրինակներ են՝ Ուկրաինական ՍՍՀ-ի Մերձազովյան ու Մերձբուգյան հանքավայրերը։

գ) Կիանիտային, սիլիմանիտային ու անդալուզիտային թերթաքարերի հանքավայրեր. առաջացել են կավային թերթաքարերի դինամու- և թերմալ մետամորֆիզմի ժամանակ։ Խոշոր հանքավայրերի հայտնի են Կարելիայում ու Կոլա թերակղզում։

դ) Ռուտիլաքարեր թերթաքարերի հանքավայրեր, որոնք հայտնի են Մերսիկայում, Ալստրալիայում, Անդրկովկասում։

ե) Ծածկի թերթաքարերի հանքավայրեր, որպես մինչայդ արժեք չներկայացնող կավային թերթաքարերի դինամումետամորֆիզմի արդյունք. օրինակ՝ Հյուսիսային Կովկասի Լարսկոյե և այլ հանքավայրերը։

է) Մարմարի հանքավայրեր՝ առաջացած կրաքարերի հաշվին (Վերիննի Ուֆալեյ և այլն):

թ) Նաժդակի (հղկաքարի) հանքավայրեր, որպես հրաբխային ապարների կոնտակտում բռքսիտի մետամորֆիզմի արդյունք (Ուրալի Պրիկրտյաշսկոյե, Արևմտյան Միբիրի Բերդինսկոյե, Հունաստանի Նակսոս կղզու և ուրիշ հանքավայրեր): Հավանաբար, մետամորֆիկ տիպին պետք է դասել նաև պալեովոյի-մինչքեմբրի ոսկերեր ու թերթաքարերի հանքավայրերը, որոնք ուսումնասիրվում են ՍՍՀՄ-ի ու մի շաբթ արտասահմանյան երկրների հանքային շրջաններում։

Մետամորֆածին հանքավայրերի հանքամարմինները սովորաբար շերտաձև կամ ոսպնյակաձև են, սակավ, սյունաձև

ու երակալին։ Արդյունաբերական մեծ նշանակություն ունեն երկաթի, մանգանի, ոսկի-ուրանային մետամորֆացված հանքանյութերի, ինչպես նաև գրաֆիտի («ամորֆ» ու թեփուկավոր), ոստիլի, կիանիտ-սիլիմանիտ-անդալուզիտային թերթաքարերի մետամորֆիկ հանքավայրերը։

ՀԱՆՔԱՅՆԱԳՐԱԿԱՆ ՏԵՂԱԿԱՅՈՒՄԸ ՀՍԿՈՂ ԵՐԿՐԱԲԱՆԱԿԱՆ ԳՈՐԾՈՒՆԵՐԸ

Ինչո՞ւ է հանքանյութը տեղադրված հենց այնտեղ, որտեղ մենք նրան գտնում ենք, որո՞նք են նրա կուտակման օրինաշափությունները տվյալ տեղամասերում, հարցեր, որոնք վաղուց ի վեր դբաղեցնում են երկրաբանների միտքը։

Ներկայումս հանքայնացման տեղակայումը հսկելու գործում ընդունված է չորս խմբի՝ ստրուկտուրային, ստրատիգրաֆիկ, լիթոլոգիական և մագմատիկ գործոնների մեծ դերը։

Հանքայնացման հսկման ստրուկտուրային գործոնները բաժանվում են ուղղիոնալների ու տեղականների։

Ուղղիոնալ գործոններին են դասվում՝

ա) Լեռնաշղթաները, այժմ գոյություն ունեցող և լվացված, որպես զեռսինկլինալների, մագմատիկմի ու հանքայնացման զարգացման մարդեր։

Հանրահայտ է Ուրալի լեռնաշղթայի, Մեծ ու Փոքր Կովկասի, Տյան-Շանի լեռնային սիստեմի, Կորդիլիերների, Անդերի և այլ լեռնաշղթաների հանքանյութերով հարուստ լինելը։

Զուր չեր մեծ գիտնական Մ. Վ. Լոմոնոսովը 200 տարի սրանից առաջ գրում՝ «Քարե լեռները ուղղակի ծննդավայր են, իսկական կացարան մետաղային ու այլ միներալների համար»։

բ) Շալքավոր զոնաներ՝ ինտրուզիաների ու հանքայնացման գոտիներով։

Ուրալի վարիսյան ծալքավոր զոնան, Միջերկրածովյան ու Խաղաղօվկիանոսային մեղուկայնողյան ծալքավոր զոնաները միևնույն ժամանակ նաև հարստագույն մետաղաբերեր

դոնաներ են իրենց բազմաթիվ հանքավայրերով, որոնք ծագումով սերտորեն կապված են գրանիտիդների և հիմքային-ուլտրահիմքային ինտրուզիվների հետ:

գ) Ռեգիոնալ խզումներ, որոնք հանքային լուծույթների համար կատարում են ներքերի ուղիների դեր, որոնց երկայնությամբ լուծույթները բեռնաթափում են իրենց մետաղաշին բեռը:

Այսպիսին են Ալթայի ճմլման զոնաները բազմամետադային հանքայնացումով, Տյան-Շանի վարնետվածքը հաղվագյուտմետաղային ու բազմամետաղային հանքայնացումով, Ալայան տեկտոնական զոնան սնդիկ-ծարիր-ֆլյուորիտային հանքանյութերով, Դեբաքիի բեկվածքը պղինձ-մոլիբդենային հանքայնացումով, Կիյուկինուուի վարնետվածքը պըզընձի հանքայնացումով, Լոնդոնյանը (Կոլորադո նահանգում) ոսկի-արծաթաթային ու հաղվագյուտմետաղային հանքայնացումով և այլն, որոնցից յուրաքանչյուրը հետամտվում է հարյուրավոր կիլոմետրեր ու հսկում է նրանց վրա շարված հանքավայրերի խմբերը:

Տեղական (լոկալ) գործոնների շարքին են պատկանում՝
ա) երկրորդական, ուղիոնալ խախտումներից անջատվող հանքայնացում պարունակող վարնետվածքները, շարդման ու կոտրատման զոնաները, որոնք իրենք են հաճախ հսկում ծալքավոր ստրոկտուրաներով և հարում են անտիկլինալների գմբեթներին ու թերեին:

Այդպիսիների շարքին են դասվում հյուսիսարևելան տարածման խզումները, որոնց հարում են Անդրկովկասի ու Թուգրմենիայի բարիտի երակները, լայնակի ու միջօրեական ուղղության ճեղքերը, որոնք հսկում են Ղափանի պղնձի հանքայնացումը, ուլտրահիմքային ապարներում միջօրեականի ուղղության շարդման զոնաները, որոնց հարում են Բաժենովոյի հանքադաշտի ասրեստային կոտակները և այլն:

բ) Փոքր ինտրուզիաների կոնտակտները ու դայկաները, որոնք ուղեկցվում են խզումներով (Բերյոզովսկոյե ոսկու հանքավայրը գրանիտ-պորֆիրների դայկաներում, Քաջարանի պղինձ-մոլիբդեղենային հանքավայրը գրանիտ-ու գրա-

նողիորիտ-սուրբիրների դայկաների երկայնքով), ինչպես նաև հրաբխային երախները (Զիլիի Բրագեն պղնձի, Խտալիայի Մոնտե-Ամիատա սնդիկի Հանքավայրերը և այլն):

Ստրուկտուրային գործոնը ներծին Հանքավայրերի, մասնավանդ ետմագմատիկ խմբի համար ունի մեծ, Հաճախ վճռական նշանակություն:

Ակադ. Ա. Գ. Բետեխտինը «Հանքադաշտ» անվան տակ Հասկանում է այն Հանքավայրերի ամբողջությունը, որոնք ծագմամբ կապված են Հրային ապարների որևէ զանգվածի հետ, որը մերկացված է մակերեսում կամ տեղադրված է նըրանց մոտ:

Հանքային դաշտի ստրուկտուրան նրա կողմից սահմանվում է որպես Երկրի կենդանի որևէ տեղամասում Հանքային մարմինների տեղաբաշխման օրինաշափություններ, կապված նրա երկրաբանական կառուցվածքի ու տեկտոնիկայի հետ:

Հանքադաշտերի ստրուկտուրաների շարքում Ֆ. Ի. Վոլֆսոնը և Լ. Ի. Ի. Լուկինը առանձնացնում են հետևյալ տիպերը՝

1) Մալքավոր ստրուկտուրաներ, որոնցում Հանքային մարմինների տեղայնացումը հսկվում է անտիկլինային ծալքերի շարժնիրներով կամ թեքրով և միջֆորմացիոն շարժումներով (Ալթայի բաղմամետադային Հանքավայրերը, Զեզկազգանը և այլն):


2) Ճեղքային ստրուկտուրաներ, որոնք ենթարկված են շարգման կամ խողման (Շանա, Էլբրուս, Բերյոզովսկոյե, Բուկուլա, Բելուխս: և այլն):

3) Բարդ ստրուկտուրաներ, որոնք ժալքավոր ու ճեղքային ստրուկտուրաների համակցված աղղեցության հետևանք են (Նիկիտովկա, Խայդարկան, Կաղամջայ, Բրիչ-մուլա և այլն):

4) Փլուզման տիպի ստրուկտուրաներ, որոնք պարտական են (ըստ Ա. Վ. Կորոլյովի) խղման երկու սիստեմների հատման տեղամասերում ներփակող ապարների տարալվացմանը և բրեկլիաների հետագա փլուզմանը և ցեմենտացմանը Հանքային ու երակային միներալներով (Ալմալիկ, Հավանաբար Կլայմաքս և այլն):

5) Վաղ մագմատիկ ստրուկտուրաներ՝ կապված ինտրուզիվների շերտավորման կամ առաջնային շերտավորման հետ համընկնող ճեղքերի փոքրաթեք սիստեմների երկայնքով հանքաբեր մագմաների ուշ ներդրման հետ (Կեմպիրսայի քրոմիտի, Խիբինների ապատիտային հանքավայրերը և այլն):

Սարատիգրաֆիկ գործոնները նույնպես ստորաբաժանվում են ունգիոնալների ու տեղականների: Ունգիոնալ ստրատիգրաֆիկ գործոններին դասվում են դեռսինկլինալային զոնաների սահմանները, որտեղ մերձափնյա մասերում ու որոշակի հասակի հաստվածքներում կուտակվում են Fe-ի (Կերչի պլիոցենում, Լոթարինգիայի միջին յուրայում և ուրիշ.), Mn-ի (Նիկոպոլ, Ճիաթուրա և ուրիշ. օլիգոցենում) նստվածքային հանքանյութերը:



Նկ. 66. Սարիբային հանքանյութերի բամբաձև հանքամարմինները Կաղամշայի հանքավայրում (բատ Ա. Կ. Պոլյակովի). 1—հանքաբեր հվարցի կուտակ. 2—արդյունաբերական հանքանյութեր. 3—բերբարակար. 4—կրաքարեր. 5—հիմնական վարնետվածքներ. 6—երկրորդական վարնետվածքներ.

Տարբեր հասակի կարբոնատային հաստվածքների ստրատիգրաֆիկ աններդաշնակ մակերեսների հետ կապվում են

բոքսիտի հանքավայրերը (Կրասնայա Շապոշկա և այլն), իսկ հիմքի կոնդլումերատների հետ՝ բրածո ցրոնները:

Սովալճակների (լագունների) ավաղանների սահման-ներում նստում են աղերը, գիպսը, ծծումբը, դոլոմիտը, իսկ լճային ավաղաններում՝ կավերը, կառլինը, քվարցային ա-վազները, դիատոմիտը, երկաթի հանքանյութերը:

Տեղական ստրատիգրաֆիկ գործոններին դասվում է շերտավորությունը, որի երկայնքով լուծույթները թափանցե-լով առաջացրել են, օրինակ, Սատկայի մագնեղիտի հանքա-վայրը, ԱՄՆ-ի արևմտյան նահանգների ուրանավանադիու-մային հանքանյութերի ոսպնյակները և այլն:

Լիբոլոգիական գործոնը ունի տեղական նշանակություն և կապված է հանքայնացումը ներփակող լիոնային ալարնե-րի ֆիզիկական ու քիմիական հատկությունների հետ:

Ալարների ֆիզիկական հատկությունները՝ ժակոտկե-նությունը, խտությունը, փխրունությունը (ճաքճրման ունա-կությունը) զգալի ազդեցություն են թողնում հանքայնացման տեղայնացման վրա:


Կենտրոնական Աֆրիկայի (Հյուսիսային Ռոդեզիա և Զաիր) պղնձաքեր ավաղաքարերի հանքավայրերում ու Զեղ-կաղզանում հանքայնացումը հարում է հիմնականում ժակոտ-կեն ավաղաքարերի հորիզոններին:

Ստեղնյակ հանքադաշտում (Հյուսիսային Ղազախստան) ուկերեր երակները տեղադրված են միմիայն փխրուն ա-պարներում, իսկ Բալեյի (Արևելյան Անդրբայկալ) հանքա-վայրերում հանքայնացումը կենտրոնացված է փխրուն կոն-գլոմերատների հորիզոննում:

Մեծ նշանակություն ունի ապարների թափանցելիու-թյունը և էկրանավորող թերթաքարերի առկայությունը, ո-րոնք ամբարտակում են հանքաքեր լուծույթները և նպաս-տում հանքայնացման կուտակմանը տեղակայման համար քարենպաստ (սովորաբար կրաքարերում, մերգելներում) ա-պարներում՝ էկրանների տակ (Կաղամջայ, Խայդարկան) կամ էկրաններից վեր (Մոսրիֆ):

Ապարների քիմիզմի ազդեցությունը առաջմ թույլ է ուսումնասիրված. ամենից հեշտ տեղակալվում են կարբոնատային ապարները և թթու-միջին կազմության էֆուզիվներն ու տուֆերը, իսկ հանքանյութերի լավագույն նստեցնողները կրաքարերն ու բիթումային ապարներն են:

Կարատառու լիոնաշղթայի (Pb-Zn), Ալդանի (Au), Հարավարևելյան Միսսուրիի կեղևիլ ու Տրիստեյա հանքային շրջաններում (Pb-Zn) հանքայնացումը տեղադրված է կարբոնատային ապարներում. սակայն Ալթայում ու Սալահրում Pb-Zn հանքայնացումը կենտրոնանում է սիլիկատային հաստվածքներում. Պամիրում պիեզոքվարցի երակների 90%-ից ավելին տեղադրված է քվարցիտների մեջ և միայն 7%-ը՝ կրաքարերում:



Նկ. 67. Մուրիֆ (Դազոնի-Դարվազա) հանքավայրի կառուցվածքի սխեման

1—քերաբարեր. 2—կրաբարեր. 3—գրանո-դիորիտներ. 4—արսենոպիրտային կուտակներ ու երակներ. 5—վարնետվածքներ.

Մեքսիկայի Սիերա-Մոյադա հանքավայրում Pb-Ag հանքանյութերը տեղադրված են դոլոմիտներում և ընդհատվում են կրաքարերում, իսկ հարեան՝ Սանտա-Եվլալիս նույնատիպ հանքավայրերում դիտվում է հակառակ պատկերը, որը բավարար բացատրություն չի ստացել:

Մեծ Արջի լճի (Հյուսիսարևմտյան կանադա) ճեղքերի լցման հանքավայրերում ուրանային խեժը հարում է տուփածին ու կավային ապարների մեջ տեղադրված երակների

Հատվածներին և բացակազում է պորֆիրները հատող նույն երակներում:

Պորկիյուալայնի ոսկու հանքավայրում ոսկով հարուստ քվարցային երակների հատվածները տեղադրված են կանաչքարային ապարներում, իսկ քվարցային պորֆիրներում հրակները հանքաղուրկ են:

Մետաղների նստեցման գործում ապարների քիմիզմի այդպիսի ընտրութիւնն այնքան էլ պարզ չէ:

Հանքայնացման մազմատիկ գործոնը մեծ նշանակություն ունի ներծին (մազմածին՝ բառիս լայն իմաստով) հանքայնացման համար:

Ներկայումս սովետական երկրաբանները տարբերում են հանքաբեր մազմատիկ օջախների երեք տիպեր՝ բաթոլիտներ, փոքր ինտրուզիաներ (շտոկներ ու դայկաներ, կապված ոչքաթոլիտային տիպի խորքային օջախների հետ) և հրաբըխային ապարատներ (նրանց արմատային մասերը):

Մինչև վերջին տարիներս, հատկապես արտասահմանյան գրականության մեջ, բացառությամբ, թերևս, ճապոնականի, փոքր ինտրուզիաներին ու հրաբուխներին բիշ կարենորություն էր տրվում և իշխում էր Վ. Էմմոնսի բաթոլիտային տեսությունը, որը հանքայնացումն ամբողջությամբ կապում է խոշոր ինտրուզիվ ապարների զանգվածների՝ բաթոլիտների հետ, որոնց շափերը, ձևն ու մերկացման աստիճանը հսկում են հանքայնացման տեղաբաշխումը:

Բաթոլիտի էրոզիայի աստիճանից կախված, Վ. Էմմոնսը տարբերում է հետեւալ զոնաները՝ կրիպտոբաթոլիտային (սրա համար բնորոշ են Hg, Sb, Au-Ag, Pb-Zn տելեֆերմալ հանքավայրերը), ակրոբաթոլիտային (Cu, Pb, Zn, մասսամբ Sn), էպիբաթոլիտային (Sn, W, Au, Pb-Zn), էմբաթոլիտային (Au, Pb-Zn, Cu), էնդոբաթոլիտային (Au), հիպոբաթոլիտային (Sn, Ta-Nb-ով պետքատիտներ զանգվածի եղբում): Քիչ ավելի խորը տեղադրված է հանքաղուրկ զոնան (նկ. 68, 69):


Այսպիսով, Վ. Էմմոնսի տեսության համաձայն, խիստ

լվացված բաթոլիտները անհուսալի են հանքայնացման տեսակետից:

Ընդունելով վ. էմմոնսի այս եղբակացության մասնակի իրավացիությունը այն դեպքերի համար, երբ հանքայնացումն իսկապես կապված է բաթոլիտների, այն էլ միաժագ բաթոլիտների հետ, հարկ է բերել այդ տեսության քննադատությունը, քանի որ նա ընդհանուր առմամբ տառապում է նույն թերություններով, ինչպես նույն հեղինակի զոնալ տեսությունը:

Նախ, բաթոլիտային տեսությունը ելուսմ է ինտրուզիվների ու հանքաբեր լուծույթների ստանդարտ կազմությունից, հաշվի շառնելով մետաղաբերության տեսակետից առանձին ինտրուզիվ համալիրների մասնագիտացված բնույթը:

Երկրորդ, բաթոլիտային տեսությունը հաշվի շի առնում հենց իր՝ բաթոլիտի բարդ զարգացումը, նրանում մի քանի ինտրուզիվ ֆազերի՝ տարրեր շափով նրանց էրոզիայի և յուրահատուկ հանքայնացման առկայությունը:



Նկ. 68. Գրանիտային բարոլիտի նկատմամբ հանքավայրերի տեղադրման պիսմա (ըստ էմմոնսի). 1—կրիպտոբարոլիտային. 2—ակրոբարոլիտային. 3—էպիբարոլիտային. 4—էմբարոլիտային, 5—էնդոբարոլիտային. 6—հիպոբարոլիտային

Վերջապես, էմմոնսի տեսությունը հանքայնացման միակ կրողը համարում է բաթոլիտները, հաշվի շառնելով փոքր ինտրուզիաների ու հրաբխային ապարատների դերը և բոլորին անտեսելով հանքաբեր օշախների բոլոր երեք տիպերի համար այն երկրաբանական միջավայրի մեջ աղեցությունը

(ստրուկտուրաներ, լիթոլոգիա և ուրիշ.), որի պայմաններում ընթանում են հանքայնացման պրոցեսները։ Սովետական եր-

Հարուկիտի էրո- վակի խորությունը	Աս	Տո	Վ	Ըս	Չո	Հո	Բե	Աց	Տե	Կց
Կրիպտոբարովխոպի										
ակրոբարուխտային										
Էպիբարուխտային										
Էմբարուխտային										
Էնդրոբարուխտային										
Իիպոբարուխտային										

Նկ. 69. Թարութափ էրոզիայի խորությունից կախված
հանքավայրերում որոշ մետաղային տարրերի դերը
ցուցադրող էմմոնսի դիագրամը

կրաբանների (Ս. Ս. Սմիռնով, Յու. Ա. Բիլիբին, Ա. Գ. Բետեսիստին և ուրիշն.) հետազոտությունների համաձայն, մագմատիկ ապարների ու նրանց հետ սերտորեն զուգակցվող հանքավայրերի միջև կապեր, իհարկե, գոյություն ունեն, սակայն դրանք շատ ավելի բարդ ու բազմազան են, քան դատրվում է Վ. էմմոնսի սխեմայում։

Հանքավայրերի ու մագմատիկ ապարների միջև սերտ կապի օգտին է խոսում ոչ միայն բուն մագմատիկ հանքավայրերի առկայությունը, այլ նաև, օրինակ, ՍՍՀՄ-ի Հյուսիսարևելյան շրջաններում անադարեր միարուլային գրանիտների գոյությունը՝ քվարցի, դաշտասպաթի, մուսկովիտի, կասիտերիտի ու տուրմալինի միարուներում՝ էքսուգատների ձևով։

Հանքավայրերի գենետիկ կապերն այս կամ այն մագմատիկ ապարների հետ անսխալ որոշվում են բուն մագմատիկ, կարբոնատիտային, պեգմատիտային, երեսմն նաև սկառնային հանքավայրերի համար։ Հիդրոթերմալ հանքավայրերի դեպքում մագմատիկ մարմինների ու հանքավայրերի միջև եղած կապերը, տարածական փոխհարաբերություն-

ների, հանքայնացման դոնալության, երկրաքիմիական ազգակցության, նույն հասակի և առաջացման խորության հատկանիշների հաշվառմամբ, հաստատվում են ավելի դժվար:

Մագմատիկ համալիրներն ունեն երկրաքիմիական, պետրոլոգիական, միներալոգիական առանձնահատկություններ, բնութագրվում են իրենց հետ կապված մետաղածնության որոշակի հատկանիշներով և այդ բոլորը վկայում է միասնական մագմատիկ օջախից մագմատիկ մարմինների ու հանքավայրերի ծագման մասին:

Տվյալ մագմատիկ համալիրի հետ ծագմամբ կապված տարրեր տիպերի միներալային հանքավայրերի ամբողջությունը Յու. Ա. Բիլիբինը առաջարկում է միավորել «Հանքային համալիր» հասկացության մեջ. նրա ընդհանուր գծերն են՝ առաջացման միևնույն խորությունը, երկրաքիմիայի ու կառուցվածքի տեսակետից հման հատկություններն ու հըսկումը, տարածման շրջանների համընկնումը:

Երբ հանքաբեր լուծույթների աղբյուրը բաթոլիտներն են, ապա հանքայնացման տարածական տեղաբաշխման վրա աղղում են հենց իրենց՝ ինտրուզիվների չափերը, մորֆոլոգիան, նրանց էրոզիայի աստիճանը, և այդ դեպքերում Վ. Էմմոնսի պատկերացումները՝ բաթոլիտների մասնագիտացված բընույթի ու բազմաֆազության մասին ուղղումներով հանդերձ, ունեն որոշ նշանակություն:

Փոքր ինտրուզիվների կամ հրաբխային ապարատների զարգացման մարզերում, որտեղ հանքայնացման աղբյուրն է խորքային օջախը, այդ աղղուցությունը այնքան էլ անմիջական չէ, քանի որ փոքր ինտրուզիաների ու նրանց հետ կապված հանքայնացման տեղաբաշխումը հսկվում են ներփակող ապարների կառուցվածքներով:

Փոքր ինտրուզիաների և հանքայնացման տարածական կապը պայմանավորված է մեկ ընդհանուր խորքային օջախից ինչպես մագմատիկ նյութի, այնպես էլ հիդրոթերմալ հանքաբեր լուծույթների ներթափանցման ուղիների ընդհանրությամբ կամ համընկնումով:

Սակայն, ինչպես տեղին նշում է ակադ. Ս. Ս. Սմիռնովը, նույնիսկ այդ դեպքերի համար «Ուսայտի թունու դիտողությունն այն մասին, թե ինտրուզիվ մարմնի մեջ տեղադրված հանքավայրն այդ ինտրուզիվի նկատմամբ ունի նույնպիսի աղգակցական կապ, ինչպես թունու բույնը այն ժառի նկատմամբ, որի վրա նա գտնվում է, անարդարացի է»:

Փոքր ինտրուզիաները, թեպետ և այն հանքավայրերի «ծնողները» չեն, որոնք հաճախ ներփակված են նրանց մեջ, բայց և այնպես, անկասկած, գտնվում են այդ հանքավայրերի հետ աղգակցական կապի մեջ:

ՄԵՏԱԴԱՏՆՈՒԹՅԱՆ ՀԻՄՈՒՆՔՆԵՐԸ

Մետադածնությունը օգտակար հանածոների հանքավայրերի մասին դիտության ճյուղն է, որը քննարկում է մետաղին օգտակար հանածոների հանքավայրերի տեղաբաշխման օրինաշափությունները երկրի կեղեռում՝ նստվածքառաջացման, ձագմատիղմի և նրա առանձին տեղամասերի կառուցվածքների զարգացման պրոցեսների հետ կապված:

Մետադածնության հիմունքները դրված են ակադ. Ս. Ս. Սմիռնովի ու ՍՍՀՄ ԳԱ թղթակից-անդամ Յու. Ա. Բիլիբինի աշխատություններով և հետագայում զարգացրած նրանց գործընկերների ու աշակերտների կողմից:

Մետադածնություն դիտության հիմնական հետևողական ներքությունները ամփոփվում են հետևյալ կերպ՝

1) երկրի կեղևի կառուցվածքի երեք հիմնական տիպերի՝ վահանների ու պլատֆորմների, ծալքավոր ճկուն գոտիների և ակտիվացած մարզերի հանքայնացումը զարգանում է մի քանի փուլերով և ունի իր առանձնահատկությունները:

2) Հանքավայրերի որոշակի տիպերն օրինաշափորեն կապված են նույնպես որոշակի տեկտոնամագմատիկ համալիրների հետ, որոնք առաջանում են խոշոր ստրուկտորաների զարգացման տարբեր փուլերում ու մեկուսանում տարածականորեն. դա իր հերթին որոնումների ուղղություն տվողն է:


3) Վահանները և պլատֆորմները մի կողմից, ճկուն ծալքավոր գոտիները մյուս կողմից, ակտիվացած մարզերը երրորդ կողմից, ունեն հանքայնացման նույնատիպ բնույթ ու հանքային ֆորմացիաների որոշակի համալիրներ (շարքեր):

4) Տասը՝ Ռուսական, Սիբիրական, Մինա-Կորեական, Կանադական, Աֆրիկա-Նրաբական, Ինդուստրանյան, Արևմբատական գոտինական, Գվիանական, Բրազիլական, Անտարկտիկական վահանների ու պլատֆորմների մետաղածնությունը զարգանում է երեք հաջորդական փուլերով կապված, համապատասխանաբար, վահանի հիմքի ձևավորման, նրա պլատֆորմային շապիկի և նրանց վրա ակտիվացման պրոցեսների վրագրման հետ:

Հիմքի ապարների հետ կապված են երկաթի ու մանգանի հանքանյութերի, ոսկու և ուրանի մետամորֆածին հանքավայրերը, ինչպես նաև հազվագյուտմետաղային պեղմատիտներն ու ոսկերեր և ուրանաբեր քվարցային երակները. շապիկի ապարներում տեղադրված են պղնձի ու կապարցինկային հանքանյութերի շերտաձև (սարատիֆորմ) հանքավայրերը, հրաբարային ու լիկվացիոն պղինձ-նիկելային (Со, Рт, Рд-ով) հանքանյութերի մի մասը: Վերջապես վահանների ու պլատֆորմների ակտիվացման պրոցեսների հետ կապված են հազվագյուտմետաղային պեղմատիտները, կարբոնատիտները, ալմաստարեր քիմբերլիտները:

Հետեւաբար, վահանների ու պլատֆորմների հանքայնացմանը հատուկ է արտակարգ հարստությունը երկաթով, մանգանով, ոսկով, ուրանով, նիկելով, կոբալտով, պլատինոիդներով, բերիլիումով, նիոբիումով, տանտալով, ցիրկոնիումով, հազվագյուտ հողերով, ալմաստով, նվազ շափով պըղնձով, կապարով ու ցինկով, գերմանիումով:

5) Ծալքավոր ճկուն գոտիների՝ Միջերկրածովյան, Խաղովկիանոսյան, Ուրալյան, Ալթայա-Սայանյան, Միջինասիական և ուրիշն. մետաղածնությունը զարգանում է շորս հաջորդական՝ վաղ, միջին, ուշ և վերջնական փուլերով, եր-



բեմն բիցիկլիկ կամ պոլիցիկլիկ եղանակով, մի քանի մետա-
ղածնային դարաշրջանների ընթացքում:

Առանձին փուլերը դրսեորվում են տարբեր ինտենսիվու-
թյամբ, բնորոշվում են հանքայնացման առանձնահատկու-
թյունով ու մեկուսանում տարածության մեջ:

Վաղ փուլի համար բնորոշ են հրաքարային ու երկաթ-
մանգանային հանքավայրերը՝ կապված հրաքիսածինների
հետ, ինչպես նաև քրոմիտի, տիտանոմագնետիտի ու պլատի-
նի խմբի մետաղների հանքավայրերը՝ կապված հիպերբա-
զիտների հետ:

Միջին փուլում՝ չափավոր-թթու գրանիտոիդների հետ
կապված առաջանում են երկաթի, պղնձի, վոլֆրամի (շե-
լիտի) և այլ սկառնային հանքավայրեր, պղինձ-մոլիբդենա-
յին, ոսկի-սուլֆիդային, բաղմամետաղային, ծարիր-սնդի-
կային, ավելի հաղվաղեա՝ ուրանային հանքանյութերի հիդ-
րոթերմալ հանքավայրեր:

Ուշ փուլում կատարվում է թթու գրանիտների ներդր-
ում, որոնք ուղեկցվում են հազվագյուտմետաղային պետ-
մատիտներով, անագի, վոլֆրամի, մոլիբդենի, բերիլիումի
գրեյզենային հանքավայրերով, ինչպես նաև ոսկու, բաղմա-
մետաղային, ծարիր-սնդիկային և ուրանային հանքավայրե-
րով:

Սովորաբար վաղ և միջին փուլերի հանքային համալիր-
ները հանդիպում են համատեղ և լավ են ներկայացված Ուրա-
լում, Միջերկրածովյան ու Խաղաղօվկիանոսյան գոտիների
ներքին զոնաներում, որտեղ կապված են օվկիանոսային (բա-
զալտային) տիպի ստորադիր կեղեկի հետ:

Ուշ փուլի հանքային համալիրները, իբրև կանոն, տարա-
ծականորեն մեկուսացված են առաջին երկուսից, լավ են ներ-
կայացված ծալքավոր ճկուն գոտիների արտաքին զոնանե-
րում՝ Ասիայի հյուսիս-արևելքում ու հարավ-արևելքում, Ա-
րևմտյան Եվրոպայում, Կենտրոնական Ղազախստանում, որ-
տեղ կապված են կոնտինենտալ (սիալիկ) տիպի ստորադիր
կեղեկի հետ:

Վերջնական փուլի համար արտակարդ բնորոշ է ցածր-չերմաստիճանային հիղրոթերմալ հանքայնացումը, ներկա-յացված ոսկի-արծաթային, ծարիր-սնդիկային, ուելգար-տուրիպիդմենտային, ուրանախեժային հանքանյութերով։ Այդ տիպը տարածականորեն վրադրվում է մի կողմից վաղ և մի-ջին փուլերի, մյուս կողմից ուշ փուլերի զարգացման շրջան-ների վրա, որը դիտվում է Բալկաններում, Անդրկովկասում, Անդրբայկալում, ԱՄՆ-ի արևմտյան նահանգներում, Մերսի-կայում և ուրիշ մարզերում։

Կարեռ է ընդգծել, որ ծալքավոր զոնաների զարգացման առանձին փուլերն ու նրանց համապատասխանող հանքավայ-րերի համալիրներն առանձնանում են տարածության մեջ, սաեղծելով ստրուկտուրա-մետաղածնային զոնաներ՝ նըստ-վածքակուտակման, մագմատիզմի, ստրուկտուրաների ու հանքայնացման իրենց առանձնահատկություններով։ Սովո-րաբար խիստ գերիշխում են միայն 1—2 փուլ, հաղորդելով մետաղածնային զոնային իրենց յուրահատկությունը, որը ո-րոշում է կանխատեսման ու որոնողական աշխատանքներին դիտական ուղղություն տալու հնարավորությունները։

6) Ակտիվացման պրոցեսները վրադրվում են վահաննե-րի և պլատֆորմների, ծալքավոր գոտիների ու միջնադանդ-վածների վրա, արտահայտվում են կամարային բարձրացում-ների ու իջվածքների գոյացումով, բարդացված խախտումնե-րով, որոնց երկայնքով ներդրվում են բարձր ալկալիության գրանիտիդները, ուլտրահիմքային-ալկալի ու հիմքային ին-տրուգիանները՝ յուրահատուկ հանքայնացումով։

Վահանների և պլատֆորմների ակտիվացման հետ են կապված հազվագյուտմետաղային պեղմատիտները, կարբո-նատիտները, ալմաստաբեր քիմբերլիտները։ ծալքավորումն ավարտած մարզերի ու միջնադանդվածների սահմաններում ակտիվացման հետ կապված են բաղմամետաղային, ոսկի-ուլֆիդային, սնդիկ-ծարիբային, ստիբնիտ-ֆերբերիտ-շե-լիտային, ֆլուորիտային ու ուրանախեժային հանքանյու-թերը։

7) Վահանների և պլատֆորմների, ծալքավոր ճկուն գո-տիների, ակտիվացած մարզերի նույնատիպ մետաղածնային

պրովինցիաների համար, անկախ նրանց երկրաբանական հասակից ու միջանց բաժանող տարածությունից, նույնանուն հանքային ֆորմացիաների հանքավայրերի ու հանքանյութերի տիպերի միջև հաստատվում է մեծ նմանություն:

Այսպես, ամենուրեք նույնատիպ են հրաքարային, պըղինձ-մոլիբդենային, սուլֆիդային պղինձ-նիկելային և ուրիշ հանքային ֆորմացիաների հանքանյութերը. չեն տարբերվում, օրինակ, գոնե անզեն աշքով, Փոքր Կովկասի պղնձի հրաքարային կամ պղինձ-մոլիբդենային հանքանյութերը Բուլղարիայի (Միջերկրածովյան գոտի) կամ Կամչատկայի ու Բրիտանական Կոլումբիայի (Խաղաղօվկիանոսյան գոտի) նույնատիպ հանքանյութերից:


Այս հանգամանքը վկայում է Երկրի կեղեռում հանքային պրոցեսի զարգացման գլոբալ օրինաշափությունների առկայության մասին (նկ. 70):

8) Ստրուկտուրա-մետաղածնային զոնաների յուրաքանչյուր տիպի (կամ մետաղածնային մարզերի տիպերի) համար մեր կողմից առանձնացվում են հանքային ֆորմացիաներին բնորոշ համալիրներ (շարքեր), որոնք առաջանում են տվյալ երկրաբանական պայմաններում համատեղ և համարյա միաժամանակ:

Կանխատեսումային-մետաղածնային քարտեզները, որոնց վրա առաջարկվում է տեղադրել հանքայնացման տիպն ու տեղադրման օրինաշափություններն հսկող երկրաբանական առանձնահատկությունները, տվյալ երկրաբանական պայմաններին հատուկ հանքային ֆորմացիաների համալիրների (շարքերի) պատկերացումների հետ մեկտեղ, կոչված են օժանդակելու կիրառական խնդիրների լուծմանը՝ որոշակի երկրաբանական ստրուկտուրաներին հատուկ հանքային ֆորմացիաների ողջ համալիրի նպատակառաց որոնողա-հետախուզական աշխատանքների կազմակերպման գործում:

ԳՐԱԿԱՆՈՒԹՅՈՒՆ

- Билибин Ю. А. Металлогенические провинции и металлогенические эпохи. Госгеолтехиздат, 1955.
- Бэтман А. М. Промышленные минеральные месторождения, ИЛ, 1949.
- Вахромеев С. А. Месторождения полезных ископаемых, их классификация и условия образования. Госгеолтехиздат, 1961.
- Вольфсон Ф. И., Дружинин А. В. Главнейшие типы рудных месторождений, «Недра», 1975.
- Котляр В. Н. Основы теории рудообразования. «Недра», 1970.
- Курс месторождений полезных ископаемых. Кол. авторов ЛГИ под ред. А. Г. Бетехтина и П. М. Татаринова. Госгеолтехиздат, 1964.
- Линдгрен В. Минеральные месторождения, вып. 1, 2, 3, Изд-во ОНТИ, 1934—1935.
- Магакьян И. Г. Рудные месторождения, «Недра», 1955; Изд-во АН Арм. ССР, 1958 (на арм. яз.), 1961 (на рус. яз.).
- Магакьян И. Г. Металлогенез. «Недра», 1974.
- Парк Ч. Ф., Мак-Дормид Р. А. Рудные месторождения, «Мир», 1966.
- Смирнов В. И. Геология полезных ископаемых. З-е изд., 1965, 1969, 1976, «Недра».
- Смирнов С. С. Зона окисления сульфидных месторождений. З-е изд., Изд-во АН СССР, 1955.
- Татаринов П. М., Магакьян И. Г. Опыт классификации постмагматических месторождений. Зап. ВМО, ч. 78, № 3, 1949.
- Татаринов П. М. Условия образования месторождений рудных и нерудных полезных ископаемых. З-е изд., «Недра», 1955, 1963, 1976.
- Шнейдерхен Г. Рудные месторождения, ИЛ, 1958.
- Щеглов А. Д. Основы металлогенического анализа, «Недра», 1976.
- Bateman A. Economic mineral Deposits, 2 ed. New York, 1948.
- Raguin E. Géologie des gîtes minéraux. Masson édit. Paris, 1961.
- Routhier P. Les gisements métallifères. vol. 1,2, Paris, 1963.
- Schneiderhöhn H. Erzlagerstätten. Kurzvorlesungen zur Einführung und zur Wiedehölung, Jena, 1944, 1955.



Բ ՈՎԱՆԴԱԿՈՒԹՅՈՒՆ

Օգտակար հանածոների ճշանակուրյունը Երկրի ժողովրդական տնտեսության մեջ

Հիմնական հասկացուրյունները (օգտակար հանածո, օգտակար հանածոյի հանքավայր, հանքանյուր) և դրանց նարարեականությունը

«Օգտակար հանածոների հանքավայրեր» ուսմունքի զարգացման համառոտ պատմուրյունը

Օգտակար հանածոների հանքավայրերի մասին տեսության ժամանակակից մակարդակը ՍՍՀՄ-ում

Երկրի կառուցվածքը: Երկրագնդի կեղևի միջին կազմը

Պետրոգեն (բարածին) և մետաղագեն (մետաղածին) տարրեր Քիմիական տարրերի զուգակցուրյունները և երանց կազմը որոշակի տիպի պայանների ու Երկրաբանական պրոցեսների հետ

Հանքանյուրերի միներալային կազմը: Կոնդիցիաները

Օգտակար հանածոների հանքավայրերի առաջացման Երկրաբանական պրոցեսների համառոտ բնուրագիրը և հանքավայրերի դասակարգման սկզբունքները

Հանքավայրերի հանքավային մարմնների մորֆոլոգիան

Հանքանյութերի տեխնոտուրաները և ստրուկտուրաները

Ա. Ներծին (մազմածին) հանքավայրեր

Բուն մազմատիկ հանքավայրեր

Կարբոնատիտային հանքավայրեր

Պեզմատիտային հանքավայրեր

Ցտմազմատիկ հանքավայրերի շարքը

1. Սկառնային (կոնտակտ-մետասոմատիկ) հանքավայրեր

2. էրսհալացիոն (հրաբխածին) և էրսհալացիոն-նստվածքային հանքավայրեր

3. Հիդրոթերմալ հանքավայրեր

3. Հիդրոթերմալ հանքավայրեր

Բարձրշերմաստիճանային հանքավայրեր

Միջինշերմաստիճանային հանքավայրեր

Ցածրշերմաստիճանային հանքավայրեր

Հիդրոթերմալ հանքավայրերի առաջացման չերմաստիճան-

ների և խորության շափանիշները

5

8

9

19

28

37

38

45

59

60

66

73

73

83

87

95

109

117

120

120

127

132

138

Վ. էմմոնսի զոնալ տեսությունը և նրա քննադատությունը	145
Բ. Արտածին հանքավայրեր	150
Հողմահարման հանքավայրեր	151
1. էլլուսիալ-դելլուսիալ ցրոններ	151
2. Մնացորդային հանքավայրեր	153
3. Ինֆիլտրացիոն հանքավայրեր	158
4. Սուլֆիդային հանքավայրերի օբսիդացման դոնա	160
Նստվածքային հանքավայրեր	170
1. Մեխանիկական նստվածքային հանքավայրեր	173
2. Քիմիկական նստվածքային հանքավայրեր իրական լուծույթներից	175
3. Քիմիկական նստվածքային հանքավայրեր կոլոիդալ լուծույթներից	180
4. Կենսաքիմիական նստվածքային հանքավայրեր	184
Գ. Մետամորֆածին հանքավայրեր	189
1. Մետամորֆացված հանքավայրեր	192
2. Մետամորֆիկ հանքավայրեր	194
Հանքայնացման տեղակայումը հսկող երկրաբանական գործոնները	196
Մետադանուրյան հիմունքները	206
Գրականուրյուն	212

ՀՅՎՀԱՆՆԵՍ ԳԵՎՈՐԳԻ ՄԱՂԱՔՅԱՆ

Օգտակար հանածոների հանքավայրերի
առաջացման պայմանները

Հրատ. խմբագիր Լ. Ս. Սարաֆյան
Գեղ. խմբագիր Հ. Ն. Գործակալյան
Տէիս. խմբագիր Լ. Կ. Հարությունյան
Սրբագրիչ Ա. Ա. Ավանեսյան

ИБ № 58

Հանձնված է շարվածքի 6. 01. 1981 թ.: Ստորագրված է տպագրության
22. 07. 81 թ.: ՎՖ 04609: Զափը 84×1081/32: Բուղթ Ն 1: Տառատեսակ
«Գրքի սովորական», բարձր տպագրություն: Պայմ. 11,35. տպագր. 13,5
մամուլ: Հրատ.—Հաշվարկ. 9,1 մամուլ: Տպաքանակ 1000: Պատվեր Ն 9:

Հրատ. Ն 5473: Գինը 1 լ. 65 կ.:

ՀԱՅՀ ԳԱ հրատարակություն, 375019, Երևան, Բարեկամության փ., 24 գ.
Издательство АН Арм. ССР, 375019, Ереван, ул. Барекамутян, 24 г.

ՀԱՅՀ ԳԱ հրատարակության տպարան, 375019, Երևան,
Բարեկամության փ., 24:

Типография Издательства АН Арм. ССР, 375019, Ереван,
ул. Барекамутян, 24.

2



A
65873

